

სულამ ჩაჩანიძე

სამხრეთის
დაჩუქვა





საქართველოს ეროვნული ბიბლიოთეკა

საქართველოს ეროვნული ბიბლიოთეკა

დოქტორი ი. ბერიძე
 დოქტორი ვ. ბერიძე
 დოქტორი გ. ბერიძე
 დოქტორი მ. ბერიძე
 დოქტორი ნ. ბერიძე
 დოქტორი ი. ბერიძე
 დოქტორი ვ. ბერიძე
 დოქტორი გ. ბერიძე
 დოქტორი მ. ბერიძე
 დოქტორი ნ. ბერიძე

«ნაკადები» თბილისი 1976 წ.

როდამ ჩაჩანიძე მწერალიცაა და მეზღვაურიც. ცნობილია მისი ნაწარმოებები: „თეთრი ხომალდი“, „ჩაძირული კუნძული“, „ლურჯი სეინერის კაპიტანი“, „გზა ნავსადგურისაკენ მიდის“, „მოაგარაკე ყმაწვილები“ და სხვ. იგი დღესაც ოკეანეშია და მეზღვაურულ ჭაპანს ეწევა. რა თქმა უნდა, გასაკვირი არცაა, რომ მის შემოქმედებაში საინტერესოაა წარმოდგენილი მეზღვაურთა რთული ცხოვრება.

ამ ახალ ფანტასტიკურ მოთხრობაში წყლისქვეშეთის ბუნება და ცხოველთა სამყარო ისე ნათლად და დამაჯერებლადაა დახატული, რომ ზღაპრული და განუხორციელებელი სულაც არ მოგეჩვენებათ ოკეანის ფსკერზე დატრიალებული ამბავი.

პირველი გამოცემა

© „ნაკადული“, 1976

4 70803—9 133— 76
M—603 (08)—76

საქართველოს
პარლამენტის
ეროვნული
ბიბლიოთეკა

K 262.701
3

კაპიტანი მაღალი, მოსული კაცი იყო. ოცდარვა-ოცდაცხრა წლისა თუ იქნებოდა. ეს ის ასაკია, როცა სახეზე ჯერ კიდევ არაა წაშლილი ბავშვობის დროინდელი უმწიკვლო ხაზები, მაგრამ კაპიტნის ლოყებსა და ღაწვებს, უკვე მოესწროთ ამ მშვენიერების ჩამორეცხვა.

კუშტი, დაძაბული სახე ჰქონდა. მოდის მიხედვით ბაკენბარდებიც მოეშვა და თითქმის ყურის ბიბილოებს უწევდა ჭადარაშერეული თმის სქელი ზოლი.

ის ახლა საწერ მაგიდასთან იჯდა, ბლოკნოტი გაეშალა. ჩასცქეროდა ციფრების დომხალს. გარეშე კაცი ვერც თავს გაუგებდა და ვერც ბოლოს, მაგრამ თვითონ ალბათ ყველაფერი კარგად ესმოდა, თვალები ციფრებიდან ციფრებზე მიუბრუნდა.

მერე თავი ასწია. კედელზე ლამაზი ქალისა და ერთი პუტკუნა ბიჭის სურათი ეკიდა. სწორედ მათ შეხედა, გაღიმებაც სცადა, მაგრამ მთლად ასე არ გამოუვიდა, ბიჭს თვალი ჩაუკრა და ბოგურასაკენ გამავალ კარს მიაშურა.

მძიმე კარი ნელა გამოაღო. სანამ ბოგურაზე შევიდოდა, საწერ რუკასთან თავდახრილ მეორე თანაშემწეს შეხედა.

— ირაკლი, ჩანაწერები როგორია?

— ჩინებული, ამხანაგო კაპიტანო. ეს დალოცვილი ძალიან ბარაქიანად წერს, მგონი, ქერის ორმოში ჩავვარდით.

კაპიტანმა შტურმანების ოთახი გაიარა, ბოგურაზე ავიდა. უკან მეორე თანაშემწეც მიჰყვა.

ბოგურაზე კი, ხმის ჩამწერ აპარატთან, ანძასავით წაგრძელებული აკუსტიკოსი ოთხად მოკეცილიყო.

ჩხირებად ქცეული ფეხები ჩამწერის შავი, გრძელი ყუ-



თისათვის შემოეწყო. თავი ეკრანზე დაეხარა ისე, რომ იგრძობა
ლი, ყვითელი ცხვირისწვერი მიწაზე ჰქონდა მიჭყლებილი.

კაპიტანმა რაღაც თქვა, მაგრამ აკუსტიკოსს არაფერი გა-
უგონია. კაპიტანმა გაიარა, ბოგურის ბოლოში მივიდა. აივან-
ზე გამავალ კართან შემობრუნდა, ისევ მწყობრი ნაბიჯებით
წამოვიდა. აკუსტიკოსთან ერთბაშად შედგა, ბეჭზე ხელი
დაჰკრა.

— შენ გეუბნები, მერაბ, კარგად წერს?

— თევზი ბლომადაა. ზუსტად ჩანაწერზე მივდივართ.

კაპიტანი რადიოსთან დადგა. დიდ, მასიურ წითელ ლილავს
თითი მძიმედ დააჭირა და ომახიანად ჩასძახა:

— მოამზადეთ ტრალი!

ორიოდე ნაბიჯით ფართო მინას მიუახლოვდა. მინის იქით
ოკეანის ლურჯი, უსასრულო ზოლი ჩანდა. დღევა არ იყო და
წყალიც ზეწარივით გადაჭიმულიყო. ახლად დაუთოებულ ამ
ლურჯ ზეწარზე სათევზაო გემებს მრუდე ხაზები გაჰყავდათ.

კაპიტანი კუშტად გაჰყურებდა უკიდევანო მიდამოს. წინ,
სულ ასიოდე მეტრის დაშორებით, ალბატროსებს ჰქონდათ
ერთი ყივყივი. გრძელ, განიერ წრეს არტყამდნენ. მერე ერთ-
ბაშად მოსწყდებოდნენ ცას და ოკეანეზე პიკირებით ვარდე-
ბოდნენ. ხუთიოდე წუთით წყალში უჩინარდებოდნენ. შემდეგ
კმაყოფილნი ისევ ზედაპირზე სოკოსავით ამოძვრებოდნენ და
კვლავ ცისკენ მიფრინავდნენ.

იცოდა ნაცადმა კაპიტანმა, რასაც ნიშნავდა ალბატროსების
ასეთი ნავარდი.

— მთლად გაგიჟდნენ, ალბათ თევზის დიდი ქარავანია.

თქვა მეორე თანაშემწემ. მას ჩიბუხი გაეჩაღებინა და კვამ-
ლსაც ბარაქიანად ყლაპავდა. ისეთ მაგარ ნაფაზს ურტყამდა,
რომ მთელი სახე ლურჯ კვამლში უჩინარდებოდა.

კაპიტანმა არაფერი თქვა, ისევ მივიდა რადიოსთან. თითი
წითელ ლილავს შეახო, თვალით მოზომა მანძილი, ალბატრო-
სების ქარავანს რომ აშორებდა, აკუსტიკოსს გახედა და ლი-
ლავს დააწვა.

— ტრალი ბორტს იქით! გაიგეთ? ჩააგდეთ ტრალი! — შე-
ბრუნდა და იმ კარს მიაშურა, ბოგურასა და მარჯვენა ფერდის
აივანს რომ აკავშირებდა. აივანი თითქმის სირბილით გალია

და უკანა ბოგურზე დადგა. აქედან კარგად ჩანდა უკანა ერთ-ერთ
ზე მოფუსფუსე მატროსები. დამქაჩთან ჩასკვნილი, ტონტრო
ანდრო გაბოშვილი იდგა. თავი ზევით აღმართა და ტროპი-
კული მზით დამწვარი სახე უღონო, ლიცლიცა სხივებისათვის
მიეშვირა. თავად მზე კი, დიდ, უზარმაზარ წითელ ბურთად-
ქცეული, უკვე ოკეანის ჩოგანზე იდო და საცაა, მეორე ნახე-
ვარსფეროში უნდა გაცურებულიყო.

ტრალი ნელა ეშვებოდა ოკეანეში. საღამოს სხივებში ლა-
მაზად ელავდნენ წითელი ბურთულები. ფოლადის გვარლი
კი უსიამოვნო, ღრჭიალით ტოვებდა ერდოს.

— რვაასი მეტრი!

დაიძახა კაპიტანმა.

— არის, რვაასი! — უპასუხა ანდრო გაბოშვილმა, — კარ-
გი ჩანაწერია?

კაპიტანს არ უპასუხია და არც ანდრო გაბოშვილს გასჩე-
ნია სურვილი, მეორედ დაესველებინა ენა.

— ნელა ჩაუშვით გვარლი!

— არის, ნელა! — კვლავ შესძახა გაბოშვილმა.

კაპიტანმა რკინის კიბე ჩაირბინა.

მეტრალეები მთელი დაძაბვით შრომობდნენ. მაღალი, მო-
სული ბიჭები იყვნენ. ჩაკუნთულნი, მზისგან გარუჯულები მძი-
მედ მოძრაობდნენ, მაგრამ თითოეულ ნაბიჯში იგრძნობოდა
სიმტკიცე და შეუვალობა. ხანდახან, როცა თვალებზე ჩამოდ-
ვენთილ ოფლს მარჯვენათი ჩამოიწმენდნენ, ერთ წუთს მათ
დადლილ გამოხედვასაც შენიშნავდით, მაგრამ ისე გულდაჯე-
რებით მუშაობდნენ, ამ მოქანცულ თვალებს ანგარიშს ვეღარ
გაუწევდით.

მათ თითქოსდა ყოველი მოძრაობა, გამოხედვაც კი, გათ-
ვლილი ჰქონდათ. არც ერთი ნაბიჯი არ იყო ზედმეტი, ხელის
არც ერთი გაქნევაც კი... ყველაფერი ემორჩილებოდა იმ
რთულსა და სახიფათო სქემას, რომელიც მეტრალისათვის
სტიქიურად იწერება.

ტრალი ოკეანეში გაუჩინარდა. ანდრომ დამქაჩი მუხრუჭზე
დააყენა და გემბანზე გამობაჯბაჯდა. ახლა მეტრალეებმაც მოი-
თქვეს სული.

— საამქროში თევზი არის კიდევ? — იკითხა კაპიტანმა.



— არც ერთი ცალი. ორმოცი წუთია უქმად ვდგავართხვამი
 თქვა ერთმა მატროსმა, კაპიტანთან ყველაზე ახლოს რომ იდ-
 გა და შარვალზე მოდებულ თევზის ქერცლს სველი ხელებით
 იშორებდა.

— ახლა ამოვა ბლომად, კარგი ჩანაწერია.

— ღმერთმა აგაშენოთ, უსაქმურობისაგან ლამის მთქნარე-
 ბა ამიტყდეს.

ეს უკვე გაბოშვილმა ჩაიბურღლუნა და კაპიტანს ალერსია-
 ნი მზერა ესროლა.

— თევზი იქნება, გულს ნუ გაიტეხთ.

— გულის გატეხა არც კი გვიფიქრია. თევზი ერთი უჭკუო
 არსებაა, ის დალოცვილი მოიქნევს კუდს და აქაა, კიდევ მო-
 იქნევს და ბალთას... მიდი და სდიე. ჩვენთან, იგოეთში, ერთი
 დაწრეტილი მდინარე არის. ხუთი ლიფსიტა ძლივს დახანხა-
 ლებს შიგა, იმათი ვერაფერი გავიგეთ და აბა ამ ოკეანისა
 თქვი, რამდენი ძაღლი და მამაძაღლია, მიდი და გაუგე!

გაბოშვილმა უშველებელი საჩვენებელი თითი შუბლზე
 მოისვა, მერე აიქნია და ოფლი იატაკზე ჩამოფერთხა.

— ასეა თევზის ამბავი. პაპაჩემი მეთევზე იყო... მთელს
 სოფელს ამარაგებდა, ისეთი დღეებიცა ჰქონდა, როცა ცა-
 რიელ-ტარიელი შუკაში გაილალებოდა, აქაოდა სოფლის ყბა-
 ში არ ჩავვარდო.

— ეე, რა მოხდა, კაპიტანო! ნახეთ, გვარლი როგორ მო-
 ფამფალდა. ნახეთ, კაპიტანო! ე, რა არი?

კაპიტანმა ფოლადის გვარლს ხელი ჩაავლო. დააწვა და,
 როცა გვარლი ადვილად დამორჩილდა, იატაკისაკენ დაიწია,
 გოცებულ მეზღვაურებს ახედა. კრინტიც არ დაუძრავს. და-
 ძაბულ სახეზე საფეთქლის კუნთები უკრთოდა მხოლოდ. თით-
 ქმის ერთი წუთი იდგა ასე. თუმცა მეზღვაურებს ეგონათ,
 მთელი საათი გავიდაო. მერე გვარლს ხელი უშვა, რკინის კი-
 ბეს მძიმე ნაბიჯებით აჰყვა და როცა სატრალო ბოგურაზე ავი-
 და, მხოლოდ მაშინ დაიხავლა:

— ამოიღეთ ტრალი!

მეზღვაურებს ეუცნაურათ კაპიტნის ხმა. ის არასოდეს ყო-
 ფილა ასე ჩახრინწული. იდგნენ და სატრალო ბოგურაზე ქან-
 დაკებასავით წამომართულ კაცს შეჰყურებდნენ.



— მაშ, ამოვიღოთ, არა? — ჩაიბურღლუნა გაბოშვილმა.

— რა ეშმაკი შეგიჯდათ! ნუთუ არ გესმით ჩემი ნათქვამი, აკი ვბრძანე, ამოათრიეთ-მეთქი!

შებრუნდა და ბოგურას მიაშურა. სანამ კარს შეაღებდა, მეორე თანაშემწე შემოეყარა.

— ამხანაგო ნუგზარ!

კაპიტანმა ხელი ჩაიქნია და კარი მძლავრად გამოაღო, ორ გრძელ ფეხზე ყანჩასავით წამოსკუბებულ აკუსტიკოსს გახედა.

— რამდენი კვანძია?

— თერთმეტი. ტრალი რომ ჩავაგდეთ, ათ წუთში სიჩქარე ექვს კვანძამდე დაეცა. ეჭვი არაა, ტრალი თევზით აივსო, სიჩქარე მიტომ დაეცა, სულ რვა წუთი მოვდიოდით ექვსი კვანძით. მერე, ყოველგვარი ბიძგის გარეშე, ტრალი დავკარგეთ და სიჩქარეც კვლავ გაიზარდა.

— გრუნტი როგორია?

— ჩინებული, ასფალტივითაა გადაჭიმული.

— მარჯნის ტყე არსად აღუნიშნავს?

— არავითარი, სულ სილაა. ზოგან ჩვეულებრივი ტყის ზოლი აჩვენა.

— ეგ არაფერი, ის ვერ გაწყვეტდა გვარლს, ჩართე ჩამწერი!

მერე მესაჭეს გახედა.

— ყურადღებით უსმინე ჩემს ბრძანებას. მარჯვნივ ერთი ბორტი!

საჭე მარჯვნივ შებრუნდა. შებრუნდა გემიც და ნელ-ნელა იწყო გავლილ კურსზე გასვლა.

— საჭე პირდაპირ, გეჭიროს ეს კურსი!

ხმის ჩამწერთან მივიდა. ხელებით შემოაბნელა ეკრანი და თავიც ხელებს შორის ჩარგო. ყურადღებით აკვირდებოდა გრუნტს. ყოველ მეტრს საქმის მცოდნე კაცის თვალით ზომავდა. ასე გრძელდებოდა მთელი ნახევარი საათი. ამ ნახევარი საათის განმავლობაში ბოგურაზე მყუდროება არავის დაუბრუნებია.

ანდრო გაბოშვილმა შემოაბოტა ღია კარიდან, ტუჩებზე მომდგარი სიტყვები ორჯერ ენის წვერზე დაიჭირა და მხო-



ლოდ უსიამოვნოდ ჩაახველა, მესამედ, როცა ჩამწერებანი მდგარმა კაპიტანმა თვალი გაუსწორა, ძლივს ამოღებულა!

— ჩვენი სანაქებო ტრალი დაიკარგა, კაპიტანო!

კაპიტანმა ყოველივე ეს ჯერ კიდევ ორმოცი წუთის წინ იცოდა. სახეზე ერთი ნაკვთიც არ შეტოვებია. კართან უხერხულად მდგარ მეზღვაურს გამგმირავ მზერას არ აშორებდა. ფიქრებით კი სულ სხვაგან იყო.

— ჰო, ასეა, სანაქებო ტრალი დაიკარგა...

ტკეპნიდა გაბოშვილი და რატომღაც ასე ეგონა, ის ღიდი მენი, რომელიც ახლა გემზე იმუხტებოდა, მას თავზე უნდა დაცემოდა.

— ღმერთმანი, არ ვიცი, რა მოხდა. ასე კი დაგვემართა და. რა ტრალი დავკარგეთ!

— გაჩუმდი, — თქვა ხმადაბლა კაპიტანმა, — გეარლი რამდენი ამოჰყვა?

— ორასი მეტრი ამოჰყვა. ექვსასი მეტრი დაიკარგა. ისე კოხტადაა გადაჭრილი, გეგონებათ, ეს საქმე ფოლადმჭრელმა მაკრატელმა გააკეთაო. სწორედ ისეა, როგორც ადრე...

კაპიტანმა მზერა მოაშორა მეზღვაურს და ახლა ფართო მინას გახედა.

— სწორედ ისეა. არც დარტყმა ყოფილა...

ბოგურაზე პირველი თანაშემწე შემოვიდა. შუახანს მიღწეული ჭაღარა, სიმპათიური კაცი. ხელში ელასტიური, გრძელი ჯოხი ეჭირა. თავი და ბოლო მუშტებში მოექცია. მოღუნავდა, რაღაც კვერცხისებურ ელიფსს გამოკვეთდა და ისევ შლიდა. ეს საქმე ართობდა, თუ გულს აყოლებდა, ძნელი სათქმელი იყო. იგი მინასთან დადგა. ჩაახველა, აქაოდა მეც აქა ვარო. ანდროს შეხედა.

— მაშ დაიკარგა, არა?

გაბოშვილმა პირი დააღო, რაღაც უნდა ეთქვა. კაპიტანმა მაშინვე იგრძნო, რასაც იტყოდა მისი მეზღვაური და ხელით ანიშნა გაჩუმება ჯობიაო.

— თქვენ რას ფიქრობთ? მითხარით თქვენი აზრი!

კაპიტანი პირველი თანაშემწისაკენ შებრუნდა და თვალი თვალში გაუყარა.

პირველმა თანაშემწემ ჩაახველა.



— მე ვფიქრობ, რომ... საოცარია, თვითონ ვნახე, გვერდის ესეა გადაჭრილი, რომ იფიქრებთ ეს საქმე ბასრმა მაკრატელმა გააკეთაო. იქ რაღაც ხდება.

პირველმა თანაშემწემ თითი ოკეანისაკენ გაიშვირა.

— გიორგი, ასე უმწეო არასოდეს ვყოფილვარ. ვერაფერი გამივია.

კაპიტანი შტურმანების ოთახისაკენ წავიდა. პირველი და მეორე თანაშემწეც მიჰყვა. მათ გაიარეს შტურმანების ოთახი და კაპიტანის კაიუტაში შევიდნენ.

— ეს მეოთხე ტრალი დავკარგეთ. თანაც რა დროს, როგორც იყო თევზი გამოჩნდა... გეგმას ვერ ვასრულებთ. მთელი იმედი ამ დღეებზე მქონდა. ახლა ვფიქრობდი საქმის გამოსწორებას.

კაპიტანი კედელში შედგმულ კარადასთან გაჩერდა. ზედა კარადის კარი გამოაღო. თეთრი, კრიალა მაცივარი გამოჩნდა. მაცივრის კარიც გამოაღო, იქიდან ვისკი და ლითონის სამი პატარა ჭიქა გამოიღო. ჭიქები მარცხენა ხელის თითებში ეკავა, ვისკი მარჯვენაში. ჭიქები ხმაურით დაყარა მაგიდაზე. მერე კბილებით ბოთლს საცობი ამოაძრო, ვისკი დაასხა.

— დალიეთ, გულზე რაღაც მომაწვა. იქნებ ამ ცეცხლმა გაანელოს.

— ცეცხლი ცეცხლის წინააღმდეგ, — ჩაილაპარაკა პირველმა თანაშემწემ, — მართლაცდა საოცარი საქმე დაგვემართა. ზედმეტია ლაპარაკი, რომ მარჯნის ტყეს გადავუარეთ.

— მაშინ ხომ მაგარ ბიძგსაც ვიგრძნობდით, — თქვა მეორე თანაშემწემ.

— აქ საერთოდ არაა მარჯანი, სიტყვა მოუჭრა კაპიტანმა და პირველმა თანაშემწემაც მაშინვე იკითხა:

— მაშ, რა უნდა იყოს?

— ეშმაკის ხელი ურევია, — მეორე თანაშემწემ გადაჰკრა, ჭიქა მაგიდაზე დადგა და კაპიტანს შეხედა.

— შარშანაც იყო რამდენიმე ასეთი შემთხვევა. შარშან მე ხომ ამ რაიონში ვმუშაობდი. თქვენ ჩვენთან არ ყოფილხართ.

— მე შარშან წყნარ ოკეანეში ვიჭერდი.

— ჰო, თქვენ იქ იყავით. შარშანაც იყო რამდენიმე შემთხვევა. აქეთ ეცნენ, იქით ეცნენ. რა არ იღონეს, მაგრამ ვერა-

ფერი გაარკვიეს და ისევ თავი დაანებეს. ეშმაკის ხელაღრთვა.
ვია.

— რა ეშმაკი შეგიჩნდა, რომელ ეშმაკზე ამბობ! ხალხი თავს ვიტყბთ, რა ჭირი აგვტეხია-თქო, შენ კი ეშმაკსა და მღვდელს დასდევ.

პირველმა თანაშემწემაც გადაკრა.

— ხალხო, იმას კი არ ვიძახი, ციდან მიქელ გაბრიელი ჩამოსულიყოს ჩვენი ტრალის წასაღლეტადა. არა, ძმაო... ამოდენა ოკეანეა, მიდი და კაკალი უყარე, ბიჭი ხარ და გაიგე, ვინ ცხენით ნავარდობს და ვინ კიდევ ვირითა. იქნებ რაიმე ცხოველია და ჩვენს ტრალს ყლაპავს თავის გვარლიან რძალ-დედამთილიანად.

კაპიტანმა კედელზე გაკრულ ქალთევზას სურათს შეხედა.

სურათი დიდი იყო, კარადის გვერდით ეკიდა, ქალთევზა თითქოსდა დიდ, უშველებელ ლოდზე იწვა. ძუძუები ლოდზევე დაეწყო, ხოლო თევზის ქერცლიანი კუდი წყლისკენ დაეხარა.

კაპიტნის მზერას უნებლიეთ კიდევ ორი წყვილი თვალი გაეკიდა.

— ეს სურათი ამ სამი წლის უკან მაჩუქა ჰიბრალტარში ერთმა შიპშანდლერმა, მისტერ ვილიმ. ეს ასლია, დედანი ანდალუზიაშია, ლენტეხიასას მთებში. აქ ერთ-ერთ უძველეს გამოქვაბულში მიაკვლიეს კედელზე მიხატულ ამ მადონას. მხატვრის ვინაობა, რასაკვირველია, არავინ უწყის. არც ის იციან, ვინ იყო „ნატურშიცა“... ანდა საერთოდ იყო თუ არა... იქნებ იმ პირველყოფილი კაცის ფანტაზიის ნაყოფია, გაცელებული რომ უყურებდა სამყაროს?

კარზე დააკაკუნეს.

შემოვიდა ერთი გამხდარი, გაღუული, დაბალი ყმაწვილი. დაღლილი სახე ჰქონდა. ცისფერი, ნაღვლიანი თვალები.

— ამხანაგო კაპიტანო, თათბირი იწყება, — თქვა მან უსიამოვნო, ჩახრინწული ხმით და პასუხისათვის არც კი მოუცდია, ისე გაიჯახუნა კარი.

— წავედით! — თქვა კაპიტანმა და დერეფანში გამავალ კარს მიაშურა. უკან თანაშემწეები მიჰყვნენ.

ვიწრო დერეფანში გავიდნენ. დერეფანი სუფთა იყო.

კრიალა. ნაცრისფერი პლასტიკატის კედლებს სულ ქათქათა უდიოდა.



შტურმანთა ოთახის გასწვრივ მდებარე კარი შეაღეს. რადიოკვანძში ორი ახალგაზრდა იჯდა. ერთი შალალი, ჩაკუპატებული კაცი, ყოველი მოძრაობისას რომ სასაცილოდ ოხრავდა. მეორე ის გალეული ყმაწვილი, კაპიტანს რომ თათბირის დაწყება შეახსენა.

კაპიტანი მისთვის განკუთვნილ სავარძელში ჩაჯდა. ფეხები ერთმანეთზე გადააწყო და მსუქან კაცს გახედა.

— ჯერ არ დაწყებულა, ივან ივანიჩ?

ივან ივანიჩმა რადიო გადართო, საყურეები მოიხსნა.

— იწყება, ამხანაგო კაპიტანო!

თანაშემწეები გრძელ სკამზე ჩამოსხდნენ, სკამი მართლაც ძალიან გრძელი გახლდათ. მთელი კედლის გასწვრივ ვაჭიშუღიყო. ზედ ათასნაირი ტექნიკური ხარახურა ეყარა, მაგრამ იმდენი ადგილი მაინც დარჩენოდათ, რომ ხუთიოდე კაცი მოთავსებულყო.

კაპიტანი იატაკს დაჰყურებდა. რალაცაზე გულმოვიგნედ ფიქრობდა, ამიტომ რადიოში პირველი სიტყვები რომ გაისმა, ვერაფერი გაიგო.

კაპიტანი შეიშმუშნა, სავარძელში შესწორდა და სწორედ ამ დროს რადიოს უფროსმა მიკროფონიც მიაწოდა.

რეპროდუქტორი კი გადმოსცემდა:

გამარჯობათ, ამხანაგო კაპიტნებო, ვიწყებთ ჩვენს მორიგ თათბირს. ლაპარაკობს „ჰერკულესი“. „ჰერკულესი“ უკანასკნელი ოთხი საათის განმავლობაში მუშაობდა ოთხმოცდამეათე კვადრატში. ბოლო თათბირის შემდეგ სამჯერ ჩავაგდეთ ტრალი. პირველად ამოვიღეთ 15 ტონა თევზი, მეორედ — 17, მესამედ — 3 ტონა. ძირითადად ჭიჭყინა, სამიოდე ტონა კარჩხანა. ეს არის და ეს... სიტყვას ვაძლევთ შემდეგს.

შემდეგი კი „ათანასე ნიკიტინი“ იყო. ამ გემზე კაპიტნად ბორის შუვალოვი მუშაობდა. საშუალო სიმაღლის, გამხდარი ჭაბუკი. ბორისს მოკლე ლაპარაკი უყვარდა და არც დღეს უღალატია წესისათვის.

მის მერე „ნადირმა“ ილაპარაკა, „ნატალია კოვშოვამ“, „გურიამ“, „ქართლმა“. მერე საუბარში ბულგარელების გემი „ალბატროსი“ ჩაერთო.



— „ალბატროსი“ მუშაობდა ოთხასმეთოთხმეტე კვადრატში, — დაიწყო მისმა კაპიტანმა ილია ვაზოვმა, — მოვასწარიტ ტრალის ჩაგდება. პირველად ამოვიღეთ 11 ტონა თევზი, ჭიჭყინა და წითელი კარჩხანა; შიგადაშიგ შავი კარჩხანაც ერია, ძალიან ცოტა.

ოთხასმეთოთხმეტე კვადრატიდან წავედით ჩრდილოეთით. თან მიგვექონდა ტრალი. ოთხასმეცხრე კვადრატზე გავლისას, ოკეანეში უცბად გაუჩინარდა ტრალიცა და 700 მეტრი გვარლიც. გვარლი გადაჭრილია ბასრი იარაღით. გემს კი არავითარი დარტყმა არ უგრძენია.

ვერაფერი გაგვიგია, ბოლოს და ბოლოს რა ხდება 409 კვადრატში?! ეს უკვე მერამდენე შემთხვევაა.

ახლა ახალ გვარლს ვახვევთ დამქაჩზე — ვამზადებთ ახალ ტრალსაც. ეს საქმით დროს წაგვართმევს. „ალბატროსს“ მეტი სათქმელი არა აქვს.

კაპიტანი მთელი ყურადღებით უსმენდა „ალბატროსის“ პატაკს, როცა ილია ვაზოვმა საუბარი დაამთავრა, ნუგზარმა სიგარეტი მოითხოვა. ივან ივანიჩმა გაიკვირვა, მაგრამ საესე კოლოფი მაინც გაუწოდა. სანამ თათბირს „ტოლბუხინის“ კაპიტანი მოახსენებდა, ნუგზარმა სიგარეტს მოუკიდა, შეორე თანაშემწეს შეხედა.

— მაშ, შარშანაც იყო ასეთი შემთხვევები?

— იყო, როგორ არა, ამხანაგო ნუგზარ. ჩვენც დავკარგეთ რამდენიმე ტრალი. თუმცა მაშინ ეს ამბავი ასე ხშირად არ ხდებოდა. როგორც მახსოვს, მთელმა ფლოტმა სულ, მგონი, ათამდე ტრალი დაკარგა.

კაპიტანმა თავი დაიქნია. მიკროფონი სწრაფად აიღო, ეთერში ახლა „ივერია“ უნდა გასულიყო.

ნუგზარმა ხმა ჩაიწმინდა და მშვიდად დაიწყო:

— ლაპარაკობს „ივერია“, „ივერია“ ლაპარაკობს! თხუთმეტი წუთის წინ გავიარეთ ოთხასმეცხრე კვადრატი. „ალბატროსს“ კარგად ვხედავდით. იგი ჩვენგან ნახევარი მილის დაშორებით მიცურავდა. ვფიქრობ, ტრალი სავსე იყო, სიჩქარე ექვს კვანძამდე დავარდა. ის იყო ტრალის ამოღება დავაპირეთ, რომ გვარლი მოფამფალდა, გემმაც სიმსუბუქე იგრძნო და სიჩქარეც 11 კვანძამდე გაიზარდა.



გავეცით ბრძანება ტრალი ამოეღოთ. ტრალი და ტრალი ტრი სიგრძის გვარლი დავკარგეთ. გვარლი გადაჭრილია ფოლადსაჭრელი ბასრი იარაღით. ვერ დავიჭერებ, ოკეანის რომელიმე ცხოველმა შეძლოს ეს. აქ ადამიანის ხელი ურევია. ხომ არ მოქმედებს რომელიმე ქვეყნის წყალქვეშა დივერსია?... მე ამაზე სერიოზულად ვფიქრობ. ჩემი მეორე თანაშემწე მიმტკიცებს, ასეთი რამ სამხრეთ აფრიკის ნაპირებთან შარშანაც ხდებოდაო. ნუთუ შეუძლებელია იმის დადგენა, რა ხდება ოთხასმეცხრე კვადრატში?

მაოცებს ერთი რამ, აკუსტიკურ ხელსაწყოებს არ აღუნიშნავთ არც წყალქვეშა კლდეები, არც მარჯნის ტყე, არც სხვა რაიმე საეჭვო...

ამხანაგო ზურაბ, ვფიქრობ, თქვენ, როგორც რეწვის უფროსმა, დაუყოვნებლივ უნდა მიიღოთ საჭირო ზომები. ეს უკვე მეცხრე შემთხვევაა, დღეს კი ორმა გემმა ერთად დაკარგა ტრალიცა და გვარლიც. ბოლოს და ბოლოს ანკესით ხომ არ დავიწყოთ თევზის ჭერა?

ნუგზარი უკვე თავს ვერ იმორჩილებდა. ხმა ბრაზიანი ჰქონდა, სახეზეც წამოწითლებულიყო. როცა მიკროფონი დადო, შვებით ამოისუნთქა, თითქოსდა მძიმე ტვირთი მოეხსნას, ცხვირსახოცი ამოიღო და ოფლით დაცვარული შუბლი ქოიწმინდა. ივან ივანიჩს თვალთ ანიშნა, წყალი მომაწოდეთ.

ივან ივანიჩმა ლითონის ბადურაში ჩადგმული გრაფინი აუჩქარებლივ ჩამოხსნა. მეორე ბადურიდან ჭიქა ამოიღო. გულთანად გამორეცხა, სანახევროდ შეავსო და კაპიტანს მიაწოდა.

— კარგად უთხარით, — თქვა პირველმა თანაშემწემ.

კაპიტანმა წყალი მოსვა, ჭიქა იქვე, რადიოს გვერდით დადგა და ხელში კვლავ მიკროფონი აიღო. რეპროდუქტორში რეწვის უფროსის დაგუბული ხმა ისმოდა:

— ამხანაგო ნუგზარ, მესმის თქვენი გულისწყრომა. რასაკვირველია, ჩვენ ყველას გესურს, ვიცოდეთ, რა ხდება ოთხასმეცხრე კვადრატში, მაგრამ იმ ტექნიკური საშუალებით, რაც აქ მომუშავე ფლოტს ხელთა აქვს, ეს შეუძლებელია. ეჭვი წყალქვეშა დივერსიაზე ჩვენც გვექონდა, მივმართეთ დაინტერესებულ ქვეყნებს. ისინიც გაოცებულნი არიან... მე ველა-



პარაკე მთავარ სამმართველოს. გამოვიტხოვე წყალქვეშაში სპედიცია. სწორედ რამდენიმე საათის წინ ბათუმიდან მივიღე რადიოგრამა, ექსპედიცია უკვე მოდის. ჩვენსკენ მოცურავს გემი „გეოლოგი“. როგორც ვიცი, ყოჩალი წყალქვეშელები ჰყავთ, უნდა დაველოდოთ „გეოლოგს“. მანამდე კი, გვირძალავთ ოთხსამეცხრე კვადრატში ტრალით გავლას. დაიხსომეთ, ამხანაგებო, ოთხსამეცხრე კვადრატში ტრალით ნუ გაივლით! მოვერიდოთ ამ დაწყევლილ ოთხსამეცხრეს. მოვერიდოთ, სანამ საიდუმლოს ფარდა არ აეხდება.

მეტი საკითხი თუ აღარაა, თათბირი დამთავრებულია. წარმატებას გისურვებთ!

— გამომიძახეთ „ალბატროსის“ კაპიტანი! — უთხრა ნუგზარმა რადიოს უფროსს და ჭიქაში დარჩენილი წყალი შესვა.

ივან ივანიჩმა მიკროფონი აიღო, ღილაკს თითი დააჭირა.

— „ალბატროსი“, „ალბატროსი“, მე „ივერია“ ვარ, სთხოვეთ თქვენს კაპიტანს, კაპიტანს თხოვეთ მიკროფონთან.— იმავე წუთში ილია ვაზოვის ხმაც გაისმა:

— კაპიტანი ვარ, გისმენთ „ივერია“.

ივან ივანიჩმა მიკროფონი ნუგზარს გადააწოდა. თვითონ ცარიელი ჭიქა აიღო და ისევ ბუდეში ჩაღო. კაპიტანმა მიკროფონი გახსნა.—ილია დიმიტრიჩ, ხომ არ შეგიძლიათ უფრო კონკრეტულად გვითხრათ, რა პირობებში დაკარგეთ ტრალი? ეს ჩემთვის მეტად საინტერესოა.

„ალბატროსის“ კაპიტანმაც არ დააყოვნა.

— ნუგზარ გეორგიევიჩ, როგორც ვთქვი, ოთხსამეცხრე კვადრატზე ტრალით მივცურავდი. მე ბოგურაზე ვიდექი, ჩანაწერებს ვაკვირდებოდი. ეჭვი არ მეპარებოდა, რომ პირთამდე სავსე ტრალს ამოვათრევდით ერდოზე. ერთბაშად ვიგრძენი, რომ გემმა სვლას უმატა, მრიცხველთან მივედი, ათნახევარ კვანძს უჩვენებდა.

მაშინვე მივხვდი, რომ ტრალი ოკეანის ფსკერზე დარჩენილიყო. საოცარი ის იყო, რომ ყოველივე ეს მოხდა რაიმე ბიძგის გარეშე, მცირედი რყევაც კი არ გვიგრძენია. თქვენი არ იყოს, მეც ვფიქრობ ამ სასწაულზე. მართლაცდა სასწაულია, ვერაფერი გამირკვევია. რჩება ერთადერთი გამოსა-

ვალი, მოთმინებით დაველოდოთ „გეოლოგს“. „გეოლოგს“
გაარკვევს ყველაფერს.

— დიახ, ეს ასეა, მაგრამ სანამ „გეოლოგი“ ჩვენამდე მოა-
ღწევდეს, სულ ცოტა, სამი კვირა მაინც გაივლის. ეს არც თუ
ისე ცოტა დროა...

— რას იზამთ, ნუგზარ გეორგიევიჩ, არის მოვლევები,
რომელთა წინაშეც ჩვენ უბადრუკნი ვართ. ასეა ახლაც. სხვა
ხომ არაფერი გჭირდებათ?

— არაფერი, ეს მაინტერესებდა.

— მაპატიეთ, თუ თქვენი ცნობისმოყვარეობა მთლად ვერ
დავაკმაყოფილე.

— კარგად ბრძანდებოდეთ, ილია დიმიტრიჩ. ვუბრძანებ
საკუთარ თავს, რომ ნებისყოფით აღვიჭურვო. წარმატებებს
გისურვებთ, მალე აგეწყოთ ახალი ტრალი.

კაპიტანმა გაიარა. მერე მეორე თანაშემწის წინ შეჩერდა.

— შარშან თუ გამოიძახეს წყალქვეშელები, ირაკლი?

მეორე თანაშემწე წამოდგა, — ხელები შარვალზე დაისვა,
გაიჭიმა და ხმადაბლა თქვა:

— არა, შარშან აქამდე არ მისულა საქმე. მაშინ რატომღაც
ტრალები სხვადასხვა კვადრატში იკარგებოდა. ახლა ამ დაწ-
ყველილ ოთხასმეცხრეს მოადგა, აქაოდა, ცური აგვსებია და
უნდა მოგწველო.

კაპიტანმა კიდევ გაიარა. ილუმინატორთან დადგა.

— მაშ, აქამდე არ მისულა საქმე, არა?

— ჰო, ეგრე იყო. თვეში ერთხელ-ორჯერ ფანდურს სიმი
გაუწყდება, მეფანდურე იტყვის, ჯანი გავარდესო.

— არავის მოსვლია აზრად წყალქვეშელების გამოძახება?

— არავის. ის კი არა და, ბევრსაც ხუმრობდნენ — ზვი-
გენებმა ტრალის ყლაპვა ისწავლესო. გეორგიევიჩ, წყალქვეშა
მეკობრეები ხომ არ გაჩნდებოდნენ, ჰა, რას იტყვიო?

კაპიტანმა კარი გამოაღო და მთელი დერეფანი დაღურსმ-
ნული ფეხსაცმელის ბრაზუნით გაიარა. როცა ფეხის ხმა მიწ-
ყდა, მეორე თანაშემწემ ხელი ივან ივანიჩისაკენ გაიშვირა.

— ივან ივანიჩ, ერთი მომაწევინე, შენს გახარებას.

სიგარეტი სქელ ტუჩებშიშორის მოიქცია.

— ხასიათზე ვერაა ჩვენი კაპიტანი.



შუალამე დიდი ხნის გადასული იყო, როცა კაპიტანი ვეფხვი
 როსი თანაშემწე გააფრთხილა, ორ საათში გამაღვიძეო და დი-
 ვანზე გაუხდელად მიწვა.

წყნარი, ტროპიკული ღამე გახლდათ. ცა ვარსკვლავებით
 იყო მოჩახჩახებული. ქარი არ უბერავდა და ოკეანეც ნელა
 სუნთქავდა.

ვეფხვი დრეიფზე იდგა. ახლომახლო არც ერთი სხვა ვემი
 არ ჩანდა. მესაქეს თავი ხალვათად ეგრძნო. ჩვარი აედო და მი-
 ნებს ასუფთავებდა. დროდადრო ჩვარს ცხელ წყალში ასვე-
 ლებდა. მინებს გარედან იმდენი მარილი მოსდებოდა, რომ
 ცხელი წყლითაც კირდა მოშორება.

ზუსტად ორი საათის შემდეგ უფროსი თანაშემწე კაპიტნის
 კაიუტაში შევიდა. კაპიტანი გულიანად ხვრინავდა. უფროს
 თანაშემწეს დაენანა და კაიუტა ფეხაკრეფით დატოვა. როცა
 ბოგურაზე დაბრუნდა, მესაქე ცხელ წყალში ჩვარს რეცხავდა.

— უკანა ერდოზე ვიქნები. თუ სასწრაფო რაიმე იყოს,
 რადიოთი გამომიძახე.

— გასაგებია, იური ანდრეევიჩი, — უთხრა მესაქემ, ჩვარი
 ვედროდან ამოიღო და ცხელი წყალი მინას შეასხურა.

უფროსი თანაშემწე აივანზე გავიდა. თხელი ხალათი ეცვა
 და შესცივდა კიდეც. პიჯაკისათვის შემობრუნება დაეხარა.

უკანა ერდოზე ორი ათასსანთლიანი ნათურა ანთოთ. მე-
 ტრალეებს გაეშალათ კაპრონის ბადეები, წითელი, შავი და თე-
 თრი ბურთულები, საკემსავეები, კაპრონის მორგვები. დამქაჩ-
 თან გვარლის უზარმაზარი კოჭები დაედგათ, გვარლს აწვევდ-
 ნენ დამქაჩზე. მთელი ეს საქმიანობა სრულ სიჩუმეში მიმდი-
 ნარეობდა, თითქოსდა ტაბუ დაედოთო, ხმას არავინ იღებდა.

თანაშემწე თვალებით ტრალის უფროს ოსტატს დაეძებდა.
 როცა იმ წუთში ტრალის უფროს ოსტატს ეშმაკის საბანი გა-
 დაეფარა, გაბოშვილს ხელით ანიშნა, სად არისო. გაბოშვილ-
 მაც ხელითვე განუმარტა: აი, იქაო. უფროსმა თანაშემწემ გა-
 იხედა და ტრალის მოზრდილ მორგვზე თავმიდებული მიშა
 დუდინი შენიშნა. იქით წავიდა, მაგრამ გაბოშვილმა უჩუბ-
 ჩულა:

— არ გააღვიძოთ, მთელი ღამე არ დაუძინია, თხუთმეტი
 წუთით ჩათვლიმა თვალის მოსატყუებლად.



გამხდარ, გაწლიკვულ დუდინს ნათურა პირდაპირ დაკუთვნილი რებდა. სახე ოფლით ჰქონდა დაცვარული. მეზღვაურის ფნი-
ზელი ძილით ეძინა.

უფროსმა თანაშემწემ ერდოზე მიგდებული ლაბადა აილო. ფრთხილად დაფერთხა და შემდეგ ტრალის ოსტატს წააფარა.

- სანამ არ დაგჭირდებათ, ნუ გააღვიძებთ.
- თვითონვე გაიღვიძებს, — უპასუხა გაბოშვილმა.
- ეს უფროსმა თანაშემწემაც კარგად იცოდა. აბა ის მეზღ-
ვაური რა მეზღვაურია, ძილს რომ თავს ვერ წაართმევს.
- რამდენ ხანში გვექნება ტრალი?
- გაბოშვილმა გაიღიმა.
- ორ საათში ჩავაბარებთ.
- რაო?!
- ორ საათში.
- მართლა?
- პირობას გაძლევთ.
- მაშინ, იცი რა, ერთ ლიტრა ვისკის ჩამოვდივარ.
- სიტყვა სიტყვაა, იური ანდრეევიჩი.
- განა ოდესმე გამიტეხია?
- იმედი მაქვს, არც ახლა გატეხთ. შეგიძლიათ წახვიდეთ
და წაიძინოთ, ორ საათში კი, ვისკით მობრძანდით.

უფროსი თანაშემწე რკინის კიბეს აჰყვა, სატრალო ბოგუ-
რასთან შეჩერდა, შემობრუნდა და უკანა ერდოს გახედა.

მეტრალეები ისევ ისე, აბრეშუმის ჭიასავით უხმაუროდ
აკეთებდნენ თავიანთ საქმეს. დუდინს კვლავ ტრალის მორ-
გვზე ედო პატარა, გამხდარი თავი. სხვები კიდეც კემსავდნენ,
ბურთულებს ამაგრებდნენ, უხმაუროდ დადიოდნენ და ამ ჩუ-
მი შრომის მოწმენი სამხრეთ ნახევარსფეროს კაშკაშა ვარს-
კვლავები და ორი ათასსანთლიანი ნათურა იყო.

— კაპიტანს ხომ არ გაუღვიძია? — იკითხა უფროსმა
თანაშემწემ ბოგურაზე.

მესაჭემ თავი დაიქნია.

უფროსი თანაშემწე კაპიტნის კაიუტაში შევიდა. ნუგზარი
სარკესთან იდგა და თმას ივარცხნიდა.

— ყველაფერი წესრიგშია, ნუგზარ გეორგიევიჩი. ისევ
ვდრეიფობთ. ნახევარი მილის რადიუსში არც ერთი გემი არ

R 262.701
3

ს ა ძ ა რ თ ვ ე ლ ო ს
ვ ა რ ლ ა მ ე ნ ტ ი ს
ე რ ო ვ ნ უ ლ ი



ჩანს. დინებამ ცოტა ჩრდილოეთისაკენ წაგვიღო. ახალი ორ საათში იქნება მზად.

კაპიტანი შემობრუნდა.

— რა თქვი?

— ორ საათში. მე მათ ერთ ვისკის შევპირდი, თუ სიტყვას არ უღალატებენ.

კაპიტანი შეიშმუშნა, მაგრამ არაფერი უთქვამს. ბოგურაზე გავიდა. მესაქე ღია მინიდან ბაკის მხარეს გამძვრალიყო, საგულდაგულოდ ასუფთავებდა მინებს.

კაპიტანმა მინაზე ბეჭდიანი თითით დააკაკუნა.

მესაქე მაშინვე შემოძვრა.

— მანქანები მოამზადონ!

— გასაგებია, — ჩაიღუღლუნა მესაქემ და რადიოგადამცემისაკენ წავიდა.

— მე უკანა ერდოზე ვიქნები, — დაუძახა ღია კარიდან კაპიტანმა, — იური ანდრეევიჩ, თქვენ ბოგურაზე დარჩით.

მაგრამ კაპიტანი უკანა ერდოზე არ ჩასულა. სატრალო ბოგურაზე დადგა და აქედან გადახედა მეტრალეებს. დუდინი ახლა... მაღალი, გამხდარი დუდინი, ხის მეტრიანით ტრალს ზომავდა. თვითონაც მეტრიან ნაბიჯებს ადგამდა.

— მიშა!

დუდინმა ამოიხედა. კაპიტანს გულკეთილად გაუღიმა და ხელით ანიშნა, ყველაფერი რიგზეაო. კიდევ ორჯერ შემოუარა ახალ ტრალს და მერე ბოგურაზე ავიდა.

— იმაზე ნაკლები ტრალი არ იქნება, კაპიტანო!

— უფროსი თანაშემწე ბიჭებს ერთ ბოთლ ვისკის შეპირებია, ერთსაც მე ვუმატებ. ტრალს ჩავაგდებთ თუ არა, ჩაცეცხლეთ და მერე დაიძინეთ. ეშმაკებთან წასულხართ ზიარებისათვის, ნამდვილი ქაჯები ხართ.

დუდინი იღგა დაღლილი, — ცისფერი, ნალვლიანი თვალები უკანა ერდოსაკენ მიეპყრო.

— ცოტა ვისკი არ გვაწყენს, ბიჭებს თვალიც არ მოუხუჭავთ.

— ოქრო ბიჭები გვყავს, დუდინ! მათთან ჭირიცა და ლხინიც სასიამოვნოა.

დუდინმა სიგარეტი ამოიღო.

— ხომ არ მოწყვეტ?

— გმადლობთ.

კაპიტანმა როგორც იყო ერთი ღერი ამოაძრო. დუდინმა სანთებელას ჩამოჰკრა, კაპიტანს გაუწოდა. მაგრამ კაპიტანმა სიგარეტი გულის ჯიბეში ჩაიღო და მიშამაც მხოლოდ თავისას მოუკიდა.

— ბიჭებს ვერ დავემდურები. შვიდი წელი მურმანსკის ფლოტში ვნაოსნობდი. იქ ხომ ძველი, ტრადიციული მებაღურები არიან. იქაც არ შემხვედრია ასეთები. ამას გულწრფელად მოგახსენებთ, კაპიტანო.

კაპიტანს ტუჩებზე ძუნწი ღიმილი გაექცა. შებრუნდა და მოთენთილი ნაბიჯებით ბოგურისაკენ წავიდა.

დუდინი ახლა მარტო იდგა ბოგურაზე. გაჰყურებდა გრძელ აივანზე ზანტად მიმავალ კაპიტანს და ტუჩებზე თბილი ღიმილი არ შორდებოდა.

როცა ახალი ტრალი ჩაუშვეს, უკანა ერდოზე ერთი ფაციფუცი იყო. ყველაზე მეტს გაბოშვილი ღრიალებდა. ხელში სოლარით მოსვრილი მიშა დუდინის ქუდი ეკავა და ჰაერში იქნევდა. თევზის საამქროში კაცის ჭაჭანება არ იყო. ყველანი ზევით ამოსულიყვნენ, მეტრალეებს შერეოდნენ და მათთან ერთად ღრიალებდნენ. ამ ორგის ცენტრში მიშა დუდინი იდგა. ყველამ იცოდა მიშას ხელის ფასი. იცოდა, რომ დუდინი ტყუილად არ გატეხდა ღამეს და ის ტრალი, ახლა რომ ოკეანეში გაუჩინარდა, მალე ზედაპირზე ძეხვივით გატიქნული ამოცურდებოდა.

ორი საათი მიდიოდნენ ნეკის სიმსხო ჩანაწერზე. მერე სიჩქარე დავარდა და კაპიტანმა ტრალის ამოღების ბრძანებაც გასცა. დამქაჩმა ოცდახუთ ტონამდე თევზი ძლივს მოათრია უკანა ერდომდე. აქ ამ გიგანტურ ძეხვს გახურებული მეზღვაურები ეძვერნენ.

სალამოს თათბირის შემდეგ ნუგზარი რეწვის უფროსმა გამოიძახა რადიოსთან.

— ნუგზარ, თქვენ ყველაზე მეტად დაზარალდით ოთხას-

მეცხრე კვადრატში. ჩემი თხოვნაა, „გეოლოგის“ მოსვლამდე თითოეულ დაკარგულ ტრალზე შეადგინოთ სათანადო აქტი. ეს საკმაოდ პროზაული საქმეა, მაგრამ ზოგჯერ ასეთი რამესაც ვერ გავუქცევით. დაწვრილებით აღწერეთ როდის, რომელ საათზე და რა პირობებში დაკარგეთ ტრალი, მასთან ერთად უჩვენეთ დაკარგული გვარლის სიგრძეც. გიმეორებთ, ყველაფერი დაწვრილებით აღწერეთ. ამ აქტებს შეუძლია კარგი სამსახური გაგვიწიოს.

— გასაგებია, ამხანაგო ზურაბ.

— „გეოლოგი“ ალბათ კროსის კონცხთან დადგება. ყოველ შემთხვევაში, ჯერჯერობით ასე არის ნავარაუდები. ეს ადგილი ყველაზე უფრო მოხერხებულია. ქარისაგანაც კარგადაა დაცული და ოთხასმეცხრესთანაც ახლოსაა. ალბათ, თქვენ მოგიწევთ „გეოლოგის“ ეკიპაჟთან შეხვედრა, როგორც ყველაზე უფრო დაზარალებულს.

მართლა, ნუგზარ, მახარებს თქვენი ეკიპაჟის დღევანდელი წარმატებანი. დღეს „ივერიამ“ მთელს ფლოტში ყველაზე მეტი თევზი დაიჭირა. იმედია, მალე მოწინავეთა შორის ჩადგებით.

— გმადლობთ, ამხანაგო ზურაბ. მართლაც, დღევანდელ დღეს არ ვემდურით. ბიჭებიც მონდომებით მუშაობენ. მოგეხსენებათ, გეგმას სულ რაღაც 750 ტონალა გვიკლია. მალე ალბათ საბოლოოდ ავაკსებთ ტრიუმებს და სამშობლოსაკენ გავწევთ. უკვე ხუთი თვეა, რაც ზღვაში ვართ. ეკიპაჟი დაიღალა. თუმცა არაფერს ამბობენ, მაგრამ ვგრძნობ.

— მართალი არა ხართ, კაპიტანო! — ჩაილაპარაკა ივან ივანიჩმა.

კაპიტნის მახვილ სმენას ეს სიტყვები არ გამოჰპარვია და მიკროფონში ჩასძახა:

— თუმცა, ჩემი რადიოს უფროსი ამტკიცებს, რომ ეკიპაჟი არ დაღლილა. რადიოს უფროსების ამბავი მოგეხსენებათ: ან საერთოდ არ იღლებიან, ანდა სულ ბოლოს, როცა ყველას არაქათი გამოეცლება.

— გადაეცით ივან ივანიჩს, რომ უფრო ხშირად იაროს თევზის საამქროში. ცოტა ქონი რომ დაყაროს, ამით არაფერი

დაუშვადება. ამას გარდა, საქმესაც წაადგება და მაშინ, დასაჯოს იგრძნობს.

— მგონი, ჩემი ჩარევა აღარაა საჭირო, ივანე ივანიჩმა თავისი ყურით მოისმინა თქვენი რჩევა. ჭკვიან კაცს უნდა დაუჯეროს. ალბათ რადიოს უფროსიც გაითვალისწინებს დღევანდელ საუბარს. ასე არ არის, ივანე ივანიჩ?

— დიახ, ასეა, ამხანაგო კაპიტანო. დღეიდან ოთხ საათს ყოველთვის ვიმუშავებ თევზის საამქროში.

კაპიტანმა მიკროფონი კავზე ჩამოჰკიდა. რადიოს უფროსს შეხედა, მერე დაღლილი მზერა ილუმინატორისაკენ გააცურა, ადგა და თავის კაიუტას მიაშურა. კაიუტიდან ბოგურზე დარეკა, მეორე თანაშემწეს ელაპარაკა:

— ირაკლი, ოთხი საათი უნდა დავისვენო. ფრთხილად იყავი, გრუნტი არაა საეჭვო, მაგრამ ზედმეტ რისკს ნუ გასწევ, თუ რაიმე აუცილებელი იყოს, გამაღვიძე. დივანზე გაუხდელად მიწვა. მაშინვე ჩათვლიმა.

მეორე დღეს საღამოთი რეწვის უფროსი ფლოტს მოახსენებდა:

— დღეს თორმეტ საათზე იაპონელთა ორმა და ბელგიელთა ერთმა გემმა ოთხასმეცხრე კვადრატში ერთდროულად დაკარგა მთელი სატრალო მოწყობილობა და 2000 მეტრი გვარლი.

ოთხასმეცხრე კვადრატში კარგი ჩანაწერები აღნიშნა. უცხოელთა გემებმა ჩაუშვეს ტრალი და ნახევარი საათის შემდეგ ამოიღეს მხოლოდ გვარლის ნარჩენები. გვარლი გადაჭრილია ბასრი იარაღით.

იაპონელებმა საჩივარი ვაგზავნეს გაერთიანებული ერების ორგანიზაციის იურიდიულ კომისიაში და მოითხოვეს საქმის გამოძიება.

იაპონელები ამტკიცებენ, რომ ამ რაიონში მოქმედებენ წყალქვეშა დივერსანტები. ეს, რასაკვირველია, შეუთავსებელია ნაოსნობის საერთაშორისო ნორმებთან. კიდევ ერთხელ გაფრთხილებთ, ოთხასმეცხრე კვადრატში ტრალით ნუ გავივლით!

ორი დღის შემდეგ „ივერია“ სწორედ ოთხასმეცხრე კვადრატის ახლოს მიცურავდა. ვახტზე მეორე თანაშემწე იდგა.

გემზე თევზი ბლომად ჰქონდათ და ტრალის ჩაგდებას არ დაწყებდნენ, ისე დაცურავდნენ აღმა-დაღმა.

ირაკლიმ ჰორიზონტზე პატარა წერტილს მოჰკრა თვალი. ეს წერტილი ზუსტად ოთხასმეცხრე კვადრატის შუაგულში ჩანდა. ჰოგრიტი აიღო და საუთოროსავით წაგრძელებულ შტურმანის სკამზე ჩამოჯდა. გულდაგულ რომ მოკალათდა, ჰოგრიტი მოიმარჯვა.

— გემია, არა? — იკითხა მესაჭემ.

— ჰო, პორტუგალიელების უნდა იყოს.

— არ გაგიჟდნენ და ტრალი არ ჩააგდონ.

პორტუგალიელების გემი კი თანდათან ახლოვდებოდა. როცა მესამედი მილით მოახლოვდა, ერთბაშად შებრუნდა და მაშინვე უკანა ერდოდან ტრალიც ჩაცურდა ოკეანეში.

— ერიპა! — შეჰყვირა მეორე თანაშემწემ, — ჩვენთან პორტუგალიური არავინ იცის?

— პორტუგალიურს ახლა ისინი ფსკერიდან მიიღებენ, — თქვა მესაჭემ.

მეორე თანაშემწემ კუმტად შეხედა. მიკროფონის ღილაკს თითი შეახო და მაშინვე ჩასძახა:

— კაპიტანს თხოვენ ბოგურაზე.

სამ წუთში ბოგურაზე აქოშინებული ნუგზარი შევარდა.

— მოხდა რამე?:

— წინ პორტუგალიელების გემია. სულ ახლახანს ჩააგდეს ტრალი.

კაპიტანს კრინტიც არ დაუძრავს, ჰოგრიტი აიღო და მინასთან დადგა. ყურადღებით აკვირდებოდა უკანა ერდოს. მერე გამოცდილმა თვალმა შენიშნა, როგორ მოფაშფაღდა გვარლი და კაპიტანმა ჰოგრიტი რაფაზე ჩამოდო, მძიმე ნაბიჯებით კაიუტას მიაშურა. კაიუტაში დივანთან დადგა, ფეხთ გაიხადა და დასასვენებლად წამოწვა.

იმავე წუთს კარზე ვილაცამ დააკაკუნა

— მობრძანდით, — გასძახა კაპიტანმა.

მაშინვე ანდრო გაბოშვილი შემობაჯბაჯდა.

— მე მისთვის მოვედი, რომ... — გაბოშვილი ხელში თხელი ქსოვილის ქუდს ჰმუჭნიდა. ქუდი ალბათ ოდესღაც

თეთრი იყო, იქნებ ქათქათაც, მაგრამ ახლა სოლარით იყო და
ლაქავებული და სხვადასხვა ფერად აჭრელებულიყო.



— დაბრძანდი, ანდრო, აი, მანდ, სავარძელში ჩაჯექი.
გაბოშვილმა სავარძელი უხერხულად გამოსწია და ხენე-
შით ჩაჯდა. ქუდი მუხლისთავეებზე დაიდო.

— ახლა კი მიამბე, რამ შეგაწუხა.

— თავიდან ვთქვა, არა?

— რასაკვირველია, სათქმელს სათავე უნდა გაუჭრა.

— გემზე ამბობენ, რომ წყალქვეშა ექსპედიციას ნუგზარ
რონდელი უხელმძღვანელებსო. აქაოდა, ძველი გამოცდილი
წყალქვეშელიაო, რადიოგრამა უკვე მიიღო.

კაპიტანმა სასთუმალი გაისწორა.

— კიდევ რას ამბობენ?

— მეტს არაფერს, ამას ამბობენ. ჰოდა, მეც ხომ წყალ-
ქვეშელი ვარ. დამქაჩი რა ჩემი საქმეა. წამიყვანეთ და არ შე-
გარცხვენთ.... დამქაჩთან ბოჩია შონია დარჩება. ჩემზე უკეთ
იცის ეს საქმე...

კაპიტანი გაბოშვილს არ უყურებდა, იატაკზე ერთი წერ-
ტილი შეერჩია და მას მიშტერებოდა. ისე გამგმირავად გაპყუ-
რებდა, რომ ანდრო გაბოშვილს უსიამოვნოდ გასცრა.

— არ შეგარცხვენთ კაპიტანო, ჩემმა მზემ, კმაყოფილი
დარჩებით.

ხმა გაეზარა. ქუდი ერთხელ კიდევ მოიქცია ბათმანიან
მუჭებში და ცხვირსახოცივით დაჭმუჭნა

კაპიტანი მაშინ გამოერკვა, როცა კარი გაჯახუნდა, გადა-
ბრუნდა და მაშინვე ჩათვლიმა.

— : —

„გეოლოგმა“ ღუზა კონცხთან ჩაუშვა, ხმელეთი-
დან თორმეტი მილის დაშორებით. კაპიტანი მამუკა ორბელი-
ანი ბაკზე ბოლთას ცემდა. ტრობიკული მზე შუბის ტარზე
იღვა და გიგანტური ტანის კაპიტანს თავისი ნამცეცა აჩრდი-
ლი ფინიასავით დასდევდა.

— რამდენი მიეცი ღუზას? — იკითხა კაპიტანმა.

— შვიდი ასანთი, — ბოცმანი ტანმორჩილი გახლდათ და
ქვემოდან შესციცინებდა კაპიტანს.

ბოგურის ღია ფანჯრიდან, როგორც კუს ბაკნიდან, რადიოს
უფროსს გამოეყო ხოტორა თავი.

— შენ, ეი, გავრილოვო! — ასძახა კაპიტანმა, — კაპიტანი გამომიძახე. ახლავე ამოვალ.

ორბელიანმა კიდევ ერთხელ შემოუარა ბაკს, ერთ წუთს ფორტშტევენტან შეჩერდა, ბათქუნა სამბალიან ტალღებს ნდობით გახედა და დერეფანში შეაბიჯა. მეზღვაურები, დერეფანში რომ უდარდელად მოაბიჯებდნენ, კედელს აეკრნენ.

მამუკამ ქორული მზერა ესროლა მათ, მარჯვნივ შეუხვია და ვიწრო კიბეს ზანტად აუყვა. რადიოს უფროსი გავრილოვი რადიოკვანძის ღია კართან იცდიდა, ზედა დერეფნის ბოლოში.

— „ვეფრიესი“ კაპიტანი გელოდებათ, კაპიტანო!

ორბელიანმა რადიოკვანძში შეალაჯა და ერთ წუთს მთელი კარკრილი საგულდაგულოდ ამოქოლა სიგრძე-სიგანეზე.

მეორე რადისტს ხელში მიკროფონი ეკავა და მამუკას აწოდებდა. სანამ მიკროფონს სქელ ტუჩთან მიიტანდა, რადისტს ჰკითხა კაპიტანიაო? რადისტმა თავი დაუქნია და ორბელიანმაც მაშინვე თავისი როხროხა ხმით მიკროფონში ჩასძახა.

— სალამი ნუგზარ, მამუკა ვარ. მოუთმენლად ველოდი შენი ხმის გაგონებას და აჰა, მგონი საშველი დაადგა.

— მეც ასევე, ჩემო მამუკა, მეც ასევე მოუთმენლად გელოდი. თუმცა შენს ლოდინში ნერვები დაგვაწყდა, მაგრამ მაინც დროულად მოხვედი. რა ამბებია იქ, სამშობლოში?

— ყველაფერი ძველებურადაა. წამოსვლის წინ შენთან შევიარე, კარგად არიან და მოუთმენლად გელიან, მაგრამ სანამ შინისაკენ აიღებდე კურსს, მე და შენ ფრიალ სერიოზული დავალება გვაქვს შესასრულებელი.

— დიახ, მამუკა, შენი სამი რადიოგრამა მივიღე. სხვათა შორის მთავარმა სამმართველომაც მთხოვა, მაგრამ მოგეხსენება სახლს მონატრებული კაცის ამბავი. ძალიან გამიჭირდება შენი მაცდური წინადადების მიღება. თავადაც კარგად იცი, წყალქვეშა სამუშაოები ჩემი სტიქიაა, მაგრამ რა ვქნა, შინ მიმელიან.

— მოიცა, მოიცა ნუგზარ! შენ ფიქრობ, რომ წყალქვეშა სამუშაოები გაგრძელდება? არ დაიჯერო. შენ როგორც ვიცი უკვე უკანასკნელ ტვირთს იღებ. რამდენი გაქვს ტრიუმფში?

— დიახ, უკანასკნელ ტვირთს ვიღებ, შინ წასაღებს. ტრიუ-

მეგზში ჯერ ძალიან ცოტა გვაქვს. ალბათ ასორმოცდაათ ტონაში
დე იქნება.

— მერე, რას ამბობ, ჯერ კიდევ ბლომად გვაქვს ასაღები.
სანამ „ივერია“ ტრიუმებს გაავსებდეს, პირობას ვაძლევ, ყვე-
ლა სამუშაო დამთავრებული იქნება. მერწმუნე ამაში.

ნუგზარი გაირინდა, ხმას აღარ იღებდა და მამუკა აგულია-
ნებდა:

— ჩემო ძმაო, ამას ფიქრი არ უნდა.... მეზღვაური ხარ,
რჩევისათვის ღობე-ყორეს ხომ ვერ მოედები, ნამგალი ხელში
გაქვს და სათიბიც აქაა, თანხმობა მითხარ, ძმაო!

ნუგზარი ისევ დუმდა... მამუკას ხმა დაეძაბა.

— რაო, ლაპარაკის ლიმიტი ხომ არ გავითავდა, ბიჭო?
ხმა ამოიღე, რას მალრიალებ თათრის ნალარასავით ამ დუნიაზე.
ნუგზარი მიხვდა, დუმილი აღარ შეიძლებოდა.

— მამუკა, ზეგ დილით კონცხთან მოვალ, „გეო-
ლოგზე“ გადმოვალ და ჩვენი საუბარიც მანდ გავაგრძელოთ.
ასე უფრო უპრიანია.

— აგრე იყოს, აჰა თევზი და აჰა ბადეც, ზეგისათვის გე-
ლოდები, შენ აზრიანი კაცი ხარ და წვრილმანმა ემოციებმა
არ დაგჯაბნოს. წარმატებას გისურვებ, კაპიტანო!

ნუგზარის შემდეგ მამუკა რეწვის უფროსს ელაპარაკა. მო-
ითხოვა დაწვრილებითი ცნობები მომხდარი ამბების შესახებ.
ზურაბმა უთხრა, ამ საქმის თაობაზე მე მთელი ორი ტომი შე-
ვადგინეო. შეთანხმდნენ, რომ ფლაგმანი დოკუმენტებს გააც-
ნობდა მეორე დღეს, საღამოთი.

— ჩვენ ახლავე ავიღებთ კურსს თქვენკენ და ხვალ საღა-
მოთი კონცხთან ვიქნებით. ჩემი რჩევაა, შეხვდეთ „ივე-
რიის“ კაპიტანსაც. მას მეტად საყურადღებო დოკუმენ-
ტები აქვს, თვითონ გახდა ოთხჯერ წყალქვეშა მისიონერთა
მსხვერპლი. — უთხრა ზურაბმა და მამუკამაც მაშინვე მეო-
რედ გამოიძახა „ივერიის“ კაპიტანი.

— ნუგზარ, მამუკა ვარ ისევ. უგუნური მონასტერში შე-
ვიდა და აქ რა მინდოდა, მე მონასტერს ვეძებდიო. თურმე შენ
ყოფილხარ, ძვირფასო, მთავარი ბრალმდებელი, შენთან მქო-
ნია საქმე, მე კიდევ შორიდან გივლიდი, გელოლიავებოდი.



აბა, მგლის მუხლი მაიბი, ვაჟკაცო. იქნებ შეძლო, უფრო ადრე მოხვიდე კონცხთან?

რეპროდუქტორი ერთხანს დუმდა. მერე როდის-როდის ნუგზარის ხმა გაისმა:

— ადრე ვერ მოვალ. კონცხისაკენ პელენგი ჯერ კიდევ სამი დღის უკან ავიდეთ. „ივერია“ უკვე მესამე დღეა ოთხმოცდამეშვიდე კვადრატში მუშაობს. აქედან შენამდე ზუსტად ოთხმოცდათვრამეტი საათის სავალია. ისიც კრეისერული სვლით. თუ აუცილებელია ჩვენი ადრე შეხვედრა, მაშინ არსებობს ერთადერთი გამოსავალი, შენც უნდა მოიხსნა ღუზიდან და ჩვენკენ წამოხვიდე თუ შენი გემის სიჩქარით ვიმსჯელებთ, მაშინ შეგვიძლია შეხვედრის დრო ოცი საათით გადმოვწიოთ. ამ სიტუაციაში მესამე გზას ვერ ვხედავ.

— არა, ჩემი წამოსვლა არ შეიძლება ჯერ ერთი, ბევრი ტექნიკური საკითხია მოსაგვარებელი, რაც გემის ღუზაზე დგომას მოითხოვს, მეორეც, არის კიდევ ერთი გადაუდებელი საქმე. უნდა შევხვდე გემის კაპიტნებს. ეს შეხვედრა აქ, კონცხთან, მოეწყობა: ამის თაობაზე უკვე ვესაუბრე ფლაგმანს. ასე რომ, დარჩა ერთადერთი გამოსავალი, კონცხთან შევხვდებით ზეგ. მეტი რა ჩარაა, უნდა შევეგუოთ ამ აზრს, ზეგამდე, ჩემო ნუგზარ!

— ნახვამდის, მამუკა.

რადიოკვანძიდან რომ გამოვიდა, ნუგზარმა კედელთან ატუზული გაბოშვილი დალანდა. ისეთი სახე მიიღო, თითქოსდა არც კი შეემჩნიოს ამოდენა დევკაცი. დერეფანში ჩქარი ნაბიჯებით გაიარა და კაიუტაში შევიდა. ელოდა, გაბოშვილი კარზე დააკაკუნებსო, მაგრამ ანდროს არ დაუკაკუნებია. ნუგზარი საწერ მაგიდასთან მიჯდა, რადიოგრამებს ალაგებდა.

რადიოგრამები ორ ნაწილად ჰქონდა დაყოფილი: პირადი ცალკე ჰქონდა, სამსახურებრივი — ცალკე. სამსახურებრივი სქელი მუყაოს ნაცრისფერ საქალაქდებში ეწყო, პირადი — ვარდისფერში.

მოცალეობის დროს ხსნიდა ამ საქალაქდებს, ზოგიერთ რადიოგრამას მესამედ და ასმეერთედ კითხულობდა და ისევ უკან დებდა ნომრის მიხედვით. საერთოდ კი, ყველა რადიო-



გრამა, როგორც პირადი, ასევე სამსახურებრივი, დანომრული ჰქონდა. ზოგიერთს ნომრის გარდა მკვეთრი წითელი ფანჯრით პატარა წრე ჰქონდა შემოხაზული. ეს იმას ნიშნავდა, ალისფერწვერიანი ქალაქი უფრო საყურადღებო იყო. ახლა სწორედ ასეთ რადიოგრაფებს არჩევდა ორივე საქალაქედან და ყურადღებით კითხულობდა. კაიუტაში პირველი თანაშემწე რომ შევიდა, აშკარად არ ესიამოვნა. რადიოგრაფები დინჯად შეაქუჩა და ისევ საქალაქელებში გადაუძახა.

— გინდოდა რაიმე?

სავარძლიანად შემობრუნდა და პირველ თანაშემწეს გახედა.

— ამბობენ „გეოლოგზე“ გადადისო.

— დიახ, ჩვენ ხომ ახლა იქით მივდივართ!

— ეგ არა, კაცო. ისე გადადისო, რა...

ნუგზარმა გულუბრყვილო სახე მიიღო, თითქოსდა ვერც კი მიმხვდარიყო თანაშემწის ქარაგმას:

— აი, წყალქვეშ უნდა ჩავიდესო.

ნუგზარმა მზერა მოაშორა პირველ თანაშემწეს და იატაკს მიჰკვლიდა. ერთხანს ასე გარინდებული იჯდა, მერე მთელი სხეულით გასწორდა და კაცის სიმძიმისაგან შეწუხებულმა სავარძელმაც ხმამაღლა გამოთქვა თავისი პროტესტი.

— იცი რა გითხრა... ჰო, გულწრფელად რომ გითხრა, მზიბლავს მამუკას წინადადება. თუმცა ჯერ თანხმობა არ მიმიცია, მაგრამ შეიძლება, დავთანხმდე.

— რა ვიცი, რადიოგრაფები რომ მიიღე, ძალიან აჯანყდი და!

— ჰო, ასე იყო, მაგრამ შემდეგ კიდევ ვიფიქრე. ახლაც ვფიქრობ... ხომ გეუბნები, შეიძლება დავთანხმდე კიდევ...

— მაშინ, იცი, რას გეტყვი! ის ბიჭიც წაიყვანა, თორემ ბოლმისაგან გაიგუდება.

— ვინ ბიჭი?

— აი, ანდრო გაბოშვილზე გეუბნები. მაგას აბა ჩემგან რა რეკომენდაცია სჭირდება, შენ ათჯერ უკეთესად იცნობ, კაცური კაცია. მაგაზე უკეთესს ვის იახლებ.

— ხომ გითხარი, ჯერ ჩემი საქმეც არ გადამიწყვეტია. თუ დავთანხმდი, გაბოშვილსაც ვუშუამდგომლებ, იმედი მაქვს, მამუკა უარს არ მეტყვის. არა და, ეგეც აქ იყოს.



— საოცარი რომანტიკოსი ხარ, გატაცების კაცი. მე შენს ადგილზე, არ დავთანხმდებოდი. რა მეწყალქვეშება, შენ მკობს უთმენლად მიმელიან.

— არ გეწყინოს და, შენ გუშინ მოხვედი ზღვაზე. ჭიბი სხვაგან მოიჭერი და მეზღვაურობა მერე, ჭიბმოჭრილს დაგაბრალებს. მე თხუთმეტი წლის ვიყავი, ბათუმის საზღვაო სასწავლებელში რომ მოხვდი. არც მშენებლობებზე მიმუშავნია და არც სტატიები მიწერია, იქიდან მოყოლებული ბოგურაზე ისე ვარ, როგორც საკუთარ სახლში. მოიცა, შენ კიდევ ცოტას ინაოსნებ და მერე გაიგებ ზღვის მაზანდას, გესმის, ძვირფასო.

თანაშემწეს ბეჭებში ჩააფრინდა და მაგრად შეაქანა.

— ასეა, ძმობილო.

უფროსი თანაშემწე შემოვიდა.

— ჩინებული ჩანაწერია, ხომ არ ჩავაგდოთ ტრალი?

— საამქროში თევზი აღარ არის?

— საამქროში მორჩა, თევზი აღარაა. მეხუთე ბუნკერში იქნება კიდევ ექვს ტონამდე. ეს არის და ეს. ტრალის ჩავდება-ამოღება მხოლოდ საათნახევრით შეგვავაყოვნებს. კურსს საერთოდ არ შეეცვლით.

— მეტი რა ჩარაა, ჩააგდეთ ტრალი და საერთოდ კონცხამდე თევზის საამქრო არ გააჩეროთ. შეეცადეთ, სამი სავესე ბუნკერი მაინც გვქონდეს მარჯაფად. ჩვენ არც ისე კარგი მდგომარეობა გვაქვს, რომ თავს უფლება მივცეთ, რვაათი სათი უქმად დავკარგოთ.

— თქვენ ფიქრობთ, რომ იქ რვა საათს შევყოვნდებით? — თქვა უფროსმა თანაშემწემ.

— ვნახოთ, იქნებ მეტსაც. მოდი, დაჯექი.

კაპიტანმა სკამი გამოსწია, უფროსი თანაშემწე დასვა, მერე მეორე სკამი პირველ თანაშემწეს მიაწოდა.

— იცი რა, იური ანდრეევიჩ, სწორედ ახლა ველაპარაკებოდი გიორგის. შეიძლება მე საერთოდ დავრჩე „გეოლოგზე“. მართალია, ჯერ საბოლოო გადაწყვეტილება არ მიმიღია, მაგრამ შესაძლოა ასე მოვიქცე. ჯერ ორი კვირის უკან მომცეს წინადადება მთავარ სამმართველოდან, შემდეგ მამუკამ მთხოვა

ფუხელმძღვანელო წყალქვეშა ექსპედიციას. შეიძლება ცდური წინადადება მივიღო. თუ ეს ასე მოხდა, გემის ხელმძღვანელობა შენ გევალება შენ იცი. საბოლოოდ, ყველაფერს ზეგ გადავწყვეტ.

— მზად ვარ, ვემსახურო ჩემს კაპიტანს. გული თითქოს მიგრძნობდა, რომ თქვენ უკანასკნელ მომენტში უღალატებდით „ივერიას“. იმედი გქონდეთ, სანამ იმ უცხო სამყაროში იქნებით, ჩვენ შევძლებთ ტრიუმფების ავსებას და დაგელოდებით. აქვე ახლოს ვიმუშავებთ, ოთხსამეცხრე კვდარატთახ.

— ჩვენ კარგად გავუგეთ ერთმანეთს, იური ანდრეევიჩი, თქვენი იმედი მაქვს, ბიჭებო.

იმ დღეს მამუკა ძალიან ადრე ადგა. მიუხედავად იმისა, რომ თვალის მოსატყუებლად მხოლოდ დამის ორ საათზე დაწვა, ხუთ საათზე ფეხზე იდგა. ჯერ გემს შემოუარა, ყველაფერს ყურადღებით აკვირდებოდა, სინჯავდა. მერე, როცა დარწმუნდა, ისეთი წესრიგი მეფობდა, თვითონ რომ აღმერთებდა ხოლმე, ბოგურაზე შევიდა. ბოგურაზე ფართო მინასთან მესაჭე იდგა. უფროსი თანაშემწე ასაკეც სკამზე წამოსკუპებულყო.

კაპიტანი რომ შევიდა, უფროსი თანაშემწე ადგა.

— საათია, ჰორიზონტზე ორ წერტილს ვხედავ. ალბათ, „ალბატროსი“ და „ივერიაა“. ლოკატორში კიდევ ხუთი სხვა წერტილი ჩანს, ისინი ჩვენგან დაახლოებით ორმოცი-ორმოცდაათი მილის დაშორებით იმყოფებიან. ვფიქრობ „სარიჩო“, „ნატალია კოვშოვა“, „ალექსანდრე ნეველი“, „კოლხეთი“ და „სირიუსი“ მოდიან.

— ჩართე ლოკატორი!

მესაჭემ ლოკატორი ჩართო და როცა ყრუ შრიალი გაისმა, კაპიტანი ეკრანთან დაიხარა. მთელი თხუთმეტი წუთი ყურადღებით აკვირდებოდა თეთრი წრიული ხაზების გასწვრივ გაფანტულ ასევე თეთრ წერტილებს.

— დიახ, ჩვენი ძმები მოდიან. — მორიგე შტურმანს მიუბრუნდა.

— გაეცით განკარგულება, მოემზადონ ნავების მისაღებად.

კაპიტნის თანაშემწემ თავი დაუქნია, მერე „გეოლოგისაჲნი“ მომავალ წერტილებს გახედა და თქვა:



— რომელი ბორტიდან მივიღოთ სტუმრები, ამხანაგო მუკა?

მამუკამ ბოგურა გაიარა, აივანზე გავიდა, მოაჯირზე გადაიხარა და ერთხანს ყურადღებით აკვირდებოდა ტალღების მიმართულებას. ნაცადმა თვალმა ტალღების მოძრაობით განსაზღვრა ქარის მიმართულება. ბოგურაზე დაბრუნდა. მორიგე შტურმანი ახლა რადიოსთან იდგა.

— ნავები მიიღეთ მარჯვენა ბორტზე. თუ გემის მდგომარეობა ნავების მოსვლის დროისათვის შეიცვალოს, ჩართეთ მანქანები, გემი დააყენეთ ისე, რომ მარცხენა ბორტი სამხრეთისაკენ იყოს მიმართული.

— გასაგებია, ზუიდი (სამხრეთის ქარი) უბერავს.

კაპიტანმა ბოგურაზე გაიარა, ამასობაში მორიგე შტურმანი რადიოთი ბოტმანს აფრთხილებდა, მომზადებულიყვნენ ნავების მისაღებად: როცა ამ საქმეს მორჩა, კაპიტანმა უთხრა, „ალბატროსი“ და „ივერია“ გამოეძახა. — პირველად „ივერია“ გამოეხმაურა. რადიოს უფროსმა განაცხადა, კაპიტანი ისვენებსო. მორიგე შტურმანმა „გეოლოგის“ კაპიტნის სახელით სთხოვა, გაეღვიძებინათ. სამი წუთის შემდეგ რადიოსთან „ივერიის“ კაპიტანი მივიდა.

— ნუგზარ, ჩვენ ორ წერტილს ვხედავთ. თუმცა წერტილი კი არა, უკვე ჩოგბურთის ბურთისოდენა ვახდნენ, მგონი, შენ და „ალბატროსი“ უნდა იყოთ.

— დიახ, სწორედ ასეა. „ალბატროსი“ ჩემ უკან მოდის, დაახლოებით ერთი მილის დაშორებით. ჩვენც უკვე დიდი ხანია, ვხედავთ „გეოლოგს“. სამი საათის შემდეგ დრეიფზე დავდგებით. ქარი ძლიერდება, კარგი იქნება, თუ „გეოლოგი“ ქარისგან დაგვიფარავს ნავის აბორდაჟის დროს.

— უკვე გავეცი განკარგულება, „გეოლოგი“ მარცხენა ქიმით ანტარქტიდის ქარისაგან დაგიფარავთ. თქვენ დრეიფზე მარჯვნივ დადექით. პროგნოზი არცთუ ისე ცუდია, ასე რომ, უხიფათოდ მიგიღებთ. სანამ სხვა გემები მოვიდოდნენ, ჩვენ მოვასწრებთ ორიოდე თბილი სიტყვა ვუთხრათ ერთმანეთს, გელით.

— და კიდევ რა, მამუკა, შენს პირველ თანაშემწეს სთხოვე, ახალი გაზეთები მოგვიმზადოს.

— ახალი გაზეთები... როგორ გავიგოთ? გუშინდელი
დღევანდელი პრესა, თუ?!

— შენ კარგად იცი რასაც ვგულისხმობ ახალში.

— მესმის, ნუგზარ, ვიხუმრე... ჩვენ ბლომად წამოვიღეთ
გაზეთები და ჟურნალები. შენთვის რამდენიმე ცალკე შეკვრაა
მზად. რომ მოხვალთ, გადმოგცემთ. წერილებიცაა ჩვენთან
თქვენი ეკიპაჟის წევრებისათვის. არის ამანათებიც. ერთი სიტ-
ყვით, ყველაფერს მიიღებთ.

შემდეგ ილია ვაზოვს ელაპარაკა მამუკა, იმასთანაც ყვე-
ლაფერი დააზუსტა. მორიგე შტურმანს უთხრა დასასვენებლად
მივდივარო და თავის კაიუტას მიაშურა. სანამ კიდევ ერთი
აფორიაქებული დღე დაიწყებოდა ოკეანეში, სულ ცოტა სამი
საათი მაინც რჩებოდა.

ორი საათის შემდეგ ოკეანეში „ივერიის“ კორპუსი ნათ-
ლად გამოიკვეთა, ჩანდა მისი გროტანძა და ბორტებზე დაბ-
მული მაშველი ნაგები. ნაგების ქვეშ თევზის ფქვილით სავსე
ტომრები დაეწყით, მაგრად გაეკრათ კაპრონის ბაწრებით. მო-
რიგე შტურმანმა ყურადღებით შეათვალიერა ტიკებივით და-
ბერილი ტომრები და საყვედურით თქვა, ეს ნუგზარს როგორ
მოუვიდაო. ნაგების ქვეშ თევზის ფქვილის ტომრების დაწ-
ყობა ვის გაუვიაო, ერთი მაგრად დაუბეროს და ხათაბალა
მერე ნახეო.

მესაჭემ ენას კბილები ვერ დააჭირა და უბასუხა: „ნუგზა-
რი კი არა, მთელ ფლოტში ასეაო. ფქვილი უნდათ, გემზე კი
ფქვილის შესანახ ადგილს არ აპროექტებენო“.

შტურმანი გაბრაზდა, რაც არ იცი, იქ ცხვირს რათა ჰყოფო,
თევზის ფქვილის შესანახი ადგილი როგორ არ არის დაპროექ-
ტებულიო.

მესაჭესაც ჰქონდა ნერვები და სიტყვები ისევ გაუჭენდა:
კი არისო, მაგრამ ცოტას იტევსო.

ისინი ალბათ კიდევ დიდხანს მოიფხანდნენ ენას, რადგა-
ნაც არსად ეჩქარებოდათ და არც უგვიანდებოდათ, რომ ბო-
გურაზე კაპიტანი არ შემოსულიყო. ორივენი მაშინვე გაჩუმ-
დნენ, აქაოდა საერთოდ სიტყვაც არ დაგვიძრავსო.

კაპიტანმა ბოგურის შუა დიდი მინა გამოაღო. ანტარქტი-



დის ცივი ქარი შემოიჭრა ბოგურაზე და მესაქე უსიამოვნოდ
 მოიბუზა. მესაქეს მხოლოდ თხელი ქსოვილის ტრელი ხალათი
 ეცვა. იმ დალოცვილს სახელოებიც აეკარწახებინა და გულიც
 ფართოდ მოედლა.

კაპიტანმა თავი ღია ფანჯარაში გაყო. ჯერ მათკენ მომავალ
 „ივერიას“ გახედა. მერე ცხვირწინაც დაიხედა. ცხვირწინ კი,
 ბაკზე ბოცმანი ფუსფუსებდა. ორი მატროსი გამოეყვანა და
 ფორშტევენთან რაღაცას ჩალიჩობდა. რას აკეთებდა, ეს კი
 ვერ გაიგო კაპიტანმა და ხელით ანიშნა, რას ცოდვილობო.

ბოცმანმა ხელები ტუჩებთან მოიმაგრა და ისე ამოსძახა:

— ფორშტევენის ქვეშ სასმელი წყალი აღმოჩნდა და მეშ-
 ვიდე ტანკში ვტუმბავთო.

კაპიტანმა უპასუხა: არ გააფუჭოთო, ალბათ ზოგიერთ გემს
 დასჭირდება და მივცეთო.

ჰო, კარგო, თქვა ბოცმანმა და კაპიტანმაც მაშინვე ჰკით-
 ხა: სტუმრების მიღების საქმე როგორ არისო?

ბოცმანმა ხელით ანიშნა, ყველაფერი რიგზეაო.

მერე კაპიტანმა ფანჯარა დახურა და მობუზულმა მესაქემაც
 სული მოითქვა. ამასობაში „ივერია“ სულ ახლოს მოვიდა,
 მანქანები უკვე გამორთეს და გემიც რეიდზე დადგა. აივანზე
 და საპელენგო ბოგურაზე გამოჩნდნენ კუნთმაგარი მეზღვაურე-
 ბი. „გეოლოგამდე“ მათი მხიარული შეძახილიც აღწევდა.
 აქედანაც შეძახილებით უპასუხებდნენ და მხიარული აჟიო-
 ტაჟის ხმები თითქმის „ალბატროსამდე“ აღწევდა. „ალბატ-
 როსი“ კი ჯერ საკმაოდ შორს იყო.

მოდრეიფე „ივერიამ“ შეიცვალა მდგომარეობა, იგი „გეო-
 ლოგის“ მარჯვენა ბორტის გასწვრივ ჩადგა სამბალიანი ტალ-
 ლების დინებაში. მერე დინჯად ჩაუშვეს ჰერმეტიულად დახუ-
 რული ნავი. ნავი ქვევით თეთრი იყო, ზევით წითელი, ისე იჯ-
 და ოკეანეში, როგორც ჯამბაზის ქუდი ტაკიმასხარას თავზე.
 როცა ეს ორფერი მექანიზმი „გეოლოგისაკენ“ წამოვიდა თუხ-
 თუხით, მასპინძლებმა უკანა ერდოდან კაპრონის გრძელი ტრა-
 პი ჩაუშვეს. მამუკა კი უკანა ერდოს აივანზე გავიდა და იქი-
 დან ადევნებდა თვალყურს სტუმრების ნავის მოძრაობას. რო-
 დის-როდის ამ ნავმა „გეოლოგამდე“ მოაღწია. სახურავი გა-
 დაიხსნა და გამოჩნდნენ წითელ, კოხტა სავარძლებში ჩამჯდა-

რნი: „ივერიის“ კაპიტანი, მეოთხე თანაშემწე, ბოცმანი მატროსი ანდრო გაბოშვილი. კაპიტანი წამოდგა და ტრაპზე შეხტებოდა, ეკიპაჟს მიუბრუნდა. ანდრო გაბოშვილმა კარგად გაიგონა, რაც კაპიტანმა თქვა: უკანვე გაბრუნდითო, მაგრამ არ უნდოდა დაეჯერებინა, რომ ეს სიტყვები ნამდვილად კაპიტანმა წარმოთქვა. ჯერ კიდევ გუშინ, როცა რადიოთი გამოაცხადეს კაპიტანის გამცილებელთა სია და ამ სიის ბოლოში ანდრომ თავის გვარიც გაიგონა, იფიქრა, ამდენ ხანს თუ ყველაფერი უკუღმა ტრიალებდა, ახლა ქვეყანა წაღმა შემობრუნდაო. ამაყად ჩაჯდა ნავში და ძმაკაცებსაც გულდაგულ დაემშვიდობა. ახლა კი, ახლა, ცივი წყალი გადაასხეს. უნდოდა კაპიტანისათვის რაღაც ეკითხა, თვითონაც არ იცოდა, სახელობრ რა უნდა ეკითხა, მაგრამ სულ უკანასკნელ წამს გადაიფიქრა, რადგანაც თვალწინ წარმოუდგა, როგორ გადახედავდა კაპიტანი, სიტყვასაც არ მიუგდებდა, ისე ააბიჯებდა ტრაპზე.

ტანში გაცრა გაბოშვილს და შურით გახედა, როგორ კოხტად შეხტა ტრაპზე კაპიტანი.

მამუკა ორბელიანმა, როცა თვალი მოჰკრა ტრაპზე ამომავალ „ივერიის“ კაპიტანს, თეთრი ხელთათმანები წაიძრო. ტყავის სქელ ქამარში ჩაიჩურთა და რკინის საფეხურები ჩაიბრინა. „ივერიის“ კაპიტანი ჯერ შუა ტრაპამდეც კი არ ამოსულიყო, მამუკამ რომ ბუბუნა ხმით ჩასძახა:

— სიყრმის მეგობარს ვახლავართ. ხომ დიდებული შეხვედრათ, ძვირფასო, ზვიგენებისა და ზღვის ლომების პრაიდებს შორის?

„ივერიის“ კაპიტანმა რაღაც თქვა, მაგრამ ტალღების შრიალში მამუკამ ერთი სიტყვაც ვერ გაიგონა. მხოლოდ შეამჩნია, რომ ნუგზარი ჩქარობდა ამოსვლას. გვერდზე მოგდებული საველე ჩანთა მუხლზე ედებოდა და ხელს უშლიდა.

— ბიჭო, ნელა, ხელი არ მოგიცურდეს და ამ მიღეთის ხალხის თვალწინ თავი არ მომჭრა.

ეს ისე თქვა, ყასიდად, თორემ მამუკამ კარგად იცოდა, ყრმობის მეგობარი თუ რა ყოჩალიც იყო. როდის-როდის ნუგზარიც ამობობდა, ერდოზე გადმოხტა თუ არა, მაშინვე მამუკას მკლავებში აღმოჩნდა, ერთმანეთს ჩაეკვრენ. ეს ორი გოლი-

3. როდამ ჩაჩანძე



ათი უკანა ერდოზე ისე ირხეოდა, როგორც ახალი ტყედიდან გამოგორებული რვაფეხა.

ბოლოს, როგორც იყო, მისალმებით გული იჯერეს, მასპინძელი თავისი კაიუტისაკენ გაუძღვა. მამუკა ხანდახან შემობრუნდებოდა და ყურადღებით აკვირდებოდა მეგობარს.

— ორ წელზე მეტია, რაც აღარ შევხვედრივართ, არა?

— ჰო, ეგრეა, ჩემო მამუკა. წესით ამ რეისში წამოსვლის წინ უნდა შევხვედროდით ერთმანეთს ბათუმში, მაგრამ რატომღაც სწორედ მაშინ შენ ლენინგრადში აღმოჩნდი.

— ჰო, ამ დალოცვილ ზღვას ეგ ერთი უქუღმართი სენი სჭირს, კომუნისტების ერთობ გაჭიმვა და დახლართვა უყვარს. ისე გატარებს აღმა-დაღმა, წლობით ვერც მეგობარს შეხვდები და ვერც ცოლშვილს ნახავ.

სწორედ შარშან იყო, ჩემი უფროსი ძმა ოთხი თვე იდგა ბუენოს-აირესში კაპიტალურ რემონტზე. მე რიოსაკენ მივცურავდი, გზაში რადიოგრამა მივიღე, კურსი შემეცვალა და ბუენოს-აირესში შევსულიყავი. სიხარულით შევასრულე ეს განკარგულება და მერე იცი, რაც მოხდა.

— მე დილის ექვს საათზე შევედი პორტში, ჩემი ძმა კი სამ საათზე ლუზიდან მოხსნილიყო და კურსი სწორედ რიოსაკენ აედო. მოდი, ახლა და განსაჯე, ბედი არაა?

ნუგზარი ჩუმად იყო, მხოლოდ ცდილობდა, არ ჩამორჩენოდა მეგობარს. მამუკა დერეფნის შესასვლელთან ერთ წუთს შეჩერდა, ყურადღებით დააკვირდა „ივერიის“ კაპიტანს.

— ე, რა მოვსვლია, ბიჭო, დაბერდი? ჭალარა გაგრევი.

— არც შენ გადგას კარგი დღე. შენც გამოგრევი, ყმაწვილო.

— განცდებმა იცის, განცდებმა. გახსოვს საზღვაო სასწავლებელი, მე რომ დამცინოდით, ქართლელი და შეზღვაური ვის დაესიზმრათ. ზღვას ცქვიტი ხალხი უყვარსო, შენ კი თელავის მატარებელივით მიიზმორებო, ასე არ იყო,...

— აგრე იყო, აგრე. ახლა, როგორ გრძნობ თავს, ცოტა მაინც არ გაცქვიტდი?

— გავცქვიტდი კი არა, პირიქით დავმძიმდი. ე, ოხერი, ცოტას ვმოძრაობ.



- უნდა ივარჯიშო, მამუკა, გული დაგიავადმყო უღებო
- ვვარჯიშობ, განა!
- ჰოდა, მაშ ყველაფერი რიგზე ყოფილა.

კაიუტაში შევიდნენ. „გეოლოგის“ კაპიტნის კაიუტა დიდი იყო, გაცილებით სრული, ვინემ „ივერიის“ კაპიტნისა.

შუაში გრძელი სასადილო მაგიდა იდგა. უფრო მოშორებით — საწერი. საწერი მაგიდის ზემოთ, ილუმინატორის ვერდით კედელზე ყვითელი ნეილონის ფარდა ეკიდა, იქ ორი დიდი კარადა, დივანი და მოზრდილი აკვარიუმი იდგა. აკვარიუმში ოქროსფერი და ყვითელი თევზებით იყო სავსე. იქით, კარჭილს მიღმა, საძინებელი ოთახი ჩანდა.

ნუგზარი დივანზე დაჯდა, ფეხი ფეხზე გადაადო.

— კარგად ცხოვრობ, ძმობილო!

— არა მიშავს, მივაჭენებთ ჩვენი ცხოვრების ეტლს. ხანდახან ასე მგონია, ხომ არ დავემშვიდობო ზღვას, გადავიდვ ხმელეთზე და სადმე მყუდრო ადგილზე მოვყუჩდვ. მაგრამ, როცა ჩვენი ქოჩორა ტალღები წარმომიდგება, სხვა, ყველანაირი ცხოვრება ფასს კარგავს.

მამუკა ილუმინატორთან მივიდა. ილუმინატორი ზედ ვადმოჰყურებდა საწერ მაგიდას. მაგიდიდან ისე აიღო ჭოგრიტი, არც კი შემობრუნებულა, ყურადღებით გახედა ოკეანეს.

— ეს რა ამბავია, ბიჭო, რამდენი ზღვის ლომია! თითქმის მთელი მილეთის ლომები აქ შეყრილან.

— გამრავლებას იწყებენ და კონცხთან იყრიან თავს. შენ სანაპირო ზოლი ნახე. მთელი კონცხი სავსეა.

ნუგზარს ახლა სრულებითაც არ აინტერესებდა ეს დაწყებული ზღვის ლომები. მას ათასჯერ ერჩია, მამუკას ორიოდ სიტყვა ცოლშვილზე ეთქვა; მაგრამ მამუკა უსასშველოდ წელავდა და „ივერიის“ კაპიტანმაც ვერ იქნა და ვერ მოაშორა მზერა ზღვის ლომებსა და ზვიგენებს. ბოლოს, როცა ყველა იმედი გადაეწურა, თვალი გაუსწორა ორბელიანს და გაბზარული ხმით იკითხა.

— რადიოში მითხარი, წამოსვლისას შინ შევიარეო!

— ჰო, ვიყავი. კარგად არიან. ქეთინოს ბარათის გამოგზავნაც უნდოდა, გადაიფიქრა, ყოველდღე რადიოგრამას ვავ-



ზავნიო.. ბიჭი დათვის ბელივით დაბაჯბაჯებს. ნამდვილი კამეჩი.
 — დალოცვილო, აბა, რომის პაპს ხომ არ დაგმეცხვებს
 ბოდა!

— ასეა და.. ხომ არ მოგწყინდა?

— არა, მოწყენა რა სათქმელია, მაგრამ ცოტა გადავიღალე. მე უკვე მესამე რეისში წამოვედი, ისე რომ შვებულებით არ მისარგებლია. თითქმის ორი წელია, განუწყვეტლივ ზღვაში ვარ. ვანა ეს ცოტაა?

— ვინა თქვა, რომ ცოტაა, მაგრამ, თუ საქმე ითხოვს, რას იზამ!

— შენ კიდევ შემომიჩნდი და გინდა თუ არ გინდა, ქვესკნელში ჩაბრძანდიო. მთავარსამმართველოდან რომ თხოვნა მომივიდა, მაშინვე მივხვდი, შენი ჩაწყობილი საქმე რომ იყო. არა, ბიჭო, კაცი ვერ იშოვეს ბათუმში, არიქა, ნუგზარმა უხელმძღვანელოსო.

— მართალი ხარ, მაგრამ, მერწმუნე, ფრიად საინტერესო საქმეა. ერთი ეს მითხარი, რა პირობებში დაკარგეთ ტრალეები?

— ძალიან საეჭვო პირობებში. მთავარი ისაა, რომ ოთხასმეცხრე კვადრატში რთული გრუნტი არაა. წესით ტრალი არაფერს არ უნდა გამოედოს. ამას გარდა, არ გვიგრძენია ბიძგი, რომელიც მაშინ ჩნდება ხოლმე, როცა ტრალი მარჯნის ტყეში შეიჭრება. მესამეც კიდევ ისა, რომ ფოლადის გვარლი უბრალოდ მოგლეჯილი კი არაა, გადაჭრილია ბასრი იარაღით.

— შენ ფიქრობ, რომ შესაძლოა, ეს რომელიმე ქვეყნის წყალქვეშელების დივერსია იყოს?

— არა, ეს არ მითქვამს, მაგრამ ვფიქრობ, რაც ოთხასმეცხრე კვადრატში ხდება, არ შეიძლება დავაბრალოთ სტიქიას. ეს უდაოდ ჩაფიქრებული, წინასწარ განზრახული საქმეა. უდაოა, რომ ოპერაცია საწერ მაგიდაზეა დამუშავებული. სად, რომელ ქვეყანაში, რომელ მაგიდაზე, ამაზე პასუხს ალბათ „გეოლოგი“ გაცემს.

მამუკას მაგიდიდან კარგად წვერწამახული შავი ფანჯარი აედო. წაუთლელი ბოლოთი აკაკუნებდა მაგიდის მოპრიალე-ბულ ზედაპირზე და მთელი ყურადღებით უსმენდა.

— პირდაპირ დაუჯერებელია, რაც მოხდა. ამის გამკეთე-



ბელი კაცი ან გიჟი უნდა იყოს, ან კიდევ დიდი საზღვაო პოლიგონი ჰქონდეს. სხვანაირად ვერ ამიხსნია.

იქნებ იქ სამხრეთ აფრიკელებს საზღვაო პოლიგონი ჰქონდეთ? — იკითხა შეპარვით ორბელიანმა.

— ვერ დავიჯერებ. მაშინ ჩვენი აკუსტიკური ხელსაწყოები აღნიშნავდნენ მოტორების ხმაურს. ფსკერზე კი სრული სიმშვიდე სუფევს.

მამუკამ ფურცელი აიღო, — ფანქარი გადმოაბრუნა და რაღაც ჩაინიშნა.

— ფლაგმანმა მითხრა, რაღაც აქტები აქვსო.

— დიახ, ჩვენ შევადგინეთ აქტები, ყოველი შემთხვევა შეძლებისდაგვარად აღვწერეთ.

ნუგზარმა საველე ჩანთა მოიხსნა, მუხლისთავეებზე დაიღო და ხელი წანთაში მოაფათურა.

— აი, ინებე, ყველაფერი აქაა.

მამუკამ ჩამოართვა.

— საინტერესოა.

აუჩქარებლად შეუდგა აქტების კითხვას. სანამ ის ასე ზოზინ-ზოზინით ბოლოში გავიდოდა, ნუგზარი მშვიდად იჯდა და ისევ ილუმინატორში იყურებოდა.

— საინტერესოა, — კვლავ ამოღერდა მამუკამ, როცა აქტების კითხვას მორჩა, — ეს აქტები ალბათ თავის დროზე კარგ სამსახურს გაგვიწვევს. ერთი ეს მითხარი, შენ ოთხი ტრალი დაკარგე, არა?

— დიახ, ოთხი ტრალი.

— ოთხივე ტრალი ასე ზუსტად ერთნაირ პირობებში დაიკარგა? ნუთუ არ ყოფილა რაიმე ისეთი, რაც ერთ შემთხვევას მეორისაგან განასხვავებდა?

ნუგზარი დაფიქრდა. მამუკამ კვლავ შეაბრუნა ფანქარი და ისევ შეუდგა მაგიდაზე გულდაგულ კაკუნს.

— არა, არავითარი განსხვავებული ვითარება არ ყოფილა, ყველა შემთხვევა ტყუპი ძმებივით ჰგავდა ერთმანეთს.

— იქნებ გაიხსენო, ჰა?

— არა მგონია, რაიმე დავუმატო.

კარზე დააკაკუნეს. პირველი თანაშემწე შემოვიდა, ნუგზარს მიესალმა და ხელიც ჩამოართვა. მამუკას მოახსენა „ალბატროსი“ მოგვადგაო.

- ნავი თუ ჩაუშვებს? — იკითხა „გეოლოგის“
- ნავს უკვე უშვებენ.
- აბა, მოვდივართ; წავიდეთ ნუგზარ, ილია ვაზოვს შევხვდეთ.

აივანზე რომ გავიდნენ, „ალბატროსის“ მობრუნებულ ნავი უკვე უახლოვდებოდა „გეოლოგს“. მერე საბმელებიც ტყორცნეს და „გეოლოგზეც“ მაშინვე დაიჭირეს.

ილია ვაზოვი მართო არ მოსულა, მას პირველი თანაშემწეც ახლდა.

ილია დაბალი კაცი იყო, გამხდარი, მაგრამ როცა ლაპარაკობდა, ვერც კი წარმოიდგენდით, რომ ეს მჭექარე ხმა ამ გალუული ადამიანის ყელიდან ამოდიოდა.

ილიასთან შედარებით პირველი თანაშემწე უფრო მაღალი გახლდათ. ხმა ჰქონდა მეტად სასიამოვნო და სულ ერთთავად დიმილს აფრქვევდა.

— ვიკრიბებით მომიჩინებები, — თქვა ვაზოვმა, — ისინიც ორ საათში მოვლენ, ჩემ უკან მოდიოდნენ.

მამუკა, რასაკვირველია, მიხვდა, რომ ვაზოვი დანარჩენ კაპიტნებს გულისხმობდა.

— ჩვენც აქა ვართ. თათბირის შემდეგ „გეოლოგი“ ალბათ ღუზიდან მოიხსნება, ვფიქრობ, დღესვე გავემგზავრებით ოთხასმეცხრე კვადრატისაკენ.

— დიახ, რასაკვირველია, დროის დაკარგვა არ ღირს.

— ამხანაგო ილია, თქვენ თუ იცნობთ ტრალის დაკარგვის შესახებ „ივერიაზე“ შედგენილ აქტებს.

ვაზოვმა ნუგზარს გადახედა.

— სამწუხაროდ ამ აქტებს არ ვიცნობ.

— დრო საკმაოა, მგონი, ცუდი არ იქნება თუ ახლა გაეცნობით. აი, ინებეთ.

— დიდი სიამოვნებით.

„ალბატროსის“ კაპიტანმა აქტები აიღო, სანამ კითხვას შეუდგებოდა, ხალათის ჯიბიდან სათვალე ამოაძვრინა და შემდეგ ცხვირი ქაღალდებში ჩარგო. სანამ კითხვას არ მორჩა, თავი არ აუწევია. შემდეგ ქაღალდები ისევ ერთმანეთზე დააწყობა, მამუკასაკენ გააჩოჩა და წყნარად თქვა:

- მამუკა — ჩემთვის რომ დაევალებინათ აქტების შედგენა ამ შემთხვევების შესახებ, მეც ზუსტად ასევე დაეწერდი.
- თუ კარგად გაგიგეთ, თქვენ ამბობთ, რომ თქვენთანაც ანალოგიურ შემთხვევაში დაიკარგა ტრალი.
- დიახ, სწორედ მაგას ვამბობ.
- მამუკამ ოთახში გაიარა, აკვარიუმში ნეკი ჩაყო და თევზებიც მაგრად შეაფუცხუნა.
- დიახ, ისინი ერთი სტანდარტული სქემით მოქმედებენ. ილია ვაზოვი ელდანაკრავივით ფეხზე წამოიჭრა.
- ვინ ისინი, თქვით, კაპიტანო!
- მამუკა შეცბა.
- ვანა, მე ვინმე დავასახელე?
- თქვენ ახლა თქვით ისინიო, ესე იგი, უკვე მიაკვლიეთ დამნაშავეებს.
- ვაზოვმა ნუგზარს შეხედა. ნუგზარი ისევ ილუმინატორში იყურებოდა, ისეთი სახე ჰქონდა, თითქოსდა მე ალთას ვარ, თქვენ კიდევ ბალთასაო.
- მე ვთქვი ისინი, მაგრამ ჯერჯერობით არც მე და არც თქვენ არაფერი ვიცით, თუ ვინ იმალება ამ სიტყვის უკან.
- რვა კაპიტნის შეხვედრა ბოლოს და ბოლოს სადამოთი შედგა. მამუკა ორბელიანის მთლად გაბოლილ კაიუტაში იჯდა მრავალჭირნახული რვა კაპიტანი. თათბირს მათ გარდა „გეოლოგის“ კაპიტნის უფროსი თანაშემწე და „ალბატროსის“ პირველი თანაშემწეც ესწრებოდა.
- როცა თამბაქოს გაბოლებით და მიკითხვა-მოკითხვით გული იჯერეს, მამუკა საწერ მაგიდასთან მივიდა, ზურგით კედლისაკენ დადგა და ჩუმად წარმოთქვა: დროა, საქმეს შევუდგეთ.
- კაიუტაში სიჩუმე ჩამოვარდა. მამუკამ კედელზე ჩამოშვებული ნეილონის ყვითელი ფარდა ხელის ენერგიული მოძრაობით გადასწია. გამოჩნდა ლურჯი და შავი ფერებით აჭრელებული რუკა.
- მამუკამ გულზე ხელები დაიკრიფა.



— მთავარ სამმართველოში ფრიად შეწუხებული იყავით იმით, რაც ოთხასმეცხრე კვადრატში მოხდა. საქმე ტრაგედიის როდია, ხვალ ამ ამბავს შესაძლოა, უარესი რამ მოჰყვეს. საქირთა, ყველაფერი გაირკვეს, დაზუსტდეს, ბოლოს და ბოლოს ვიცოდეთ, რა ხდება ჩვენს ქვევით. ნაოსნობის ისტორიაში ეს ფაქტი ხომ უპრეცედენტოა. ჩვენ გვაქვს ყველა საშუალება საქმის წარმატებით დასაგვირგვინებლად.

გავეცანი ყველა დოკუმენტს, რომლებიც დაკავშირებულია ოთხასმეცხრის ინციდენტთან. შეიძლება ერთი რამ დავასკვნათ: იქ, (მაშუკამ თითი ოკეანის ფსკერისაკენ გაიშვირა) რაღაც საოცარი ამბავი ხდება.

გუშინ, შუადღისას, ღუზა ამოვიღეთ, გავიარეთ სწორედ ოთხასმეცხრე კვადრატი და ყველაზე უახლესი რენტგენული აპარატებით გადავიღეთ ფსკერი. თქვენ ამ რუკაზე ხედავთ გადაღებულ მასალას. როგორც ამჩნევთ, ფსკერი არცთუ ისე მარტივია, როგორც ეს, ჩვენ, მეზღვაურებს ათადან და ბაბადან გვჭეროდა. აქ არის გრძელი, ნათელი ხაზები, არის საეჭვო წერტილები. ერთი სიტყვით, საქმე გვაქვს ფრიად გამოუცნობ საიდუმლოსთან, რასაც საბოლოოდ ფარდას წყალქვეშა ექსპედიცია ახდის. ექსპედიცია იმუშავებს ბატისკაფით.

— რამდენი ბატისკაფია „გეოლოგზე“ და რა მარკისა? — იკითხა რეწვის უფროსმა.

მამუკამ რეწვის უფროსს გახედა და დინჯად განაგრძო:

— „გეოლოგს“ აქვს სამი ბატისკაფი. ერთი — „კოლხეთი 7“ მარკისა, ერთი „ლენინგრადი“ და ერთიც მძიმე ბატისკაფი „გოლიათი 15“. ვფიქრობთ, რომ ეს უკანასკნელი საერთოდ არ დაგვჭირდება, რადგანაც მუშაობა ძირითადად 500-800 მეტრის სიღრმეზე მოგვიწევს. ამ სიღრმეებზე შესანიშნავად მუშაობს „კოლხეთი 7“.

— ვიცნობთ „კოლხეთს“, — თქვა „ალექსანდრე ნეველის“ კაპიტანმა მიხეილ ილგოვმა.

— ცუდი ბატისკაფი არ უნდა იყოს, ყოველ შემთხვევაში, მცირე სიღრმეებზე მას არ უჩივიან.

— შესანიშნავი ბატისკაფია, — ილგოვი ფეხზე ადგა, — წყნარ ოკეანეში მე მიმუშავია ამ ბატისკაფით. უნაკლოდ მუ-

შაობს. მხოლოდ საჭიროა, კარგი მექანიკოსი. აპარატურა ზე-ფაქიზია, მუდმივ კონტროლს მოითხოვს.

— ამ მხრივ ჩვენ დაზღვეული ვართ. ბატისკაფის ეკიპაჟში იქნება ჩვენი მრავალნაცადი მექანიკოსი ვიტალი შლიახოვი. ის საკუთარი საწოლივით იცნობს ამ ბატისკაფს. მხოლოდ ერთი ნაკლი აქვს, ბევრს ეწევა. რადგანაც სიტყვა ეკიპაჟზე ჩამოვარდა, ისიც უნდა ვთქვა, რომ წყალქვეშელებს „ივერიის“ კაპიტანი ნუგზარ რონდელი უხელმძღვანელებს.

ყველამ ნუგზარისაკენ გაიხედა. ნუგზარი კი ორბელიანს მისჩერებოდა თვალეში. ცდილობდა, ყველაფერი ზუსტად მოესმინა.

— ეს საკითხი ჯერ კიდევ ხმელეთზე გადაწყდა, როცა „გეოლოგის“ ეკიპაჟი კომპლექტდებოდა, ვფიქრობ, ამ დანიშვნის წინააღმდეგი არც რეწვის უფროსი ამხანაგი ზურაბი იქნება. ყველა შემთხვევაში, ახლა ჩვენ სხვა უფრო გამოცდილი წყალქვეშელი არა გვყავს, „ივერიის“ დროებითი კაპიტანი კი შეირჩევა.

რეწვის უფროსმა უკმაყოფილოდ აიწყურა ბეჭები. ეს უკმაყოფილება, რასაკვირველია, არც „გეოლოგის“ კაპიტანს გამორჩენია და დაუმატა:

— მინდა, ბოდიში მოვიხადო ამხანაგ ზურაბის წინაშე იმის გამო, რომ ეს საქმე მასთან შეუთანხმებლად გადაწყდა. მთავარსამმართველომ მე დამავალა მოლაპარაკება, თუმცა ვერაფერიშვილი დიპლომატი გამოვდექი.

მამუკამ გაიღიმა და როცა შენიშნა, რეწვის უფროსის სახეზეც გამოიღარა, დაუმატა:

— ნუგზარი თვითონ წინააღმდეგი გახლდათ, როგორც იყო დავითანხმე, რასაკვირველია, თუ ამხანაგი ზურაბიც მთავარსამმართველოს აზრს გაიზიარებს.

— თანახმა ვარ. დაე, უხელმძღვანელოს, ახლა ნუგზარი ყველაზე უფრო იქაა საჭირო.

— ჰოდა, ჰა ბურთი და ჰა მოედანი! — ნუგზარი უხელმძღვანელებს ჯგუფს. — ჩვენ, როგორც უკვე ვთქვი, დღეს ამოვიღებთ ღუზას, შევალთ ოთხასმეცხრე კვადრატში და შევუდგებით წყალქვეშა ექსპედიციისათვის მზადებას. ყოველ ახალსაინტერესო ინფორმაციას, რომელსაც წყალქვეშელებისაგან



მივიღებთ, შევატყობინებთ მთელ ფლოტს-სალამოს შემდეგ.

— აი, ყოველივე ის, რის თქმასაც თქვენთან ვაპირებდი. თუ რაიმე გინდათ მკითხოთ, მზად ვარ, გიპასუხოთ.

— განზრახულია თუ არა, კიდევ სხვა ღონისძიებები, თუ ოთხასმეცხრე კვადრატის ინციდენტი უფრო გართულდა?

— ამის თაობაზე შემიძლია შემდეგი გითხროთ: მსოფლიოს მრავალი ქვეყნის პრესაში დაიბეჭდა წერილები, გაერთიანებული ერების ასამბლეის იურიდიულმა კომისიამაც იმსჯელა. შეიქმნა აზრი...

— მამუკამ შეისვენა და კაპიტნების დაძაბულ სახეებს შეავლო თვალი.

— დიახ, შეიქმნა აზრი, თითქოსდა არსებობდეს ადამიანთა დღევანდელი ცხოვრების მორალური კოდექსის მიმართ მტრულად განწყობილი ხულიგანთა ჯგუფი. გაზეთები წერენ, რომ ეს თავხედობა მხოლოდ და მხოლოდ მათი სავიზიტო ბარათია.

პირადად მე ტყუილი მგონია ეს ამბავი. ვერ დავიჯერებ, მოცილილ ადამიანთა ერთ ჯგუფს გადაეწყვიტოს, გასართობად აქციოს ოკეანის ფსკერი.

— თითქოსდა არის ქეშმარიტების რალაც მარცვალი, — თქვა „ალექსანდრე ნეველის“ კაპიტანმა.

— ვერ დაგეთანხმებით ამაში. უფრო უპრიანი იქნება, თუ ვივარაუდებთ, რომ ოთხასმეცხრე კვადრატის ფსკერს გაცილებით ჭკვიანი თავი განაგებს, ვინემ მარახვეტიების გუნდია. კიდევ ხომ არაა შეკითხვა? კაპიტნები დუმდნენ.

— მაშინ, თუ შეკითხვები აღარაა, თითო კონიაკი გადავკრათ და გზას დავილოცავთ, ნუგზარ რონდელი კი დარჩება. მამუკა კარადასთან მივიდა, გამოაღო. კარადაში ჩადგმულმა მოზრდილმა მაცივარმა გამოანათა.

მაცივრიდან ჭიქები და კონიაკი გამოიღო და როცა უკლებლივ ყველა ჭიქა შეავსო, ზურაბს მიუჯახუნა და თქვა:

— ეს ჩვენი ახალი, სერიოზული საქმის დაწყებას გაუმა-



რჯოს. ყველაფერი კარგად, ისე, როგორც ჩვენ ვფიქრობდით, გვირგვინებულიყოს. წარმატებას გისურვებთ, მეგობრებო!

— თქვენც გისურვებთ წარმატებას, — თქვა ილგოძა და კონიაკი გადაკრა, — იცით რა, მამუკა ივანოვიჩ, სიამოვნებით მივიღებდი მეც მონაწილეობას ამ ექსპედიციაში, მაგრამ უფროსი თანაშემწე ავადმყოფობს. მშურს ნუგზარის ბედი.

— არა უშავს, თქვენ აქედან დაგვეხმარებით. ახლა კი, მეგობრებო, მიიღეთ თქვენი ფოსტა. გაზეთებიცა და წერილებიც პირველი თანაშემწის კაიუტაში აწყვია. მე გაგყვებით.

კარი გამოაღო და სტუმრებს პირველი თანაშემწის კაიუტისაკენ გაუძღვა, როცა ყველაფერს მორჩინენ და „გეოლოგის“ ბორტს სტუმრების უკანასკნელი ნავიც მოშორდა, ნუგზარმა მკლავზე მოქაჩა.

— მამუკა, შენთან სათქმელი მაქვს. ჯერ ერთი, ჩემს გემზე უნდა გადავიდე, ზოგიერთი საქმე მაქვს მოსაგვარებელი, ფოსტასაც წავიღებ.

მამუკას სახე დაუგრძელდა, უქმაცოფილება არც კი დაუფარავს.

— აუცილებელი საქმეა, თორემ არ წავიდოდი.

— რა გაეწყობა.

— ჯერ ბოლომდე არ მითქვამს, — ჩემი ეკიპაჟიდან ერთი კაცი უნდა ავიყვანო. გამოცდილი წყალქვეშელია, თორემ სიტყვისაც არ ღავეძრავდი.

მამუკამ ყურადღებით აათვალ-ჩაათვალა, მერე სახეში გამომცდელად ჩააშტერდა.

— ენდობი?

— საკუთარ თავზე უფრო.

— ვინ არის?

— ანდრო გაბოშვილი. სულ წყალქვეშ მუშაობდა: პირველად წამოვიდა სათევზაოდ გემზე და დამქაჩთან დავაყენე. ის რომ არ წავეყვანო, დიდ ცოდვას ჩავიდენ.

— იღბალი ჰქონია იმ შენს ანდროს. სწორედ გზაზე გაგვიხდა ცუდად ერთი მყვინთავი. წუხელაც ვფიქრობდი, ვინ გამეშვა მის ნაცვლად. ხალხი კი მყავს, მაგრამ ისეთები არ მეგულება, ეს მეტად საპასუხისმგებლო საქმე რომ ვანდო. იყოს ნება შენი...



ნუგზარი „ივერიაზე“ გადავიდა თუ არა, მაშინვე პირველი და უფროსი თანაშემწე. არც კი დამჯდარა, გიორგის გადასცა და უფროს თანაშემწეს მიუბრუნდა.

— მე დღესვე, რამდენიმე წუთის შემდეგ გადავიდვარ „გეოლოგზე“. მყვინთავთა ჯგუფს უნდა ვუხელომდვანელო. ასეთია მთავარსამხართველოს გადაწყვეტილება.

უფროსმა თანაშემწემ თავი დაიქნია, აქაოდა ყველაფერი გავიგეო.

— ოთხასმეცხრე კვადრატიდან შორს ნუ წახვალთ შეეცადეთ, დღედაღამეში ორმოცდაათი ტონა მაინც გაყინოთ. ასე თუ არ გავაკეთებთ, გეგმას კი შევასრულებთ, მაგრამ ვალდებულებას ვერა. დუდინს სთხოვე, როგორმე ორი ასეთი ტრალი გამართოს. მტრისას, ამას რომ რამე მოუფიდეს, მთელი ორმოცი საათი უქმად დგომა მოგიწევთ. მე შემპირდა, გავმართავო და ალბათ შეასრულებს პირობას.

სამ დღეში ბაზა მოვა. თევზის ფქვილი უეჭველად გადატვირთეთ. ხომ ხედავთ, რა დღეში ვართ, მაშველი ნავების ქვეშაც კი გვიწყვია. ღმერთმა ნუ ქნას, გრიგალი ამოვარდეს, უეჭველად გადაგაბრუნებთ. თევზის ფქვილი უსათუოდ მოიშორეთ...

კიდევ რამდენიმე აუცილებელი განკარგულება გასცა. მერე საჭირო პირადი ნივთები ფაციფუცით პატარა ჩემოდანში ჩაყარა და კაიუტის კარი გაიხურა.

ბოჯურაზე უფროს თანაშემწეს გამოაცხადებინა, გაბოშვილი მოემზადოს „გეოლოგზე“ გადასასვლელად. ანდროსაც ბევრი სამზადისი არ დასჭირვებია და კაპიტანს უკანა ერდოზე დახვდა. ხელში მის მიერ მოქსოვილი ბაღურა ეკავა. ბაღურაში კიდევ ვინ მოთვლის, რა აღარ ჩაეჩურთა.

კაპიტანმა რომ პირთამდე გატენილ ბაღურას მოჰკრა თვალი, ანდრო ჩაათვალღერა და ღიმილით იკითხა:

— ძმობილო, შენ რა, საქორწინოდ მიდიხარ, თუ ოკეანის ფსკერზე სამუშაოდ?

— ბევრი არაფერია, კაპიტანო! მარჯნის ნამსხვრევებია და კიბორჩხალების ფიტული. ბიჭებს დავასაჩუქრებ, სუვენირად გამოადგებათ.

— აჰა, ეგრეა საქმე.



თავისი სიტყვებისათვის მეტი ძალა რომ მიეცა, ბადაშვილი თავი შეუხსნა და მოწითალო ფერის კიბორჩხალების ლეხები გამოაჩინა.

კაპიტანმა ბეჭზე ხელი დაჰკრა.

— აბა, გადახტი ნავში.

ანდრო გადახტა. კაპიტანიც მიჰყვა. ნავის ლუკი დაიხურა და „გეოლოგისაკენ“ გაცურდა.

„გეოლოგზე“ მამუკა ორბელიანს უკვე შეეკრიბა სამი წყალქვეშელი, პირველი და უფროსი თანამემწე და „ივერიელთა“ მობრძანებას ელოდებოდა. როცა ნუგზარი და ანდრო გაბოშვილი ორბელიანის კაიუტაში შევიდნენ, მამუკამ ანდროს ხელი ჩამოართვა, დივანზე დასვა და ლუზის ამოღების განკარგულება გასცა. მერე თავის კაიუტაში გამოიძახა „კოლხიდა 7“-ის ეკიპაჟი.

სანამ ლუზას იღებდნენ, იგი განუწყვეტლივ მიმოდიოდა ბოგურასა და თავის კაიუტას შორის. ხოლო შემდეგ, როცა ლუზა დიდის ამბით დააბინავეს, კაპიტანი კაიუტაში შევიდა. იქ გრძელ მაგიდასთან უკვე ისხდნენ ბატისკაფელები. კაპიტანის შესვლისთანავე ისინი ფეხზე წამოდგნენ. კაპიტანმა ბრძანა, დაბრძანდითო და კედელთან მივიდა, ყვითელი ფარდა გადასწია. ნუგზარმა შენიშნა, რომ კედელზე ის ძველი კი არა, სხვა, ახალი რუკა ეკიდა. ეს რუკა მისთვის ნაცნობი იყო. სქელ ქაღალდზე ჩანდა წითელი ხაზებით კვადრატებად დაყოფილი რეწვის რაიონი.

— მივდივართ ოთხსამეცხრე კვადრატისაკენ. ექვს საათში იქ ვიქნებით. ამალამ გადავიღებთ ფსკერის კიდევ რამდენიმე სურათს. დილით ჩვენ შევადარებთ ძველ გადაღებულსა და ახალს. ამ ოპერაციის შემდეგ მოხდება ბატისკაფე „კოლხეთის“ ჩაშვება, რომლის ეკიპაჟის წევრები ახლა აქ იმყოფებით. ეკიპაჟს უხელმძღვანელებს ნუგზარ რონდელი. მე მას აღარ დავახასიათებ, ვისაც საქმე ოკეანის ფსკერთან აქვს, არ შეიძლება მისი სახელი და გვარი არ გაგეგონოს. როგორც ვთქვი, იგი იქნება საერთო ხელმძღვანელი, პასუხს აგებს ეკიპაჟის საქმიანობაზე.

ტექნიკოსად იმუშავენს ვიტალი შლიახოვი. ესეც ცნობილი გვარია წყალქვეშელთა შორის.

ოცდაათი ოდრე წლის კაცი წამოდგა. ღიმილით გადახედდა მყოფთ და თავის დაკვრით მიესალმა. მის სანდომიან სახეზე და ცისფერ თვალებში მაშინაც არ გაკრეფილა ღიმილის ნაპერწკლები, როცა მამუკამ ეკიპაჟის მესამე წევრზე დაიწყო ლაპარაკი. ეს წევრი კი ვალერი ბასილაია გახლდათ, რომელიც დივანის ბოლოში ჩამომჯდარიყო და რაღაც ჟურნალს ფურცლავდა. მისი გვარი რომ ახსენეს, ჟურნალი გვერდზე გადადო, წამოდგა და ეშმაკური თვალები მკვირცხლად მოავლო ყველას.

— ეს არის ვალერი ბასილაია, — ლაპარაკობდა მამუკა, — ათასი კვიმატი საქმის წამომწყები, მაგრამ ვფიქრობ, გართობისათვის იქ საკმაოდ მცირე დრო დარჩება. ასე არ არის, ნუგზარ?

— ვალერის ვიცნობ, კარგი მეზღვაურია, რა ვუყოთ, თუ ცოტა ხუმრობაც უყვარს, ღმერთმა ხელი მოუშართოს.

— ვალერი ძირითადად უხელმძღვანელებს განათებას. თქვენს განკარგულებაში. იქნება ოთხი სატელევიზიო კამერა და სამი პორტატიული ვიდეოჩამწერი. ბატისკაფიდან გასვლის დროს შეგიძლიათ გამოიყენოთ როგორც სატელევიზიო კამერები, ასევე ვიდეოჩამწერი. დავალებულია, ფსკერი გამოირკვიოთ ყურადღებით, გადაიღოთ ფოტო და ვიდეოსურათები. ბატისკაფს აქვს ზემძლავრი პროექტორები. საჭიროების შემთხვევაში პროექტორების გარეთ გატანაც შეიძლება.

მამუკამ ერთ წუთს შეისვენა. მერე ანდრო გაბოშვილს შეხედა და გააგრძელა:

— ამხანაგ რონდელის რეკომენდაციით ეკიპაჟი შეივსო „ივერიიდან“ გადმოსული მეზღვაურით. არ ვიცი, ვიტალი და ვალერი იცნობენ თუ არა?

— ვიცნობთ, ვიცნობთ და ერთადაც გვიმუშავია, — თქვა შლიახოვმა, — სასიამოვნოა, რომ მეოთხე წევრი ანდრო გაბოშვილია.

— თუ ასე კარგად იცნობთ, ეს მეც მახარებს. ახლა ეკიპაჟის წევრებს ვათავისუფლებ, შეგიძლიათ დაისვენოთ. გაბოშვილს გააცანით ბატისკაფის ტექნიკა.

ყველანი ადგნენ.

— ამხანაგი რონდელი დარჩეს, — თქვა მამუკამ და ეს სი-

ტყეები სწორედ კაიუტის ღია კართან დაეწია ნუგზარს, შემოიხილა და ბრუნდა და კარი მიხურა.

— შენ სადღა მირბიხარ, ბიჭო?

— მეგონა, მეც მანიჭებდი თავისუფლებას.

— ეგრე არა, შვილოსან, ჩვენ ჯერ ბევრი ოფლი გვაქვს სადენი, აბა აქ დაჯექი, როგორ მოგწონს ბიჭები?

— ჯერ ვერაფერს დავუწუნებ, დანარჩენს ფსკერი გვაჩვენებს.

— ვერაფერს დავუწუნებ, — ჩაილაპარაკა მამუკამ, მერე უფროს თანაშემწეს მკლავზე მოქაჩა და მაცივრისაკენ ანიშნა, — მართლაც დასაწუნი არაფერი აქვთ, მაგრამ ერთმანეთს უნდა შეეწყონ. წყალქვეშელები და ალპინისტები ამ მხრივ ერთი ბედისანი არიან. თუ კოლექტივი ძმური არაა, ვაი დედასა, იქ ხიფათი გარდუვალია.

უფროსმა თანაშემწემ მაგიდაზე „გრემი“ და პატარა ტიქები დადგა.

— მართალი ხართ, მამუკა, ორივენი — ალპინისტებიცა და წყალქვეშელებიც ბეწვის ხიდზე გამავალი ხალხია. ეს ხიდი უხიფათოდ რომ განვლო, უნდა შეგეძლოს მეგობრისათვის თავის განწირვა. ძალიან უნდა გიყვარდეს სიცოცხლე და პატივსაც სცემდე.

— ხედავთ, ჩემს უფროს თანაშემწეს? პოეტურად ლაპარაკობს, მაგრამ რასაც ლაპარაკობს ხომ სრული ჭეშმარიტებაა.

— სრული ჭეშმარიტებაა, — დაეთანხმა ნუგზარიც და სანვარძელზე გადაწვა.

— მამუკა ყურადღებით დააკვირდა.

— ხომ არ გეძინება, ბიჭო?

— არც უთმისობაა, სანამ ოთხსამეცხრესთან მივიდოდეთ, შემიძლია გავუძლო.

— საჭირო არაა, წამოწევი, აი დივანი, როცა მივალთ, ვაგაღვიძებ; სჯობია, ახლა მოატყუო თვალი, ვინემ მერე დანებდე ძილს.

— ასე ვიზამ, ბოდიშს ვი ვიხდრ...

ნუგზარი წამოდგა. მას სხვებმაც მიბაძეს, როცა „გეოლოგის“ კაპიტანი ბოგურისაკენ მიმავალ კარში გაძვრა და მას პირველი და უფროსი თანაშემწეც მიჰყვა, ნუგზარი დივანზე



წამოწვა, მართლაც ძალიან ეძინებოდა და მაშინვე ტყვედ დაეცა რანში გაეხვია.

მამუკა ბოგურაზე შედგა და მაშინვე ცენტრალურ მინასთან დადგა. ბოგურა ჩაბნელებული იყო, მაგრამ მესაჭე მაინც მიხვდა, ბოგურაზე კაპიტანმა რომ გაიარა.

— რამდენია მრიცხველზე? — იკითხა კაპიტანმა.

მესაჭემ მკრთალად განათებულ მრიცხველს დახედა.

— 165 გრადუსი, კაპიტანო!

— რამდენი დარჩა ოთხასმეცხრემდე?

— ორი საათის გზა.

ეს უკვე უფროსმა თანაშემწემ თქვა, იგი კაპიტანის გვერდით დადგა და უფრო ხმადაბლა განაგრძო:

— ახლა ჩვენ ოთხასმეშვიდე კვადრატზე მივცურავთ. დღეს აქ თევზის დიდი ქარავანი გამოჩნდა და გემებიც ბლომად მოაწყდნენ. მშვიდად თევზაობენ, მყუდროებას არავინ ურღვევთ.

მართლაც „გეოლოგი“ გემების დიდ ჯგუფში მიცურავდა. მარცხნივ და მარჯვნივ, პირდაპირ თუ უკან, ყველგან მეთევზეთა გემები ჩანდა.

— ფრთხილად იარეთ, ხედავთ, რა ფარვარტერები შეუქმნიათ.

— გასაგებია, ფრთხილად ვიცურებთ. თქვენ დასვენებას ხომ არ აპირებთ?

— დიახ, ცოტას დავისვენებ. ოთხასმეცხრე კვადრატში რომ შევცურდებით, გამაღვიძეთ, უჩემოდ გადაღება არ დაიწყეთ.

— გასაგებია, — ჩაილაპარაკა უფროსმა თანაშემწემ.

ორი საათის შემდეგ კი „გეოლოგის“ ბოგურაზე იდგა ორივე კაპიტანი, „გეოლოგის“ პირველი და უფროსი თანაშემწე, უფროსი მექანიკოსი და ელექტრომექანიკოსი. გემი ნელა მიცურავდა ოთხასმეცხრე კვადრატისაკენ. ირგვლივ, ყველა მუხობელ კვადრატში, გახურებული თევზჭერა იყო და გემების შუქიც ოკეანეში აღმოცენებული ქალაქების ილუზიებს ქმნიდა. მხოლოდ ოთხასმეცხრე იყო უკაცრიელი, როგორც თაზისებს შორის მოქცეული უდაბნოს გატიალეებული ზოლი.

— ორასმეთოთხმეტე გრადუსზე ვადი! — უთხრა მამუკამ მესაჭეს.

— არის, ორასთოთხმეტი, — და ცოტა ხნის შემდეგ ღამატა, რუმბაზე ორასთოთხმეტია.

— გეჭიროს ასე! — ბრძანა ორბელიანმა და უფროს მექანიკოსს მიუბრუნდა, — დაიწყონ გადაღება!

უფროსი მექანიკოსი დერეფანში გამავალი კარისაკენ წავიდა. ზედ კართან კიდევ დაეწია კაპიტნის ბუბუნა ხმა:

— კოლია, თუ ძმა ხარ, ფირის გამელაგება დააჩქარე.

უფროსი მექანიკოსი ზღურბლთან შეჩერდა.

— გამთენიისას ფირი მზად იქნება.

— მადლობელი ვარ.

კაპიტანი მესაჭისაკენ შებრუნდა.

— ზუსტად გეჭიროს ეს კურსი.

ნუგზარი გვერდით დაუდგა.

— ჩვენ რომ გვაჩვენე ის სურათები, ამ კურსზეა გადაღებული?

— ამ კურსზეა. მინდა შევადარო, ცვლილებები ხომ არ მომხდარა გუშინს აქეთ.

— ჭკვიანური აზრია.

— ჯერ ასე გავიაროთ, შემდეგ ვერთიკალურად გადავკვეთოთ. დილით კი ფირებს რომ ჩავგაბარებენ, ჩავიკეტოთ და ყველაფერი საგულდაგულოდ გავსინჯოთ.

კაპიტანმა უეცრად გემისაკენ მომჭროლავ ყვითელ ზოლს მოჰკრა თვალი. ზოლი ლარივით სწორი იყო, თითქოსდა ოკეანის ზედაპირზე სახაზავი დაედოთ და ეს ყვითელი ხაზიც მას გამოჰყოლოდეს.

მამუკამ ნუგზარს ბეჭზე ხელი შეახო.

— ხედავ? დელფინი მოჭრის, ფოსფორულ ხაზს ტოვებს. სულ პირველად რომ ვნახე ღამეში დელფინთა ასეთი ლტოლვა გემისაკენ, კინალამ სული განვუტევე.

მაშინაც ატლანტის ოკეანეში მივცურავდით. ერთიც ვნახოთ, ღამის ვახტზე ვდგავარ, მესამე თანაშემწედ ვმუშაობდი გავიხედე და რას ვხედავ, ოკეანის ზედაპირზე სამი ცეცხლოვანი ზოლი მოჩანს. მაშინვე დავასკვენი, რომ ტორპედოები გვესროლეს. ვინ? ამის გამო ტვინი აღარ მიჭყლეტია. კიდევ

რამდენიმე წამი და, ეჭვი აღარ მეპარებოდა, გემის ვეზი ჰაერში მიმოიფანტებოდა.

კაიუტაში შევარდნა და კაპიტნის გაღვიძება გადავწყვიტე. ის იყო, ფეხიც გადავდგი რალაც ბედად ჩემს გვერდით მეორე თანაშემწე აღმოჩნდა. „ტორპედოებს“ მშვიდად გადახედა და ასეთივე სიმშვიდით მომმართა:

— რას ფიქრობთ, თანაშემწევ, ხომ ლამაზ ოინებს გვიწყობენ ეს ონავარი დელფინები?

ავირიე, მაგრამ გონს მაინც სწრაფად მოვეგე.

— აბა, ხედავთ, როგორ ლამაზად მოცურავენ.

— საოცარია, რატომ მოცურავენ გემებისაკენ, მოვარდებიან, ზედ ქიმთან ამოხტებიან და ისევ უკან მიიჩქარიან.

განა სალამის სათქმელად ასე შორს წამოსვლა ღირს?

ამასობაში დელფინებმა მისალმების ცერემონიალი დაამთავრეს და მეც სული მოვითქვი.

— ვამთავრებთ ოთხსმეცხრე კვადრატს, — თქვა უფროსმა თანაშემწემ.

— ვიცუროთ სამხრეთით სამი მილი. შემდეგ შემოვბრუნდეთ და გადავკვეთოთ ჩვენ მიერ განვლილი გზა. — თქვა კაპიტანმა. უფროსმა თანაშემწემ რუმბას დახედა და მესაქვს განკარგულება მისცა.

გემი მძიმედ შებრუნდა სამხრეთისაკენ და ასევე ნელი რხევით გავიდა კურსზე.

როცა ბოგურაზე მეოთხე თანაშემწე შემოვიდა და თქვა ფირების პირველი წყება უკვე გამოვამჟღავნეო, დილის ხუთი საათი იქნებოდა. კაპიტანი ფეხმოუცვლელად იდგა ცენტრალურ მინასთან. მისჩერებოდა ჩაშავებულ ოკეანეს და ასევე ზეზეულად თვლემდა. მეოთხე თანაშემწის ხმა რომ გაიგონა, ნუგზარს მარჯვენა ხელი ბეჭში ჩაავლო და კაიუტაში შეიყვანა.

— აბა, სააბაზანოში შედი, ცივი წყალი შეისხი სახეზე და მერე ლაბორატორიას მივაკითხოთ.

ნუგზარს თავპატიყი არ დაუწყია. სააბაზანო ოთახში შევიდა და ცივი წყალი მოუშვა. პერანგი გაიხადა და ასე ტანზევით ტიტველი, შხაპისაკენ გადაიხარა.

ცივი წყლის მაგარი ჭავლი ბეჭებზე სცემდა, ზურგზე ეღვრებოდა და ტანშიც სასიამოვნო ყრუანტელი უვლიდა. მერე



სახეც გაიგრილა, როცა ამ სასიამოვნო პროცედურას კავიდან ქათქათა, პირსახოცი ჩამოხსნა და დიდხანს იმშრალეზდა.

— მორჩი? — ჰკითხა კაპიტანმა, მშრალეზ-მშრალეზით საძინებელ ოთახში რომ გავიდა, — დამელოდე და ახლავე მოვალ.

მამუკამ სააბაზანოს კარი ჩაიკეტა.

ეს ახლავე ბარე ოცი წუთი მაინც გაგრძელდა. ოცი წუთის შემდეგ ჯაგარივით სქელი თმის ვარცხნით კაიუტაში შემოვიდა „გეოლოგის“ კაპიტანი. ისეთი სახე ჰქონდა, თითქოსდა ეს ღამეც ბოგურაზე კი არა, თბილ, ღულუნა ლოგინში გაეტარებინოს.

— აბა, გავქანდით!

მართლაც გაქანდნენ.

ტელეფონტოსტუდია მეზღვაურთა სასადილოს პირდაპირ იყო მოთავსებული, ზედ უკანა ერდოს ქვეშ. გემის კორპუსში ოთხი დიდი ოთახი ემსახურებოდა ამ საქმეს. რენტგენული კამერები გემის ფსკერზე იყო მოთავსებული, განკარგულებას კი სტუდიიდან ღებულობდნენ.

პირველი, ცენტრალური, ოთახი სადემონსტრაციო იყო. სწორედ აქ შეიყვანა მამუკამ ნუგზარი.

კედელზე ორი მოზრდილი ეკრანი ჩანდა. ეკრანის წინ შვიდი ლამაზი სავარძელი იდგა. სავარძლების წინ კი, გრძელი, დაბალი მაგიდა. ამ სავარძლებში უკვე იჯდა ორი კაცი: უფროსი მექანიკოსი და პირველი თანაშემწე. როცა მათ გვერდით მამუკა და ნუგზარიც მოთავსდნენ, ვიღაცამ რადიოთი იკითხა, დავიწყეთო?

კაპიტანი გადაიხარა, გრძელ მაგიდაზე, მიკროფონის გვერდით მოთავსებულ წითელ ღილაკს თითი შეახო და ჩასძახა: — დაიწყეთო.

ჯერ მარცხენა ეკრანი აინთო და ამ ეკრანზე ნუგზარმა მაშინვე იცნო ოკეანის გრუნტის რუკა, გუშინ რომ ნახა კაპიტანის კაიუტაში. შემდეგ მეორე აინთო და მამუკამაც სწორედ მაშინ უჩუჩრჩულა, ყურადღება მიაქციეო.

ეკრანზე ორი გრძელი თეთრი ხაზი გამოისახა. ეს ხაზები მიემართებოდა მთელი ეკრანის გასწვრივ. ხაზებთან რაღაც



მბეჭუტავი წერტილები ჩანდა. იმავ დროს დიქტიონარით ერთო.

— სურათები ზუსტად ემთხვევა ერთმანეთს, დაბეჯითებით შეიძლება ითქვას, გუშინდელი დღის შემდეგ ოკეანის ფსკერზე არაფერი შეცვლილა. ჩვენ გავიანგარიშეთ წერტილების ერთმანეთისაგან დაშორებაც, არც მანძილი შეცვლილა. ყველაფერი ზუსტად ისეა, როგორც გუშინ იყო.

ერთი საათის შემდეგ შეგიძლიათ ნახოთ ახალი კადრები.

სტუდიიდან აივანზე რომ გამოვიდნენ, უკვე ჩვეულებრივი ტროპიკული დილა იდგა. მზე ნელ-ნელა მოიწვევდა სადღაც ნამიბოის უდაბნოს იქიდან. მისი დისკო ჯერ ცის კაბადონს არ გაპკვროდა. მაგრამ აღმოსავლეთი მთლად წითლად შეეღება. სხივების განიერი წითელი ზოლი ოკეანეზეც გადმოწოლილიყო და ზღვის ლომების პრიალა ზურგზე ლიცლიცებდა.

ნელი პასატი უბერავდა. აფრიკიდან მოჰქონდა ქოქოსის პალმებისა და ტროპიკული წვიმით გულგამძლარი მიწის სუნი. გემის გასწვრივ უზარმაზარი რუხი პეპლები დაფარფატებდნენ.

მამუკამ ღიმილით გახედა.

— ხედავ, საიდან მოსულან, სულ ცოტა თოთხმეტი მილი მაინც ხომ გადმოიფრინეს. არც ისე სუსტი ყოფილა პეპელა, როგორც გვეგონა. აფერუმ თქვენს ვაჟკაცობას.

— ტროპიკულმა წვიმამ გამორეკა, როგორც ჩანს, წუხელ, იქ, ხმელეთზე, წარღვნამ გადაიარა. ახლა უდაბნოს ნახვა ერთ რამედ ღირს. გაიღვიძებდა, სულ ყვავილებითა და მწვანეთი მოირთვებოდა. მერე რა, ერთს გამოიხედავს და საღამოს ისევ ჩაქამდება.

— ასე დაუდგენია ბუნებას უდაბნოსათვის, — ჩაილაპარაკა მამუკამ და ნუგზარს ბეჭებზე ხელი დაადო.

— ის ფირებიც ვნახოთ და შუადღისას შეიძლება ბატისკაფიც ჩავუშვათ.

კაპიტნის გამოხედვაში ცოტაოდენი ნალველი შენიშნა რონდელმა და უმწეოდ გაიღიმა.

— თქვენი ნებაა, კაპიტანო, მზად ვარ, ოღონდ სანამ ჩავეშვებოდეთ, მინდა ბიჭებს ვესაუბრო. ბატისკაფსაც დავათვალიერებ.

— წავიდეთ, ბიჭებს ახლავე გამოვუძახებ.
— მამუკა, მაპატიე, მარტო მინდა ვესაუბრო.
ორბელიანი შეცბა.

— ჩემს კაიუტაში შედი, იქ გამოგიძახებ, მე ბოგურაზე ვიქნები, — ამრღერლა მან და განიერი ბეჭების რხევით აივანზე გაიარა.

ნუგზარი კაიუტაში შევიდა თუ არა, მაშინვე თავისუფლად ამოისუნთქა. ხომ სიყრმის მეგობარი იყო მამუკა, მაგრამ მასთანაც კი ამ სხვა გემზე, უცხოდ გრძნობდა თავს. ძალიან შოუნდა ახლა თავის კაიუტაში მჯდარიყო საწერ მაგიდასთან.

ნელა გაიარა და ილუმინატორთან გაჩერდა.

კარზე დააკაკუნეს და პირველი ვიტალი შლიახოვი შემოვიდა. კართან დადგა, გასწორდა და იკითხა.

— თქვენ მეძახდით, კაპიტანო?

ნუგზარმა თავი დაუქნია. ახლა შეამჩნია, ვიტალის თხელი, ძალიან პატარა, აბზეკილი ცხვირი რომ ჰქონდა. თეთრ სახეზე კეთილად უციმციმებდა, ვიწრო, ცისფერი თვალები.

— დაჯექი ვიტალი, — თქვა რონდელმა და ილუმინატორს მოშორდა.

ანდრო გაბოშვილი და ვალერი ბასილაია ერთად მოვიდნენ. ვალერი მაშინვე ჩაჯდა სავარძელში, ანდრო კი, უროსოდენა მუჭებში ნაცრისფერი ხაკის ქუდს კმუჭნიდა.

— მაშ ასე, ყველანი აქა ვართ. დღეს შუადღისას ჩვენ ვესტუმრებით წყალქვეშა სამყაროს. კიდევ არის დრო, თუ რომელიმე თქვენგანი მერყეობს, შეუძლია განაცხადოს და შევცვლით.

სამივე გასუსული იჯდა.

— რეისი მძიმე იქნება, და სახიფათო...

— რატომ გვაშინებთ, კაპიტანო! — გაისმა შლიახოვას ხმა.

ნუგზარს, თითქოსდა ეს სიტყვები არც კი გაეგონოს, ისევ განაგრძო.

— ოთხსამეცხრე კვადრატის გამოკვლევა ბევრ რამეს ახდის ფარდას, ჩვენ ამის პირველი მოწმენი ვიქნებით. ახლა არ დაგიწყებთ იმის მტკიცებას, როგორი უნდა იყოს წყალქვეშელი. თითოეულმა თქვენთაგანმა ეს ჩინებულად იცის, —



მხოლოდ ერთს გეტყვით: როგორც ძველები ამბობდნენ, „ზღვა მკაცრი მამაა და მცირედ შეცდომასაც არ გვაპატიებს“.

ვიტალი, გთხოვთ კიდევ ერთხელ ვალერისთან ერთად შეამოწმოთ კავშირგაბმულობის საშუალებები, ტელეკამერები, მთელი ტექნიკური მეურნეობა. თუ რომელიმე მექანიზმი კარგად არ მუშაობს, ჯერ კიდევ არის დრო წესრიგში მოვიყვანოთ, მერე გვიან იქნება, ანდრო, შენც მოეხმარე მეგობრებს.

როცა მეზღვაურები წავიდნენ, ნუგზარმა გაიფიქრა, რომ საუბარი მთლად ისეთი არ გამოუვიდა, როგორც განზრახული ჰქონდა. ვერ იქნა და ვერ გაუხსნა გული ამ თბილსა და ენერგიით სავსე ყმაწვილებს. ნაწყენი იყო თავისთავზე. ეს ძაძუკამაც შენიშნა, როცა „ივერიის“ კაპიტანმა ბოგურზე შეაბიჯა.

— რაო, არ მოგწონს ბიჭები?

— ჩინებული ბიჭები არიან.

— აბა, რად ჩამოგიშვია ცხვირი?

ნუგზარმა გაღიმება სცადა.

— ისე, ალბათ გადავიღალე.

— წამოდი, ბატისკაფი დავათვალიეროთ.

უკანა ერდოზე უზარმაზარ ამწეს ყუნწზე შებერებულ მსხალივით ეკავა მართლაცდა მსხლის ფორმის ბატისკაფი. ბატისკაფის ქვედა, ძირითადი კორპუსი, ერდოზე იდგა, მის სრგვლივ მატროსები ფუსფუსებდნენ. როცა მასთან კაპიტნებიც მივიდნენ, ყველამ გზა უტია.

მამუკამ გაიხრა მეზღვაურებს შორის და არცთუ ისე ვიწრო ლიუკში ბეჭებში მოხრილი შეძვრა. მას ნუგზარიც მიჰყვა. ისინი მრგვალ ოთახში აღმოჩნდნენ. პლასტიკატის ნაცრისფერი კედლების გასწვრივ უამრავი აპარატურა იყო ჩარიგებული. ყოველი მექანიზმი კედელზე მჭიდროდ იყო დამაგრებული. მანქანების ამ სამყაროში ერთად ფუსფუსებდნენ წყალქვეშა ექსპედიციის წევრები, უფროსი მექანიკოსი და ელექტრომექანიკოსი.

ნუგზარს თვალში ეცა იდეალური სისუფთავე და მაშინვე გაიფიქრა, რომ ბატისკაფს კარგი პატრონი ჰყავდა.

კაპიტნებმა მანქანებს უხმოდ შემოუარეს და მერე ლიუკთან დადგნენ.



— რას იტყვის უფროსი მექანიკოსი? — იკითხა მამუკამ.
 უფროსი მექანიკოსი ტელეპულტს მოშორდა, წელში დაიხრია და
 მართა და ხმამაღლა თქვა:

— ყველაფერი წესრიგშია.

— შენ რას იტყვი, ვიტალი?

— ვერაფერს დავუმატებ უფროსი მექანიკოსის ნათქვამს.
 მამუკამ ნუგზარს გადახედა და ლიუკში გაძვრა.

— კმაყოფილი ხარ? — უკვე დერეფანში ჰკითხა „ივე-
 რის“ კაპიტანს.

— უფლება არა მაქვს, რომ უკმაყოფილო ვიყო.

— აბა, ახლა ის ბოლო ფირებიც ვნახოთ.

მაგრამ არც ფირების უკნასკნელ კადრებს გამოუმედაგნე-
 ბიათ რაიმე ახალი საიდუმლო. ზუსტად გუშინდელი მასალის
 ასლი აჩვენეს და მამუკამ თქვა, ყოველივე ის, რაც ფსკერზეა,
 მყარად დგას და სახეს ასე ადვილად არ იცვლის. დანარჩენს
 ექსპედიცია გვეტყვის. ახლა სუფრას მივუსხდეთ და გზას და-
 გილოცავთ.

წინ უფროსი თანაშემწე შემოეგებათ. ორბელიანმა ბექ-
 ზე ხელი დაადო.

— განკარგულება გაეცი, კაიუტკომპანიაში პატარა სუფრა
 გააწყონ.

— რამდენი პერსონისათვის? — იკითხა უფროსმა თახა-
 შემწემ.

ორბელიანი ერთ წუთს შეყოვნდა, მერე ნუგზარს შეხედა
 და ხმადაბლა თქვა:

— ჩვენთვის, შენთვის და ჩემთვის.

— გასაგებია, — ჩაილაპარაკა უფროსმა თანაშემწემ და
 მერე მისი რიხიანი ხმა დერეფნის ბოლოდან მოისმა, მომარა-
 გების უფროსს მეფური სუფრის გაშლას უბრძანებდა.

ნახევარი საათის შემდეგ კაიუტკომპანიაში, როცა სუფრას
 მიუსხდნენ, მართლაც რომ იგრძნობოდა მასპინძელთა გუ-
 ლუხვობა. სხვა დროს ხელმოკერილ მომარაგების უფროსს,
 ამჯერად არც ხიზილალა გამორჩენია და არც ბოლში გამოყ-
 ვანილი დოში.

ნუგზარს მართლაც შიოდა თანაც იმასაც გრძნობდა, რომ
 ასეთ სუფრას, სანამ ფსკერს კარგად არ გამოიკვლევდა, ვე-

ღარ მიუჯდებოდა. სკამზე დაეშვა თუ არა, მაშინვე წავიდა და საქმეს გულდაგულ შეუდგა.

ორბელიანმა მომცრო ჭიქები ჭაჭის არაყით აავსო. მზის შუქზე იისფრად შეფერილ სითხეს გახედა და რალაც ჩაიბუბუნა. თუ რა თქვა, კარგად ვერც კი გაიგო ნუგზარმა. თავისი ჭიქა აიღო და გადაჰკრა.

— კახურია, არა?

მამუკამ გაიღიმა.

— განა ფერზე ვერ შეატყვე?

— დიახ, შევატყვე და კარგადაც შევატყვე. ჩინებულია. მამუკას აღარაფერი უთქვამს, მხოლოდ თავი დაიქნია.

მეორედ შევსებული ჭიქა კი დიდხანს ეკავა ხელში ორბელიანს. ილაპარაკა წყალქვეშა ექსპედიციის წევრთა დიდ მოვალეობაზე. გაიხსენა დაკარგული ტრალეებიცა და გვარლებიც. მერე ნუგზარის დახასიათებას შეუდგა და ბოლოს ეს გრძელი სადღეგრძელო იმით დაამთავრა, რომ ყველას დავალების პირნათლად შესრულება უსურვა.

მერე ნუგზარმა თქვა სამადლობელი და ის იყო ლაპარაკის საღერდელი ანდრო გაბოშვილსაც კი აეშალა, რომ მასპინძელმა პურისჭამას წერტილი დაუსვა.

ვალერიმ ძლივს მოასწრო მუჭი მოხარული კრევეტით აევსო დერეფანში, სანამ უფროსები კიდევ რალაცას აზუსტებდნენ, ის მშვიდად ფცქვნიდა ზღვის ამ კალიებს და მაღიანად შეექცეოდა.

— ძალიან გიყვარს კრევეტი?

— ძალიან, ამხანაგო კაპიტანო.

ორბელიანმა უფროს თანაშემწეს გახედა.

— ერთი ყუთი გაატანეთ, გულს ნუ დაწყვეტთ.

უფროსმა თანაშემწემ თავი დინჯად დაიქნია. ბოგურიდან მეორე თანაშემწე გამოვიდა.

— ამხანაგო კაპიტანო, ოთხსამეცხრე კვადრატში ვიმყოფებით, თქვა, მან და კაპიტნის განკარგულების მოლოდინში დამაბა.

კაპიტანი არ ჩქარობდა. ისე ათვალეირებდა მეორე თანაშემწეს, თითქოსდა ერთი წელი ზედაც არ შეეხედოს. მერე

ნუგზარს გახედა და მხოლოდ ამის შემდეგ ამოღერდა, კიდევ იფზე დადექითო“.

მეორე თანაშემწე ისევ ბოგურაზე შებრუნდა, მამუკამ და მისმა სტუმრებმა კი. გზა უკანა ერდოსაკენ გააგრძელეს.

უკანა ერდოზე, ცენტრალური დამქაჩის წინ „კოლხიდა-7“ მარკის უშველებელი ბატისკაფი იდგა. ბატისკაფის ირგვლივ მეზღვაურები მდუმარე ქანდაკებებივით იდგნენ და კაპიტანს შეჰყურებდნენ. კაპიტანი კი ჯერ ბატისკაფთან მივიდა. მერე ლიუკშიც შეძვრა და ერთხანს არც გამოსულა იქიდან, როცა როდის-როდის ისევ გემბანზე დადგა ფეხი, ნუგზარს ცერად გახედა.

— მშურს თქვენი, გული მწყდება, რომ ამ საპატიო მისის შემსრულებელთა შორის არა ვარ.

ბეჭებზე ხელი მოჰხვია და გულში ჩაიკრა.

— გზა მშვიდობისა, წარმატებას გისურვებთ, ძმებო.

მერე სათითაოდ მოეხვია ანდროს, ვიტალი შლიახოვს, ვალერი ბასილაიას და ბატისკაფს მოშორდა.

ახლა სხვები დაემშვიდობნენ, მერე ნუგზარი ლიუკში შეძვრა დანარჩენებიც ფეხდაფეხ მიჰყვნენ. უფროსმა თანაშემწემ დია ლიუკში შეიჭვრიტა:

— ძმებო, ხომ კარგად მოეწყვეთ? — იკითხა მან გაბზარული ხმით.

— ჩინებულად, ისე, თითქოს პირველი კლასის სასტუმროს ლუქსში ვიყოთ. — გაისმა ვალერი ბასილაიას ხმა.

უფროსი თანაშემწე უფრო სხვა ხმის გაგონებას ელოდა, ამიტომ ლიუკს მანამ არ მოშორებია. სანამ იქიდან ნუგზარმა არ ამოღერდა: „კარგად მოვეწყვეთო“. მხოლოდ მაშინ მოშორდა ლიუკს, დახურვა ბრძანა. ეს ბრძანება მაშინვე შესრულდა. მძიმე ლიუკმა საგულდაგულოდ დაგმანა რკინის უზარმაზარი მსხლის პატარა სარქველი.

მამუკა ახლა უკანა ერდოს ბოგურაზე ავიდა. ბატისკაფი ისევ იდგა, რომ სქელი მინის ფანჯარა სწორედ ბოგურასკენ იყო მიქცეული. მინის იქით მამუკამ ანდრო გაბოშვილის ზორბა ბეჭები შენიშნა. მერე ნუგზარიც შეამჩნია. გაბოშვილმა ცოტა უკან დაიწია და ფანჯარასთან ახლა ნუგზარი მოუშვა.



ორბელიანმა გაუღიმა. ნუგზარმაც ღიმილითვე უბასუხებდა ხელი დაუქნია. შემდეგ ცერა თითი ზევით აღმართა, ყველაფერი წესრიგშიაო. მაშინვე რეპროდუქტორში გარედან შემოჭრილი პირველი კითხვაც გაისმა.

— როგორ მოეწყვეთ? მზად ხართ თუ არა სტარტისათვის?

ნუგზარმა სანამ უბასუხებდა, მამუკას ცერა თითის აწევით ანიშნა: ჯავრი ნუ გაქვსო და შემდეგ რადიოში ბოხი, ფოლადგარეული ხმით ჩასძახა.

— ბატისკაფი მზადაა დავალების შესასრულებლად. ეკიბაჟი მხნედ გრძნობს თავს. აპარატურა მუშაობს ნორმალურად, წნევა-ნოლი.

ნუგზარმა დაინახა, როგორ გაიღიმა მამუკამ და უფროს თანაშემწეს ანიშნა, საქმეს შეუდექით. უფროსმა თანაშემწემაც აღარ დააყოვნა.

ბატისკაფი დოკიდან მოხსნილი გემივით შეიძრა. ჯერ მარჯვნივ გაქანდა, მერე მარცხნივ და ბოლოს ცისკენ აიწია. ფანჯარა ახლა ოკეანისაკენ შებრუნდა და მამუკა ველარ ხედავდა, ვერც ტონტორა ანდროსა და ვერც ნუგზარის მოღიმარ სახეს. ფანჯარა კიდევ რომ უკანა ერდოს ბოგურის მხარეს ყოფილიყო, მათ მაინც ველარ შენიშნავდა, რადგან ნუგზარი ახლა კედელში ჩადგმულ ალუმინის სკამზე იჯდა და ვიტალი შლიახოვს განკარგულებებს აძლევდა. ვიტალი რადიოსთან ფუსფუსებდა. როცა ბატისკაფი ოკეანის ზედაპირზე დაჯდა, წყლის შეხებებმა ფანჯარა ერთ წუთს დააბნელეს, მხოლოდ ერთ წუთს. მერე სქელი მინიდან იისფერი დამამშვიდებელი შუქი გამოჩნდა. მზის სხივები ჯერ კიდევ ატანდნენ იისფერ სამყაროში და მას პეწსა და ლაზათს მატებდნენ.

მერე ერთბაშად სიბნელე ჩამოწვა და ნუგზარმა ვალერის უბრძანა პროექტორები აენთო. აინთო თუ არა პროექტორები, ფანჯრიდან ისევ შემოანათა ცისფერი წყვილიადის სამყარომ.

ნუგზარმა ჩახრახნილი სკამი ფანჯრისაკენ შეაბრუნა, თვალი გაადევნა შუქისაგან დამფრთხალ თევზთა ქარავანს. ისინი მოკრიალებდნენ ყველა მიმართულებით, ცდილობდნენ, რაც შეიძლება შორს ყოფილიყვნენ ამ საეჭვო სინათლისაგან.

მაგრამ ეს იყო პირველი შეხვედრა, რამაც დააფრთხო ანის მკვიდრნი. მერე უნდობლობის გრძნობამ თანდათან არა და ფანჯარასთან, როგორც დიდ აკვარიუმში, დაიწყო ათასნაირ თევზთა თამამი ნავარდი. ზოგი ფარფლებს ზახტი მოძრაობით ბატისკაფთან ერთად ეშვებოდა ოკეანეში.

ოკეანის სამყარო ნელ-ნელა ხსნიდა თავის გულს. ბატისკაფი ახლა სარდინის უზარმაზარ ქარავანში შესრიალდა. პატარა, მომწვანო საცოდავი თევზები პირდაპირ მიწას ასკდებოდნენ და ერთმანეთის ჯგლეთაში იყვნენ. ხანდახან მათ შორის ონავარი ზღვის ლომებიც გაინავარდებდნენ. ზღვის ლომებს პირდაპირ თიბათვე დასდგომოდათ და ბარაქიან ძლისავალსაც ცხვირწინ იმკიდნენ. ხარბად სანსლავდნენ სარდიხებს. მერე ნავარდით ისევ ზედაპირისაკენ მიცურავდნენ, ცოტას სულს მოითქვამდნენ თუ არა, ისევ გაუმაძღარი მადის დასაოკებლად ყვინთავდნენ.

ეს ბარბაროსული ნადირობა შემაზრზენი ეჩვენა ნუგზარს და სკამი ისევ შეაბრუნა. ვალერიის შეხედა და მაშინვე იკითხა:

— სიღრმე?

— ოთხმოცი მეტრი, — სწრაფად უპასუხა ვალერიმ და ახლა თვითონ გაიხედა ილუმინატორში.

— კავშირი როგორია?

— ჩინებული — უპასუხა ვიტალი შლიახოვმა, — იმავე დროს თვალით ანიშნა რადიოსაკენ — თქვენ გთხოვენ, ამხანაგო ნუგზარ.

ნუგზარი სკამიდან ფრთხილად ჩამოვიდა და ორად ორი ნაბიჯი გადადგა რადიოსაკენ, სალაპარავო ხელში აიღო.

— ნუგზარ რონდელი ვარ, ვისმენტო.

— როგორ მიდის თქვენი საქმეები?

ნუგზარმა ხმაზე იცნო ორბელიანი. ხმა ცოტა შეცვლილიც ეჩვენა, მაგრამ მაინც გამოარჩია.

— კარგად ამხანაგო მამუკა.

— საეჭვო ხომ არაფერი ჩანს? ჩვენი ტელეკამერები ჯერჯერობით სახიფათოს არაფერს ხედავენ.

— ნორმალურად ვეშვებით. სიღრმე 80 მეტრია. მზის სხი-

ვები ველარ ატანს. აპარატურა მუშაობს ნორმალურად. ახლან სარდინას ქარავანს ჩავეუარეთ. შიგ ზღვის ლომებთან რობდნენ და საკმაოდ გვარიანი სასაკლაო გამართეს. ქარავნის შემდეგ შედარებით სიწყნარეა, თითო-ოროლა თევზი თუ გაიქროლებს. მაინცდამაინც დიდ ცნობისმოყვარეობას არ იჩენენ. ეს არის და ეს.

— კარგი, განაგრძეთ თქვენი საქმიანობა.

ანდრო გაბოშვილმა მხერა ილუმინატორს მოსწყვიტა და ნუგზარს შეხედა.

— დიდი გაუმაძღარი ცხოველია ეს ზღვის ლომი, როგორ თქვლევდნენ საცოდავ სარდინებს. პირდაპირ მომინდა გავსულიყავი და კეტით დავრეოდი იმ ავაზაკებს.

ვიტალიმ ჩაიცინა.

— ბუნებამ, ყველა თავის მკვიდრს არგუნა თავდაცვის რაიმე საშუალება, ან იარაღი. საცოდავი სარდინა კი დაავიწყდა. ხომ დაკვირვებობხართ კიბორჩხალების ოჯახს — ეგრეთწოდებულ მცოცავეებს. რა შესანიშნავი ჯავშანი აქვთ. კრევეტი რომ კრევეტია, ამ ზღვის ნამცეცა კალისაც ისეთი ეკლები აქვს, ბიჭი ხარ და თითი დააკარე.

— ფიზალია ქეძაფით სავსე პარკს დაატარებს, — ჩაბურღლუნა გაბოშვილმა.

— ყველას რაღაც საშუალება გააჩნია ერთი დღით მაინც გაიხანგრძლივოს სიცოცხლე, — კვლავ გააგრძელა ვიტალიმ. კიდევ რაღაცის თქმას აპირებდა, მაგრამ ნუგზარის დაძაბულ სახეს რომ შეხედა, ენაზე მომდგარი სიტყვა გადაყლაპა.

ნუგზარი ისევ ილუმინატორში იყურებოდა. მინიდან ჩანდა ჩამუქებული, ჭაობისფერი ერთფეროვნება. ის სევდიანი ბგერები, რომლებიც უხვადაა გაბნეული მთელს ოკეანეში, თითქოს ამ უზარმაზარ ბატისკაფშიც აღწევდნენ და ნუგზარის სმენას აჯადოებდნენ.

გაბოშვილმა რაღაც ჩაიჩურჩულა, მაგრამ ნუგზარს ყურიც არ გაუბარტყუნებია. ის ახლა დაწნეხილი წყლის ბლანტ მასში გამოკვეთილ გრძელ აჩრდილს აკვირდებოდა.

— მგონი, ზვიგენია, — თქვა გაბოშვილმა.

— ჰო, ზვიგენია, — დაეთანხმა ვალერიც.



იმავე დროს ნუგზარის ხმამაც ცივი ლითონის ნაკვეთი გაიზუზუნა.

— ანთეთ მთავარი პროექტორი!

ვალერიმ ღილაკს თითი შეახო. სწორედ ილუმინატორის თავზე ზემძლავრი პროექტორი აინთო და ის გრძელი შავი აჩრდილიც შეტოკდა, ერთბაშად სიგარის მოხაზულობა მიიღო, მერე ისევ გასწორდა და ბატისკაფისაკენ ზანტად წამოვიდა.

— ვეშაპისმაგვარი ზვიგენია, ნადირობს, — ნუგზარმა ეს ისე ჩაილაპარაკა, თითქოსდა სხვის გასაგონად კი არა, თავისთვის ეთქვას.

მერე შექშმა ორი ბებერი კალმარი დააფრთხო. ორივემ რაკეტები ჩართო და მზის შესახვედრად გასწია. მათ კვალდაკვალ უზარმაზარი მურენა გამოჩნდა. ოკეანის შხამიანი გველი ილუმინატორის წინ შემაზრზენად იკლაკნებოდა.

— სიღრმე? — იკითხა ისევ ნუგზარმა.

— 150, — უპასუხა ვალერიმ, — ყველა აპარატურა ნორმალურად მუშაობს.

— ამხანაგო ანდრო, ჩაწერეთ სავახტო ჟურნალში: 150 მეტრი, ოკეანეში სიმშვიდეა, ჩაშვება წარმატებით გრძელდება, აპარატურა ნორმალურად მუშაობს.

— ამ წუთში, ამხანაგო კაპიტანო.

სანამ ანდრო ჟურნალში აღნიშნავდა, ნუგზარმა ვალერის გახედა.

— ზედა პროექტორი გამორთე.

მერე შლიახოვს შეხედა.

— რა ისმის ზემოდან? — მაგრამ მაშინვე მიხვდა ამ კითხვის შეუსაბამობას და გაასწორა: — კავშირი როგორია?

— ნორმალური. ტელეკამერები კარგად მუშაობენ. ვიდეოფირზე გამოსახულება ნათელია, ჯერჯერობით საექვო არაფერი ჩანს.

ზუსტად ნახევარი საათის შემდეგ ანდრო გაბოშვილმა ნუგზარის ბრძანებით კვლავ ჩაწერა სავახტო ჟურნალში: „3 საათი და 25 წუთი. სიღრმე 350 მეტრი. ჩაშვება წარმატებით მიმდინარეობს. საექვო არაფერია. ილუმინატორის წინ, ისე, თითქოს დემონსტრაციაზე, განუწყვეტლივ მიედინებიან თევზები,



კალმარი, მურენა, ზოგჯერ კაშალოტიც და კიდევ ათასობითი და მამაძაღლი, რომელთაც საცხოვრებლად ოკეანე აურჩევიათ“.

მთელ ამ ჩანაწერს ანდრომ ბოლოში საკმაოდ მსხვილი წერტილი დაუსვა და ჟურნალი დახურა.

ბასილია პროექტორების მოძრაობას აწესრიგებდა. ნუგზარი ახლა ხშირად თხოულობდა შუქის მიმართულებათა შეცვლას და ვალერი მთელი ყურადღებით იჯდა თავის პატარა ხრახნიან სკამზე.

ზევიდანაც განუწყვეტლივ მოდიოდა ბრძანებები და შეკითხვები. ვიტალი შლიახოვი კარგად აუდიოდა „გეოლოგთან“ კავშირის საქმეს.

— ჩართეთ ქვედა პროექტორი!

გაისმა ნუგზარის ბრძანება და ვალერიმაც არ დააყოვნა. მხოლოდ ფაციფუცში ქვედას მაგივრად ზედა ჩართო.

ნუგზარმა ნერწყვი გადაყლაპა და ბასილიას ცერად გახედა.

— უფრო მეტი ყურადღებით, ამხანაგო ბასილია. ვალერი შეცბა.

— კლავიატურა ამერია, ამხანაგო ნუგზარ.

ნუგზარმა მხოლოდ გახედა და მერე ეს ცივი მზერა ისევ ილუმინატორისაკენ გადაიტანა

როცა ქვედა ზემძღავრი პროექტორი როგორც იყო აინთო, ნუგზარი ხრახნიანი სკამიდან ჩამოვიდა, ქვედა ლიუკი ახადა და სქელ მინას თითქმის ცხვირი შეაჭყლიტა.

— ჩართეთ ქვედა ტელეკამერა.

ტელეკამერა ჩართეს, მაგრამ ნუგზარი ქვედა ილუმინატორს არ მოშორებია. მხოლოდ ყურს უგდებდა, ვიტალი რომ მოახსენებდა:

— ქვევით აბსოლუტური წყვედიაღია. ტელეკამერა აღიქვამს მხოლოდ და მხოლოდ შავ ფონს. ალაგ-ალაგ შეინიშნება პატარა მკრთალი წერტილები. ეს ალბათ ოკეანის ცხოველებია. თუმცა არა, სამი ცალი კარგად მაჩვენა კამერამ, ოკეანის კიტრია. ალბათ ქვემოთ, ფსკერზე პლანტაციია. გადამწიფებული კიტრი უკვე წყდება ყლორტს.

ნუგზარი როდის-როდის ქვედა ილუმინატორს მოშორდა, ისევ თავის სკამზე ავიდა და ქვედა პროექტორის ჩაქრობა ბრძანა.



ბასილიამ თქვა, 400 მეტრს ჩავცდითო. ანდრომ ისევ მსჯელობდა. შალა სავახტო ჟურნალი, მშვიდად ჩაწერა: „სიღრმე 400 მეტრი, აბსოლუტური სიმშვიდე. აპარატურა ნორმალურად მუშაობს. ქვემოდან ჭერჭერობით ჩამიჩუმიც არ ისმის“.

როცა 500 მეტრს ჩასცდნენ, ნუგზარმა ისევ ბრძანა ქვედა პროექტორის ანთება და სკამიდან კვლავ ქვედა ლიუქისაკენ გადაინაცვლა. ვიტალიმაც ჩართო ტელეკამერა და მაშინვე დაიძახა, ქვემოთ ტყე ჩანსო. მართლაც ორასიოდე მეტრს იქით ჩანდა ოკეანის ჭუნგლები. წყალქვეშა დინებისაგან ხეთა კენწეროები ნელა ირხეოდნენ.

ნუგზარი ლიუქს აღარ მოშორებია.

— გადაეციოთ ზევით, ჩვენ ვხედავთ უღრან ტყეს. ტყე შვიდასიოდე მეტრის სიღრმეზე მდებარეობს. ზუსტად ტყეში ვეშვებით. — თქვა ისე, რომ მზერა ილუმინატორისათვის არ მოუშორებია.

— გასაგებია, — დაიძახა ვიტალი შლიახოვმა და ნუგზარის ნათქვამი მაშინვე „გეოლოგს“ მოახსენა. იქიდან კი ორბელიანმა დაიბუბუნა:

— ვანელებო ჩაშვების სიჩქარეს: გისურვებო უხიფათო დაჯდომას. ცოტა ხნის შემდეგ კი „გეოლოგიდან“ მეორე ბრძანებაც მოვიდა: „ვწყვეტო ჩაშვებას, ვიწყებო ფსკერის ფოტოგადაღებას, დაელოდეთ შემდეგ განკარგულებას“.

ფოტოკამერები მაშინვე ჩართეს და გადაღებას შეუდგნენ. ტელეეკრანებზე კი კვლავ ჭიუტად ჩანდა წყალქვეშა ჭუნგლების სამყარო, ერთმანეთში გადახლართული ხეთა კენწეროები, ტალღისებურად, კეკლუცად ხან იხრებოდნენ, ხახაც კიდევ გაიმართებოდნენ და მაშინვე ქოლავდნენ იმ მცირე ხვრელებს, რომლებიც მათი გადახრისას ტანკენარ ხეებს შორის ჩნდებოდა.

ხეებსა და ზედაპირს შორის ბატისკაფი გიგანტური გაჩახჩახებული მსხალივით ეკიდა. დრო ნელა, ზანტად მიდიოდა. წყალქვეშელებიც მშვიდად იდგნენ თავიანთ უბნებზე. როცა ვალერიმ რაღაც თავისთვის ჩაიდუღუნა, ვიტალიმ ცერად გახედა: ხომ არაფერი შეგიძინევიანო?

— ა რა, იმაზე ვფიქრობ, რა მოუსვენარი ხალხი ვართ ჩვენ, ადამიანები. აქ რა დავგვრჩენია, სად მივძვრებით!

ხელი ჩაიქნია და ცხვირი ისევ ქვედა ილუმინატორს
ჭყლიტა.

— ფილოსოფოსობ? — ჰკითხა ანდრო გაბოშვილმა.

— განა ყველაფერი ის, რაც ცხოვრების ლოგიკიდან გამოდის, ფილოსოფიაა! უბრალოდ ვყბედობ. ადამიანები მოუსვენარნი ვართ-მეთქი. ეს არის და ეს, წერტილი...

ნუგზარმა გამოხედა. შუბლი ჩვეულებრივად შეკრული ჰქონდა. გამოხედა და ერთხანს უყურებდა ილუმინატორზე მილურსმნულ ვალერის. მერე გაეღიმა და როგორც იყო ამოდგრა:

— თქვენც იბოვეთ ადგილი და დრო წყლის სანაყავად. ისე კი, შენ რომ იცოდე ვალერი, ადამიანი მაშინ არის ლამაზი, მაშინა აქვს ცხოვრებასაც ფასი და ლაზათი, როცა მთელი სხეული, მარტო ტვინი კი არა, მთელი სხეული სავსეა მომხიბვლელი იდეებით, დიდი მიზნებით. ადამიანი მაშინ კვდება, როცა მის სხეულს ტოვებენ მიზნები. ზოგჯერ ამ სულიერ კვდომას თან ახლავს ფიზიკური აღსასრულიც.

ნუგზარი ისევ ეკრანისაკენ შებრუნდა. ანდრო კი, რომელსაც თავისი კაპიტნისაგან ამ სიგრძე სენტენცია მთელი ნაცნობობის განმავლობაში არ მოესმინა, გაოცებული იდგა და თვალეზმოწყურული მიშტერებოდა ნუგზარის ლამაზ პროფილს.

ვიტალი იღიმებოდა.

ბოლოს ვალერიმ ცხვირი ილუმინატორის მინას მოაშორა.

— ოკეანის ეს ადგილი მდიდარია ფლორითა და ფაუნით. აშკარად იგრძნობა ეს. ალბათ, ამაში მალე დავრწმუნდებით.

— მაინც როდის? — იკითხა გაბოშვილმა.

— მაშინ, როცა ჩვენი ბატისკაფი ამ გაუვალ ტყეში ჩასრიალდება.

იმავ წუთს ვიტალი შლიახოვმა ნუგზარს გახედა.

— ჩაშვება გრძელდება.

ყველამ იგრძნო, რომ რკინის ეს დიდი მასა ისევ დაიძრა. ახლა უფრო ნელა, ზანტად, ზოზინით. იგი, რაღაც ფრთხილი მოძრაობით უახლოვდებოდა ხეთა კენწეროებს, ისე, თითქოს სანადიროდ გამზადებული მტაცებელი თავის მსხვერპლს ეპა-

რებაო. მერე პირველი დარტყმა მიიღეს მოქანავე ტოტებმა, და ჩუმი ტლაშუნით ჩაცურდნენ ფსკერისაკენ.

ბატისკაფი ამ ყრუ დარტყმამ ცოტათი შეაბარბაცა. გაბოშვილი სკამიდან გამოსულიყო და ცენტრში იდგა არხეინად. იგი ერთბაშად გვერდზე გადავარდა, პულტს შეენარცხა. როცა ნახევრად დარტყანიებული დარტყვენილი წამოდგა, ნუგზარის მკაცრი გაფრთხილება შემოესმა.

— ყველანი სკამებზე, ყურადღება დაძაბეთ, ჩვენ გასასეირნებლად როდი ჩამოგვიშვეს!

ანდრო თავის სკამზე ძლივს აბობლდა. შუბლიდან სისხლი სდიოდა. სისხლის ვიწრო ზოლი ზედ წარბზე ეშვებოდა, იქიდან კი წამწამზე ჩამოუვიდა და გახედვას უშლიდა, როცა სკამზე მომაგრდა, მაშინ გახსნა სასწრაფო დახმარების პატარა ჩანთა, რომელიც სკამის საზურგეზე იყო დამაგრებული. სტერილიზებული ბინტი ამოიღო და შუბლზე დაიდო.

ნუგზარმა ახლა შენიშნა. ხელის მოძრაობით ჰკითხა რა დაგემართაო.

ანდრომაც ხელითვე მიახვედრა: იპ, მოგცლია ერთი, არაფერიც არ დამმართვიაო.

ამასობაში ბატისკაფი ხათქახუთქით ეშვებოდა ოკეანის ჭუნგლებში. ეშვებოდა და თან მიაცილებდა ჩამოხლეჩილ ხეთა ტოტების გვირგვინები.

ხანდახან მისი სიმძიმის ქვეშ მთელი ხე იმსხვრეოდა, მიწაზე წვებოდა, იზნიქებოდა. ამას ბატისკაფელები თითქმის ვერც კი გრძნობდნენ. ტელეეკრანები მხოლოდ და მხოლოდ მკრთალ, ძნელადაღსაქმელ კადრებს აჩვენებდნენ. ისეთი წყვილი იდგა ჭუნგლებში, რომ შემძლავრი პროექტორების შუქიც კი სულ რამდენიმე ნაბიჯზე იკარგებოდა.

ხე ხეს გადახლართვოდა, მცენარე — მცენარეს. გრძელი მოქნილი ლერწები გველებივით შემოხვეოდნენ მცენარეთა ამ ზედახორას. ერთ დიდ ზვინად თუ მასად შეეკრათ. ისე შეეკრათ, რომ თითქოსდა ნემსსაც ვერ ჩააგდებდით. მაგრამ ბატისკაფი ყველაფერს ლეწდა, ლერწებს გლეჯდა, ტოტებს ამსხვრევდა და რაღაც სასწაულით ნელა, მაგრამ დაჟინებით მისწრაფვოდა ფსკერისაკენ, მიწა კი მაინც არ ჩანდა. თითქოსდა ხეებს ტაბუ დაედოთ: ადამიანის შვილმა არ იხილოს სამ-



ყარო, სადაც ჩვენ ფესვი გაგვიდგამსო. როდის როდის ფესვი-
 რი მაინც გამოჩნდა, წყალმცენარეებითა და მკვდარი ფოთლე-
 ბით დაფარული ფსკერი. ბატისკაფმა განიერად გასწია ბებერი
 ხეები და ნელა დაჯდა წყალმცენარეთა რბილ ბალიშზე.

ნუგზარმა მაშინვე იგრძნო ეს და ვალერის შეხედა.

- დავჯექით, ამხანაგო ნუგზარ. მშვიდობით დავჯექით.
- ქვედა პროექტორები გამორთე!
- არის, გამოვრთო ქვედა პროექტორები.
- ოთხივე ჰორიზონტალური ზემძლავრი ჩართე!
- არის, ჩავრთო.

ჰორიზონტალურმა პროექტორებმა გააშუქეს წყალქვეშა
 სამყარო. თუმცაღა რა გააშუქეს, ჩანგრეულ-ჩანალეწ ხეებს
 შორის ჩახერგილ ბატისკაფის ახლო შემოგარენს აშუქებდ-
 ნენ მხოლოდ. როცა ნუგზარმა ზედა ზემძლავრი პროექტო-
 რის ანთებაც ბრძანა, საპელენგო ილუმინატორიდან ისე გამო-
 ჩნდა ბატისკაფი, როგორც ჭაში ჩაშვებული ვედრო.

ზევიდან გადმოსცემდნენ, ამოძრავებ ტელეკამერებით.
 რამდენიც არ ამოძრავეს, ეკრანზე მაინც ბაც ხაზებს ხედავდ-
 ნენ. მამუკას სული ყელში აწვებოდა და სალაპარაკოში მაგ-
 რად ჩაჰყვიროდა:

— ბოლოს და ბოლოს გამაგებინეთ, სად ხართ? რატომ
 არაფერს გვაჩვენებს ტელეეკრანები?

მიკროფონი ვიტალის ნუგზარმა ჩამოართვა.

— ჩვენ ვიმყოფებით გაუვალ ტყეში. ალყაშემორტყმული
 ვართ მხოლოდ ხეებითა და ლიანებით. გაშუქება შეუძლებე-
 ლია. ალბათ, მეტად მოუხერხებელ ადგილას ჩავეშვით. თუ
 ბრძანება იქნება, შევუდგებით ბატისკაფიდან გასვლისათვის
 მზადებას. შეიძლება ამ ტყიდან გავალწიოთ და მიდამოც გულ-
 დაგულ დავზვეროთ. ამაში სახიფათოს ვერაფერს ვხედავ.
 საერთოდ, ყველაფერი ნორმალურადაა.

— დაელოდეთ ჩვენს ბრძანებას, — გაისმა მამუკას ხმა.

ნუგზარმა მიკროფონი ვიტალის გადააწოდა და ანდროს მი-
 უბრუნდა:

— ყოველ თხუთმეტ წუთში სავახტო ჟურნალში ჩაწერეთ
 ბატისკაფის მდგომარეობა.

ანდრო გასწორდა.



— მიმაჩნია, რომ ამჟამად მდგომარეობა ნორმალურია.

— ხაზი გაუსვით მხოლოდ იმას, რომ ჩვენ გარშემორტყმული ვართ ხეთა ხერგილებით. ტელეკამერები მხოლოდ და მხოლოდ მოკლე მანძილს აღიქვამენ. ეკიპაჟის წევრთა ჯან-პრთელობა კარგია.

— გასაგებია.

და სანამ ანდრო ეურნალს გადაშლიდა, კიდევ გაისმა ნუგზარის ხმა:

— ჩაწერე, წნევა ნორმალურია.

— გასაგებია, — დაიძახა ახლა უკვე ეურნალთან დახრილმა ანდრომ და ბლანტ ფურცელზე კალამი გააცურა.

— ხერგილებს შორის დიდ ნახვრეტს ვხედავ, — დაიძახა ვალერიმ.

ნუგზარმა სწრაფად გადაინაცვლა მისკენ.

ვალერი ზედ შესასვლელი ლიუკის თავზე ამოჭრილ ილუმინატორთან იდგა. ცხვირი, ჩვეულებრივად, სქელი მინისათვის მიეჭყლიტა და დაძაბული იყურებოდა მინის იქით.

ნუგზარმა ოდნავ გვერდზე გასწია ვალერი, ისე, რომ სიტყვაც არ უთქვამს. არც ის უკითხავს, სად ხედავდა ნახვრეტს. თვალეები მინას მიაპყრო და მიდამოს გულისყურით დათვალიერებას შეუდგა. რასაც ეძებდა, სულ მალე იპოვა. თვალსაწიერამდე ადევნა ხერგილებს შორის გაპარულ პროექტორის შუქს, რომელიც მილივით გაწოლილიყო. შუქის ნიაღვარი მიდიოდა შორს, ძალზე შორს და როგორც აკვარიუმში, ისე ჩანდა მის არეში მოხვედრილი თევზებიცა და მცენარეებიც.

ნუგზარმა მარჯვენა ხელი ვიტალისაკენ გაიშვირა. ვიტალი მიხვდა, რომ კაპიტანი მიკროფონს თხოულობდა, მაშინვე მიაწოდა.

— მამუკა, მამუკა, მისმენ?

— გისმენ, ნუგზარ, გისმენ. — გაისმა მაშინვე ორბელიანის ბუბუნნი.

— ჩვენ ვხედავთ ხეებს შორის გაყვანილ ნადირთა ბილიკს. იქ, ზევით, როგორც ჩანს, მთლად ისე ვერ გაუგეს, როგორც ნუგზარს სურდა და ორჭოფულად იკითხეს: რის ნადირთა ბილიკიო?

ნუგზარმა ბრძანა, ტელეკამერა გასასვლელი ლიუკის მხა-

რეს გადაეტანათ, როცა დარწმუნდა, კამერა იმ ადგილას იდებდა, მიკროფონში კვლავ ჩასძახა:

— დიახ, ნადირთა ბილიკს ვხედავთ. ტელეკამერა ალბათ უკვე თქვენც გაჩვენებთ ამ ბილიკს.

— ჰო, რალაც მაგის მაგვარს ვხედავთ, — დაიძახა მამუკამ.

— ზედავთ, რამდენად გაუვალია ეს ტყე, რომ მის მკვიდრთ სპეციალურად ბილიკის გაყვანა დასჭირდათ.

ზევით აღარაფერს ლაპარაკობდნენ და ნუგზარმა განაგრძო:

— ამ ბილიკით ჩვენც შეგვიძლია ვიმოგზაუროთ. ჩვენი კოსტიუმებისათვის შვიდასმეტრიანი დაწოლა არაფერია. სარისკოდ არ მიმაჩნია ბილიკით მიდამოს დაზვერვა. ველით თქვენს თანხმობას.

ზევით ისევ დუმდნენ. ეს დუმილი ნუგზარს ნერვებს უშლიდა, ბოლოს, როდის-როდის მამუკას ხმა გაისმა:

— საჩქარო არაა თქვენი გასვლა. პირველ ეტაპზე საჭიროა დაზვერვა ბატისკაფიდან. დავამუშავებთ მიღებულ მასალას და გასვლის ნებართვას შემდეგ მოგცემთ. იმუშავებთ მთელი ყურადღებით.

ნუგზარმა მიკროფონი ვიტალის მიაჩეჩა, თვითონ კი ბილიკის ზვერვა განაგრძო.

— ძალიან ბევრი თევზია ამ მილში, ამხანაგო ნუგზარ, — თქვა ვალერიმ.

ნუგზარი ვალერის მიუბრუნდა;

— ჯუნგლებში თუ ყოფილხარ ოდესმე?

— ჯუნგლებში არასოდეს ვყოფილვარ.

— იქ ნამყოფი რომ იყო, არ გაგიკვირდებოდა ამ ბილიკის არსებობა. ყველა ჯუნგლს აქვს ნადირთა ბილიკი, რითაც ცხოველები სარგებლობენ წყალთან მისასვლელად. ესეც ნადირთა ბილიკია. ჩვეულებრივი, ისეთი, როგორიც ხმელეთზე უამრავია. განსხვავება მხოლოდ ისაა, რომ ეს წყალქვეშ გაიყვანეს მათ, ვისაც სჭირდებოდათ. ცხოვრების ლოგიკა კი ყველგან ერთია, როგორც ზევით, ისე ქვევით. რადგანაც გაჩნდი, კიდევ უნდა შეიქმნა პირობები არსებობისათვის. ეს არის და ეს.

— და ეს გვირბებიც არსებობისათვის სჭირდებათ?

— რასაკვირველია, ოკეანის გაუვალ ტყეებს აქვთ ბევრი



ისეთი რამ, რაც მხოლოდ მის ძირებთან მოიპოვება და ასე საჭიროა ბევრი წყალქვეშა ცხოველის არსებობისათვის თუ არა ასეთი ბილიკები, აბა, როგორ ჩააღწევინ ხეთა ძირებამდე.

ნუგზარი ილუმინატორს მოშორდა და თავისი სკამისაკენ წავიდა. გზადაგზა ვალერის მითითებებს აძლევდა.

— ტელეკამერამ განუწყვეტლივ იმუშაოს „ნადირთა ბილიკთან“, გადაიღეთ ფოტოც. ჯერჯერობით ეს ერთადერთი არხია, რომელიც ჰორიზონტალურ სამყაროსთან გვაკავშირებს.

მერე თავის სკამზე დაჯდა და მაშინვე ილუმინატორისაკენ შებრუნდა. ილუმინატორში მხოლოდ ტოტებდალექილი ხეები ჩანდა, ტოტებზე აცოცებული წყალმცენარეები. გარე სამყაროდან აბსოლუტური უძრაობისა და სევდიანი სიჩუმის მაცდური განწყობა შემოდინდა. ეს განწყობა უხილავი არხებით ნუგზარის გულამდე და გონებამდე აღწევდა და იგი უფრო მელანქოლიური და ნაღვლიანი ხდებოდა. ზოგჯერ რაღაც მაცდური ფიქრები მთლიანად წყვეტდნენ იმ სამყაროს, რომლითაც ახლა, ამ წუთში გარშემორტყმული იყო. უნებლიეთ, ისე როგორც მდინარეში ჩავარდნილი ნაფოტი, მიჰყვებოდა ფიქრებს. მერე მოულოდნელად რეალურის მძაფრი შეგრძნება დაეუფლებოდა და მაშინვე თავს ისე გაიქნევდა, თითქოსდა სურდა, ყველა ეს ილუზია განედევნა. ეფიქრა მხოლოდ რეალურზე. მხოლოდ რეალურზე, რაც მის წინ იდო და ასე აღიზიანებდა.

ანდრომ რომ რაღაც თქვა, არ გაუგონია ვალერიმაც თავის მხრივ რომ დაუმატა, არც ის გაუგია. მერე ვალერიმ თითქმის დაიყვირა, ბატისკაფი შეინძრაო, მაშინ კი გამოერკვა ნუგზარი.

ბატისკაფი არც ინძრეოდა და არც არაფერი.

დაფეთებული მზერა ანდროს მიაპყრო.

— ნამდვილად შეინძრა, ამხანაგო ნუგზარ. შეინძრა... აგე, იქ ვიდექი, სავახტო ჟურნალს ვავსებდი. კინაღამ დავეცი.

თავის მხრივ ვალერიმაც იგივე თქვა და ვიტალიმაც. ნუგზარს მაინც არ სჯეროდა. ჰალუცინაციებია, ჰალუცინაციები. ზღვამ იცის, ზევეითაც და ფსკერზეც. რაღაც ბანგით გაგაბრუნებს და მერე ისეთ მირაჟებს გიჩვენებს, უკეთესს ვერც ინატრებს კაცი. თანაც შენს ცხვირწინ, ხელის შეხების მანძილზე

ყველაფერი ისე დალაგდება, თითქოსდა ასე ყოფილიყო ადამისა და ევას გაჩენის დღიდან. ჰო, რასაკვირველებს მოეჩვენათ.

თავი ისევ ილუმინატორს მიადო და ფუტკარივით აშლილ ფიქრებს გარესამყაროში გაჰყვა. იქ კი, გარეთ, წყლისა და ტყის სამყაროში, კვლავ იდუმალი სიჩუმე სუფევდა. იდგნენ ტოტებდაღეწილი ხეები და წყევლიდნენ თავისსა და სხვათა გაჩენის დღეს.

და ისევ დაიბუბუნა ანდრო გაბოშვილმა. ისევ უთხრა მოძახილი ვალერიმ. ახლა ნუგზარმაც იგრძნო, რომ ბატისკაფი შეინძრა შეინძრა კი არაა, გვერდზეც გადაქანდა. მან მხერამოაშორა წყალქვეშა სამყაროს და მეგობრებს შეხედა. მერე იყვირა: „რა ხდება ზემოთ“?

ვიტალი შლიახოვმა ეს კითხვა დაუყოვნებლივ გაგზავნა „გეოლოგისაკენ“. რა ხდება ზემოთ?

ზემოდან დინჯად განმარტეს, არაფერიც არ ხდებაო. წყნარი ამინდია, მშვიდია ოკეანე, თქვენი ტელეკამერებიც არაფერსაეჭვოს არ გადმოსცემენო, ალბათ, რაღაც მოგეჩვენათო, ანდა შეიძლება ბატისკაფი წყალქვეშა დინებაში მოჰყვას.

ნუგზარს, რასაკვირველია, დინებისა არაფერი სჭეროდა. ეს რომ ასე ყოფილიყო, ფსკერზე დაშვებისთანავე იგრძნობდა. მიკროფონი გამოსტაცა ვიტალის.

— მამუკა, ეს საეჭვო მოძრაობაა, საეჭვო მოძრაობაა... მიკროფონი ისევ ვიტალის მიაჩეჩა და იმ წუთში ყველა პროექტორი გამოირთო. გამოირთო ყველა ნათურა, რაც ბატისკაფის შიგნით და გარეთ იყო მოთავსებული. ის გულისგამაწვრილებელი შიშინი, რასაც ჩვეულებრივ აკუსტიკური ხელსაწყოები გამოსცემენ, შეწყდა. ჩამოწვა სიბნელე, უკუნი სიბნელე და საეჭვო დუმილი.

ისე გავიდა ხუთიოდე წუთი, რომ სიცოცხლის ნატამალს ბატისკაფში მყოფი არც ერთი სულიერი არ ამქლავნებდა. მერე, როცა შოკის პირველმა მძიმე წუთებმა განვლო, ნუგზარმა ხელები წინ გაიშვირა. მას, ალბათ, სურდა ვისმეს შეხებოდა, მაგრამ, სამწუხაროდ, ამ აკანაკალებულმა ხელებმა ვერავინ იპოვეს და ნუგზარმა დაიღმუვლა:

— ანდრო, ანდრო! სადა ხარ?



— აქა ვარ, — გაისმა ანდროს ბურღლუნის, — ჯანდაბა და დოზანა, მგონი ბატისკაფი მთლად მოიშალა. ისლა დაგვრჩენილია კერში ავძახოთ, ზევით აგვათრიონ, სანამ სული ზღვის გამგებელისათვის არ ჩაგვიბარებია.

— კავშირი შეწყვეტილია, — თქვა ვიტალი შლიახოვმა, — აქაც რაღაც გაფუჭდა.

— კიდევ სცადე, იქნებ... — უთხრა ვალერიმ.

— კავშირი შეწყვეტილია, რადიო მოიშალა.

— ჰაერის ჭავლი თუ მოდის? იკითხა ნუგზარმა.

ყველამ იგრძნო, როგორ ამოძვრა თავისი სკამიდან ვალერი, ჯერ ერთი ფეხი შეახო რკინის იატაკს, მერე მეორე, რაღაც ჩაიბურღლუნა და ალბათ ლიუკისაკენ წალოდდა. იქ ერთხანს ცოდვილობდა და ბოლოს ნაღვლიანად დაიჩხავლა:

— ყველაფერი დამთავრდა, ჟანგბადი აღარ შემოდის.

ეს მოკლე, საქმიანი და ეფექტური ფრაზა კუბოსთან თქმულ გამოსათხოვარ სიტყვასავით გაისმა.

— კაბელი გადაჭრილია, — ამოღერდა ნუგზარმა.

მან ეს ჯერ კიდევ ათი წუთის წინ იგრძნო, მაგრამ არ სურდა ერწმუნა. კვლავ და კვლავ ეჭიდებოდა თავის წილ ხაესს. სადღაც მაინც კიაფობდა იმედის პატარა ნაპერწკალი. ახლა ეს ნაპერწკალიც ჩაქრა, ჩაიბუტა, განელდა და უკანასკნელი იმედიც გადაიწურა. მაგრამ სწორედ ამ წუთში, როცა თითქოს ყველაფერი დამთავრდა, ნუგზარმა სხეულში თბილი ქრუანტელი იგრძნო. თითქოს რაღაც ახალი ძალა ჩაუდგა. სულიც ხელახლა ჩაჰბერეს.

— მისმინეთ! — დაიყვირა მან და ყველამ იგრძნო ამ ომახიან ხმაში გარეული ფოლადის ზარი.

— მისმინეთ, ჩართეთ სათადარიგო ბატარეები. ყველა ბრძანება შესრულდეს წყნარად, უპანიკოდ.

— გასაგებია, — შეეხმინა ანდრო.

ბასილაია სკამიდან ჩამოძვრა, თავისთავზე ბრაზობდა, რატომ არ გამახსენდა სათადარიგო ბატარეების ჩართვაო.

ძლივს იპოვა ჩამრთველები, თვალის დახამხამებაში ბატისკაფი ისევ გაჩახჩახდა და ეკიპაჟის წევრებმა კაპიტნის სახეზე კეთილი ღიმილი დაინახეს. ყველაზე უფრო ეს ანდროს გაუკვირდა. იგი თითქოს პირველად ხედავდა გაღიმებულ ნუგზარ რონდელს.

— მაშასწინ, — თქვა ნუგზარმა ახლა უფრო წყნარად, —
კაბელები გადაჭრილია.



— რატომ წყალი არ შემოიჭრა საპაერო კაბელიდან? —
იკითხა ვიტალიმ.

— გადაჭრილია, ეს ჩაიდინეს ადამიანებმა. მათ დაქოლეს
ქანგბადის მილი, სურთ ცოცხალი ჩაგვიგდონ ხელთ. საექვო
არაფერია. აქ, ახლოს რომელიღაც ქვეყნის წყალქვეშა ბაზაა.
ამაში მალე დავრწმუნდებით. ანდრო, სავახტო უფრონალი გა-
შაღე. ჩაწერე: „ვიმყოფებით, სიღრმისმზომს შეხედა და ისევ
ვანაგრძო, — ვიმყოფებით 657 მეტრის სიღრმეზე, წყალქვეშა
ტყეში. უცნობი ქვეყნის წყალქვეშელებმა კაბელი გადაგვიჭ-
რეს. ისინი საცაა შესასვლელ ლიუკთან გამოჩნდებიან“.

ახლა ეს ჩანაწერი ცარიელ ფურცელზე ამოძიწერე.

ანდრომ მაშინვე შეასრულა კაპიტნის ბრძანება. ნუგზარმა
ფურცელი აიღო და დაკეცა.

ყველა მიხვდა, რა სურდა კაპიტანს. ვალერიმ ქანგბადიანი
ბურთი მიაწოდა. ნუგზარმა ბარათი მეკავშირე ბურთის ჯიბე-
ში ჩადო, ჯიბის თავიც საგულდაგულოდ ჩახრახნა, შემდეგ
ლიუკი გახსნა და შიგ შეაგდო, როცა შიგა ლიუკი დახურა, ლი-
ლაკით გარეთა გახსნა და მაშინვე ზედა პროექტორის ანთება
ბრძანა.

პროექტორი აინთო თუ არა, ყველა ზედა ილუმინატორს
მიაწყდა, შვებით ამოისუნთქეს, როცა შუქის მძლავრ ჭავლში
თვალი მოკრეს პატარა წერტილს, რომელიც ისე მიისწრაფო-
და ოკეანის ზედაპირისაკენ, როგორც ჭიდან ატაცებული ვედ-
რო. პატარა წერტილი, რომელიც მათთვის უკანასკნელ იმე-
დად ქცეულიყო, შემდეგ სულ დაპატარავდა და ოკეანემ
შთანთქა. კიდევ ერთხანს არ მოშორებიან ილუმინატორს, მაგ-
რამ ნუგზარმა თქვა, ქანგბადის მარაგი გასინჯეთო და გაბო-
შვილი პირველი შეუდგა დავალების შესრულებას. ათი წუთის
შემდეგ კაპიტანს უპატაკებდა: ქანგბადი კიდევ თვრამეტ
საათს გვეყოფათო.

ნუგზარმა არაფერი თქვა, კვლავ თავის სკამში ჩაჯდა და
ილუმინატორისაკენ შებრუნდა. იქ ყველაფერი წინანდებუ-
რად იყო. მხოლოდ გადაჭრილი კაბელის ხვეული მომატებოდა
დალეწილ ხედა სევდიან პეიზაჟს.



შენ, დიდებული მზეო, მიყვარხარ, რომ ასე ანათებ სამყაროს. შენ, დიდებული მზეო, მიყვარხარ, რომ ასე გვათბობ ადამის შვილებს. გვითბობ სულსაც და გვინელებ იმ დიდ ტანჯვას, რასაც ჩვენგან ცხოვრება თხოულობს. შენგან აღზნებული, მზეო, ზოგჯერ უზარმაზარი ლოდიც კი, რომელსაც ვერც თავს უპოვი და ვერც ბოლოს, ფუტურო გვეჩვენება.

მზეო, ნუ მოგვაკლებ შენს სინათლესა და სითბოს.

უშენოდ, მზეო, ყველა ლამაზი ფიქრი და ოცნება მიგატოვებს. გვფარავდე მზეო!

ისინი უმზეოდ იყვნენ... ბატარეაზე მომუშავე ნათურები ყუნწამდე მიყვანილი სანთელივით სულს დაფავდნენ. რამდენიმე საათს კიდევ რომ ეგრძნოთ სინათლის მადლი, ბოლოს მხოლოდ ერთი ნათურა დატოვებს ჩართული. ეს ერთადერთი სვებედნიერი ნათურა ზედა ილუმინატორის გვერდით ეკიდა და მის მკრთალ შუქზე ადამიანები მოჩვენებასავით ჩანდნენ.

ცოტას მოძრაობდნენ. ამას უფრო ქანგბადის ეკონომისათვის აკეთებდნენ. თუ აუცილებელი არ იყო, არც ერთი არ ჩამოდირდა თავისი სკამიდან. კედელში შედგმულ სკამებში კი დაჩიავებული კრუხებივით ისხდნენ.

ყველაფერი დუმდა. ყველაფერს შეეწყვიტა თავისი ჩუმი და აჩქარებული სუნთქვა. მხოლოდ საათი უკაკუნებდა ფოსფორიან ციფერბლატზე კოდალას რკინის ნისკარტს.

მაცდურმა ფიქრებმა ნუგზარი ისევ გაიტყუეს სხვა სამყაროში. მას თავი კედელზე მიედო და დიდრონი, შავი თვალები ნათურისაკენ მიეპყრო.

დაიწვება ის, ჩაქრება, ჩანელდება... მოვა სიბნელე... ასევე გავთავდებით ჩვენც... ნელ-ნელა, სვენებ-სვენებით. პირველად ჩვენ შორის ყველაზე სუსტი მოკვდება. ნუგზარმა ჯერ ანდროს შეხედა, მერე ვიტალის, სულ ბოლოს — ვალერის. სულ დალეულიყო, გამქრალიყო, მუჭისოდენა გამხდარიყო. ძლიერ გაუკვირდა ნუგზარს, რომ სულიერ მეტამორფოზას შეეძლო შეეცვალა ადამიანთა ფიზიონომია.

პირველად აი, ეს კაცი მოკვდება, ხუმარა ვალერი. და მან: კიდევ წარმოიდგინა, როგორ შეტოვდებოდა ის სიკვდილის წინ. ერთს კიდევ გაიბრძოლებდა და თავიც გვერდზე ჩამოუვარდებოდა.

მეორე ვიტალი იქნება.

ახლა მას დააკვირდა.

მესამე, ალბათ, — მე, შევეცდები, ისე გავთავდე, ანდრომ არ იგრძნოს. ყველაზე საცოდავი ანდროა, მარტო დარჩება სამ მიცვალებულთან.

ნუგზარს ლაპარაკი მოუნდა. რამდენჯერმე სცადა პირის გაღება, მაგრამ ვერ შეძლო. ბოლოს როდის როდის მაინც დააღო და რაღაც დაიხრიალა. მეგობრებმა მაინც გაუგეს.

— ჰაერი კიდევ ექვს საათს იკმარებს... — თქვა ვალერიმ.

— ექვსი საათი ცოტა არაა.

— დიახ, საკმარისი დროა, ისევ ვალერიმ უპასუხა.

მერე ბატისკაფი შეინძრა. ეს მკვდარი მასა, რომელმაც სუნ-თქვა თითქოსდა კარგა ხნის წინათ შეწყვიტა, ამოძრავდა, შე-იშმუშნა, მხრები გაისწორა, დაამთქნარა და...

— ჩვენ ზევით მივდივართ, ზევით! გესმით! — დაიყვირა ვალერიმ.

ამას ყველა გრძნობდა. ყველა აშკარად გრძნობდა, რომ ბატისკაფი მის მიერ გაკაფულ ვიწრო ჭაში მიღოლავდა. ზოგ-ჯერ ხეებს ენარცხებოდა. ისევ თხოვდა მათ ხარკს და ტოტებს აგლეჯდა. ხეები კვნესოდნენ და წყევლიდნენ თავისი და სხვათა გაჩენის დღეს.

როდის-როდის რბოლა შეწყდა. ბატისკაფმა შეისვენა, სუ-ლი მოითქვა. იგი, როგორც შავი ღრუბლის ნაგლეჯი, ისე ეკი-და ტყის კენწეროზე. თავზე ადგა ტყეს და სამი გზის გასაყარ-თან დამდგარი ზღაპრული გმირივით ფიქრობდა საით წასუ-ლიყო: მარჯვნივ თუ მარცხნივ, ზევით?

ბატისკაფი ისევ შეინძრა, შეინძრა და საბოლოოდ ისეთი გზა აირჩია, რომელიც ეკიპაჟის წევრებს მაინცდამაინც არ ეკაშნიკებოდათ.

ანდრომ თქვა: „ჩვენ ამ ღორიშვილებს სადღაც მივყავარ-თო. ჩვენები რომ ყოფილიყვნენ, ზევით წაგვაჩანჩალებდნენ. ჩვენები არ არიან და იქით მიგვაბრძანებენ, საიდანაც თვითონ მოეთრივნენო“.

ეს რომ ასე იყო, არავის იოტისოდენაც არ ეპარებოდა ეჭვი. ძალა აღმართს ხნავსო და ისინიც ამ ძალას აღმართზე კი არა, ჰორიზონტალურად მიჰყვებოდნენ.

ახლა აღარაფერი მნიშვნელობა არ ჰქონდა ენერჯის ეკონომიას და ნუგზარმა ბრძანა ქვედა პროექტორი ჩართეთ და ჩართეს და კიდევ დაემხვნენ ქვედა ილუმინატორთან. მხოლოდ ხეების კენწეროები ჩანდა. გაუთავებელი ტყე. ვიტალიმ იკითხა: ვერტმფრენით ციმბირის თავზე ხომ არავის უფრენიაო.

ანდრომ უპასუხა, კიო.

— ჰოდა, ახლა ჩვენც ციმბირის ტყეების თავზე მივფრინავთო. ვერტმფრენიც კარგი გვაქვსო და არც ჩვენ ვართ ცუდი ბიჭებიო.

ვალერიმ თქვა: მზის სხივები გვაკლიაო.

ჰო, ეს მართალიაო, უპასუხა ვიტალიმ.

ბატისკაფმა ბარე ნახევარი მილი გაიარა. ტყე თანდათან მეჩხერი ხდებოდა. აქა-იქ სირაქლემას კვერცხივით მოტვლეპილი სილიანიც ჩნდებოდა და პატარა მწვანე ბორცვებიც. ეს ბორცვები თუ კორდები ზოგი ალთას იყო, ზოგიც კიდევ ბალთას. მაგრამ გზა, ეს დაწყველილი გზა, იმ ციმბირის ტყესავით აღარ თავდებოდა.

როცა ქვედა პროექტორი განელეებული ბუხარივით მთლად მიიბუტა, უკვე ძნელი გასარჩევი გახდა, ქვევით ტყიანი იყო თუ სილიანი. იმასაც ვეღარ გრძნობდნენ, ქვევით საერთოდ თუ რაიმე არსებობდა. მალე ამ ბუტია ნათურამაც თქვენი ჭირი წაიღო..

ახლა ბატისკაფი ქვევით ეშვებოდა. ბატისკაფელები ამას გრძნობდნენ და ანდრომ კიდევ თქვა ბოღმით:

— იმათ პოლიგონზე ვჯდებითო.

ეს „იმათი“ ყველამ თავისებურა დ განმარტა. ზოგმა რომელი ქვეყანა იგულისხმა და ზოგმა—რომელი. ყველა მისამართის სათავე კი მაინც აფრიკა იყო.

— რამდენი მილის დაშორებით ვმუშაობდით ალმასის კარიერებიდან? — უეცრად იკითხა ნუგზარმა.

ეს კითხვა ახლა, ამ მომენტში იმდენად უადგილო ეჩვენა ყველას, რომ გაოცებულებმა გაიხედეს იქით, საითკენაც თავიანთი კაპიტანი ეგულებოდათ. კაპიტანი სკამიდან ჩამოსულიყო, ზურგით ილუმინატორს მიყრდნობოდა და კვლავ კითხულობდა, თუმცა სიბნელეში აჩრდილივითაც კი არ ჩანდა.

— თქვენ გეკითხებით, რამდენი მილის დაშორებით ვართ
შობდით კარიერებიდან?

— ოცდაათი მილის დაშორებით, — ამოღერღა ანდრომ.

— ესე იგი, გამორიცხულია, რომ ჩვენ სამხრეთ აფრიკელ-
თა ალმასის კარიერების ზონაში მოგხვედრილიყოთ. ეს გამო-
რიცხულია. მითხარით, რომ გამორიცხულია. მითხარით, ხომ
ასეა?

— ნამდვილად ასეა, ამხანაგო ნუგზარ, — თქვა ისევ ან-
დრომ.

— მაშ, საქმე არ გვაქვს მათ წყალქვეშა პოლიციასთან?

— პოლიციასთან არა, მაგრამ, შეიძლება ჩვენი მასპინძ-
ლები მათი დაზვერვის მუშაკები იყვნენ, ანდა უბრალოდ —
სამხედროები.

ბატისკაფი დადგა და ანდროც მაშინვე დადუმდა. ისეთი
სიჩუმე ჩამოწვა, სამარისებურიო, რომ იტყვიან. აღარც ნუგ-
ზარის ხმა ისმოდა და აღარც ანდროსი. ამ სიჩუმეს არავინ არ
არღვევდა ხელის პატარა მოძრაობითაც კი. ყველა ელოდა.
რომ ახლა, ამ წუთებში რაღაც სასწაული უნდა მომხდარიყო.
მაგრამ ეს სასწაული მოსვლას არ ჩქარობდა და მოთმინების
ფიალაც ფანდურის სიმღვით იჭიმებოდა. ეს სიმი მხოლოდ მა-
შინ გაწყდა, როცა ჟანგბადის ლიუკიდან სუფთა ჰაერის დიდი
ჭავლი შემოიჭრა და ფილტვებმაც მძლავრად ჩაისუნთქეს.

გაბოშვილმა ქვედა ლიუკს ფეხი დაჰკრა.

— აი, იკადრეს და ჰაერი მოგვცეს ამ ღორიშვილებმა. მე-
ნაგათი...

ფეხი კიდევ დაჰკრა ლიუკს.

აღარც ვიტალის დაუყოვნებია და გული მანაც მოიფხანა.
ხოლო, როცა დიდი „ქებათაქების“ წარმოსათქმელად, რომლის
შერჩევაც მეზღვაურებს მაინცდამაინც არ უჭირთ ხოლმე,
ვალერიმაც დაალო პირი, შუქი მაშინვე აინთო და დაშაქ-
რულ-დათაფლული სიტყვები ბასილაიას ენის წვერზე შეახმა.

ნუგზარს თვალი მოსჭრა ერთბაშად აელვარებულმა სიკაშ-
კაშემ. ხელები სახეზე აიფარა და ისევ თავის სკამს მიაშურა.
როცა ჩაჯდა, ილუმინატორში გახედვა სცადა, მაგრამ იქით
წყვდიადი იდგა.

— სად ვართ? — იკითხა ვიტალიმ და მაშინვე მიხვდა, რომ იქნებოდა კითხვის უადგილობას.

ვალერიმ ჩაილაპარაკა: კეიპტაუნშიო, აი, მაინ-სტრიტზე რომ დიდი ბარია ლედი სმითისა, სწორედ იმ ბარის შესასვლელთანაო.

ნუგზარს არ მოეწონა უადგილო ხუმრობა, მაგრამ მხოლოდ ჩაახველა და მისი პროტესტი ამჯერად ამით დამთავრდა.

ამ ნამუსგარეცხილ ვალერის ჩახჩახა შუქზე ხუმრობის საღერლელი აეშალა და, მგონი, ლედი სმითის ბარისათვის, მაინ-სტრიტზე რომ წამოჰიმულა, კიდევ რაღაც უნდა დაეძატებინა, მაგრამ, ნუგზარის დაძაბულ სახეს რომ შეხედა, ხასიათი გაუფუჭდა და მხოლოდ ეს ჩაილაპარაკა: „მომშივდაო“ ეს თითქოს ნიშანი იყო, ანდრომ თქვა:

— კაპიტანო, თუ სიკვდილია, ბარემ მაძლარი მოგვკვდეთ, კაცურად.

ნუგზარმა ცერად გახედა ანდროს.

— ვკამოთ. მგონი, აწი არსად აღარ გვაგვიანდება.

ვალერიმ მაშინვე გამოაღო მაცივრის კარი და მშრალი საუზმე გამოალაგა, ყველაფერი საკეც მაგიდაზე დააწყო. შერე ბუტერბროდი აიღო, ხმადაბლა ჩაილაპარაკა: 700 მეტრ სიღრმეზე ვახშამს ვახსნილად ვაცხადებო და უკბიჩა.

— გემრიელია? — ჰკითხა გაბოშვილმა.

— ყოველ შემთხვევაში ვერც კი ვიფიქრებდი, თუ ოკეანის ფსკერზე ასეთი ვახშმობა შეიძლებოდა. ახალბედა არა ვარ, მაგრამ რატომღაც ისე მოხდა, რომ ყოველთვის რამდენიმე საათიან ჩაშვებაში ვმონაწილეობდი. ახლა კი, ღმერთმა უწყის, როდის ისურვებს მისი აღმატებულება—წყალქვეშა პოლიციის შეფი ჩვენს გაშვებას. ვინ იცის, იქნებ ჩვენ მოგვეჩვენა და, წყალქვეშ სრულებითაც არა ვართ. ვთქვათ, ვიმყოფებით ხმელეთზე, არა მაინ-სტრიტზე ლედი სმითის კაფეში, არამედ რომელიმე საპოლიციო უბანში. ხომ შეიძლება ასე იყოს, რას იტყვიოთ, ძმებო?

ნუგზარმა ირიბად გამოხედა.

— შენ მართალი ხარ, არც ეგაა გამორიცხული. ამ რკინის ყუთიდან წარმოუდგენელიცაა ინტუიციით განჭვრიტო, საიო მიგათრევენ. მით უმეტეს, ბოლო ორი საათი ჩვენ აბსოლუტურ



სიბნელეში მივცურავდით. შეიძლება ეს ფანდიც იყო მარტო მაც მოგვაქციეს წყველიაღში.

— ესე იგი, წყალქვეშა პოლიგონი გამორიცხულია? — იკითხა გაბოშვილმა.

— გამორიცხული არაა, მაგრამ ისიც შესაძლებელია, რომელიმე სამხედრო უწყების ტერიტორიაზე ვიმყოფებოდეთ.

ბუტერბროდი ნუგზარმაც აიღო, უკბიჩა და, როცა ლუკმა გადაყლაპა, ჩაილაპარაკა — მომშიებიაო. ეს ალბათ ისე, თავისთვის ჩაილაპარაკა, მაგრამ ვალერიმ, რასაკვირველია, გაიგონა.

— იცით, რა დრო გავიდა, რაც ჩავეშვით? — თქვა მან.

ნუგზარმა საათს დახედა, მაგრამ სანამ პასუხს გასცემდა ისევ ვალერიმ დაასწრო.

— ზუსტად შვიდი საათი და 48 წუთია. საკმაო დრო გავიდა.

— დიახ, დიდი დრო გავიდა ხმელეთზე უკვე ეცოდინებათ ჩვენი ამბავი. საგარეო საქმეთა სამინისტრო ალბათ უკვე ამხადებს ნოტას. დაიწყება დიპლომატების შეხლა-შემოხლა. სანამ ისინი საქმეს გაარკვევენ, ჩვენ მოგვიწევს ყურყუტი, მერე ალბათ ბოდიშს მოგვიხდიან და გავგიშვებენ — თქვა ვიტალი შლიახოვმა.

— ეს ალბათ ყველაზე კარგი ვარიანტია, — ჩაილაპარაკა ანდრომ. ნუგზარმა მაცივრიდან დოქი გამოიღო. შემდეგ მაცივრის კარზე ბუდეში ჩადგმული ჭიქაც აიღო და წყალი დაისხა.

— იცით რა, ძმებო, — თქვა მან, როცა დოქი ისევ მაცივარში შედგა და ჭიქაც ბუდეში ჩაუშვა, — საქმე სერიოზულია, უფრო სერიოზული, ვინემ ჩვენ გვეჩვენება. მოვეშვათ პროგნოზებს უკვე შუალამე ხდება. გამორთეთ შუქი და დაიძინეთ. ისინი ალბათ ამაღამ ჩვენს მიღებასა და დაკითხვას არ აპირებენ. დინჯი ხალხია, ჩანს, ეს საქმე, სახვალიოდ გადადეს. ხვალ მძიმე დღე გვექნება. უფრო უპრიანია, ახლა მოვისვენოთ. ძილი ნებისა, ძმებო.

სკამში ჩაჯდა, მერე თითით ღილაკს შეეხო და სკამი ზანტად გაიშალა, ნამდვილ საწოლად იქცა. ასევე მოიქცნენ სხვებიც, ვალერიმ შუქიც გამორთო და ბატისკაფში სიჩუ-

მე ჩამოვარდა. სიჩუმე კი ჩამოვარდა, მაგრამ სინამდვილეში არც ერთს არ ეძინა. მხოლოდ ვალერიმ წასთვლიდა და ისევ მალე გაეღვიძა. იდგა ძალზე წყნარი და მშვიდი ღამე. რაღაც ჩადოსური, დამამშვიდებელი დუმილი სუფევდა, მხოლოდ მილიდან შემოჭრილი ჟანგბადის ნაკადი შიშინებდა ოდნავ გასაგონად.

არავინ არღვევდა მყუდროებას, ყველა მარტო დარჩა თავისთავთან მერე, უფრო გვიან, ანდროს გულიანი ხვრინვაც გაისმა. დაღლილობამ თავისი გაიტანა და მალე ანდროს ვალერიმაც მიბაძა, შემდეგ ვიტალიმ. ნუგზარს ჯერ კიდევ არ ეკარებოდა ძილი. ბოლოს, როდის-როდის, მანაც ჩათვლიდა. როცა გაეღვიძა, საათს დახედა, ფოსფორიანი ციფერბლატი ექვსს აღნიშნავდა.

საწოლი აკეცა, შუქი აანთო. მაშინვე ანდროს ხმა მოესმა:

- ავდგეთ?
- ჰო, უკვე დროა.
- ერთი საათია, საწოლში შამფურივით ვბრუნავ.
- კარგად გეძინა?
- არა უშავს რა. თქვენ?
- მეც.

ნუგზარი ტულეტში შევიდა. სანამ ხელბირის ბანას მორჩებოდა, უკვე ყველა ფეხზე იდგა.

— ძალიან მინდა მოვწიო, პირდაპირ სულს ვლევ, — თქვა ვიტალიმ, — რამდენი ხანია, თავს ვიკავებ და მეტი აღარ შემძლია.

— მოსწიე, მგონი, ისინი კარგად ზრუნავენ ჩვენს უსაფრთხოებაზე. საშიში არაფერია, — უთხრა თანაგრძნობით ნუგზარმა და განაგრძო: — იცით, რა გითხრათ, ძმებო, უპირველეს ყოვლისა, ჩვენ უნდა გავიგოთ, სად ვართ, ხმელეთზე თუ ოკეანისქვეშა პოლიგონზე. ეს ახლა ყველაზე მთავარია... შემდეგ დავაზუსტოთ, ვისი ტყვე ვართ და ბოლოს, როგორმე მოვახერხოთ, ჩვენებს ვაცნობოთ ეკიპაჟის სამყოფელი.

ყურადღებით უსმენდნენ. მერე ანდრომ ამოღერდა:

- სასინჯი ლიუკი უნდა გავხსნათ.
- აუცილებლად, ჩვენი ილუმინატორები გარედან ისე შესულრეს, მათი საშუალებით რაიმეს დადგენა შეუძლებელია.



ლია. საუზმის შემდეგ პირველ რიგში ვხსნით სასინჯო ლიუჯი
 თუ ხელოვნურმა ხელმა იმუშავა და გარესამყაროდან რაიმე
 ნიმუში შემოგვიტანა, მაშინ ყველაფერი ადვილად გაირკვევა.
 თუ არა და, სხვა გზა უნდა ვეძიოთ.

ის ახლა ზედა ლიუჯის პირდაპირ იდგა და ჭრელი, ერთი
 ციკქნა პირსახოცით ხელებს იმშრალებდა. მერე პირსახოცის
 ბოლო სახეზედაც მოისვა.

— მოსწიე, რაც არის, არის. თუ გემეტება. ერთიც მე მო-
 მეცი.

— ინებეთ, მე ვიცოდი, რომ თქვენ არ ეწეოდით.
 ვიტალიმ სიგარეტის კოლოფი გაუწოდა.

— მართლაცდა არ ვეწევი. ადრე კი ვქაჩავდი და მერე
 როგორ!.. დღეში ორი კოლოფიც არ მყოფნიდა. მერე ავი-
 ტამინოზი გამიჩნდა და ექიმებმა თამბაქოს მოწევა ამიკრძა-
 ლეს, იძულებული გავხდი, მიმეტოვებინა, მაგრამ ხანდახან
 სული წამძღვეს ხოლმე.

— ძნელია თავის დანებება, გაცილებით ადვილია, სულ არ
 მიეჩვიო ამ სიგლახეს, — აი, რამდენი ხანია, მინდოდა მომე-
 წია, ძლივს ვიკავებდი თავს, თქვენი მეხათრებოდა. პირადად
 თქვენი, ვალერის, ანდროსი... ბოლოს ველარ გავუძელი ცდუ-
 ნებას, მაპატიეთ.

— არა უშავს, რადგანაც გადაჩვევა ასე გიჭირთ, ხანდახან
 გააბოლეთ კიდევ.

— გმადლობთ.

ვიტალიმ სანთებელა ჯერ ნუგზარს მიაწოდა, მერე თავის
 სიგარეტს მოუკიდა და ნაფაზიც მადიანად დაარტყა. ნუგზარ-
 მაც სამიოდე ნაფაზი დაარტყა და შემდეგ ვალერის შეხედა.

— შეგვიძლია ვისაუზმოთ?

— ახლავე მოვრჩები სუფრის გამლას.

ვალერი ზანტად ალაგებდა სუფრაზე ბუტერბროდებს. მე-
 რე პლასტიკატის წითელი ჭიქებიც დააწყო და თერმოსსაც
 მოხადა სახურავი. მაშინვე სურნელოვანი ყავის მძაფრი სუნის
 მთელ ბატისკაფში გაიფანტა.

ვალერიმ თერმოსი ცხვირთან მიიტანა.

— ჩინებულა.

ჭიქებში ფრთხილად ჩამოასხა.

— შეგიძლიათ, საქმეს შეუდგეთ. დღეს კამბუზი არ შობს, უკეთეს საუზმეს ნუ ელით.

ნუგზარმა სიგარეტი ფეხსაცმლის ლანჩაზე ჩააქრო. კარგად რომ დარწმუნდა, სიგარეტზე ნაპერწკლის ნასახიც კი არ დარჩენილად, საფერფლეში გადაუძახა, ხელები მუხლისთავებზე დაფენილ ხელსახოცზე შეიწმინდა და ბუტერბროდს წაეტანა. უკბიჩა და დიდხანს ღეჭა; როცა ლუკმა, როგორც იყო, გადაყლაპა, ბუტერბროდი ისევ მაგიდაზე დადო.

სასინჯი ლიუკი საუზმის შემდეგ მართლაც გახსნეს. ხელოვნურმა ხელმა მიიღო ბრძანება და გარეთ გაცოცდა, მაგრამ პეშვი გაყო თუ არა, ათი სანტიმეტრის მანძილზე მაშინვე მაგარ მასას მოხვდა და ისევ უკან შემობრუნდა. ხელოვნურმა ხელმა მიიღო მეორე დავალება, ემუშავა ჰორიზონტალურად. ხელმა ვერც ეს შეასრულა. მიიღო მესამე დავალება, გასულიყო ვერტიკალურად. ორ წუთში ხელი ისევ უკან დაბრუნდა.

— გამოდის, რომ ჩვენ რკინის გარსში ვართ გამომწყვდეული, — ჩაილაპარაკა ნუგზარმა და ლიუკს მოშორდა, — მათ გადაუწყვეტიათ, საფუძვლიანად მოგვწყვიტონ გარესამყაროს. გახსენით მთავარი ლიუკი! — ნერვიულად თქვა მან.

სამივე მეზღვაურმა შიშით შეხედა მეთაურს. ნუგზარი იდგა კოპებშეყრილი, სახეზე ცეცხლი ეკიდა.

— გახსენით მთავარი ლიუკი! — კვლავ ბრძანა კაპიტანმა. ანდრო გაბოშვილი პირველი გამოეყო მეგობრებს. მთავარ შესასვლელ ლიუკთან მივიდა და გამქაჩი ჩართო. გაისმა რკინის ჭახანი და ლიუკი ნელ-ნელა გალოდდა მარჯვნივ. სამი კაცი შიშით შეჰყურებდა რკინის მასის მოძრაობას. მეოთხე კი თითქოს დარწმუნებულია იმაში, რომ ლიუკიდან წყლის მძლავრი ჭავლი არ შემოიჭრებოდა, შიშის გრძნობას არ გამოხატავდა.

ლიუკი თავის ბუდეში ჩაძვრა და შესასვლელის ფართო ჭრილიდან ხასხასა წითელმა ფერმა შემოანათა.

ნუგზარი გასასვლელთან მივიდა და ხელით შეეხო წითელ მასას, ლიუკის მაგივრობას რომ სწევდა ახლა.

— პლასტიკატია.

კარგად რომ დარწმუნებულიყო, ზედ დააბრახუნა კიდევ და ისევ გაიმეორა:



— პლასტიკატია.

— აფრიკელთა ხელობაა. მათ უყვართ წითელი თელი ფერი, — ჩაილაპარაკა ვიტალი შლიახოვმა.

— პლასტიკატია, — კვლავ თქვა ნუგზარმა და შემდეგ დაუმატა: — ესე იგი, ჩვენ ხმელეთზე ვართ და არა ოკეანის ფსკერზე. როგორც ვიცი, ჯერჯერობით ადამიანებს არ შეუქმნიათ ისეთი პლასტიკატი, ოკეანის წნევას რომ გაუძლოს, თუნდაც 700 მეტრის სიღრმეზე.

ახლა ანდრომაც გასინჯა ბატისკაფის გარსი.

— ნამდვილად პლასტიკატია. ალბათ, მიტომ გადაგვაცვებს ეს წითელი პერანგი, რომ მათ კონსპირაციულ პოლიგონს ვერ შევხედოთ.

— მთავარი ისაა, რომ დავადგინეთ, ჩვენ ხმელეთზე ვართ, — თქვა ნუგზარმა.

ანდრომ იკითხა, ლიუკი ხომ არ დავეკეტო.

— არა, ჯერ იყოს. რა მნიშვნელობა აქვს.

მაგრამ შემდეგ ნუგზარმა გადაიფიქრა და უთხრა, დაკეტო, ლიუკი ჭრიალით გამოძვრა ბუდიდან და წითელი ფერი წაშალა.

ნუგზარი ისევ თავის სკამში ჩაჯდა და ილუმინატორი გახსნა. ილუმინატორიდან ისევ და ისევ დადუმებული წყვილია ჩანდა.

— მინაზეც პლასტიკატია მოფარებული, — მოესმა ნუგზარს სულ ახლოს ანდრო გაბოშვილის ხმა.

— შესაძლებელია. გულმოდგინედ ამოგვიქოლეს ყველა გასახედი.

საათს დახედა და დაუმატა:

— ხომ არ გვაქვს რაიმე იარაღი, რითაც შეიძლება გარსის გაბურღვა.

— ახლავე გავსინჯავ ჩვენს ტექნიკურ ჩანთას.

გაბოშვილი ილუმინატორს მოშორდა. თავის საჯდომთან მივიდა, იქიდან ერთხანს რკინის ხელსაწყოების ხმაური ისმოდა, ბოლოს კი რკინების უღარუნში ანდროს ხმაც გამოიკვეთა.

— ბურღი ვიპოვე. წვრილი ელექტრობურღია. ზედგამოჭრილია ამ საქმისათვის. გავხსნა ლიუკი?

— ჯერ არა, ცოტა კიდევ მოვითმინოთ. იქნებ საჭიროც



აღარ აღმოჩნდეს. რვა საათი სრულდება. ალბათ დილითვე დაინტერესდებიან ჩვენით. მაგრამ კაპიტნის ვარაუდი არ გამართლდა, შუადღე ისე გადავიდა, ბატისკაფით არავინაც არ დაინტერესებულა. ოთხ საათზე ნუგზარმა ბრძანა, ლიუკი გაეხსნათ. ანდრო გაბოშვილი წითელ გარსს მიეყრდნო და სცადა, გაებურღა. თითქმის მთელი ნახევარი საათი ცოდვილობდა, მაგრამ არ იქნა და ბურღმა წვერი ვერ მოიკიდა პლასტიკატზე.

ანდრო ნელ-ნელა იბოღმებოდა. ბოლოს ბოღმას ერთი ისეთი გინებაც ამოაყოლა, რომ თვით მის კოლეგებსაც კი გაუკვირდათ.

— გამოდი, — უთხრა გაბრაზებულ ანდროს ვალერიმ, — ხერხი სჯობია ღონესა, თუ კაცი მოიგონებსა.

ანდრო კი გამოვიდა, მაგრამ არც ვალერის ხერხმა გასჭრა. ამასობაში ანდროს მოთმინება მთლად გამოელა, ხელში რაღაც ბარჯის მავგარი ძალაყინი მოჰყვა. ვალერი გვერდზე უხეშად გასწია და ამ ბარჯით თუ ძალაყინით მიდგა იმ დაწყევლილ პლასტიკატის გარსს.

ყველაფერი ისევ წინანდებურად იყო. რაღაც ჯადოქრობის წყალობით პლასტიკატს პატარა განაკაწრიც კი არ ეტყობოდა. გალომებული, მთლად გაოფლილი ანდრო ორმა კაცმა ძლივს მოაშორა წითელ გარსს და მერე მთელი ნახევარი საათი აშოშმინებდნენ.

— არაფერი გამოვა, ეს პლასტიკატი არაა. ნეტავ, ერთი დინამიტი მომცა, — დუდღუნებდა ის.

— მერე ჩვენ რას გვიპირებ? — ჰკითხა ვალერიმ.

— ჯანდაბას ჩვენი თავი.

ვალერის ასეთი პასუხი არ ეჭაშნიკა.

— არა, ძმობილო, მე აფრიკის მკვიდრი არა ვარ და არც აქაური მიწა მომიხდება.

ანდრო ჭრელი ხილაბანდით ოფლიან შუბლს იწმენდა და თან ბუბუნებდა:

— ერთი დინამიტი მომცა და სულაც არ გკითხავდი, რომელი მიწა გესიამოვნებოდა.

ანდრო ბოლოს მაინც დაამშვიდეს და ნუგზარმა ლიუკის დახურვა ბრძანა.

— ახლა დავსხდეთ და ველოდოთ, როდის ისურვებენ ჩვენს მიღებას.

ზუსტად ერთი საათის შემდეგ საჰაერო მილში უცნობი კაცის ხმა გაისმა. იგი ინგლისურად ლაპარაკობდა. უცნობმა თავაზიანად იკითხა რა ენაზე შეეძლო ტყვეებთან საუბარი.

ყველანი გაირინდნენ. გავიდა წუთი, ორი წუთი, სამი. უცნობმა ისევ იკითხა: რა ენაზე ისურვებდნენ საუბარს. ნუგზარმა მიუგო, რუსულად ან ქართულადო.

უცნობმა ახლა ეროვნება იკითხა და ნუგზარმაც უპასუხა: „აქ სამი ქართველი და ერთი რუსიაო“. შორიდან მოსული ხმა მეტი არაფრით დაინტერესებულა.

— ესეც პირველი მერცხალი, — ვალერი ბასილაია სკამიდან ჩამოვიდა და ქვედა ლიუკზე დადგა— მაინც საინტერესოა, როგორი მოქართულენი აღმოჩნდებიან ჩვენი მასპინძლები.

შემდეგ ივანშემეს და ნავახშემეს უკვე ქართულ ენაზე იკითხეს საჰაერო მილიდან: „ხომ სალ-სალამათი ბრძანდებიან ჩვენი სტუმრებიო.“

ეს იყო ქალის ხმა. ლამაზად ჟღერადი, ხავერდოვანი ხმა.

ვალერი კრევეტს აკნატუნებდა, მაგრამ მაინც შენიშნა: ალბათ კეიპტაუნის საოპერო თეატრის სოლისტიაო.

ვიტალიმ უპასუხა: კეიპტაუნში საოპერო თეატრი არ არისო.

ვალერიმ დაიჟინა: ალბათ, კეიპტაუნი მხოლოდ რუკაზე გინახავსო, თორემ იქ ორი საოპერო თეატრი და ერთიც საბალეტო დასიაო.

სანამ ისინი კამათობდნენ, ქალმა თქვა: შეგიძლიათ, თქვენი სადგომი დატოვოთ და ლიუკიდან პირდაპირ თქვენთვის მოწყობილ ბინაში შეხვალთო.

ვალერის ენა მოეჩავა და მაგარ გინებასაც გაგზავნიდა საჰაერო მილისაკენ, მაგრამ მოსაუბრე მდებრობითი სქესის არსება იყო და მოერიდა. სამაგიეროდ, ნუგზარმა იკითხა: ეს იძულებათ თუ თხოვნაო? ქალმა განმარტა:

— თქვენ ჩვენი სტუმრები ბრძანდებით. არის ზოგიერთი რამ, რაც აუცილებლად უნდა გაირკვეს. ამის შემდეგ ალბათ

მოგეცემათ საშუალება, დაბრუნდეთ თქვენს სამშობლოში. მა-
ნამ კი ისარგებლეთ ჩვენებური კომფორტით.

— ჩვენ გვინტერესებს ვიცოდეთ, ვინ ბრძანდებით თქვენ
და რა უფლებით დაგვაპატიმრეთ?

— ჩვენ ვართ ამიტები. რაც შეეხება დაპატიმრებას, ეს არ
არის სწორი, თქვენ არავის დაუპატიმრებინართ. უბრალოდ
მოხდა ტექნიკური კატასტროფა და იძულებული გავხდით, საქ-
მეში ჩავრეულიყავით. მიღებულია ყველა ღონისძიება თქვენი
სიცოცხლის უსაფრთხოებისათვის.

ქალი ლაპარაკობდა სუფთა, გამართული ქართულით. მისი
ხმის თბილ, ოდნავ არტისტულ, მაგრამ გულწრფელ ჟღერადო-
ბას არ შეიძლებოდა სიმპათია და ნდობა არ აღეძრა.

— მიუხედავად ამისა, ნუგზარმა მაინც იკითხა:

— თქვენ ახსენეთ ამიტები. ჩვენ ასეთ ქვეყანას არ ვიც-
ნობთ!

მაშინ სიცილის ხმა გაისმა.

— ღმერთო ჩემო, თქვენ არ იცნობთ, მაგრამ ასეთი ქვე-
ყანა მაინც არსებობს. ეს ფაქტია და ამაზე დროს ნულარ დაე-
კარგავთ.

ნუგზარმა გაკვირვებით შეხედა მეგობრებს. ანდრო ახლა
ბატისკაფის ცენტრში გაოცებული იდგა და მხრები აეწურა-
ვალერის პირი დაეღო და სახეზე ისეთი გაოცება აღბეჭდო-
და, იფიქრებდით, ამ წუთში მსოფლიოს ყველა საოცრებას თა-
ვისი ცისფერი, წვრილი თვალებით შეჰყურებდნენ.

ვიტალის სახე ერთსა და იმავე დროს შიშსაც გამოხატავ-
და და გაოცებასაც.

— ასეთი ხალხი პირველად მესმის. ჩანს, ძალიან ცუდად
ვიცნობ აფრიკას.

— ხომ არ შეიძლება დავაზუსტოთ. ეს თქვენი ამიტები
აფრიკის ხალხია? — ეს უკვე ნუგზარმა იკითხა.

— შეიძლება აფრიკის ხალხად ჩაითვალოს.

— შეიძლება, კონკრეტული პასუხი არ არის.

— ეს სიტყვა ვიხმარე იმიტომ, ჩვენც დასავლეთით ვცხო-
ვრობთ. მაგრამ თუ აფრიკის ხალხად ჩავგვთვლით, ამისათვის
არავინ შეგაგდებთ ზვიგენის ხახაში.

— ჩვენთვის მაინც გაუგებარია.

— მოდით, დღეს უფრო მეტის შეტყობას ნუ გვებთ, დანარჩენი ხვალისათვის გადავდოთ.

— მისმინეთ, — ნუგზარს ხმაში ბრაზი დაეტყო, — მსურს, ველაპარაკო თქვენი მთავრობის ოფიციალურ პირს. ჩემი მთავრობის სახელით მე სასტიკ პროტესტს ვაცხადებ იმ უკანონო აქტის გამო, რაც თქვენ ჩაიდინეთ. არავითარი ტექნიკური კატასტროფა არ მომხდარა, ეს უბრალოდ სიტყვის მასალაა და მეტი არაფერი. მოხდა მხოლოდ უკანონო აქტი, დაირღვა ზღვაოსნობის საერთაშორისო ნორმები, რომლებსაც ყველა სახელმწიფო უნდა სცემდეს პატივს. მე გთხოვთ, მოგვიწყოთ შეხვედრა თქვენი ქვეყნის ოფიციალურ პირთან.

ერთხანს სიჩუმე ჩამოვარდა, მაგრამ მალე ისევ გაისმა ქალის ხმა.

— ეს რასაკვირველია, ძნელი არაა, მაგრამ ვიდრე შეხვედრა მოხდებოდეს, ისარგებლეთ ჩვენი მასპინძლობით. გამობრძანდით, ძვირფასო სტუმრებო!

ნუგზარმა ანდროს შეხედა და ხელით ანიშნა: „ლიუკი გახსენიო“. ანდრომაც ხელის მოძრაობით გააგებინა: „გავიგეო“ და ლიუკთან მივიდა.

იმავე დროს ქალის ხმაც გაისმა: „სწორი გადაწყვეტილებააო“ და ნუგზარი მიხვდა, გარსს იქით მყოფნი ხედავდნენ რა ხდებოდა ბატისკაფში.

ლიუკი ნელა ჩაჩოჩდა ბუდისაკენ. საოცარი ის იყო, რომ ლიუკს უკან წითელი ფონი აღარ ჩანდა.

— ხედავთ, წითელი გარსი მოუხსნიათ, — დაიყვირა ანდრომ.

სამაგიეროდ ჩანდა ნაცრისფერი პლასტიკატის სადა კედელი. კედელსა და ბატისკაფს შორის აბსოლუტური სიცარიელე სუფევდა.

— გამობრძანდით, — გაისმა ქალის ხმა.

ბატისკაფიდან პირველი ნუგზარი გამოვიდა და მაშინვე მიხვდა, რომ უხარმახარ ნაცრისფერ დარბაზში იმყოფებოდნენ. დარბაზს არც ერთი სარკმელი არ ჰქონდა და შუქი რვა დიდი ნათურიდან იღვრებოდა. ოთხი ნათურა ჭერის კუთხეებში იყო მოთავსებული, ოთხი კი კედლებში. დარბაზი ისე

იყო გაჩახჩახებული, იფიქრებდით, სადმე მინდვრად იმყოფებოდით, ზაფხულის მზის ქვეშ.

არავითარი ნივთი არ ჩანდა. არც მაგიდა და არც უბრალო სკამები.

ნუგზარს ისიც არანაკლებ გაუკვირდა, რომ წინ არავინ შეგებებიათ, მაგრამ კრინტიც არ დაუძრავს, დაელოდა, სანამ მეგობრებიც გამოვიდოდნენ ბატისკაფიდან. სულ ბოლოს ვალერიმ დადგა ფეხი პლასტიკატის იატაკზე, მიიხედ-მოიხედა და გაოცება ველარ დაფარა:

— რაო, სხვა საქმითა ვართ დაკავებულიო?!

არავის უპასუხია. ისეთი სიჩუმე ჩამოვარდა, წინ რომ უძღვის ხოლმე დიდ აფეთქებას.

— მასხარად გვიგდებენ, თუ რა ხდება? — იკითხა გაბოშვილმა. იმავ დროს ქალის ხმაც გაისმა:

— მეგობრებო, ორ წუთში პირდაპირი კარი გაიღება, თქვენ შეხვალთ დერეფანში, დერეფანი მიგიყვანთ თქვენთვის განკუთვნილ ბინაში.

ორ წუთში ღია ლიუკის პირდაპირ მართლაც გაიღო ფართო კარი. კარის გაღებასთან ერთად ბატისკაფიც დაიძრა, მარჯვენა კედლისაკენ წავიდა. მალე ზედ კედელთან აღმოჩნდა. შეხებისთანავე კედელი გაიხსნა, ბატისკაფი გაატარა და შემდეგ ისევ დაიხურა.

თუმცა კედელი ცოტა ხანს იყო გახსნილი, ბატისკაფელებმა მაინც მოასწრეს, შეემჩნიათ უშველებელი წითელი დარბაზი, რომელშიც ბატისკაფი შეეცურდა. ის დარბაზიც სრულიად ცარიელი იყო.

დერეფანში შეაბიჯეს თუ არა, მათ უკან კარი მიიხურა.

დერეფანი საკმაოდ ვანიერი გახლდათ. კედლები — სადაც ისფერი. ორივე მხარეს ოთხი კარი ჩანდა. სწორედ მეოთხე კართან დერეფანი მარცხნივ უხვევდა.

— აქ საძინებელი ოთახებია განლაგებული, — განმარტა ქალის ხმამ, ყოველ თქვენგანს ცალკე ოთახი გექნებათ. თუ რომელი სად დაიძინებთ, ეს თვითონ გადაწყვიტეთ.

ნუგზარი აღშფოთდა.

— თქვენ ფიქრობთ, დიდხანს მოგვიწევს აქ ყოფნა? ეს რა შესტია, რას ნიშნავს?!

— ნუ ღელავთ, ჯერჯერობით ხომ აქ ხართ, მოსვენებას გჰირდებათ და ცხოვრებას. ამისათვის კი ბინაცაა, ამიტომ გთავაზობთ. მგონი ამაში არაფერია ცუდი. ისარგებლეთ ამ კომფორტით. როცა ყველაფერი გაირკვევა, მერე ალბათ იმასაც შევძლებთ, უკანვე უხიფათოდ დაგაბრუნოთ.

— სად წაიღეთ ჩვენი ბატისკაფი?

— საიმედო ადგილას.

— თქვენ ძალიან გიყვართ ეს სიტყვა.

— არა, უბრალოდ, ახლა ალბათ საჭიროებამ მოითხოვა. ვალერი პირველსავე კარში შეძვრა.

— მობრძანდით, არცთუ ისე ცუდად მივუღივართ. საკმაოდ უზრუნველად ჩვენს დაბინავებაზე.

ვალერის ნუგზარიც შეჰყვა და მაშინვე მომცრო ცისფერ ოთახში აღმოჩნდა. ერთი საწოლი, ერთი ტუმბა, კარადა, პატარა მაგიდა და ოთხი სკამი. მაგიდაზე რაღაც უცნაურად გაფორმებული ტელეფონის აპარატი იდგა. ეს იყო ოთახის ავლადიდება. ყველაფერში ნატიფი გემოვნება ჩანდა, მაგრამ ოთახს არც ერთი სარკმელი არ ჰქონდა. შუქი ერთადერთი დიდი ოთხკუთხა ნათურიდან იღვრებოდა, რომელიც პლასტიკატის ჭერში იყო ჩადგმული.

— კარგი კომფორტია, — თქვა გაბოშვილმა.

— სასაამოვნოა, რომ თქვენი მოსაწონი კომფორტი შევქმენით. ახლა მოისვენეთ, ერთი საათის შემდეგ შეგიძლიათ ისადილოთ. სასადილო ოთახი მოთავსებულია თქვენს მარცხნივ, შესასვლელი დერეფნის ბოლოდან. თქვენს ტუმბაზე დევს ბინის სქემა, შეგიძლიათ გაეცნოთ.

ვალერიმ სქემა აიღო, ჯერ თვითონ დაათვალიერა, მერე კი ნუგზარს მიაწოდა.

— როგორც ჩანს, დერეფანი ბოლოში მარცხნივ უხვევს. პირდაპირ გასართობი ოთახია. ყოველ შემთხვევაში, ასე წერია აქ. თუ რა იგულისხმება გართობაში, ამაში მალე დავრწმუნდებით. შემდეგ სასადილო, იქით კიდევ—ტუალეტი. ფანჯარა, როგორც წესი, ყველგან დავიწყებულია. ისეთი კონდიციონებული ჰაერია, უფანჯრობას მაინც არ ვგრძნობთ, მაგრამ ხომ უნდა ვიცოდეთ, რა ხდება გარეთ?

ვალერიმ ეს სიტყვები უფრო იმიტომ თქვა, რომ ზედამხედ-

ველი ქალის საუბარში გამოწვევა სურდა, მაგრამ მასპინძელი სრულებითაც არ ჩქარობდა პასუხის გაცემას. მთელი დღებიდან გამოსულმა ბასილიამ კი ბინის სქემა ისევ მაგიდაზე დადო და მთელი ხმით დაიძახა:

— ბოლოს და ბოლოს გვეტყვი თუ არა, რა ხდება გარეთ? რატომ მოგვწყვიტეთ ასე გარემოს?

მასპინძელი ისევ დუმდა. ნუგზარმა კი ბასილიას მკაცრად გადახედა და მშვიდად თქვა:

— აირჩიეთ თქვენ-თქვენი ოთახები, მე აქ დავრჩები. ზუსტად ერთი საათის შემდეგ შევხვდებით გასართობ ოთახში. ზედმეტი ლაპარაკისაგან თავი შეიკავეთ. ჩვენ ვმოქმედებთ და ვსაუბრობთ პირდაპირ ტელეეკრანის წინ.

— გასაგებია, — თქვა ბასილიამ, ოთახიდან გავიდა. მას სხვებიც მიჰყვნენ.

ნუგზარი საწოლთან მივიდა. შალის ლურჯ საბანს დახედა. ისეთი ყურადღებით აკვირდებოდა, თითქოსდა ასეთი საბანი არასოდეს ენახოს. სინამდვილეში რა იყო, ისეთივე უბრალო, შალის მოთელილი საბანი გახლდათ, რომლის შექმნაც ყველა მაღაზიაში შეიძლებოდა.

ფეხთ გაიხადა და მაშინვე იმ მოთელილ საბანზე მოწყვეტით დაეცა. ძალიან სიამოვნებდა, სულ მარტო რომ იყო. არც მანქანების შიშინი ესმოდა და არც ვინმე აბეზარი უწყვრილებდა გულს.

ხელები თავქვეშ ამოიწყო. თვალები ჭერს მიაბჯინა და ფიქრებს გაუხსნა სათავე. მერე უნებლიეთ თვალი მაგიდისაკენ გააპარა და, მაშინვე იმ უცნაურსა და ცოტა არ იყოს უშნო ტელეფონის აპარატს მოჰკრა თვალი. აპარატს ციფერბლავი არ ჰქონდა და ჩათვალა, რომ პირდაპირ ქვესადგურთან იყო ჩართული. იქიდან მზერა ტანსაცმლის კარადაზე გადაიტანა. კარადა ხისა იყო, ლამაზი, ბუნებრივი არშიებით დამშვენებული. ტუმბოც იმავე ხისგან გახლდათ დამზადებული.

ნუგზარი ახლა კედლისაკენ გადაბრუნდა და საწოლიც მაშინვე აჭრიალდა. „ლეები ზამბარებიან ბადურაზეა დაგებულიო“, დაასკვნა და არც კი შეუშოვნებია, ნამდვილად ასე იყო თუ არა. ახლა გაახსენდა, რომ წვერი ჰქონდა გასაპარსავი.

ელექტროსაპარსი, საცვლები და კიდევ სხვა ათასი წვრილმანი, რაც ადამიანს ყოველ წუთს ჭირდება, იქ, ბატისკაფში დარჩა, საათს დახედა და ზმორებით აღდა. ოთახში გაიარ-გამოიარა. ფეხსაცმელი არც კი ჩაუცვამს, ისე, თბილი წინდებით გაიარ-გამოიარა...

მერე, როცა გასართობ ოთახში შევიდა, იქ უკვე იცდიდა მისი სამი მეგობარი. გასართობი ისეთივე ოთახი იყო, ცოტა უფრო მოზრდილი. რასაკვირველია, ფანჯრები არ ჰქონდა. იდგა ოთხი სავარძელი და გრძელი, დაბალი მაგიდა. მაგიდა ცარიელი გახლდათ, არავითარი ნივთი არ იდო ზედ და ნუგზარს ძალზე გაუკვირდა, რატომ უწოდეს ამ თალბიან ოთახს გასართობი. გაიფიქრა: კედლებისათვის მაინც მიეცათ ცოტა მხიარული ფერიო, შავად რომ ჩაუყამებიათო. ერთადერთი სავარძელი იყო თავისუფალი და იმ სავარძელში ჩაჯდა. მაშინვე გაისმა ქალის ხმა:

— თქვენ ალბათ უკვე მოგშივლათ. მეგობრებო, შეგიძლიათ დაიბანოთ ხელი. სასადილოში თქვენ მსუყე სადილი გელით.

ოთხივე წამოდგა.

სასადილოშიც ისეთივე დაბალი, გრძელი მაგიდა იდგა, ოთხი ხის სკამი. მაგიდაზე ეწყო მოხარშული და შემწვარი თევზი, ხამანწკა, ნამცხვარი და კიდევ რაღაცის ხორცი, ასევე შემწვარი და მოხარშული. თუ რისი ხორცი იყო ეს, ნუგზარმა პირველად ვერ გაიგო, მაგრამ როცა გემო გაუსინჯა, მაშინ კი მიხვდა, რომ კალმარს შეექცეოდა.

ვალერის ტუალეტში შეაგვიანდა, როცა სასადილოში შემოვიდა, სხვები უკვე პურს ტეხდნენ.

— როგორ ფიქრობთ, რისგანაა დამზადებული აქაური საპონი?

— განა მაგას რაიმე მნიშვნელობა აქვს? — შენიშხა გაბოშვილმა.

— ეგ არ ვიცი, მაგრამ მე დავასკვენი, რომ ხელი თევზის ქონის საპნით დავიბანე.

— რაო? გახედა ნუგზარმა.

— ზუსტად ასეა.

— ვთქვით ასეა, რა არის ამაში საგანგაშო?

გაბოშვილმა ვალერის გახედა და პირისაკენ მოზრდილი ლუკმა უღარდელად გააქანა.

— საგანგაშო არაფერია, მაგრამ ძალიან მდიდრები ყოფილან, თუ თევზის ქონს ასე ანიავებენ.

ნუგზარმა პირთან მიტანილი კალმარის ნაჭერი ისევ მაგიდაზე დადო და ნაღვლიანი მზერა თევზზე გადაიტანა. ამის შემდეგ ისე მორჩა სადილს, რომ ერთი სიტყვაც არ დასცდენია ზორაგითა და ღუმილით დამძიმებულ მაგიდასთან. სადილის შემდეგ ტუალეტში შევიდა ხელის დასაბანად.

ტუალეტი საკმაოდ მოზრდილი ოთახი გახლდათ. გასართობი ოთახისა არ იყოს, ესეც შავად შეეღებათ. ერთ კედელს სარკე ამშვენებდა. სარკის ქვედა რაფაზე კი საპონი იდო: ნუგზარმა აიღო და უყნოსა, სასიამოვნო სურნელი ეცა, მაგრამ კარგი ყნოსვა ჰქონდა და იგრძნო, რომ საპონში თევზის ქონიც ერია. სანამ ხელებს გაიქაფავდა, ონკანი მოუშვა. გრილმა წყალმა დაუსველა ხელები. მერე გაიქაფა და გულმოდგინედ დაიბანა. ბოლოს ტუჩები პირდაპირ ონკანს შეუშვირა და დალია.

სასიამოვნო წყალი იყო, ნამდვილი წყაროს წყალი. გაიფიქრა, რომ მათ მასპინძლებს აფრიკის სხვა ქვეყნებისაგან განსხვავებით წყლის საქმე კარგად ჰქონიათ მოგვარებული.

ტუალეტიდან გამოვიდა, ვიწრო დერეფანი განვლო და ისევ სასადილოში შეაბიჯა. იქ უკვე აღარავინ იყო, ყველანი გასართობ ოთახში გასულიყვნენ. თვითონაც გასართობს მიაშურა. და სწორედ მაშინ, როცა სავარძელში ჩაჯდომას აპირებდა, ისევ გაისმა ქალის ხმა.

— ახლა ზედმეტი არ იქნება, გავიცნოთ ერთმანეთი. მე კადილას მეძახიან ვლაპარაკობ ქართულ, ინგლისურ, ესპანურ და ამიტურ ენებზე. მითხარით თქვენი სახელიც, მეგობრებო.

— ჩვენ თქვენ ვერ გხედავთ, — თქვა ნუგზარმა, — ისიც ვერ გავგიგია ხეირიანად, რისთვისაა საჭირო ეს ბავშვური კუჭუმალობა. მგონი, სერიოზული ხალხი ვართ და ასეთად მიგვაჩინხართ თქვენც. ჯერ კიდევ ბატისკაფში ყოფნის დროს გთხოვეთ, შეგვახვედროთ თქვენს ოფიციალურ წარმომადგენელს, გავარკვიოთ რისთვის ვიმყოფებით აქ, რა დანაშაულისათვის. რაც უნდა ჩინებული კომფორტი შეგვიქმნათ, ეს ცოვი ძეღლები მაინც საპატიმროა და მეტი არაფერი.

— გვესმის თქვენი. გპირდებით, რომ შეგახვედრებთ ოფიციალურ წარმომადგენელს. მაგრამ ამისათვის საჭიროა მოთმინება. ამჟამად ეს საქმე არ ხერხდება. არის ზოგიერთი რამ, რაც უეჭველად უნდა დაზუსტდეს, ნუგზარ, უფრო სწორად, ამხანაგო ნუგზარ, როგორც თქვენი მეგობრები მოგმართავენ. ყველაფერი მშვიდობით დამთავრდება.

— დიახ, მე ნუგზარი მქვია. აი, ამას, ამ ჩემს მეგობარს (ნუგზარმა ვიტალის ხელი მხარზე დაჰკრა), ვიტალი შლიახოვს ეძახიან. ამას კიდევ — ანდრო გაბოშვილს. ეს ყმაწვილი კი ვალერი ბასილაია გახლავთ. სულ ეს არის ჩვენი ეკიპაჟი. ჩვენ ისევ და ისევ ვიმეორებთ, ყოველივე, რაც აქ ხდება, დიდი უკანონობაა და სრულებითაც არ შეეფერება ცივილიზებულა ქვეყნის ეთიკას.

— გასაგებია და კიდევ ერთხელ გიხდით ბოდიშს, დაველოდოთ ხვალინდელ დღეს.

— ჩვენ ალბათ სხვა გამოსავალი არცა გვაქვს, დაველოდოთ ხვალინდელ დღეს, მაგრამ მანამდე კიდევ ერთი თხოვნა გვაქვს. მთელი ჩვენი გარდერობი იქ, ბატისკაფში, დარჩა. ასე განსაჯეთ, ელექტროსაპარსი და კბილის ჯაგრისიც კი არ წამოგვიღია. ვფიქრობთ, ეს ნივთები კონფისკაციას არ ექვემდებარება, ჩვენთვის კი აუცილებელია.

— და კიდევ კრევეტები! — დაიყვირა ბასილაიამ.

სიცილის ხმა გაისმა.

— თქვენ ამ ნივთებს მიიღებთ, სულ მალე მიიღებთ.

— კრევეტები არ დაგავიწყდეთ, მაცივარშია.

— კრევეტებსაც მიიღებთ, ნუ დარდობთ.

ნახევარი საათის შემდეგ ვალერიმ თქვა: მგონი, სასადილო ოთახში ვილაც დადისო. ანდრო ადგა და კარი შეაღო, სასადილოში არავინაც არ დადიოდა, საერთოდ არავინ იყო. სუფრა კი აელაგებინათ. მაგიდაზე მხოლოდ წყლით სავსე შავი ღოჭი და ოთხი ჭიქა იდგა. ანდრომ მაგიდასთან ოთხი პატარა ჩემოდანიც შენიშნა. შემობრუნდა.

— ჩემოდნები უკვე მოიტანეს.

— არის ვინმე მანდ? — ჰკითხა ნუგზარმა.

— არა, მაგიდა კი ალაგებულია.

— ბარაქალა, სუფთად მუშაობენ.

ათ საათზე შუქმა ბეუტვა იწყო და ჩათვალეს, რომ ძილის დრო იყო. ნუგზარმა თავისი ჩემოდანი აიღო, მეგობრებს ძილი ნებისა უსურვა და თავის ოთახს მიაშურა. კარს რომ მიუახლოვდა, მოეჩვენა, ოთახში თითქოსდა რაღაც გახმაურდა. ფეხს აუჩქარა, სწრაფად შეაბიჯა, მაგრამ ოთახი ცარიელი დახვდა. არაფერი არ ამჟღავნებდა, რომ აქ ახლახანს რაიმე სულიერი ყოფილიყო. შუქი აქაც სულს დაფავდა. ნუგზარმა გაიხადა და საწოლში ჩაწვა.

არ დაეძინა. ისეთი შეგრძნება ჰქონდა, თითქოსდა, სულ ახლოს, ვიღაც დაუბატიყებელი კაცი იჯდა და მის ყოველ მოძრაობას თვალყურს ადევნებდა. სურდა, არ ეფიქრა ამაზე, მაგრამ საითაც არ გადაუგდო ფიქრებს სათავე, თვალწინ მაინც ნახევრად სიბნელეში ჩასაფრებული კაცი ედგა.

წამოდგა. ოთახში წინდებისამარამ გაიარა. ტუმბასთან მივიდა, გულდაგულ გასინჯა, შიგაც შეიხედა. მერე გარდერობა შეამოწმა. არავინაც არ იყო. როდის-როდის, კვლავ ჩაწვა ლოგინში და თვალწინ ისევ ის უცხო კაცი დაუდგა. თითქოს მის მოღუშულ, ცივ სახესაც ხედავდა.

ადგა და დერეფანში გამოვიდა. დერეფანში კი ნამდვილად იდგა ვიღაც. იქით, კუთხეში, იდგა. ნუგზარი რომ დაინახა, შეინძრა. აქეთ წამოვიდა.

ნუგზარი შეკრთა და იმავ წუთს ანდროს ხმაც მოესმა:

— არც თქვენ გეძინებათ, ამხანაგო ნუგზარ?

— შენ ხარ, ანდრო?

შეება იგრძნო, თითქოს მხრებიდან მძიმე ტვირთი ჩამოხსნესო.

— მე გახლავართ. არ დამეძინა და დერეფანში გამოვედი. მოჩვენებებისა გჯერათ რაიმე?

— არა, — მოჭრა ნუგზარმა.

— არც მე, მაგრამ ეს იღუმალი ოთახები სწორედ ათასნაირ ფიქრებს ამიშლიან. არა, წარმოუდგენელია, არ შეძილია აქ ძილი.

— არა გიშავს, ნერვები მოთოკე და დაიძინე. შენმა ხმაურმა მეც გამიკრთო ძილი. ვიფიქრე, დერეფანში რას უნდა აკეთებდეს-მეთქი და გამოვედი. ახლა ისევ ჩვენს საწოლებთან დავბრუნდეთ, დავიძინოთ. ასე არ სჯობია?



— ჯობს, თუკი დამეძინა. ძილი ნებისა.

გაბოშვილმა თავის ოთახს მიაშურა და აღარც დადგინა და დარჩენილა დერეფანში. ოთახში დაბრუნდა და მაშინვე ლოგინში ჩაწვა. ერთხანს კიდევ არ დაეძინა, ბოლოს, როგორც იყო ჩათვლიმა.

ანდრო ყველაზე ადრე ადგა. შუქი ისევ ისე ბეჟუტავდა. დერეფანი ფრთხილად გაიარა, არ უნდოდა, რომ მეგობრებისათვის ძილი დაეფრთხო. ჯერ გასართობ ოთახში შევიდა, შემდეგ სასადილო განვლო და ტუალეტს მიაშურა.

ტუალეტში შესვლისთანავე იგრძნო, რომ შუქს მოეძატა. ახლა ძლიერ შუქზე ლამაზად ალაპლაპდნენ პრიალა კედლები.

ანდრო სარკესთან დადგა და ელექტროსაპარსი ჩართო. მას ყოველთვის დიდ სიამოვნებას გვრიდა თბილი საპარსის სრიალი წითელ, პუტკუნა ლოყებზე. ახლაც, როგორც ყოველთვის, პარსვა მარჯვენა საფეთქელთან დაიწყო. საპარსი რგოლი ნელა გაცურდა სქელი ბაკენბარდების ქვემოთ. ბაკენბარდებს უკვე ჭაღარა შეჰპარვოდა. თითო-ოროლა ვერცხლისფერი ოდნავ ხვეულ გრუზა თმებსაც შერეოდა.

ადრე ეს ნაადრევი ჭაღარა ართობდა კიდევ ანდროს, მაგრამ ეს ერთი წელიწადია, რაც მისგან მინიჭებულ სიამოვნებას ვეღარ გრძნობდა. ზოგჯერ ფიქრობდა კიდევ, ძალიან შორს ხომ არ გაპყვა ოცნებებს, თვითონ თითქმის სულ ზღვაშია. ცხოვრება კი, ათასი სიამოვნებითა და ტკივილით სავსე ცხოვრება, იქ, ხმელეთზეა ქუჩებსა და სახლებში. ასეთ წუთებში ანდრო ყოველთვის დაუფარავი ზიზლით გაჰყურებდა ზღვას, მაგრამ შემდეგ თვლებში შუქი ჩაუდგებოდა, გონებასაც ძალას დაატანდა და ისევ და ისევ ზღვას ლოცავდა.

საპარსი დაეღაჟა ლოყიდან ნიკაპზე უხმაუროდ ჩაცურდა. ანდრო გულმოდგინედ, მონდომებით ატარებდა გრძელ, შესუქებულ ნიკაპზე საპარს რგოლს. მერე მარცხენა ლოყა გამოებრა და საპარსიც იქით გადაადგილა.

ნუგზარი რომ შემოვიდა, უკვე მარცხენა ლოყას იპარსავდა.

კაპიტანმა ყურადღებით ჩათვალიერა ეკიპაჟის წევრი და მხოლოდ მერე ჰკითხა, როგორ გეძინაო.

— კარგად მეძინა, ამხანაგო ნუგზარ. ნეტავ, რომელი საათია ახლა?



— შვიდი, — უპასუხა კაპიტანმა და თავადაც ჩაიხველა სარკეში. სახე ფერმკრთალი და შეშუპებული ჰქონდა, ზღაღღაობდა.

— კარგად პარსავს?

— კარგად, ადრე „ივერიითი“ ვიპარსავდი, ისიც კარგია, მაგრამ „მცხეთა“ მაინც სჯობია, პირწმინდად იღებს, ბატარეაც დიდხანს ყოფნის, თქვენ რომელს ხმარობთ?

— „ივერიას“ და არც ვუჩივი.

ანდრომ ბეჭები აიწურა, თქვენი ნებააო. საპარსი უკახას-კნელად შემოატარა მარცხენა ბაკენბარდს და სარკეს მოშორდა.

— ხომ არ ინებებთ ამით გაპარსვას? — იკითხა მახ.

— გმადლობთ, მე საკუთარი წამოვიღე, — თქვა ნუგზარმა და საპარსი ჩართო.

ზუსტად რვა საათზე ქალის ხმამ გამოაცხადა: საუზმე მზადააო და ყველანი სასადილო ოთახში გავიდნენ.

მაგიდაზე უხვად ეყარა თევზეული და პატარა, მრგვალი ნამცხვრები.

კარგად რომ დანაყრდნენ, ვალერიმ თქვა: თუ სადილადაც თევზეული მოგვართევს, მაშინ იძულებული გავხდები, საჩივრის წიგნაკიც მოვითხოვო?...

გაბოშვილმა გაიცინა:

ხბოს მწვადები ხომ არ მოგენატრაო?


კიდევ მომენატრა და სიამოვნებითაც მივირთმევედიო.

მაგრამ სადილად თევზეული არ მოუტანიათ: მოიტანეს კარგად შემწვარი თირკმლები. ანდრო ამტკიცებდა: საქონლისააო. ვიტალი და ვალერი კი განუმარტავდნენ, ეს თირკმელი ვეშაპისა გახლავსო. საერთოდ, ზედმეტი არ იქნება კარგად იცოდე, რომ ვეშაპისა და საქონლის თირკმელი, გეძოთი ძალიან ჰგავს ერთმანეთსო.

ბოლოს მოკამათენი ნუგზარმა დააშოშმინა.

სადილის შემდეგ ისევ გასართობ ოთახში გადმონაცვლეს. ვიტალიმ ჯერ სიგარეტი გააბოლა, მერე თავისი ოთახიდან რაღაც წიგნი მოიტანა, სავარძელი კუთხეში მიაჩოჩა, შიგ ჩაჯდა და კითხვას შეუდგა.

თავისი სავარძელი ვალერიმაც იქით გააჩოჩა და ჰკითხა: რა წიგნს კითხულობო.

ვიტალის არ უყვარდა, როცა კითხვის დროს თავს აბეზ-
რებდნენ. წიგნი ასწია და თავფურცელი დაანახა. 
ბოტკინის წიგნი იყო:

„ოცდაერთი საკვირველება“.

ვიტალის ეგონა, ბასილიას ასე ადვილად მოიშორებდა, მაგრამ ვალერი ფრიად ცნობისმოყვარე აღმოჩნდა. სავარძელი კიდევ უფრო ახლოს მიაჩოჩა.

— რაო, რას წერს ეგ ბოტკინი?

ვიტალის წყენა არც დაუფარავს.

— რას შემომიჩნდი, დავამთავრებ და თავად წაიკითხე.

— სანამ მაგ საქმეს მორჩები, სულ ცოტა, ორი დღე მაინც გაივლის, ორი დღის შემდეგ სად ვიქნები, ღმერთმა უწყის.

ნუგზარმაც გახედა მოკამათებებს.

— ბიჭო, არ წაგაკითხავს ეგ წიგნი?

— ახალი გამოსულია, მე კი სულ ზღვაში ვარ. აბა, სად ვნახავდი!

ვიტალიმ წიგნი სავარძლის სახელურზე დადო.

— „გეორგ VI“ ეკიპაეი რომ გაქრა უკვალოდ, გახსოვს?

— ჰო, რაღაც მაგის მაგვარი მაგონდება.

ვალერი სასაცილოდ დაიჭყანა და მუდამ მოუსვენარი ცისფერი თვალები ვიტალის მიაპყრო.

— ამ ხუთი წლის წინათ, სექტემბრის ბოლოს, ვეშაპმხოცი „გეორგ VI“ ბაზისაკენ მიდიოდა, საწვავი უნდა აეღო. ეს მოხდა სამხრეთის განედის 51 გრადუსზე, დრეიკის სრუტის ახლოს. ბაზასა და ვეშაპმხოცს სულ რაღაც 80 მილი აშორებდათ. „გეორგ VI“-ზე სულ 17 კაცი იმყოფებოდა, კაპიტნისა და მატროსების ჩათვლით.

რიყრაეი იყო, მოწმენდილი ცა. „გეორგ VI“-ის კაპიტანი ჯორჯ ტეილორი რადიოსთან იჯდა და ბაზაში თავის კოლეგასთან მხიარული საუბარი ჰქონდა ვეშაპებისა და ჰაიტელი ქალების შესახებ. ამბობდნენ, ჯორჯ ტეილორი კარგი მონადირეც ყოფილა და კიდევ უფრო ჩინებული მოარშიყე.

ეს უწყინარი საუბარი ეთერში ერთბაშად შეწყდა. ბაზაში იფიქრეს, „გეორგ VI“-ის კაპიტანი თავში ახალ მხიარულ ამბავს ალაგებსო, მაგრამ მალე მიხვდნენ, რომ „გეორგ VI“-ზე ან რადიო გაფუჭდა, ანდა უფრო უარესი მოხდა.



ბაზის რადიოქსელი ეთერში დიდხანს ეძებდა ვეშაპხობის
 ხმას არავინ იღებდა. მერე რეიდიდან მოიხსნენ და ვეშაპხობის
 ცის კურსზე გავიდნენ. ოთხი საათის შემდეგ შეამჩნიეს პატარა
 გემი, რომელიც ზღვის ტალღებზე უცნაურ მაღაყებს გადა-
 დიდოდა. მაშინვე ჩაუშვეს ორი მაშველი ნავი. მეზღვაურები გა-
 ოცდნენ: „გეორგ VI-ზე“ ეკიპაჟის არცერთი წევრი არ აღმოჩინ-
 და. ყველაფერი ისე იყო მიტოვებული, თითქოსდა ეს მხიარ-
 ული ბიჭები ნაპირზე ფეხბურთის სათამაშოდ გადავიდნენ და
 საცაა, მობრუნდებიანო. უფრო გვიან, როცა ხმელეთიდან მო-
 სულმა ექსპერტებმა გულდასმით შეამოწმეს ყველაფერი, გა-
 ირკვა, რომ „გეორგ VI-ის“ ეკიპაჟი მთლად ხელცარიელი არ
 წასულა ხმელეთზე ბურთის სათამაშოდ. ყოველ მათგანს თან
 წაუღია აუცილებელი პირადი ნივთი.

— ცნობილი ფაქტია, — თქვა ვალერიმ.

— ჰოდა, პროფესორი ბოტკინი არჩევს ამ ფაქტებს.

ახლა ყველამ ვიტალისთან მიაჩოჩა თავისი სავარძელი.

— შემთხვევა მეორე: ჰამბურგელმა ინჟინერმა ჰანს მიულ-
 ლერმა თავისი მეუღლე ჰანა, სამივე შვილი ჩასხა საკუთარ
 იახტაში და სამოგზაუროდ სამხრეთ ამერიკისაკენ გაუყვა.

თვენახევრის შემდეგ მიულერის ყვითელი იახტი უპატრო-
 ნოდ მიტოვებული იპოვეს სადღაც რიო-დე-ლა-პლატას ახ-
 ლოს.

მიულერის მეგობრები ამტკიცებდნენ, რომ ჰანსი გატაცე-
 ბული იყო ეგზოტიკით. ზოგჯერ ის ნაღვლიანად შენიშნავდა,
 რომ ძლიერ აწუხებს ქათქათა საყელო და მაგრად შეკრული
 ჰალსტუხის კვანძი. ადამიანთა მოდგმის ამ გამოგონებას სია-
 მოვნებით გაცვლიდა ჯუტის ძენძზე, რომელიც მხოლოდ სასირ-
 ცხო ადგილს დაუფარავდა. მიულერის ეს სიტყვები დაეხმარა
 ბევრ დაინტერესებულ პირს, რომ ჰანსისა და მისი ოჯახის გა-
 ქრობის ამბავი ჯუნგლებში გაქცევის ვერსიით აეხსნა. ბოტ-
 კინი ეჭვის ქვეშ აყენებს ამ ვერსიას. თუ ეს წმინდა გერმანუ-
 ლი ოჯახი მართლაც სამხრეთ ამერიკის ჯუნგლებში გაიქცა, სა-
 ეშვოა ცივილიზაციაზე გამწყრალ ჰანსს თან წაეღო პირადი
 ნივთები. იგი, ალბათ, ცოლშვილის თვალწინ გაიხდიდა ბოს-
 ტონის ყავისფერ კოსტიუმს და მაშინვე სასირცხო ადგილს
 ძენძით დაიფარავდა.



— და კიდევ იყო ასეთი შემთხვევა, — ვიტალი სიტყვა
 ჩამოართვა ნუგზარმა, — „სანტა მარია“ — ჩილელის მსახურე
 ზაო გემი, პატაგონიის ყურეში მუშაობდა. გემზე ოცდათორ-
 მეტი მეზღვაური იმყოფებოდა. შუადღისას, როდესაც რადიოს
 უფროსი მორზეთი სანტ-იაგოს ელაპარაკებოდა, უეცრად გაწ-
 ყდა რადიოკავშირი. დილით კი, ურუგვაელთა სანაპირო დაც-
 ვის კატარღებმა იპოვეს უეკიპაჟოდ დარჩენილი „სანტა მარია“.

ყველაზე საინტერესო კი ის არის, გემზე დეტექტივებმა აღ-
 მოაჩინეს არაჩვეულებრივად დიდი ნაფეხური. სანამ კატასტ-
 როფა მოხდებოდა, ერთ-ერთ მეზღვაურს წინა ერდოზე სოლა-
 რი დაქცეოდა. ვილაცას, გაუფრთხილებლობის თუ სიჩქარის
 გამო, შიშველი ფეხი ჩაედგა შიგ და მისი ანაბეჭდი ბარე ოთხ
 ადგილას საკმაოდ ნათლად გამოსახული იპოვეს. მაშინ ბევრი
 დაიწერა ამაზე. ზოგმა ამ დანაშაულში ბრალი დასდო სხვა
 პლანეტიდან მოსულ მოაზროვნე არსებებს.

ამ წიგნში მაგ შემთხვევაზეცაა ლაპარაკი. მიხეილ ბოტკინი
 ძალიან ფრთხილად არჩევს თითოეულ ფაქტს. 21 შემთხვევა,
 რომლებიც აღრიცხულია ადამიანთა მიერ, თითქოს ძალიან
 ჰგავს ერთმანეთს.

ჯერ ერთი, თავდასხმის (თუ შეიძლება ასე ითქვას), მსხვერ-
 პლია მხოლოდ და მხოლოდ მუშა გემები. ჯერჯერობით თავ-
 დასხმა არ მომხდარა არც ერთ სამგზავრო გემზე. მეორეც ის,
 რომ ადამიანები ქრებიან თავიანთ პირად სამგზავრო ნივთებ-
 თან ერთად. მესამე, თავდასხმის შემდეგ თითქმის არავითარი
 კვალი არ რჩება, თუ მხედველობაში არ მივიღებთ „სანტა მა-
 რიას“ ფაქტს, სადაც იპოვეს ფეხის გიგანტური ნაკვალევი. ასე-
 თი პარალელი ბევრია. ეს ერთი ხანია, თავდასხმა აღარ მომხ-
 დარა და თითქოს დავივიწყეთ კიდევ ის ოცდაერთი საზღვაო
 შემთხვევა, რამაც ერთ დროს ასე აგვაფორიაქა.

— საბოლოოდ რაო, რა მინდაო, რას ამბობს პატივცემული
 მიხეილი? იკითხა ვალერიმ.

— საბოლოოდ რას ამბობს, ჯერ ამას ვერ გეტყვი. ხომ ხე-
 დავ, ჯერ მხოლოდ წიგნის ნახევარი წავიკითხე.

ამ დროს ანდრო გაბოშვილი მოვიდა. ხუთი წუთის წინ ის
 ისე ჩუმად გაძვრა გასართობი ოთახიდან, რომ მისი წასვლა



არავის შეუტყვიან. კამათში გვარიანად გაერთნენ და ვერც ერთს ხელახლა გამოჩენას შენიშნავენ, რომ თავად ვეღო მაგიდაზე ბანქოს ქალაღდი და გაბრწყინებული სახით არ დაეძახა:

— ბანქო ვიპოვე, ბანქო!

სახეზე ისეთი სიხარული აღბეჭდოდა, რომ იფიქრებდით, ბანქოს ეს უბრალო ქალაღდი კი არა, პირდაპირ მშობლიურ სოფელში გასაძვრომი ხვრელი აღმოაჩინაო.

— აწი არაფერი გვიჭირს, ბანქო ხომ იპოვე... საქმე მოგვარებულია, — გაჰკილა ვალერიმ.

თავისი სავარძელი ისევ მაგიდისაკენ გააჩოჩა. ისე გააჩოჩა, რომ არც კი ამდგარა. მსუბუქი, ყოველმხრივ მოხერხებული სავარძელი თავისუფლად მოძრაობდა ლაპლაპა იატაკზე.

სავარძლის სახელური მაგიდას რომ შეენარცხა, ვალერი მაშინ შეჩერდა. ბანქო აიღო, ცერა და საჩვენებელ თითებს შორის გაატკაცუნა.

— სულ ახალთახალი ყოფილა. ბარაქალა. ვატყობ ეს ოთახი მალე მართლა გასართობად იქცევა.

— სად იპოვე ბანქო? — იკითხა ნუგზარმა.

— ჩემს ტუმბაზე. სწორედ ჩემს ტუმბაზე იდო. კარგად მახსოვს, მე არ წამომიღია, კიდევ რომ წამომეღო, ტუმბაზე რა ჭირად დავტოვებდი, მეორე დღეა, აქა ვართ და გულს გადავაცოლებდით, აქ გამოვიტანდი.

მაგიდასთან ნუგზარიც მივიდა. ვალერის ბანქო ჩამოართვა. ახლა თვითონ გაატკაცუნა თითებს შორის და ჩამოჭდა.

— ვითამაშოთ, ჯანი გავარდეს. „დურაჩკა“ ვითამაშოთ.

ვიტალიმაც მოაჩოჩა თავისი სავარძელი.

— ვითამაშოთ.

სავარძლების განლაგების მიხედვით ვიტალი და ნუგზარი ერთად აღმოჩნდნენ. მეორე წყვილმა საწინააღმდეგო პოზიცია დაიკავა და ბანქოს დარიგებაც მათ ერგოთ.

ვალერიმ ჩამოარიგა. მერე აგურის რვიანი გადმოაბრუნა და ქვეშ ამოღო.

— „კოზირი“ აგურია, — თქვა მან.

გაბოშვილმა ჯვრიანი ქალი მაგიდაზე დადო.

— შეხედეთ, როგორი ქალია!

ვიტალიმ ბანქოს ქალაღდს ხელი დაავლო.

— რა მოხდა! ქალთევზა დაუხატავთ.

— ჰო, ქალთევზაა, — ჩაილაპარაკა ნუგზარმა და შემდეგ მთელი თხუთმეტი წუთით თამაში შეაჩერა. გულდაგულ სინჯავდა თითოეულს.

— კარგად არის დაბეჭდილი? — ჰკითხა ვალერიმ.

— მგონი, კარგი უნდა იყოს, მაგრამ გამოსახულებები უფრო სხვანაირია.

— ეს ქალია სხვანაირი, თორემ სხვები თითქმის ისეთივეა, როგორსაც ჩვენთან ბეჭდავენ.

— არ დაიჯერო, ეს შორიდან გეჩვენება ასე. ამას შეხედე!

— ვხედავ, აგურის მეფეა.

— ნახე, როგორი გვირგვინი ადგას. თითქოს ლამინარია-საგან მოუწნავთო. ოფიცირიც ნახევრად შიშველია...

— ჰო, განსხვავება არის, მაგრამ თავის მოვალეობას მაინც შეასრულებს. ამაში ეჭვი სრულებითაც არ მეპარება.

ანდრო გაბოშვილი ველარ ითმენდა. ერთი სული ჰქონდა, სანამ შეფი ბანქოს ჩამოვიდოდა, ბოლოს, როცა ნუგზარმა თავისი ბანქო აკრიფა და თამაშის დაწყება ბრძანა, გაბოშვილი სავარძელში აცმუკდა.

პირველი ხელიც მათვე მოიგეს, ვალერიმ და ანდრომ ნუგზარმა და ვიტალიმ მეორეც წააგეს და მესამეც. ვიტალის მეოთხე ხელი აღარ უთამაშია. ჯობია, წიგნის კითხვა დავამთავროო. ანდრომ ბევრი ეხვეწა, მაგრამ რადგან ერთხელ თქვა შლიახოვმა, სიტყვა უკან აღარ წაუღია.

მეოთხე ხელის შემდეგ ნუგზარიც ადგა და მოსასვენებლად წავიდა. როცა დერეფანში გამოვიდა, გაოცებული შედგა. დერეფნის ბოლოში, საიდანაც გუშინ ამ ორიგინალურ საპყრობილეში თავისი ფეხით შემოვიდნენ, დაინახა, როგორ მიხურა ფართო კარი. არა მარტო კარის მიხურვა შეამჩნია, არამედ თვალი მოჰკრა კვერცხის გულივით ყვითელ ხელს, რომელიც სულ რამდენიმე წამს ზედ კართან გარკვევით ჩანდა.

ნუგზარი გაოგნებული იდგა. თითქოსდა რა უნდა ყოფილიყო გასაოცარი, ან მოულოდნელი. არსებობს სახლი, არსებობს საგნები, უეჭველად იქნება ადამიანიც...

იფიქრა, უკან მიბრუნებულიყო მეგობრებთან. მაგრამ ისევ

გადაიფიქრა და გზა თავისი ოთახისაკენ გააგრძელა. მაგრამ უცემდა, მაგრამ წინ. რომ ვინმე შეფეთებოდა, ყურადღებასაც არ მიაქცევდა.

ისე შევიდა საძინებელ ოთახში, არც არავინ შეფეთებია და არც რაიმე ნივთს გაუმჟღავნებია ადამიანის შეხების კვალი. ყველაფერი ისევ წინანდებურად ელავა. ტუმბაზე უღიერად ეგდო მისი საპარსავი, რომლითაც დილით წვერი გაიპარსა. სკამზე ჩანდა თავახდილი ჩემოდანი.

დილით ტუალეტში წვერის პარსვის დროს ანდროს ჰკითხა: — თუ გიფიქრია, საიდან უნდა გაჩენილიყო შენს ოთახში ის ბანქო?

ანდრო კბილებს იხეხავდა. ჯაგრისი დინჯად გამოიღო, გარეცხა და თაროზე შემოდო. მერე წყალი გამოივლო პირში.

— აბა რა ვთქვა. ეჭვი არაა, ჩვენს ოთახებში ვირთხებივით დაძრწიან ის დაწყევლილები. სუფრასაც ისე გააწყობენ და აალაგებენ, თვალითაც არ გვენახვებიან. ვერაფერი გამიგია! ღამით არ მეძინება, ამხანაგო ნუგზარ, თავი მისკდება ფიქრისაგან. რასა ჰგავს ეს?

— უნდათ ფსიქოლოგიურად დაგვამუშაონ, — წამოცდა ნუგზარს და ენის წვერზე იკბინა, მაგრამ რადგან ერთხელ შეტოპა, ბოლომდე მიჰყვა.

— სხვანაირად ვერ შევაფასებთ. ისინი თვალყურს ადევნებენ ჩვენს ყოველ მოძრაობას, გვისმენენ და ალბათ კიდევ იწერენ საუბარს, ჩვენ კი სათოფეზეც არ გვეკარებიან. ფსიქოლოგიური დამუშავებაა, — ჩაიქილიკა, — მაგრამ ვერაფერი გამიგია, რისთვისაა საჭირო ყოველივე ეს?

ამ დროს ვალერი და ვიტალი გასართობ ოთახში ისხდნენ, ბანქოს ქალღალდს მოპრიალელებულ მაგიდაზე უტყაპუნებდნენ. ვიტალის მაინცდამაინც არ ეპიტნაებოდა ბანქოს თამაში, მაგრამ ამ სისხამზე ვალერი პარტნიორს ეძებდა და ბადესაც შლიახოვი მოჰყვა.

ნუგზარმა მეორე დღეს განგებ დაიგვიანა ტუალეტში. ანდრომ რომ თქვა: წავიდეთო, წაიყრუა. ისევ ითრევდა ფეხს. ანდრო სასადილოს იქით რომ დაიგულა, არც მაშინ გამოსულა. კიდევ თხუთმეტი წუთი ჩალიჩობდა. მერე ფეხაკრეფით გამოვიდა.



სასადილოს კარი რომ შეაღო, ელოდა, იქ ერთ-ორი მკვდარი ღვინო წავაწყდებოდა თეფშებით ხელში, მაგრამ შეცდმა მოხდა. ლოში არავინ დახვედრია. სუფრა კი უკვე გაწყობილი გახლდათ.

ნუგზარი მეორე ოთახში აღარ გასულა, საიდანაც დროდადრო მაგიდაზე დაცემული ბანქოს ქაღალდის ტყაპატყუპი მოისმოდა.

მაგიდასთან კი დაჯდა, მაგრამ საუზმის დაწყების სურვილი არც კი გაჩენია სწორედ ამ წუთებში სულ ახლოს გაისმა ქალის ხმა:

— დილა მშვიდობისა, ამხანაგო ნუგზარ!

ნუგზარი სწრაფად შებრუნდა და ძალიან გაუკვირდა, რომ მის გვერდით ამ მომხიბლავი ხმის პატრონი არ აღმოჩნდა.

— დილა მშვიდობისა, — კბილებიდან უსიამოვნოდ გამოცრა და მზერა ახლა იმ ნათურას გაუსწორა, ჭერში რომ იყო ჩადგმული.

— როგორ გეძინათ?

ნუგზარს ამ კითხვაში რატომღაც ირონია მოეჩვენა და აენტო.

— განა ამას თქვენთვის მნიშვნელობა აქვს?

— თქვენ ფიცხი ბრძანდებით, უცბად ბრაზდებით. მე გეკითხებით არა ზრდილობისათვის, არამედ იმიტომ, რომ მოგალე ვარ, ვიცოდე, რა აწუხებთ ჩვენს სტუმრებს და მივიღოთ ზომები მათი სურვილების შესასრულებლად.

— დიახ, ამას ჩვენ ყოველ ნაბიჯზე ვგრძნობთ.

— თქვენ თუ ამას სერიოზულად აცხადებთ, მაშინ ბედნიერად ჩავთვლიდი თავს.

— რა საჭიროა ასეთი ქათინაურები. გთხოვეთ, მოგეცათ საშუალება, შევხვედროდით თქვენს ოფიციალურ წარმომადგენელს. რაც დრო გადის, იმედიც გვეწურება, რომ თქვენი ქვეყნის მესვეურნი იკადრებენ ჩვენს მიღებას. მინდა გონივრულად განვსაჯო ყველაფერი და რამდენსაც არ ვფიქრობ, ყოველთვის ერთ დასკვნამდე მივდივარ, თქვენ მოქმედებთ ყაჩაღების მეთოდით. მაპატიეთ ეს გამოთქმა, მაგრამ რასაც ვხედავ, მხოლოდ ასეთ შეფასებას იმსახურებს.

— დაგპირდით ოფიციალურ წარმომადგენელთან შეხვედრას და კიდევ შეგისრულებთ.

— როდის? — მაშინვე იკითხა ნუგზარმა.

— ჩემთვის ძნელია, დაგინიშნოთ დღე და საათი, მაგრამ შემძლია ვითხრათ ერთი მეტად პრაქტიკული სიტყვა — მალე.

— ამ პრაქტიკულ სიტყვას აკლია კონკრეტულობა, ჩვენი ეპოქა კი სიზუსტის ეპოქაა.

— გეთანხმებით, მაგრამ ამჯერად მეტს ვერ შეგპირდებით. მოიპატიეთ თქვენი მეგობრები საუზმეზე, კარგ მადას გისურვებთ!

— ერთი ეს მიბრძანეთ, საიდან გაჩნდა ბანქოს ქალაქი გაბოშვილის ტუმბაზე.

ვილაცამ გაიცინა.

— ჩემმა დისშვილმა მოგართვათ. ანცი ბიჭია. სხვათა შორის, ამტვრევს ქართულს, იმედია, მალე ისე გამართულად ილაპარაკებს, როგორც თქვენ. და კიდევ ერთი რამ, როცა დაგპირდეთ, ისარგებლეთ ტელეფონით. აპარატი მაგიდაზე დევს. აიღეთ ყურმილი, გიპასუხებთ ქალი. თხოვეთ მას, შეგაერთოთ ჩემთან. შეგახსენებთ, მე კადილა მქვია. ახლა კი ნახვამდის, კარგ მადას გისურვებთ.

კადილას ხმა მიწყდა თუ არა, ნუგზარმა გასართობ ოთახს მიაშურა. მაგიდასთან ახლა გაბოშვილი და შლიახოვი ისხდნენ. ვალერიის სავარძელი კუთხისაკენ გაეცურებინა, ფეხი ფეხზე გადაედო და გრძელი, ფერმკრთალი ცხვირი წიგნში ჩაერგო.

— ბოტკინია? — ჰკითხა ნუგზარმა.

— ბოტკინი გახლავთ, — ვალერიც ადგა და წიგნი მოწიწებით სახელურზე დადო, — იგი საინტერესო დასკვნებს აკეთებს. გამიტაცა ამ წიგნმა.

— დაჯექი, იკითხე.

ნუგზარი ახლა მაგიდასთან მივიდა.

— საუზმე არ გინდათ? ბიჭებო!

— უკვე მზადაა? — იკითხა ანდრომ.

— რა ხანია, თქვენ გელოდებით.

— ახლავე ამ ხელსაც მოვრჩებით.

ნუგზარიც ჩამოჯდა.

საუზმის შემდეგ ანდრო გაბოშვილმა ნაღვლიანად თქვა:
— ძალიან ვსუქდები და თუ რაიმე ფიზკულტურულ საქმიანობას ვქმნი, პლექსი არ მოვიგონეთ, მალე თქვენც ჩემსავით დაგეძარბათ..

ვიტალი შლიახოვი ჯერ კიდევ ბავშვობაში, როცა სასკოლო მერხს უჯდა და თავიც ინტეგრალებით ჰქონდა გამოტენილ-მოსწავლე ტანმოვარჯიშეთა სასკოლო გუნდში გამოდიოდა. როგორც თვითონ ამბობდა, დიდ იმედს იძლეოდა. შემდეგ უფრო სხვა გატაცებებმა გადაძლია და სპორტს ჩამოშორდა. თუმცა იმდენს მაინც ვარჯიშობდა ხოლმე, ჩვეულებრივ მოქალაქეს ერთი დღის საგზლად რომ ეყოფოდა.

— მოდით და ვივარჯიშოთ, — თქვა ახლა შლიახოვმა და ანდროს გახედა, — ჩვენ ცოტას ვმოძრაობთ, ვარჯიში აუცილებელია.

— ასე გავაკეთოთ, ვივარჯიშებთ დღეში ორჯერ. დილით საუზმის წინ, საღამოთი ვახშმის შემდეგ. კომპლექსს შეიმუშავებს ვიტალი. დღეს საღამოთი ვიწყებთ ვარჯიშს, — თქვა ნუგზარმა და იმ საღამოთი კიდევ შეუდგნენ საქმეს — მთელი ორმოცი წუთი ვარჯიშობდნენ. ღამით კი, როცა ყველას გულიანად ეძინა, ნუგზარმა იგრძნო, რომ ოთახში ვიღაც შემოვიდა. ძილ-ღვიძილად გახლდათ და ბურანში გრძნობდა, რომ ის ვიღაც პირდაპირ მისკენ წამოვიდა.

ტანში გასცრა. დაბალი. გაწლიკული სხეული კი უჩუმრად უახლოვდებოდა.

ნუგზარი შეიშმუშნა, სურდა კარგად გარკვეულიყო, ყოველივე ეს მართლა ცხადში ხდებოდა, თუ ძილის მაცდური პალუცინაციები იყო. მალე დარწმუნდა, ნამდვილად თავის საწოლში რომ იწვა და ის ვიღაც დაგვაჯულიც ხორცშესხმული ეშმაკის ნაშიერი იყო.

შეინძრა და წამოწვეა სცადა, მაშინვე ვალერის ხმა მოესმა:

— ნუგზარ, არ გძინავთ?

— შენ ხარ? არა, არ მძინავს.

გაუკვირდა, ეს გალეული კაცი ამ შუაღამისას რომ გამოეცხადა.

— ჩაიცვით. ჩქარა ჩაიცვით. საოცარი რამ უნდა განახოთ.

— რაო?!

— ჩაიცვით-მეთქი ჩუმად მომყევით. ჩუმად, საწოლს ნუ
აპრიალებთ.

თვალის დახამხამებაში ჩაიცვა. ის იყო ცალი ფეხი ფეხ--
საცმელში წაპყო, რომ ვალერიმ უჩუროჩულა:

— ფეხთ ნუ ჩაიცვამთ, ზედმეტ ხმაურს გამოიწვევს. ფეხ-
შიშველიც შეიძლება აქ სიარული.

ნუგზარმა მარცხენა ფეხიდან შავი გრძელყელიანი ფეხსაც-
მელი სათითურივით ჩააცურა და მერე ვალერის მიუბრუნდა:

— გესმის? მზად ვარ.

ნახევრად სიბნელეში ნუგზარმა დაინახა, როგორ მოიკაკვა
ბასილია და მოკლე რბილი ნაბიჯებით წინ გაუძღვა. დერე-
ფანი რომ გალიეს და გასართობ ოთახში შევიდნენ, ვალერი
შეჩერდა. ტუჩები ყურთან მიუტანა კაპიტანს:

— აქ ვიჯექი, გვიანობამდე ვკითხულობდი. გასართობ
ოთახში შედარებით მეტი შუქია და ბოტკინს ველარ შეველიე.
პირველი საათი იქნებოდა, ზურგიდან ხმაური მომესმა. არც
გავნძრეულვარ, საინტერესო ადგილას ვიყავი და თავის აწე-
ვაც კი შემეზარა. ვიფიქრე, რომელიმე ჩვენგანი ტუალეტში
აღბათ მეფეს უხდის-მეთქი ხარკს.

მერე, როცა ის საინტერესო ადგილი ჩავიკითხე, დაფიქ-
რდი: ეჰე, იქ ხომ არაფერი ხდება-მეთქი, ფეხთ გავიხადე და
ტუალეტს მივაშურე. იქ ძლიერი შუქი ენთო. თვალები მოვიფ-
შვნიტე და ვხედავ, ჩემს ცხვირწინ საშინლად ყვითელმა ხელ-
მა, არც კი ვიცი, რას შევადარო, აი ამ წიგნის ავტორის მოგ-
ვარის ავადმყოფობა რომ ემართებათ და თვალებიც კომპის-
ფერი უხდებათ, სწორედ ისეთმა ხელმა, კარი მიიხურა.

ვფიქრობ, ვერ შემამჩნია.

უკან გამოვბრუნდი და მთელი ერთი საათი კიდევ ვკითხუ-
ლობდი. მერე, როცა დავრწმუნდი, იმ ხელის პატრონი, თუ
წესიერი კაცი იყო, უკვე შინ იქნებოდა, ისევ ტუალეტში გა-
ვედი. ფრთხილად მივედი იმ კედელთან, საიდანაც ის მოჩვენ-
ება გაქრა. ყურადღებით დავათვალიერე, ვხედავ, ნემსის წვე-
რის სიმსხო, ძლივს შესამჩნევი ღილია, თითი მივაჭირე და
იმ წუთში კედელი გაიფხრიწა. ჰო, ასე გეგონებათ, თითქოსდა
მართლაც კედელი შუაზე იხევა, შევძვერი და, რაც იქ ვნახე,
დაუჯერებელია.

— წავიდეთ! — ნუგზარმა მუჯლუგუნი წაპკრა.

ვალერი წინ წახანხალდა. ტულეტში შევიდნენა ვალერი
ტულეტის დერეფნის ბოლოსაკენ წავიდა. ზედ მიაღწა და
გულდაგულ დაუწყო სინჯვა. მერე იპოვა, რასაც ეძებდა, ნუგ-
ზარს დაელოდა. როცა ნუგზარი მოსულად დაიგულა, თითი იმ
ნემსურა დილაკს შეაწო.

კედელი რბილი შრიალით გაიხსნა და ნუგზარი მიხვდა, რომ
ტულეტსა და იმ ოთახს, სადაც ახლა შესვლას აპირებდნენ,
შიგვასახსნელი კარი ჰყოფდა. ამასობაში ვალერი უკვე იქითა
მხარეს გავიდა. ნუგზარიც შეჰყვა და თავი ერთბაშად წითლად
მოელვარე კედლებში ამოჰყო. მხოლოდ სადა, ხასხასა წითელი
კედლები... არავითარი ნივთი, არავითარი რაიმე პატარა სა-
განიც კი. ჰერში ოთხი ნათურა ენთო და უზარმაზარ დარ-
ბაზს დიდებულად აშუქებდა.

ვალერიმ წითელი დარბაზი გადაჰკრა. თითქმის ძუნძულით
გაიარა მთელი მანძილი და ისევ კედელთან შეჩერდა. სანამ
ვალერი კედელს მიაღწევდა, ნუგზარი ჩამორჩა, მაგრამ მის
მისვლამდე, ვალერი კედელთან მილურსმნულივით იდგა.
ჯვარცმას ჰგავდა, სულ არ ირხეოდა. სწორედ მაშინ შეინძრა,
როცა სულ ახლოს ნუგზარის ქშენა მოესმა... ისევ იპოვა ღი-
ლი და კვლავ საიდუმლო შარიშურით გაიღო წითელი კარი.

ახლა ლურჯ ოთახში აღმოჩნდნენ. აქ არ იყო ძლიერი გა-
ნათება. ნათურები ისე ბეუტავდნენ, როგორც მათ საძინებელ-
ში. მაგრამ შუქს წითელი დარბაზიდან შემოჭრილი დიდი სი-
ნათლე აძლევდა ძალასა და ლაზათს.

— მთავარს ახლა განახებ, — თქვა ვალერიმ. შემობრუნდა,
ჯერ წითელ ოთახში გამავალ კართან მივიდა. იქ რალაც ღი-
ლაკი ისევ იპოვა და კარიც დახურა. მერე ამ კარის პირდაპირ
მდებარე კედლისაკენ წავიდა. აქ კი დიდხანს ჩალიჩობდა. რა-
ღაცას გააფთრებით ეძებდა. ბოლოს, როდის-როდის აღმოაჩი-
ნა და ნუგზარმა დაინახა, როგორ გაცოცდა მთელი კედელი
ხელმარცხნივ. ახლა ისინი უზარმაზარი აკვარიუმის წინ აღმოჩ-
ნდნენ. აკვარიუმად წინ გაშლილი სამყარო მხოლოდ რამ-
დენიმე წამს მოეჩვენა ნუგზარს. ზუსტად რამდენიმე წამს.
როცა ამ მოჩვენების პირველმა ძლიერმა ტალღებმა გაიარეს,
იგი მიხვდა, რომ წინ ოკეანის ფსკერი იყო და ისინიც ამ ოთხი

დღის განმავლობაში ფსკერზე დადგმულ სახლში ცხოვრობ-
დნენ.



ვალერი ამ დროს უზარმაზარ ომარს აკვირდებოდა, რომელიც დიდრონი ცაცების ელვისებური მოძრაობით სადღაც გარბოდა.

ომარმა რომ გაირბინა, მის კვალში სამი ვერცხლისფერი კობორჩხალა გამოჩნდა. სამივენი მარჯვე ბიჭები ჩანდნენ. ვილაც საცოდავი გამოეჭირათ, თუ მძორი ებოვათ და გულდაგულ ფტკენიდნენ. უფრო შორს სამი ზემძლავრი პროექტორის ლარივით სწორი შუქი ფსკერიდან ზედაპირისაკენ ულამაზეს ტრასასავით გაჭიმულიყო. ამ დიდებულ ტრასის ქვეშ კი ჩანდა უზარმაზარი ხეები და მათ შორის ობობას ქსელივით გაბმული ლიანები. მარცხნივ, ხეების ქვეშ, დიდი შენობა იდგა. როგორც ნუგზარმა ივარაუდა, იგი სულ ცოტა, სამსართულიანი მაინც უნდა ყოფილიყო. პროექტორის შუქი სულ ზედა სართულს ხვდებოდა, ქვედა სართულები ჩაბნელებული გახლდათ.

— რომელი საათია? — ჩასჩურჩულა ვალერის ნუგზარმა.
— სიჩქარეში ჩემი საათის წამოღება დამვიწყებია.

ვალერიმ საათს დახედა.

— ოთხი დაიწყო, ოთხის რვა წუთი გახლავთ.

— ყველაფერი ეს ოკეანის ფსკერზე ხდება.

ვალერიმ თავი დაიქნია, მჯერაო. ნუგზარი ზედ აეკრა ოკეანისა და ლურჯი ოთახის გამყოფ მინას. ახლა მხოლოდ იმ დიდ შენობას აკვირდებოდა, პროექტორებს შორის რომ იდგა და მესამე სართულიც განათებული ჩანდა. როცა ვალერიმ მკლავზე მოქაჩა, მხოლოდ მაშინ გამოერკვა.

— წავიდეთ, დღეს ეს ვიკმართ.

ნუგზარმა თავი დაუქნია და ვალერიმაც ისევ დახურა ის უშველებელი ფანჯარა. წინ ისევ ვალერი წავიდა.

გასართობ ოთახში რომ შემოვიდნენ, ნუგზარმა საშინელი დაღლილობა იგრძნო. სავარძელში ჩაჯდა, ბოტკინის გადაშლილი წიგნი მაგიდის კუთხისაკენ გააჩოჩა და მარჯვენა ხელის იდაყვი სწორედ იმ ადგილზე დადო, სადაც წუთის წინ ის წიგნი ეგდო.

— როგორც ჩანს, ისინი ღამით არ გვაღევნებენ თვალყურს, — დაიჩურჩულა ვალერიმ.

ნუგზარმა თავი დაუქნია.

— შესაძლებელია, მაგრამ გამორიცხული არაა, ^{პროფ. სპეც. ზეგლიცონი} ვიმყოფებით რომელი-
ნიტაფონზე იწერება ჩვენი საუბარი. ვიმყოფებით რომელი-
დაც ქვეყნის წყალქვეშა პოლიგონზე.

— ალბათ, ნამიბიის.

— ვერ გეტყვით. ორმოცდაათი მეტრის სიღრმეზე მათ
აქვთ აღმასის კარიერები. ამ სიღრმეზე კი სათუთა შეეძლოთ
ჩამოსვლა. უფრო სარწმუნო იქნება, თუ ამ პოლიგონის გამარ-
თვას უფრო ძლიერ ქვეყანას მივაწერთ.

— სახელდობრ?

— მიჭირს უფრო დაკონკრეტება, ასეთი ქვეყნები არიან...
ჯერ ამ საიდუმლოს ნურავის გაუმხელთ. ამას იმიტომ გეუბ-
ნებით, რომ შეიძლება, რაღაც ემოციას აჰყვნენ და საქმე გა-
ვაფუჭოთ. ხვალ, პირველ საათზე, ისევ გავიდეთ.

ვალერიმ თავი დაუქნია, ყველაფერი გავიგეო და თავთა-
ვიანთ საძინებლისაკენ წავიდნენ.

ღილით ადრე ადგომა რომ გაუჭირდათ, ვიტალი შლიახოვ-
მა ერთი ამბავი ატეხა, აქაოდა ხალხი გაზარმაცდაო. მერე მო-
თენთილებმა ძალისძალათი ივარჯიშეს და საუზმის შემდეგ
მიწვნენ. ორივემ კარგად იცოდა, ის დამეც უნდა გაეტეხათ.

საღამოს ვარჯიშის შემდეგ თითქოს განგებო, ვიტალი და
ანდრო გასართობ ოთახში ისე გულდაგულ მოკალათდნენ, რომ
არ იქნა და იქიდან ვერ გამოყარეს. ბანქოს თამაშით
გაერთვნენ და ძილი სულ დაავიწყდათ. ანდრომ თქვა.
ისა სჯობია, ეს დაწყველილი ბანქო ვითამაშოთო. ვიტა-
ლიც დაახლოებით ამ აზრისა იყო და ნუგზარი იძულებული
გახდა, თავისი მეზღვაურებისათვის უცერემონიოდ დაეცა-
ხანებინა.

ანდრომ ეჭვით შეხედა. თქვენ მოისვენეთ, ჩვენ რას გიშ-
ლითო. ნუგზარი გაბრაზდა და მაგიდას ხელი დაჰკრა. სამივე-
ნი მაშინვე ადგნენ. ვალერიმ განგებ რაღაც ჩაიბუზღუნა და
პირველი თვითონვე შეიძურწა ოთახში. პირველ საათზე ნუგ-
ზარი და ის გასართობ ოთახში შეხვდნენ. ვალერი ისევ წინ
გაძვრა და რამდენიმე წუთში ლურჯ ოთახში გავიდნენ. ბასილა-
იმ ფანჯარა გახსნა თუ არა, ნუგზარი მაშინვე მინასთან მივიდა
და ხარბად გახედა წყალქვეშა სამყაროს. ყველაფერი ისევ წი-



ნანდებურად იყო. ის სახლიცა და ზემძლავრი სამი პროექტი
 რიც. მხოლოდ ზედ ცხვირწინ, მწვანე ბუჩქნარში, ორი დღის
 სკაროსი გომბეშოსავით ჩამჯდარიყო და თითქმის მუცლამდე
 ჩამოგორებულ ლაბაბს ატოკებდნენ.

მათთვის არც ნუგზარს ეცალა და არც ვალერის ორივენი
 მთელი ყურადღებით პროექტორებში ჩამჯდარ შენობებს
 ზეერავდნენ.

ორის ოც წუთზე პროექტორების ხაზზე ორი მსხვილი
 არსება გამოჩნდა. პირველად ეს ორი მოძრავი არსება თუ მასა,
 მცირე წყალქვეშა ნავად ჩათვალეს, მაგრამ, როცა კარგად გა-
 ნათებულ სამყაროში შემოაღწიეს, ნუგზარმა თქვა: დელფი-
 ნებიაო. ვალერიც მაშინვე დაეთანხმა.

დელფინები იმ განათებული მესამე სართულისაკენ დაეშ-
 ვნენ. ისინი გაუჩინარდნენ თუ არა, ოკეანის ფსკერი საოცრად
 განათდა. იფიქრებდით, რომ უზარმაზარი სტადიონის ტრიბუ-
 ნაზე იჯექით და დიდი სანახაობის მოლოდინში, ნაყინს შეექ-
 ცოდით. ყველაფერი ნათლად და დიდებულად ჩანდა. ნუგზარ-
 მა მაშინვე უთხრა ვალერის: ოკეანის ფსკერის ასე გაშუ-
 ქებას ვერც კი წარმოვიდგენდიო.

თვალისმომჭრელ სინათლეზე ჩანდნენ ათასგვარი ჭიშის
 თევზები, კიბორჩხალები, წყალმცენარეები და, რაც მთავარი-
 კარგად გამოიკვეთა სამსართულიანი სახლის ის ორი სართული.
 აქამდე რომ უცხო თვალისათვის დაფარული იყო.

ნუგზარი ინსტინქტურად კიდევ მიაწვა მინას, მაგრამ მიხე-
 და, რომ მეტს ვერას გააწყობდა.

მალე დელფინების კიდევ ახალი ჯგუფი გამოჩნდა. ეს იყო
 აფალინას ოჯახის სამი დიდი დელფინი. ისინი წინა ჯგუფთან
 შედარებით ახლა ძალიან კარგად ჩანდნენ. ვალერი ნუგზარს
 მიუბრუნდა:

— ხედავ? ზურგზე რაღაც აპარატი აქვთ დამაგრებული.

— ეხედავ, საინტერესოა, რა აპარატია, რისი მაქნისი არი-
 ან ეს დელფინები?

ეს ჯგუფიც სახლთან გაუჩინარდა და სამაგიეროდ სულ
 ახალი გამოჩნდა. მთელი ორი საათის განმავლობაში დელფი-
 ნები განუწყვეტლივ ეშვებოდნენ იმ საექვო შენობასთან და
 ყოველ დელფინს ზურგზე ჩვეულებრივ ის პატარა უცნაური
 ტვირთი ჰქონდა დამაგრებული.

— რა ხდება, ჩემთვის გაუგებარია, — ჩაიხურჩულა ვალერიმ.

ნუგზარმაც ანიშნა: ჩემთვისაცაო და ყურადღება ისევ ფანჯრისაკენ გადაიტანა.

ოთხის ნახევარზე დელფინები გაქრნენ და შენობაც მაშინვე ჩაბნელდა.

— როგორც ჩანს, იქ დიდი დელფინარიუმია, — თქვა ნუგზარმა.

ვალერიმ ფანჯარა ისევ დახურა. წავიდეთო, ჩაილაპარაკა და წითელი დარბაზისაკენ წავიდნენ. ის კარიც გახსნა და დარბაზში შევიდნენ თუ არა, ორივენი სახტად დარჩნენ. დარბაზის შუაგულში იდგა უმახინჯესი ქმნილება, იგი გრძელი ფეხებით, ოთხკუთხა ტანით და თითქმის იატაკამდე დაშვებული ხელებით გორილას გავდა. ცხოველთა მოდგმის ამ საოცარ არსებას ტანი გორილასავით ბალნით არ ჰქონდა დაფარული. მოკლე შარვლის ზემოთ და ქვემოთ მოუჩანდა კომპივიტული ტანი და კიდურები. მარჯვენა ხელში რაღაც ხელის ფარნის მაგვარი ნივთი ეკავა. მრგვალ, უზარმაზარ მორგვზე, რომელიც მხრებშუა საზამთროსავით იდო, წამდაუწუმ მოძრაობდა ორი ბოროტი თვალი და დაუფარავ რისხვას აფრქვევდა.

— თქვენ იქ იყავით, არა? — დაიხრიალა მან ფოლადგარეული ხმით. — ახლავე სიკვდილს მოგიტანთ. თქვენ მოკვდით, მე დავისვენე. ახლავე მოკვდით....

იმ კაცმა გაატკაცუნა, მერე ის რაღაც ხელფარანივით ინსტრუმენტი რომ ეკავა, ზევით აღმართა.

ნუგზარი მიხვდა, რომ ამ „გორილას“ გამოჩენა კარგს არაფერს მოასწავებდა. ვალერის გადახედა. ვალერიმ მხოლოდ ესა თქვა: მგონი, ყველაფერი დასრულდაო და როცა ორივენი მთელი ამ ტრაგედიის ფინალს ელოდნენ, გაისმა ქალის ხმა — ნუგზარმა იცნო კადილა. მაგრამ მისი ნათქვამიდან მხოლოდ პირველი სიტყვა დაამახსოვრდა, ეს პირველი სიტყვა — მეკატ! მკაცრად გაისმა დარბაზში და იმ კაცმაც, გორილას რომ ჰგავდა, თავისი იარაღი მაშინვე ძირს დაუშვა. კადილა მთელი ხუთი წუთი ლაპარაკობდა. ლაპარაკობდა იმ ენაზე, რომელზედაც დღემდე არაფერი მოესმინათ ნუგზარსა და ვალერის,

გაგრამ ალბათ კარგად ესმოდა იმ კაცს, გორილას ალალ შვილად რომ ერგებოდა.

ეს კაცი კი იდგა. თვალეზში ელვარება ჩაქრობოდა, იდგა ცეცხლგანელეზული და ზიზღით შეჰყურებდა ტყვეებს.

ბოლოს კადილამ დაამთავრა თავისი ნოტაცია, რომელიც ძალზე გრძელი ეჩვენა ნუგზარს. ბატისკაფელებისათვის ერთი სიტყვაც არ უთქვამს, ისე შეწყდა მისი ხმა. გორილამ უკან დაიხია, კედელს შეეხო თუ არა, კარი გაიღო და იგი მეორე დარბაზში გაჩოჩდა. რამდენიმე წამს კარს აქეთ მისი ძალზე ყვითელი ხელი ჩანდა. მერე ისიც სოროში შემძვრალი გველივით კარს უკან გახიზნდა და წითელ დარბაზში იღუმალი სიჩუმე დატოვა.

იმავე წუთს მეორე კედელთან კარი გაიღო. ნუგზარი მიხვდა, რომ ახლა მათ ეპატიუებოდნენ, წინ წავიდა. ვალერი მხოლოდ გასართობ ოთახში წამოეწია. ნუგზარი იდგა და მაგიდაზე დაგდებულ წიგნს დაჰყურებდა, როცა ვალერი მასთან მივიდა, ძალზე გაფითრებული ეჩვენა.

— სიტყვა არ წამოგცდეს, — თქვა და თავისი ოთახისაკენ წავიდა. შესვლისთანავე ტელეფონის აპარატთან მივიდა და ყურმილი ფრთხილად აიღო. ყურთან მიიტანა თუ არა, ქალის ხმა მოესმა. სთხოვა, კადილასთან დაეკავშირებინა.

კადილა თითქოს ელოდა მის გამოძახებას, მაშინვე გამოეხმაურა.

— თქვენ, ალბათ, აღშფოთებული ხართ. რაც მოხდა, ამაში მხოლოდ მეკატია დამნაშავე და ჩვენ მას დავსჯით. ამას გარდა, იგი ცუდად ლაპარაკობს თქვენს ენაზე და მთლად ზუსტად ვერ ალაგებდა აზრს. ასე რომ, მაინცდამაინც გამოუსწორებელი კუროიზი არ მომხდარა. გთხოვთ, დამშვიდდეთ და მოისვენოთ.

— მე მსურს ზოგიერთი რამ დავაზუსტო.

— აუცილებელია ახლა, ამ წუთში გავარკვიოთ ყველაფერი?

— სულ ერთია, მე მაინც აღარ დამეძინება.

— ნუგზარ, — წარმოთქვა განსაკუთრებული სითბოთი კადილამ, — თქვენ ცოტა ეგოისტი ბრძანებულხართ. გავიწყდებათ, რომ ქალიშვილს უტეხთ ძილს, რადგანაც ასე ძლიერ

გსურთ ამაღამ დააზუსტოთ, გისმენთ, მზად ვარ, დავაკმაყოფილო თქვენი ცნობისმოყვარეობა. ვფიქრობ, იმის დადგენა-ინც დამრთავთ, ერთი საათი მაინც დავიძინო.

ნუგზარი მოლბა.

— მაპატიეთ, მართალი გითხრათ, კარგად არც კი ვიცი, საიდან დავიწყო. მითხარით, გეთაყვა, რატომ არ გვაძლევთ საშუალებას, გავიხედოთ თქვენს ფანჯარაში, ერთხელ მოვახერხეთ და კინალამ სიცოცხლის ფასად დაგვიჯდა.

— თქვენ გსურთ, რომ დააკვირდეთ წყალქვეშა სამყაროს, კი, ბატონო, არავენაც არ გიშლით. გასართობ ოთახში, შესასვლელიდან მარჯვენა კედლის კუთხეში არის მინიატურული წითელი ღილაკი. მისი მოძებნა დაავალეთ ვალერიის, დარწმუნებული ბრძანდებოდეთ, ამ საქმეს თავს მოაბამს. ჰოდა, როცა ამ ღილაკს იპოვით, ნუ დაიზარებთ ხელის შეხებას. კედელი გაიხსნება და ეს ოთახი, მართლაც მშვენიერი გასართობი იქნება თქვენთვის. მე უბრალოდ დამავიწყდა, ამეხსნა, თორემ არავისაც არ აუკრძალავს, შეიხედოთ წყლის სამყაროში. დარწმუნებული ვარ, პატივს სცემთ ოკეანეთს. გაქვთ კიდევ რაიმე გასარკვევი?

— დიდი მადლობა, საჩქარო არაფერია, დანარჩენი შემდეგ. დარწმუნებული ვარ, დიდხანს არ გაიყოლებთ იმ წყენას, რაც ასე დავგიანებულმა ტელეფონის ზარმა მოგაყენათ.

— არა უშავს, ძილი ნებისა, ნუგზარ!

რაკი გასართობი ოთახის საიდუმლო შეიტყო, ნუგზარს სურდა, ჩქარა დაემთავრებინა კადილასთან საუბარი. ძლივს დაიოკა თავი, რომ მაშინვე არ წამოეგდო თბილი ლოგინიდან ვალერი, მაგრამ გრძნობები მოთოკა და გაუხდელად მიწვა. ისე მაგრად ჩაეძინა, რომ სისხამზე ვიტალიმ ძლივს გააღვიძა.

— რა გემართებათ, ბოლო დროს ძილის გუდა გახდით, — უთხრა მან, როცა როდის როდის ფეხზე დააყენა თავისი კაპიტანი.

ნუგზარმა თვალები მოიფშვნიტა და იკითხა, რომელი საათიაო?

— ექვსი, — უპასუხა ვიტალიმ.

— ცუდად მეძინა, მთელი ღამე სიზმრებს ვხედავდი, მხოლოდ დილით ჩამთვლილა. კარგია, რომ გამაღვიძე.

— ვიცი, რომ თქვენ და ვალერის ცუდად გძინავთ და ღამეს ტუალეტში ატარებთ.

ნუგზარი წამოდგა. სახე უღიმოდა.

— გამოგვიჩივრე, თითი მომიკავკავს. შენც კარგი ფზიხელი ძილი გცოდნია. არა უშავს, ნასაუზმევს ყველაფერს შეიტყობთ.

ვიტალიმ თავი დაუქნია და დილის ორთა თათბირი ამით დასრულდა.

ნასაუზმევს, როცა გასართობ ოთახში დასხდნენ. ნუგზარმა ვალერის უთხრა: „აბა, იმ კედელზე წითელ ღილაკს თუ იპოვიო“.

ვალერიმ ისე შეხედა თავის კაპიტანს, თითქოსდა ეპვი ეპარებოდა მის ნორმალურობაში. ნუგზარმა კი ხელი კვლავ გაიშვირა და გაიმეორა:

— აი, იმ კედლის კუთხეში იპოვე წითელი ღილაკი.

ვალერი მიხვდა, რომ რაღაც ისეთი ხდებოდა, რაზედაც მას წარმოდგენაც არ ჰქონდა. ადგა და ღილაკის ძებნას შეუდგა; დიდი დრო არ დაუკარგავს.

— ღილაკი ვიპოვე, როგორ მოვიქცე?

— თავად უკეთ იცი.

ვალერიმაც იცოდა, რაც უნდა გაეკეთებინა და თითი წეახო პატარა ნემსურა ღილაკს. გაისმა ყრუ ტკაცუნის და თითქმის მთელი კედელი დაიძრა. ნელ-ნელა გამოჩნდა უზარმაზარი ფანჯარა.

ანდრომ, სანამ ფანჯარა ბოლომდე გაიხსნებოდა, ოთხჯერ მაინც დააფახულა წამწამები. მერე ვიტალის შეხედა და, როცა მის თვალებშიც ასეთივე გაცემა ამოიკითხა, ხელები მუხლისთავეებზე დაიტყაპუნა. მერე სავარძლიდან წამოვარდა და სქელ მინას, ადამიანთა სადგომს ოკეანისაგან რომ ყოფდა, ხელით შეეხო.

— ეს რა ხდება, ხალხო! — შეჰყვირა მან და მზერა ნუგზარზე გადაიტანა.

არანაკლებ გაცეებული გახლდათ ვალერი. თავისთავისთვის ვერ ეპატიებინა ის, რომ ნუგზარმა მიაგნო გასართობი ოთახის საიდუმლოს, ამასობაში ფანჯრის საფარი მთლად ჩაჭდა ბუდეში და ნუგზარმა თავისი სავარძელი მინისაკენ გააჩოჩა.

ვიტალი ადგა, უკანასკნელი ღერი სიგარეტი დასწორედ ახლა უნდა მოეწიოო. სანამ სიგარეტის ბოლოებით თავის ადგილზე დასკუბდებოდა, ხმა არავის გაუღიანებია.

— ესე იგი, ჩვენ წყალქვეშ ვცხოვრობთ, — თქვა ვიტალიმ.

— დიახ, — დაეთანხმა მაშინვე ნუგზარი, — რომელიღაც მეტად განვითარებული ქვეყნის წყალქვეშა პოლიგონზე. ამ შენობის შემქმნელებმა კარგად გაიანგარიშეს ყველაფერი: წნევა, ჰაერი, და ვენტილიაცია, საშენი მასალის სიმყარე და გამძლეობა, აგრეთვე ესთეტიკური მხარე და შენობაც, როგორც ხედავთ, უზადოა.

ყველას გახსოვთ მარსელი ორის ტრაგედია, როცა ადამიანთა მიერ პირველად შექმნილმა წყალქვეშა ქალაქმა ველარ გაუძლო ზღვის დაწოლას და რამდენიმე საათში ჩაიქცა.

— ეს საქმე საფრანგეთს ათას ორასი კაცის სიცოცხლედ დაუჯდა, — თქვა ვიტალიმ.

— უფრო მეტად კი კაცობრიობა დაზარალდა. მარსელი ორის ტრაგედიამ, სულ ცოტა, საუკუნის მეოთხედით გადაიწია ოკეანეზე გენერალური შეტევა. მას შემდეგ დამფრთხალი ხალხი გაექცა „ბოროტ ზღვას“, შეაჩვენეს მეცნიერები, ჯვარს აცვეს კუსტო და ყველა ის, ვინც ოკეანეზე შემტევ გვარდიას სარდლობდა.

ადამიანებმა იციან, რომ ცოტას ცოცხლობენ და ტკივილებსაც მალე ივიწყებენ. აი, მოვიდა ახალი თაობა და მეორე ჯვაროსნული ომი გამოუცხადა ოკეანეს. ჩვენ გვეგონა, რომ არცთუ ისე ახლოს ვიყავით მექასთან, მაგრამ ამ სახლით თუ ვიანგარიშებთ, სადაც უკვე რამდენიმე დღეა, ვცხოვრობთ, მუსულმანთა წმინდა სალოცავი ძალზე ახლოს ყოფილა. ისე გავატარეთ ეს დღეები, აზრადაც არ მოგვსვლია, თუ ოკეანის ფსკერზე ვცხოვრობდით. ვინც უნდა იყოს ამ პოლიგონის მეპატრონე, ჩვენ მხოლოდ და მხოლოდ აღტაცება შეგვიძლია გამოვთქვათ, ხელები და ნიჭი დავულოცოთ იმ ყოჩაღ ბიჭებს, ამ დიდებულ საქმეს თავი რომ დაადგეს.

ყველა ყურადღებით უსმენდა მეთაურს. ნუგზარი კი ლაპარაკობდა სვენებ-სვენებით, ოდნავ აღგზნებული, შუბლი გა-

ხსნოდა და მთელი სახე აღტაცებასა და სიხარულს გამოხატავდა.



წინ კი, როგორც ეკრანზე, ჩანდა ოკეანის ფსკერი. სწორედ ფანჯრის წინ იწყებოდა ლამაზი ხეივანი. დიდრონი, ტოტებგაფოთლილი ხეები, ჯარისკაცებივით ჩამწკრივებულიყვნენ. ხეთა ეს ლამაზი მწკრივი ძალიან შორს მიდიოდა.

ხეივნის სავალ გზაზე ასფალტის სქელი ფენა ეგო. ასფალტის ზონა ხეების მწკრივებისაგან ტროტუარით იყო გამოყოფილი. ხეივანი შესანიშნავად იყო გაშუქებული. ერთმანეთზე გადაბმული შუქის ფართო სვეტები პირდაპირ ტროტუარიდან იჭრებოდა წყლის სივრცეში.

ფანჯრის წინ წყალმცენარეთა ნაირფერი ბუჩქები ჩანდა. ყველა სხვადასხვა ფერად ყვაოდა. იყო ნეკერჩხალივით წითელი, იელის ყვავილისფერი, მწვანე, ღია ლურჯი... ფერთა ეს სიუხვე მომხიბვლელს ხდიდა შენობის მისასვლელს. ერთ ბუჩქზე მოზრდილი ომარი შემოსკუბებულიყო და თავისი ბასრი მაკრატლით ყვავილნარს უსინდისოდ პარსავდა.

ანდრომ მუჭი მაგრა დაჰკრა მინას. მეგობრებმა ჯერ შიშით შეხედეს მინასაც და ანდროსაც, მერე გაეცინათ უნებლიე შიშზე და ისევ ოკეანეს გახედეს.

მსუნაგმა ომარმა ოთახში შემოიხედა. ოთხი წყვილი ანთებული თვალი რომ დაინახა, ცაცები დაუშვა და ბუჩქნარებს შორის მოცოცხა. იქ კიდევ ერთი საწყალი ლანგუსტი დააფრთხო. ლანგუსტმა ბეცი თვალებით გამოიჭყიტა და როცა გულის გასახარელი ვერაფერი შენიშნა, იმწამსვე გაქრა.

— აქ ადამიანის მარჯვე ხელი მუშაობს. ყველაფერში წესრიგი და პუნქტუალობა იგრძნობა, — თქვა ვიტალიმ.

— და კიდევ დიდი ნიჭი და საქმის ცოდნა, — დაუმატა ნუგზარმა.

— მე კი, მხოლოდ ახლა მივხვდი, თუ რატომ დაარქვეს ამ ოთახს გასართობი. დღემდე ეს ყველაზე მელანქოლიური იყო, დღეის შემდეგ კი...

ვალერი იდაყვით ბოტკინის წიგნს დაყრდნობოდა, მუხლები სავარძელზე დაეწყო, მთელი სხეულით წინ გადახრილიყო და ისე მისჩერებოდა ოკეანეს.

— საინტერესოა ამ ხეივნის დანიშნულება, ტროტუარიც კი არ გამოორჩენიათ — თქვა ვიტალიმ.

— ალბათ იმიტომაცაა, უფრო იმისათვის ააშენებდნენ, რომ ადამიანებმა იფიქრონ, თითქოსდა მშობლიურ ქალაქის ქუჩებში დააბიჯებდნენ. სწორი გადაწყვეტაა.

ნუგზარმა სავარძელი ისევ მაგიდასთან მოაჩოჩა.

— ვალერი, წიგნი უკვე გვერდზე გადადე?

— ასე გამოდის, ამ სამყაროსათვის თვალი ვერ მომიშორებია.

ვალერის კიდევ სურდა რაღაც ეთქვა. ეს რაღაც, ალბათ, იმ საიდუმლოს შეეხებოდა, რომელიც წუხელ ამოხსნეს მან და ნუგზარმა. ნუგზარი ალღოთი მიხვდა, თვალი ჩაუკრა. ვალერი ვინმე ბაიყუში არ გახლდათ და ყველაფერი გაიგო. გაიცინა: გავაგრძელებო, ჩაილაპარაკა, მარცხენა იდაყვს ქვეშინიდან წიგნი გამოაცოცა, მერე სავარძელში მოკალათდა და მაშინვე კითხვას შეუდგა. ნუგზარმა შეაწყვეტინა:

— ვალერი, დახურე ეკრანი! ახლა გვეყოფა, საღამოს კიდევ გავიხედოთ ოკეანის ქვეშეთში.

ვალერიმ ეკრანი დახურა და ისევ წიგნს მიუბრუნდა.

ნუგზარმა ანდროს შეხედა.

— ბანქო სად წაიღე?

— ბანქო მერე ვითამაშოთ, ახლა მინდა ცოტა გავერკვე, რა მოხდა.

— ყველაფერი გარკვეულია, ძვირფასო, ბანქო მოიტანე.

ანდროს ადგომა ეზარებოდა, ფეხს ითრევდა.

— გაიგე რაც ვითხარი? გვათხოვე ბანქო. შენ თუ არ გასურს, ჩვენ ვითამაშებთ.

— ახლავე მოვიტან, — ანდრო ადგა, რაღაც ჩაიბუზღუნა და გავიდა.

ბანქოს ქალღმინის სათამაშოდ მაინც დაჯდა მაგიდასთან. უხალისოდ, მარცხენა ფეხის მუხლი მაგიდას მიაჭირა.

— მე მაინც ვერ გამიგია, სად ვართ, რა ხდება?

ნუგზარი გვერდით იჯდა, არ გასჭირვებია ანდროსათვის მსუქან ტუჩებზე საჩვენებელი თითი დაედო.

— სადაცა ვართ, დაახლოებით ვთქვით.

ბანქო გაატაკუნა და გაბოშვილს წინ დაუდო.

— გასჭერი.

— აუცილებელია მე გავჭრა?

— მაშინ, ბოცმანი გამოიძახე ზემოდან.

ნუგზარმა ჭერში აიხედა. ანდრომ კი ბანქო მაინც გაჭრა. ნუგზარმა დაარიგა. გაბოშვილი ორჯერ ზედიზედ დარჩა „დურაკად“. აბუზღუნდა, ყველას ჩემთვის მოგიცლიათო და ასევე ბუზღუნით გასართობი ოთახიდან გავიდა.

ვიტალი ბანქოს ალაგებდა და მისი გასვლა გამოეპარა, როცა თავი ასწია, ანდრო ვერ დაინახა და იკითხა: სად წავიდაო?

ვალერიმ წიგნი მუხლისთავეებზე დაიდო და გაოცებულ ვიტალის შეხედა.

კვიტაუნის გენერალური პროკურორის უწყება მიიღო და ეიზიტად გაემგზავრა. დალოცვილო, შაშვის გალიაში ვართ გამომწყვდეული და სად უნდა წასულიყო, თუ უჩინმაჩინის ქუდი ხურავს?

ხელი ჩაიქნია, მერე ისევ წიგნი აიღო და კითხვა განაგრძო. საღამოს ცხრა საათზე ეკრანი ისევ გახსნეს. იგივე სურათი, არაფერი შეცვლილიყო, არც მომატებოდა და არც მოკლებოდა. ხეივნის ორთავ მხარეს იდგნენ მაღალი ლამაზი ხეები. წინანდებურად შუქი იღვრებოდა ტროტუარიდან. იქვე, ფართო მინის წინ, ლამაზი ყვავილების ბუჩქები კოპწიაობდნენ. ონავარი ლანგუსტი და ომარი კვლავინდებურად ცელქობდნენ ბუჩქების ძირში. მოშორებით კი ჩანდა სამსართულიანი სახლის სულ ზედა განათებული სართული.

ათ საათზე ელექტროდენის ძაბვა ჩვეულებრივად დავარდა და ვალერიმ იხუმრა, „ლამპას დაუწიესო“. ცოტა ხნის შემდეგ ისიც დაუმატა: არც თუ ისე ჯენტლმენურად იქცევიანო, ჩვენ არას გვკითხავენ, გვსურს თუ არა სიბნელეში ვისხდეთო. სათქმელი ბოლომდე არც ამოედერდა, რომ ოთახში შუქი სულ ჩაქრა.

„ესეც თქვენაო“, ადგა და სულ წავიდა. ანდრომ ძლივს იპოვა ის ნემსურა ღილაკი და თითი დააჭირა, ეკრანი რომ დაიხურა, ყველამ თავის ოთახს მიაშურა.

მაგრამ დილით, როცა კვლავ გაიხედეს ამ წყალქვეშა ფანჯარაში, ვალერის რაღაც საოცრად ნაღვლიანი, სასოწარკვეთილი შეძახილი აღმოხდა. ვიტალი რა ხანია ამ კაცს იცნობდა და ვერც კი წარმოედგინა, თუ მის გაწლიკვეულ ყელს ასეთი ნოტების აღება შეეძლო.

— შეხედეთ, იქ მკვდარი ბავშვი გდია. რა საშინელებაა. ხალხნო შეხედეთ!

მართლაც, ნეკერჩხალივით ჩახჩახა ორ ბუჩქზე ბავშვის პატარა სხეული ეგდო. მინიდან მხოლოდ მის ზურგს, კეფას და გაყვითლებული ფეხის მრგვალ ქუსლებს ხედავდნენ. ამ საცოდავი არსების დანარჩენი ნაწილი ფანჯრიდან არ ჩანდა.

— საშინელებაა, — ჩაილაპარაკა ვიტალიმ და სწორედ ამ დროს ეს „საშინელება“ შეინძრა. ჯერ ფეხი გამართა, მერე ფანჯრისაკენ გადმობრუნდა და მისი პატარა, ბავშვური გულუბრყვილო სახეც გამოჩნდა. თვალები გაახილა და ოთხი თვალებდაჭყეტილი ძია რომ დაინახა, გაიცინა. ძალიან თეთრი კიჭები გამოაჩინა. მერე ბუჩქიდან ჩამობრძანებაც ინება და ხელიც დაიქნია. ყოველივე ეს ერთ წუთში მოხდა. ბიჭმა მკვირცხლად გაიქნია ფეხები, წყალი აამღვრია, თვითონ კი, ისე გაქრა, მის ასავალ-დასავალს ვერაფერი გაუგეს.

— ეს რა იყო? — ყველაზე ადრე ანდრო მოეგო გონს, — ხომ ნამდვილად ბიჭი იყო, თუ მომეჩვენა.

— ნამდვილად, — უთხრა ვიტალიმ.

ნუგზარი კი მაგიდაზე გადახრილიყო, ორივე ხელის თითები მაგიდაზე გაეშალა და მაგრად დაყრდნობოდა.

— ადამიანი-ამფიბია!

— რასაკვირველია, — მაშინვე დაეთანხმა ვიტალი.

ნუგზარი წელში გასწორდა.

ვიცოდი, რომ წყალში ცხოვრების პირობების შესაგუებლად ბევრ ადამიანს გაუკეთდა ოპერაცია. მაგრამ დღემდე არავის უცდია, ბავშვისათვის გამოეტანოს ასეთი მკაცრი განაჩენი. ეს საცოდავი, პირველი ბავშვია მსოფლიოში, რომელსაც არ უწერია, ისუნთქოს ხმელეთის ჰაერით.

— შეიძლება პირველიც არაა, სადაც ეს ერთი დაცურავს ჩვენს ცხვირწინ, რატომ არ შეიძლება ათობით მაგისი და დამა არ ცხოვრობდეს ამ დაწყევლილ პოლიგონზე.

ვალერიმ წიგნი დახურა, იქვე მაგიდაზე დააგდო და სწრაფად გავიდა. ამ საოცარი ფანჯრის მიკეტვა კი ისევ ანდროს მოუწია.

— დიახ, მართლაცდა საფიქრებელია, რომ ამ პოლიგონზე ბევრი ადამიანი-ამფიბია მუშაობს. რადგანაც საქმე ბავშვე-

ბამდე მისულა, ჩვენ შეგვიძლია, ეს დასკვნა თამამად ვაკეთოთ. დამარცვლა ნუგზარმა, სავარძელში ჩაჯდა და მაგიდისაკენ მიაჩოჩა.

— დიახ, — გამოცრა კბილებიდან ვიტალიმ.

და სწორედ ამ დროს გაისმა ქალის ხმა:

— ხომ არ მოიწყინეთ, მეგობრებო? მაპატიეთ, რომ თითქმის დღენახევარი მიგატოვებ. უნდა დამიჯეროთ, რომ ეს მოხდა საპატიო მიზეზით.

— მოწყენისა რა მოგახსენოთ, რაც რომ ცხვირის გასაყოფს მივაგენით, გავერთეთ კიდევ. — ამოღერდა ანდრომ და იმ წუთში სიტყვა ნუგზარმა ჩამოართვა.

— ანდრო სწორს მოგახსენებთ, რაც ამ ფანჯარაში გახედვის ნება დაგვრთეთ, მოწყენისათვის დრო აღარ გვრჩება. არ შემიძლია აღტაცება არ გამოვთქვა იმის გამო, რასაც აქ ვხედავთ. ეს მეცნიერების დიდი ტრიუმფია. თქვენ ძალიან ბევრი რამ გავიკეთებიათ წყალქვეშა სამყაროს ათვისების საქმეში და გულწრფელად რომ გითხრათ, მშურს კიდევ. თავად ოქეანის ფსკერის ათვისების ერთ-ერთი დაუდევარი ენთუზიასტი გახლავართ, ბარაქალა თქვენ!

— გთხოვთ გაიმეოროთ ბოლო წინადადება.

— ოქეანის ფსკერის ათვისების დაუდევარი ენთუზიასტი გახლავართ.

ვილაცამ გაიცინა.

— პატივს ვცემთ თქვენს დაუდევრობას და ენთუზიასმს. დიახ, ჩვენ ამ საქმეში გვაქვს გარკვეული მიღწევები, ამაზე ლაპარაკი ახლა ჩვენ შორს წაგვიყვანდა, მაგრამ მეცა და ჩემი მეგობრებიც აღგვაშფოთა ერთმა ფაქტმა.

— სახელდობრ?

— სახელდობრ იმან, რომ თქვენ პატარა ბავშვებიც კი გიქცევიათ ამფიბიად.

— შეიძლება უფრო გასაგებად მითხრათ.

— ჩვენ დავინახეთ ბავშვი, რომელიც თევზივით დაცურავდა ფსკერზე.

— თქვენ დაინახეთ ბავშვი?...

ქალის ხმამ სიბრაზე ველარ დაფარა და ნუგზარმა მაშინვე დაასკვნა რომ ის, რაც რამდენიმე წუთის წინ მათ ფანჯარა-

თან მოხდა, მასპინძელთა საჩვენებელ პროგრამაში
შედიოდა.

— ალბათ, ბევრი ასეთი ოკეანესთან სამუდამოდ მიჯაჭვული ადამიანი ემსახურება თქვენს გრანდიოზულ წყალქვეშა კომპლექსს.

— რასაკვირველია, — მაშინვე დაეთანხმა ქალი და იკითხა:

— განა თქვენს ქვეყანაში არ აკეთებენ სასუნთქი ორგანოების ფუნქციონირებას?

— ეჭვი არ მეპარება იმაში, რომ თქვენ კარგად იქნებით ინფორმირებული იმის თაობაზე, თუ სად ჩაატარეს ასეთი ოპერაციები. ჩვენი ქვეყანა წინააღმდეგია ასეთი ბარბაროსობისა.

— ჩვენ ეს არ მიგვაჩნია, ბარბაროსობად, პირიქით, ამით ვაჩქარებთ ცივილიზაციის პროცესს. ჩვენს ფაბრიკა-ქარხნებში ბევრი ადამიანი-ამფიბია, როგორც თქვენ უწოდებთ წყალქვეშა ადამიანებს, მუშაობს. ფილტვების ფუნქციონირების ოპერაციებს ბევრი სხვა ქვეყანაც აკეთებს.

— ეგ ფაქტი საყოველთაოდ ცნობილია, მაგრამ ჭერჯერობით არავის შეუბედავს, ბავშვზე ჩაეტარებინა ეს მძიმე ცდა.

— სამაგიეროდ თქვენი პრესა ხომ წერს: „დადგება დრო, როცა ჩვენი შთამომავლობა საცხოვრებლად გადაინაცვლებს ოკეანის ფსკერზე. დაიბადება ადამიანი ზღვის ქვეშ, იქ გაახელს თვალს, გაიზრდება, დავაყვაცდება და არასოდეს გაუჩნდება სურვილი იცხოვროს მზის სხივების ქვეშ“.

— თქვენ, ალბათ, მოგეხსენებათ, რასაც გულისხმობენ ამ პროგრამაში ჩვენი მეცნიერები?

— განმარტეთ, რას გულისხმობენ.

— ქალაქების გაშენებას ოკეანის ქვეშ. ისეთი ქალაქების გაშენებას, სადაც იქნება უანგბადი, მზეცა და ყველა ის დანარჩენი ატრიბუტი, რაც ჩვენს დალოცვილ ხმელეთს უზომოდ აქვს.

ქალს იმ წუთში არ უბასუხია. დუმილში გავიდა ერთი, ორი, სამი, ოთხი, ხუთი წუთი. ბოლოს როდის-როდის გაისმა მხოლოდ ერთადერთი სიტყვა „საინტერესოა“.

დიპლომატი შეწყდა და იმ დღეს საერთოდ კადილას ხმა აღარ გაუგონიათ. მისი ხმა ვერც მეორე დღეს მოისმინეს. ნუგ-

ზარმა. სცადა ტელეფონით მოეძებნა, მაგრამ ვილაცამ საკატ-
 ლეტე ხორცივით დაკეპილი ქართულით უთხრა, რომ კადილაკი
 ლას ამჟამად ვერ დააკავშირებდა. შემდეგ რამდენი არ ექაქა-
 ნა ნუგზარი, ქვესადგურში მჯდარი ის რობოტადქცეული
 ქალი, მხოლოდ ერთსა და იმავეს იმეორებდა:

მოთენთილი მიეგდო საწოლზე. თავი ბალიშზე მიდო თუ
 არა, შვება იგრძნო. ბალიშიც უფრო ფაფუკი ეჩვენა, ლეიბიც
 უფრო მოთელილი. საბანი ნიკაპამდე აითრია. ფიქრები სკასა-
 ვით აეშალა.

„კადილა დუმს... თქმა არ უნდა, რაღაც ხდება... შეიძლება
 იქ, ზევით, გაცხარდა დიპლომატიური ომი. ნოტა მიდის და
 მოდის.. ელჩები ხვდებიან საგარეო საქმეთა მინისტრებს...

კადილას ჟღერტულა ხმა არ ისმის... ცხადია, რაღაც ხდება.
 როგორც ჩანს, არც ისე ბევრმა იცის აქ ჩემი მშობლიური
 ენა. თორემ ამ პერიოდში რომელიმე მოქართულე ზრდილო-
 ბისათვის მაინც მოგვიგდებდა ორიოდე ქათინაურს.

ოთახში სანახევროდ ბნელოდა. იგი უკვე შეეგუა ასეთ
 მბუჟტავ სინათლეზე ძილს. კაცმა რომ თქვას, ამაში ცუდსაც
 ვერაფერს ხედავდა. პირიქით, თითქოს უფრო ამშვიდებდა ეს
 მკრთალი სილურჯე. კედლებიც რაღაც ბაცი ხდებოდა, თით-
 ქოსდა ოთახიც განიერდებოდა და ნამცეციც აღარ რჩებოდა
 იმ განწყობისა, რომ ზღვის ფსკერზე დადგმულ სახლში ეძინა.
 იმ სახლში ეძინა, სადაც მრიცხველი ითვლიდა პურსაც, წყალ-
 საც, მოძრაობასაც. ჰაერსაც, საცხოვრებელ ფართსაც და კი-
 დევ ათას წვრილმანს.

ის უკვე თვლემდა... ძილის წინა ზმანებას იმ მაცდურ
 ბურანამდე მიეყვანა, როცა საგნებსა და მოვლენებს მხედვე-
 ლობა ვეღარ აღიქვამს და ყველაფერი წარმოდგენაში გადა-
 დის. ამ დროს თითქოსდა სმენაც კარგავს თავის ფუნქციას,
 მაგრამ მაინც იგრძნო, რომ დერეფანში რაღაც გაფაჩუნდა. ეს
 თითქმის შეუმჩნეველი ხმაური, რაც მისმა მახვილმა სმენამ
 აღიქვა, გამაღიზიანებელ იმპულსად მოევიღინა და ისევ სიც-
 ხადისაკენ შემობარუნა. ბალიშზე თავი შეიმალა, თანაც ისე
 გაიქნია, თითქოს სურდა ფიქრები გაეფანტა. თვალი ერთი წა-
 მით რომ დააჭყიტა და ღრმა ბურანიდან ცოტა გამოერკვა,
 ყველაფერი ისევ მბუჟტავ სილურჯეში შთანთქმული იხილა.



თვალეზი კვლავ მიღწულა. ნებიერად გადაწვა და დატოვდა. ქოს კიდევ რალაც გაფაჩუნდა. ახლა იქ, დერეფანში, კი არა, არამედ სულ ახლოს, მისი საწოლის ახლოს.

ეს გრძნობა უკვე კარგა ხანია აწვალეზდა. თითქმის იმ დღიდან, რაც ამ საიდუმლო სახლში ფეხი შემოდგა. ფიქრობდა, რომ უთვალთვალეზდნენ. უთვალთვალეზდნენ, როცა ოქროს ჩანგლით ვეშაპის კარგად შებრაწულ თირკმლებს მიირთმევდა, უთვალთვალეზდნენ, როცა გრძელ მაგარ მასიურ მაგიდასთან იჯდა და ბანქოს თამაშობდა, როცა იწვა და ისვენებდა და მაშინაც კი, როცა ტუალეტში მიდიოდა.

ღამით კი, საწოლ ოთახში შევიდოდა თუ არა, სწამდა, რომ მისი მთელი ცხოვრება ტელეკამერის წინ მიმდინარეობდა.

საამო ბურანში ჩაიძირა და მაშინვე ხვრინვა ამოუშვა. დილამდე ისე ეძინა, ფეხიც არ გაუნძრევია. დილით წამოდგა თუ არა, პირველად ტუმბაზე თითქოსდა უდიერად დაგდებული ქალაღლი შენიშნა.

მაშინვე აიღო. თეთრი ქათქათა პრილა ქალაღლი ოთხად იყო გაკეცილი. გაშალა თუ არა, ჯარისკაცებივით ერთ სწორ ხაზზე ჩარიგებულმა ლამაზმა ასოებმა შემოაჭყიტა.

„ნ უ გ ზ ა რ!“

ნუ გამიჯავრდებით, მე ხვალ დაგელაპარაკებით.

კ ა დ ი ლ ა“.

ქალაღლი აიღო, ისევ დაკეცა და ხალათის ჯიბეში, საიდანაც კარგად წამახული ფანქრის წვერი მოუჩანდა, იქ ჩაიღო.

წერილის ძალზე შინაურულმა ტონმა გააოცა. იფიქრა, იგი მეგობრებთანაც გამოეჩინა, მაგრამ შემდეგ გადაიფიქრა, უფრო სწორად, ვერ გაბედა. ასე ძველი მეგობრები წერენ ერთმანეთსო...

ოთახში გაიარა ახლა, ამ წუთში ძლიერ მოუნდა კადილას ხმის გაგონება. ესმოდეს მხოლოდ კადილას ხმა. ყვებოდეს, თუ როგორ ჩამოაღწიეს მამაცმა აღამიანებმა შვიდასი მეტრის სიღრმეზე, ააშენეს პირველ ქალაქი ოკეანეში, გაჭრეს ქუჩები, დადგეს სახლები, გახსნეს ლაბორატორიები.

ძლიერ მოუნდა კადილას ხმის გაგონება, ისე, როგორც წყურვილი შეგაწუხებს, შიმშილი გაგაგიყებს..

ბოლთას ცემდა. ანდრო რომ შემოვიდა, არც ესიაშვიტის
მარტო ყოფნა სურდა.

— იგვიანებთ, ამხანაგო ნუგზარ, ჩვენ უკვე ვვარჯიშობთ.
საათს დახედა და სახეზე წამოწითლდა.

— მოვდივარ.

გასართობ ოთახში ნუგზარს კიდევ ორი გაოცებული კაცი
დახვდა.

— ალბათ, ცუდად გეძინათ და ადრე ვერ ადექით? —
თანაგრძნობით შენიშნა ვიტალიმ.

გამთენიისას ჩამეძინა. ის-ის იყო ფეხზე წამოვდექი და ან-
დროც გამომეცხადა.

— მეც ცუდად მძინავს ბოლო დროს, — თქვა ვალერიმ.

— თუ მალე არ დაგვადგა საშველი, ალბათ წერილს წავი-
ღებ... თითქოს სული მეხუთება ამ ცივ, გველის კანივით პრია-
ლა კედლებში. ფუი, დასწყევლოს ღმერთმა.

ნუგზარმა მკაცრად შეხედა.

— ჩვენ წუწუნისათვის არ გვცალია.

— დავიწყოთ ვარჯიში! — ეს უკვე ვიტალის რბილი ჟღე-
რადი ხმა იყო.

ნოციერი საუზმის შემდეგ ვალერიმ ჩვეულებრივად გახსნა
ეკრანი. ეკრანს იქით შავი წყვდიადი იწვა. ამ კუნაპეტ ღამე-
ში აღარ ჩანდა არც ის ხეივანი და სამსართულიანი სახლის
განათებული ფანჯრები, აღარც ყვავილნარი და კარგად გამო-
კვეთილი ტროტუარი. იყო მხოლოდ ერთფეროვანი შავი ფო-
ნი და შემაზრზენი გახლდათ იმის შეგრძნება, რომ ოკეანის
მძიმე წყალს ეს ხუხულა თვალის დახამხამებაში ასანთის კო-
ლოფივით შეეძლო გაესრისა. ახლა, ამ წუთში, ყველაზე ნათ-
ლად იგრძნეს, თუ რა ვერაგი ზვიგენის ხახაში ჰქონდათ გამო-
მწყვდეული ადამიანის სუფთა, უმწეო ხელი.

ამიტომ, როცა ვალერიმ ეს ჯოჯოხეთის ფანჯარა ჩქარა მი-
ხურა, პროტესტი არც ერთს განუცხადებია. პირიქით, შვებით
ამოისუნთქეს. ვიტალიმ სცადა მძიმე შთაბეჭდილების გაფანტ-
ვა და ხმადაბლა თქვა: ბანქო ვითამაშოთო, მაგრამ სურვილი
არავის გამოუთქვამს, ანდრომ კი ჩაილაპარაკა: პოლიგონზე
რალაც მოხდაო...

ეს რალაც ვალერის არ მოეწონა და ნუგზართან მივიდა.

— რას ფიქრობთ? თქვენ სიტყვას ჩვენთვის მნიშვნელობა აქვს.

ნუგზარმა ახლა მშვიდი სახე მიიღო, სავარძელზე უდიერად გადაწვა და დამარცვლით თქვა:

— ანდრო ალბათ მართალია, პოლიგონზე მართლაც და რაღაც მოხდა. მაგრამ ნუ ვიფიქრებთ, თითქოს ეს ჩვენთვის ცუდს ნიშნავდეს. პირიქით, ვფიქრობ, რომ მდგომარეობა ნელ-ნელა ჩვენ სასარგებლოდ იცვლება. ამაში ეჭვი არ მეპარება და რასაც ახლა მოგახსენებთ, გულით ვამბობ. არ იფიქროთ, თქვენი დამშვიდება მსურდეს.

ვალერის გუნება ნელ-ნელა გაეხსნა. ხელი მაგიდაზე დაჰკრა და მხიარულად დაიძახა:

— ანდრო, მოგვართვი ბანქო, ახლა კი ღირს თამაში.

სადილის შემდეგ ისევ გახსნეს ფანჯარა და ისევ წყვილიდ-ში გახვეული ოკეანეთი გამოჩნდა. ეს სურათი არც საღამოთი შეცვლილა და არც ღამით. დიახ, ღამით ვალერიმ ბარე სამჯერ შეამოწმა, მაგრამ ისევ წყვილიდი იდგა. დილით კი, სხვა სურათი გახლდათ, ისევ გამოჩნდა მძლავრი პროექტორებით გაშუქებული ოკეანის ფსკერი.

— აი, ეს მესმის, ახლა სულ სხვა სურათია, გაუმარჯოს სინათლეს! — აღტაცება ველარ დაფარა ვალერიმ. ისე ახლოს მივიდა ფანჯრის მინასთან, რომ თავისი ფერმკრთალი ცხვირი ზედ მიაჭყლიტა.

ვალერის აღტაცება ყველას გადაედო. ეს მოწყენილი, ცოტა მელანქოლიური ადამიანები ერთბაშად შეიცვალნენ. ეკრანს ისეთი აღტაცებით მისჩერებოდნენ, თითქოსდა ოკეანეს მხოლოდ ახლა, ამ წუთებში გაეხსნას თავისი ჩახვეული გული.

პროექტორებით გაჩახჩახებულ ხეივანში სიგარისმაგვარი რაღაც გრძელი სხეული რომ გამოჩნდა, სულ პირველად ვალერიმ შეამჩნია.

— ხედავთ? ზვიგენი მოცურავს, — დაიძახა მან.

ანდრომ იკითხა: ზვიგენს სად ხედავო?

ხეივანის ბოლოშიო, მიუგდო ვალერიმ და ახლა გლუვსა და ცივ მინას თითქმის ზედ აეწება.

ის სხეული კი მოცურავდა და მოცურავდა, თითქოს მიზ-

ნად დაესახოს, სწორედ იმ ფანჯარას მისდგომოდა, საიდანაც
ახლა ოთხი წყვილი ცნობისმოყვარე თვალი იჭყიტებოდა.

— მართლაც ზვიგენია, — დაეთანხმა ვალერის ანდროც.

ამასობაში ზვიგენმა გამოვლო მთელი ხეივანი, იმ პატარა
მოედანს მოადგა, რომელიც ყვავილნარსა და ხეივანს ყოფდა
და მაშინვე მარჯვნივ შებრუნდა. სანამ ამ მანევრს მოასწრებდა,
ვალერიმ უკვე შეცვალა თავისი აზრი, თქვა, ზვიგენი კი არა,
წყალქვეშა ავტომობილიაო. საოცარი ის იყო, ავტომობილი
ღია გახლდათ, შიგ ოთხი პიროვნება არხეინად წამოქიმულიყო
და კამათობდნენ.

მათ მხოლოდ შარვლები ეცვათ. თუ რა ფერისა იყო ეს
შარვლები, ის კი ველარ გაარკვიეს, მაგრამ ახლა ეს მოკლე
შარვლები ყავისფერი იქნებოდა თუ ლურჯი, ანდა შავი, მათ-
თვის მნიშვნელობა არ ჰქონდა.

მანქანა როცა მარჯვნივ უხვევდა, ოთხივემ თავი ფახ-
რისაკენ შემოაბრუნა, ერთ წუთს თვალი შეავლეს ბატისკა-
ფელებს და გზა ისე განაგრძეს, თითქოს ისინი საერთოდ არც
კი შეემჩნით.

მინის უკან მყოფნი როცა გონს მოეგენ, მანქანა უკვე სამ-
სართულიანი შენობისაკენ მიდიოდა და უკან გრძელ თეთრ
ხაზს ტოვებდა.

— ესეც თქვენი ამიტები. ნეტავი ვინ ოხრები არიან? —
გაბრაზება ველარ დაფარა გაბოშვილმა.— ისე გაგვიარეს, თით-
ქოსდა ჭიანჭველები შეყროდნენ.

ნუგზარი ფანჯარას მოშორდა, მაგიდასთან მივიდა, როცა
სავარძელში ხმაურით ჩაეშვა, მხოლოდ მაშინ გამოცრა კბი-
ლებში:

— საოცარია, წნევაგამძლე კოსტიუმების გარეშე, როგორ
დაცურავენ. ეს პირდაპირ დაუჯერებელია. ნუთუ საკუთარ კან-
თან ასე ჩინებულად შეხამებული კოსტიუმები აცვიათ, ბარა-
ქალა, ესეც დიდი ხელოვნებაა.

ზუსტად თხუთმეტიოდე წუთის შემდეგ მათ ცხვირწიხ ნე-
კერჩხლისფერი ბუჩქები შეირხა. ბუჩქები ისე მძლავრად გა-
დაიწია, რომ ყველამ იფიქრა, საცაა, იქიდან გიგანტური ოძარი
ამოღოლდებოა. ომარისა რა მოგახსენოთ, მაგრამ ჩაჭარხლულ
ტოტებს შორის ონავარი ბავშვის გულუბრყვილო სახე რომ
გამოჩნდა, ყველამ შეჰყვირა.

ამ საქმოდ გაბედულმა ორფეხმა თავის ასაკთან შედარებით გრძელი ფეხები სარეცხივით გადმოკიდა ბუჩქნარში მოხდენილად დასკუპდა და მარჯვენა ხელით იმოდენა რომელიმე აპორწიალა, რომ ვალერის კინდამ გული შეუღონდა, იმ დაწყველილმა თავისი ცაცებით მკლავი არ წააგლიჯოსო. მაგრამ არც ის ომარი გახლდათ მაინცდამაინც ამის შემძლე და არც ის აღამიანთა ნაშიერი ჰგავდა ახალბედას. სანამ მახეში გაბმული კიბორჩხალების არისტოკრატიული ოჯახის წარმომადგენელი მრისხანე მარწუხებს ჰაერში ასავსავებდა, იმ ლაწირაკმა ისე შემოაფშვნა ორივე მაკრატელი, რომ ვალერი ბასილიაია ამ საქმის უკეთესად შემსრულებელს ჩვენი პლანეტის ვერც ერთ კუთხეში ვერ დაიგულებდა.

მერე გამარჯვებულმა უცაცებოდ დარჩენილი ომარი ლაჯებს შორის მოიქცია და ნელ-ნელა შეუდგა დამარცხებულის ცაცების ფეხებს. კბილებით გატეხდა ჯავშანს, მერე ენის წვერით გამოათრევდა ძეხვივით წაგრძელებულ ქათქათა ხორცს და მაშინვე ყლაპავდა.

სანამ ცაცებს მიირთმევდა, ომარი კიდევ იბრძოდა, გაძრომას ცდილობდა, მაგრამ ისე საიმედოდ იყო მოქცეული აღამიანის ლაჯებში, რომ, ნურას უკაცრავად, თავის ხვედრს უხდა შერიგებოდა. ეს დალოცვილი სიცოცხლე ვის დაუთმია ასე იოლად და ისიც წვალობდა, სანამ ჯერი მის დანარჩენ ცაცებზეც არ მიდგა. ბოლოს ყველაფერი იმით დამთავრდა, რომ მოხერხებულმა პაწიამ საუზმე მოათავა, ტუჩები ენით მოილოკა და ზედ ფანჯარასთან მიცურდა. მინაზე აკრული ვალერი რომ შეამჩნია, ცოტა ზევით აცურდა და მის მიჭყლებულ ცხვირს გარედან თავისი მიატოლა.

ვალერიმ გაუცინა და თვალი ჩაუკრა. ბიჭმაც ძველი ძმაცაცივით გაუღიმა, თვალიც ჩაუკრა. მერე თითქოს რაღაც მოესმაო, უკან მიიხედა და დამფრთხალმა ბუჩქნარში მოცოცხა. რამდენს არ ეცადნენ ოთახში მყოფნი, გაერკვიათ მისი ასე ანაზღად გაქცევის მიზეზი, მაინც ვერაფერს გახდნენ. იგი სადღაც გაუჩინარდა, ეს იყო და ეს. კიდევ დიდხანს ელოდხენ, მაგრამ აღარ გამოჩენილა.

— შეამჩნიეთ? მას ხელებზე აპკიანი ხელთათმანი ეცვა — თქვა ვალერიმ.



— არა მარტო ხელებზე, ფეხებზეც აპკიანი ხელთათმანი ჰქონდა შემოტმასნილი, — განაცხადა ვიტალიმ, — კარგად დავინახე, როგორ დაჰკრა მიწას ფეხის თითები და ზეგონს სწრაფად აიჭრა. ალბათ ის დიდი ხნის წინათ აქციეს ამფიბიად. ზღვაზე ახლადგამგებული რომ იყოს, ასე სხარტ და ელასტიკურ მოძრაობებს ვერ გააკეთებდა. მერწმუნეთ, ეს კარგად ნაწრობ სპორტსმენსაც კი გაუჭირდებოდა. მან კი ასე რთული ილეთი, ისე შეასრულა, თითქოსდა ადამიანის შვილი კი არა, თევზი ყოფილიყოს.

ვალერი თავის სავარძელში ჩაჯდა, ფეხები ნებიერად გაშალა.

— რაც გინდათ, ისა თქვით, ყოჩალი ყრმაა. ისე მოხდენილად მუშაობდა, იფიქრებდით თითქოსდა ეს საქმე აკვნიდახვე ესწავლოს.

ვიტალი უეცრად წამოდგა, ოთახში გაიარ-გამოიარა.

— მგონი, ვიღუბები, ისე მაგრამ მომინდა მოწვევა, რომ ლამისაა გავაფრინო. უკვე რამდენი დღეა ვითმენ, მაგრამ ასე ჯერ არ გამჭირვებია.

ვალერიმ ჩაიციინა.

— აქ თუ ვააფრენ, საშიში არაა. აფრინე რამდენიც გნებავს. საქმე ისაა, მაგისტანა კეთილშობილურმა ხუმტურებმა იქ არ მოგიაროს.

ვალერიმ ხელი ოკეანისაკენ გაიშვირა.

— არა, ისე დიდი უსინდისობა კია, ამდენი ხანია, მათი ტუსაღები ვართ, ერთი ღერი სიგარეტიც კი არ შემოუთავაზებიათ, ამოვიდა ყელში შავი კარჩხანა... სიგარეტი მინდა, ისე მინდა, რომ სულს ვლევ.

— დავხურო ეკრანი? — იკითხა ვალერიმ.

ნუგზარი წამოდგა.

— დახურო!

სანამ დარაბა მთლად დაფარავდა სქელ მინას, ოთახში რაღაცამ დაიწკრიალა. ყველამ ყური ცქვიტა; რამდენიმე წუთში, როცა ყურადღება მაგრად დაიძაბა, კადილას ხმა გაისმა.

— გამარჯობათ, მეგობრებო!

— გაგიმარჯოთ, მეგობარო!

ყველას ვალერიმ დაასწრო მისალმება.

— მე ისევ თქვენთან ვარ. ისევ უნდა მაპატიოთ, გადღეუ-
დებული საქმეების გამო წავედი ამიხოტში.

— რაო, რა თქვა? კარგად ვერ გავიგონე, — ჩამბურღ-
ღუნა ანდრომ.

— ამიხოტში გახლდით.

— იქნებ უფრო გასაგებად განგვიმარტოთ, რას ნიშნავს
ამიხოტი? — თქვა ნუგზარმა და ყურადღება დაძაბა.

— ამიხოტი ჩვენი დედაქალაქია. სწორედ იქ გახლდით ეს
დღეები გადაუდებელი საქმეების გამო. აქამდე ვერ მოვიცა-
ლე, სულ ახლახანს დავბრუნდი იქიდან.

— კადილა, — თქვა ნუგზარმა და მაშინვე ხმა გაეზარა.

— მე გთხოვთ, ნება მოგვცეთ შევხვდეთ ჩვენს ელჩს.
თქვენ დაგვპირდით, რომ შეგვახვედრებდით თქვენი სახელმ-
წიფოს ოფიციალურ პირს, ვხედავთ ეს შეუძლებელია, ამი-
ტომ დაბეჯითებით მოვითხოვთ ჩვენს დიპლომატიურ წარ-
მომადგენლებთან შეხვედრას.

— სიამოვნებით დავაკმაყოფილებდით თქვენს თხოვნას,
მაგრამ ეს შეუძლებელია.

— როგორ თუ შეუძლებელია? — ნუგზარმა ერთ წუთს
დაივიწყა, რომ ქალიშვილს ელაპარაკებოდა.

— დიახ, ეს შეუძლებელია. შეუძლებელია იმიტომ, რომ
ჩვენ, ამიტებს, ჭერჯერობით არამც თუ თქვენს ქვეყანასთან,
არამედ არც ერთ ქვეყანასთან არ გავიცვლია ელჩები, არც
დიპლომატიური ურთიერთობა გვაქვს.

ნუგზარმა ენაზე მომდგარი სიტყვა ნერწყვთან ერთად გა-
დაყლაპა, მეგობრებს შეხედა და დაბნეულობა რომ დაეფარა,
ზედიზედ ჩაახველა.

— ჩვენ ამჯერად სრულებითაც არა ვართ ხუმრობისათვის
განწყობილი.

— რასაკვირველია, ასევე ჩვენც. რაც მოგახსენეთ, უტყუ-
არი ჭეშმარიტებაა.

— ბოლოს და ბოლოს ვინ ხართ თქვენ? — თითქმის დაი-
ყვირა ნუგზარმა და მაშინვე ქალის ძალზე მშვიდმა, ელურ-
ტულა ხმამ უპასუხა:

— ამიტები, წყლის ადამიანები — თქვენ რომ ამფიბიას
ეძახით.

ნუგზარმა კიდევ ერთხელ მოავლო თვალი მეგობრებს, მათ გამოხედვაშიც იგივე ამოიკითხა, რასაც თვითონ განიცდიდა ამ შემთხვევაში.

პირველმა მღვრიე ტალღამ რომ გადაიარა და ბატისკაფელებიც ცოტა გონს მოეგნენ, ვალერიმ ჩაიქილიკა: ბევრი ვერაფერი გავიგე, მაგრამ რაც გავიგე, თუ იმის მიხედვით ვიმსჯელებთ, ამიტების ქვეყანაში კი არა, ანგალ ბიჭებთან მოვხვდითო.

ნუგზარი კი სხვაგვარად ფიქრობდა, თითებს შორის იმ საცოდავ ბანქოს ატკაცუნებდა და ვალერის ყურს თითქმის არ უგდებდა. როცა ვალერიმ თავისი კრედო ჩააბულბულა და სავარძელზე არხეინად წამოიშობტა, ნუგზარმა მხოლოდ მაშინ დაავდო ბანქო მაგიდაზე და დამარცვლით დაიწყო:

— ვთქვათ, დაგიჯერეთ, ერთი რამ მაინც ვერ ამომიხსნია, რატომ ერიდებით ჩვენთან შეხვედრას. აი, რამდენი ხანია აქა ვართ და...

— გასაგებია, დღეს სადილის შემდეგ მე თქვენი სტუმარი ვიქნები. გაკმაყოფილებთ ეს პასუხი?

— უდაოდ.

— მაშ, მელოდეთ.

ვალერიმ თავისი სავარძელი ისევ უკან გააცურა. სავარძელშივე გასწორდა და მონუსხული მზერა ნუგზარისაკენ გააპარა.

ნუგზარს ხელში ისევ ბანქო ეკავა, ოღონდ თითებს შორის კი არ ატკაცუნებდა, ისე ჭრიდა, თითქოსდა ეს-ესაა, დარიგებას დაიწყებდნო.

ვიტალის პირი დაეღო, ისიც ნუგზარს შეჰყურებდა.

ნუგზარმა კი ჯერ ოთახში გაიარ-გამოიარა, მერე საათს დახედა და ხმამაღლა თქვა:

— ელჩის მიღებამდე ორი საათი და ოცი წუთი დარჩა. მოიყვანეთ თქვენი თავი წესრიგში.

ხელი სამი დღის გაუპარსავ წვერზე მოისვა და ტუალეტისაკენ წავიდა. როცა მისი ფეხის ხმა სასადილო ოთახს იქით მიწყდა, ვალერიმ იკითხა: ეს ყველაფერი სიზმარში ხდება თუ ცხადიო?

ანდრომ უთხრა: ახლა ჩემთვის ყველაფერი დღესავით ნა-



თელიაო, თუ შენ რაიმე არა გჯერა, ტულეტში შედი და მაგ ხოტორა თავზე წყალი გადაისხიო.

ვალერიმ დაუსტვინა. ვიტალიმ წყენით გახედა.

— ძვირფასო, მეზღვაური კაცი ხარ, სტვენა როგორ გეკადრება!

ვალერიმ ტუჩებზე თითი აიფარა.

— ამ ტიალმა კედლებმა ისეთი შთაბეჭდილება შემეიქმნეს, თითქოსდა ოკეანის ფსკერზე კი არა, სადმე კაფეში ვიჯდო და კოქტეილს მივირთმევდე.

ანდრომ თქვა: წვერი მეც უნდა გავიპარსოო და გავიდა.

ვალერიმ ახლა ვიტალის შეხედა.

— ვთქვათ და ამიტების ელჩი მართლა გამოგვეცხადა, ჩვენ ასე ჯაგარმოდებული უნდა შევხვდეთ?

— მეც უნდა გავიპარსო.

— მეც გავიპარსავ.

სადილის შემდეგ ოთხივენი პირწმინდად წვერგაპარსული ისხდნენ გასართობ ოთახში. ვალერის ჩვეულებრივად თავისი სავარძელი უკან დაეწია, ფეხი ფეხზე გადაედო, მარჯვენა ხელი სავარძლისკენ დახრილ თავქვე ამოედო და ასე, ნახევრად მწოლარე, სანადიროდ გამოსულ მელიასავით გასუდრულიყო.

მისგან განსხვავებით, ნუგზარს ამკარად ეტყობოდა ნერვიულობა. იგი დაძაბული იჯდა და თუ რაიმე ოდნავ გაიხმაურებდა, მაშინვე ტოკავდა, მაგრამ ის ისე უჩუმრად და ანაზღად შემოვიდა, რომ ყველანი სახტად დარჩნენ.

მათ წინაშე იდგა ფერად, ვიწრო შარვალში გამოკვართული მაღალი, ახალგაზრდა ქალი. ფეხები ასევე ფერად ფოსტლებში ჰქონდა წადგმული. ძალზე შავი სწორი თმები უკან გადაეყარა და ბეჭებამდე სცემდა. ვხვირის ნესტოებთან პატარა ოქროსფერი აპარატი ეკელ: აპარატში მოქცეული იყო აგრეთვე ტუჩებიც, როცა ამ ალისფერმა ბაგეებმა თეთრი, ქათქათა კბილები გამოაჩინეს, ეს მშვენიერება ტყვეებმა აპარატში ჩადგმული მინიდან დაინახეს. თვალები კი დიდრონი შავი თვალები, ეშმაკურად უელავდა. მას ხელი ჩაევლო ყრმისათვის, რომელშიაც ძნელი არ იყო ომარზე მონადირე დილანდელი სტუმარი ამოგეცნოთ.

— აი, ჩვენც აქა ვართ. თუ ნებას დაგვრთავთ, დავსხდეთ
ბით, თუ არა და, როგორც მოვედით, ისევე წავალთ, არა, ნატე?
პატარა სტუმარმა გაიცინა.

— არა, დეიდა კადილა, არსადაც არ წავალთ, აქვე დავრ-
ჩებით.

— დაბრძანდით, — თქვა ნუგზარმა და თავისი სავარძელი
გამოსწია.

კადილა დაჯდა. ნუგზარმა ანდროს ანიშნა და ორი სავარძე-
ლი სასადილოდან გამოიტანა.

— დაჯექი, ნატე! — უთხრა კადილამ პატარას.

— ბიჭია? — სცადა საუბრის დაწყება ნუგზარმა.

— დიახ, ბიჭია. ჩემი დისშვილი გახლავთ.

— ჩინებული მონადირეა, — ჩაერია საუბარში ვალერი, —
აქედან დავინახეთ. იმოდენა ომარი ამოათრია, შემეშინდა
კიდევ, ბავშვს არაფერი მოსწიოს-მეთქი.

კადილამ გაიღიმა.

— სხვა დროს ნუ იღარდებთ, ეს ისეთი ეშმაკია, რომ
ომარს კი არა, რვაფეხასაც ადვილად იფრენს.

ბიჭი ცქმუტავდა. მასაც ტუჩპირზე პატარა, ოქროსფერი
აპარატი ჰქონდა აფარებული. ეტყობოდა, რომ ეს ინსტრუ-
მენტი მაინც და მაინც არ ეჭაშნიკებოდა. წარამარა ზედ
ხელს ივლებდა და კადილაც მაშინვე ტუქსავდა.

ნუგზარმა ბოლოს და ბოლოს თავი დაიმორჩილა, კადილას
მოუუუუნე თვალეზში შეხედა და ნელა დაიწყო:

— ჩვენ ბედმა თუ უბედობამ ამ საოცარ სამყაროში მო-
გვიყვანა. გაუგებარია, სად ვართ, რისთვის ვართ, ანდა ვინ გა-
ნაგებს იმ ყოველდღიურ მოვლენებს, რაც ჩვენს ირგვლივ
ხდება? იმედია, გამიგებთ. ჩვენს ადგილას რომ ყოფილიყო-
ვით, თქვენც ამგვარ კითხვებს დაგვისვამდით. გთხოვთ, გვიპა-
სუხოთ.

— უკვე მერამდენედ მეკითხებით და მეც იძულებული
ვარ, იგივე გავიმეოროთ. ოკეანის მკვიდრთა. — ამიტების სტუ-
მარი ხართ.

— უფრო ტყვე, დააზუსტა ვალერიმ.

კადილას არ უპასუხია, ისე განაგრძო:

— გასაოცარი არაფერია, ადამიანები ჯერჯერობით არ



იცნობთ ამიტებს. თქვენ გაჩენის დღიდან მიზნად დავისახეთ ცისკენ სწრაფვა და ასრულებთ კოსმოსურ პროგრამას, მაგრამ ეპიზოდურად თუ განსენდებოდით, რომ მსოფლიო ოკეანესაც აქვს თავისი საიდუმლო.

ჩვენ ვცხოვრობთ 2000 მეტრის სიღრმეზე. გაცილებით მეტ სიღრმეზე კამარები ცხოვრობენ. უფრო სწორი იქნება, მათ ნახევრად თევზი, ნახევრად ადამიანი ვუწოდოთ. მათ ბოლო თევზისა ჰქონდათ, წინა კიდურები და თავი ადამიანისა. ისინი ძლიერი და მებრძოლი ტომები იყვნენ. ხშირად გვარბევდნენ ჩვენ და მიზნად დავისახეთ მათი გაუყუყვა.

ამ სამი საუკუნის წინ მომხდარა მათთან გენერალური ბრძოლა. კამარები დედიან-ბუდიანად გავკლიტეთ და იმ დღიდან ოკეანეში შედარებით მშვიდობა ჩამოვარდა. ამიტებმა შეამცირეს შეიარაღებაზე ზრუნვა: ამან დიდად შეუწყო ხელი ჩვენი ქვეყნის აღმავლობას. კარგი იქნება, თუ თქვენ არ დაიზარებთ და საკუთარი თვალთ იხილავთ ყოველივე იმას, რაც ამიტებმა შექმნეს.

— სრულებითაც არ დავიზარებთ, თუ ამის უფლებას მოგვცემთ, — თქვა ნუგზარმა.

უეჭველად, ყველაფერს დაგათვალთვინებთ.

— ამხანაგო ნუგზარ, აქ სამუდამოდ დარჩენას აპირებთ? — თქვა ვალერიმ და კაპიტანს თვალი გაუსწორა.

ნუგზარმა შუბლი შეიკრა. ვალერის გახედა.

— რასაკვირველია, არა, მაგრამ ალბათ გარკვეული დროით მოგვიწევს აქ ყოფნა. ზედმეტი არ იქნება გავეცნოთ ჩვენი კარის მეზობლების ცხოვრებას.

— როგორ თქვით, კარის მეზობლებისო, ქართული ენა მეტად ხატოვანი ყოფილა.

— მარტო ხატოვანი?

— არა, საერთოდ მდიდარია. მთავარია, კარგად დაეუფლო.

— თქვენ ჩინებულად ფლობთ. საინტერესოა, როგორ შეისწავლეთ ასე?

კადილა დაფიქრდა.

— გეტყვით, მაგრამ არ გამიჯავრდეთ.

— ბრძანეთ.

— ეთერში ვიწერთ თქვენს საუბარს...

— ეთერში? — გაიკვირა ვიტალიმ.

— ჰო, ეს ძნელი საქმე არაა, ყოველ შემთხვევაში ჩვენ ადვილად მოვაგვარეთ. — დელფინებმა გაგვიწიეს დახმარება. მათ ზურგზე ვამაგრებთ ხმის ჩამწერ აპარატებს და ისე ვაგზავნით ქვეყნის ყველა მხარეს. ისინი შედიან ყველა სრუტეში, ყურეში, გასასვლელში, ნავსადგურებში. იწერენ თქვენს საუბარს და შემდეგ ბრუნდებიან უკან.

— ჩვენ ვნახეთ, როგორ შედიოდნენ ისინი აგერ, იმ შენობაში.

ვალერიმ მარცხენა ხელი იქით გაიშვირა, სადაც ის სახლი ეგულებოდა.

— როდის? არ გვინახავს. — შეედავა ვიტალი.

— ვნახეთ, — მოჭრა ნუგზარმა.

— დიახ, ადვილი შესაძლებელია, — დავაში კადილა ჩაერიო. — შეიძლება მართლაც გენახოთ, მე საქმის კურსში არ ვარ. კვირაში ერთხელ მათთან ეწყობა სეანსი. იციან ეს დღე, მოდიან სპეციალურად ამ საქმისათვის აშენებულ შენობაში, რომელიც თქვენს გვერდით მდებარეობს, გვაძლევენ რადიოფირს, დებულობენ ახალ დავალებას და ისევ მიცურავენ.

სხვათა შორის ეს ძველთაძველი მეთოდია. ამ მეთოდს ახლა ბევრი მოწინააღმდეგე ჰყავს. განსაკუთრებით მას შემდეგ, რაც ჩვენ თქვენს ტელეგადაცემებსაც კი ვიღებთ. მეც მიმაჩნია, რომ დელფინებით ეთერში მუშაობამ შეასრულა თავისი როლი და უკვე მოძველდა. მაგრამ თავის დროზე დელფინებმა დიდი სამსახური გაგვიწიეს. მე თქვენი ენა ამ ჩანაწერებით ვისწავლე. ჩვენი მეცნიერები წლობით ისხდნენ რადიოლაბორატორიებში, შიფრავდნენ ასობით ენას, ეძებდნენ და პოულობდნენ სხვადასხვა შრიფტს. თუ სადმე გემი ჩაიძირებოდა, ჩვენებს იქიდან უეჭველად მიჰქონდათ წიგნები და გაზეთები. ეს წიგნები შემდეგ დიდ დახმარებას გვიწვედნენ. ჩვენმა სწავლულებმა შეადგინეს მრავალი ლექსიკონი. მათ შორის რუსულიცა და ქართულიც. ამ ლექსიკონებით ბევრმა შევისწავლეთ სხვადასხვა ენები. პრაქტიკას კი რადიოლაბორატორიებში ვავდიოდით. ახლა კი მე ვასწავლი სხვებს. მათ შორის ნატესაც.

კადილამ ნატეს შეხედა. ნატემ კი ღიმილით უპასუხა.

— ვკითხულობ ლექციებს ამიხოტის კოლეჯებში ვერსიტეტში.

— და კიდევ გრჩებათ დრო, ჩვენც მოგვემსახუროთ. კადილამ მხრები აიწურა.

— ჩვენ, ადამიანები, — ამ სიტყვას რომ ვამბობ, ორივეს ვგულისხმობ, ამიტებსაც და თქვენც, — ძალიან ცოტას ვცხოვრობთ. ეს დრო არ ეყოფოდა ჩვენი ჩანაფიქრის ერთი მეოთხედის ხორცის შესხმასაც კი. მაგრამ ლამაზი იდეებისათვის ხორცის შესასხმელად შეგვიძლია სიცოცხლე გავახანგრძლივოთ.

— კი მაგრამ, როგორ? — იკითხა გაოცებულმა ანდრომ და მაგიდაზე გადმოემხო.

— სულ ადვილად, ცხოვრების ტემპის აჩქარებით. ის რაც უნდა გაკეთდეს ოთხ საათში, უნდა შეძლო შეასრულო ორ საათში. უფრო კარგი იქნება, თუ ერთ საათს იკმარებ. ეს არის ჩვენი ცხოვრების პრინციპი.

— თქვენ ამას ახერხებთ? — ეს კითხვა კი ვალერის ეკუთვნოდა.

— დაახლოებით კი.

— ეს როგორ გავიგოთ?

— ესე იგი, მეცნიერებისა და ხელოვნებისათვის ბევრჯერ უარს ვამბობ პირად სიამოვნებაზე. იმაზე, რაც მე მეკუთვნის და უნდა შევირიგო, მაგრამ დროის დაკარგვასთანაა დაკავშირებული. თქვენი მეზღვაურებისაგან გამიგონია: დროს ღუზაზე ვერ დააყენებო.

— დიახ, არის ასეთი ფიგურალური გამოთქმა.

— ჰოდა, როცა ჩემს თავს ვჯობნი, ამ პრინციპით ვცხოვრობ. ამას ზოგი დიდი გაჭირვებით აღწევს. ზოგი სრულიად იოლად — ამიტომ ამიტოა შორის შეიქმნა დიდი განსხვავება. ერთ მხარეს არიან მეცნიერებისათვის ტანჯულნი, მეორე მხარეს კი ცხოვრების მაცთურ ბადეში გახვეულნი. ორივენი კმაყოფილნი არიან თავიანთი ხვედრით. საქმე ისაა, ვინ რაში ხედავს ცხოვრების მიზანსა და სილამაზეს. არა, ნატე?

ნატემ შუბლი დიდი ადამიანივით შეიკრა და თავი მძიმედ დაიქნია.

— აი, ნატეც თანახმაა ამ პრინციპისა.

— ამაში ჩვენც გეთანხმებით. — თქვა ვიტალიმ.

— მაშ, ჩვენ ბევრი რამ გვქონია საერთო; ვსუნთქავთ (ჩვენ უფრო სხვანაირად), ვჭამთ, ვსაუბრობთ, ვფიქრობთ, ვოცნებობთ. ერთი სიტყვით, ნამდვილი ადამიანები ვართ. სიცილის ხმა გაისმა.

— თქვენ ძალიან გულწრფელად საუბრობთ, იქნებ ისიც გვითხრათ, — ნუგზარი შეყოვნდა, ვალერის გადახედა, — ვალერის თავი დაეხარა და იატაკს მიშტერებოდა. ნუგზარმა ჩაახველა, ხმა დაიწმინდა. — ჩვენ ყველას ძლიერ გვინტერესებს ვიცოდეთ, რამდენ ხანს უნდა ვიყოთ თქვენი ტყვე? კარგია თქვენთან. ამ ახალ სამყაროში, მაგრამ შინ მაინც სჯობია. კადილამ ხელი უხერხულად აიღო და ნატეს დაადო მხარზე. მერე თავი ასწია და ნუგზარს ჭიქურ შეხედა:

— თქვენ ძალიან ჩქარობთ. ეჭვი არ მეპარება იმაში, რომ მოესწრებით შინ დაბრუნებას. მანამ კი ისარგებლეთ ჩვენი გულლია მიღებით, გაცანით ჩვენს ცხოვრებას.

— მჯერა, გენდობით იმ დღიდან, როცა პირველად მოვისმინე თქვენი ხმა.

— ჩემი ხმა იმსახურებს ასეთ დიდ ნდობას?!

— დიახ, არის ხმა, რომელიც გაიძულებს, დაუჯერო.

— და ისეთიც, ყალბს რომ ეძახიან.

— დიახ, ყალბი ხმაც არსებობს. გესაუბრება ადამიანი, მთელი საათი ლაქლაქებს და გრძნობ, რასაც ეს ყბედი გულ-მოდგინედ აფრქვევს, სულ სიყალბეა, თავიდან ბოლომდე სიყალბე.

კადილამ გაიცინა.

— ჩვენთანაც არიან ასეთები.

— ასეთები ყველგან არიან.

— ახლა ისევ საქმეს დავუბრუნდეთ. ამ დღეებში თქვენ შეგხვდებით სახელმწიფო მინისტრი, იგი...

კადილა კიდევ რაღაცის თქმას აპირებდა, მაგრამ ვალერიმ ენის წვერზე მომდგარი სიტყვა ველარ შეაჩერა.

— სახელმწიფო მინისტრი რას ნიშნავს?

— მე ვცადე, თქვენებურად ამეხსნა, ვხედავ არ გამომივიდა. თქვენ შეგხვდებით ქვეყნის მეთაურის მოადგილე. ის ჭკვიანი კაცია, მეცნიერი. ძალიან ბევრ დროს ანდომებს სახელმ-

წიფო საქმეებს, მაგრამ არც მეცნიერებას ივიწყებს. მასთან საუბარი სასიამოვნო იქნება.



— მივესალმებით.

— ოღონდ როდის მივიღებთ, ამას ახლა ვერ გეტყვით. გამონახავს დროს. დაველოდოთ ხვალინდელ დღეს. ხვალ კი, თუ ინებებთ, სურათების გალერეა დავათვალიეროთ. არ გიყვართ მხატვრობა?

— როგორ არა, ბავშვობაში თავად ვხატავდი. ზოგიერთი სურათი დღემდე არ გადამივლია. რაღაც ნატურმორტები და თანაკლასელთა პორტრეტები მაქვს შენახული. თუ ოდესმე ინებებთ ჩვენთან მობრძანებას, შეგეძლება დაათვალიეროთ.

— საინტერესოა, სიამოვნებით ვნახავდი, მაგრამ, ზომ ხედავთ, ხმელეთზე მხოლოდ ასეთი აპარატით შემიძლია ვიარო. უნაგბადს აქედან ვღებულობ.

— მაშინვე მივხვდი, როგორც კი დაგინახეთ.

კადილამ ისევ გაიცინა.

— იცით, რა, თქვენ, მგონი, თან გაქვთ რაღაც საინტერესო წიგნი. თუ შეიძლება მათხოვეთ. მე ყოველთვის სიამოვნებით ვკითხულობ თქვენს წიგნებს, მაგრამ, საუბედუროდ, ამის საშუალება მხოლოდ ხანდახან მეძლევა.

— სიამოვნებით, ვალერი, წიგნი სადაა?

ვალერიმ ჩაახველა.

— ჩემს ოთახშია.

— ვათხოვოთ კადილას.

— ახლავე მოვიტან.

ვალერი ადგა, ის იყო გასვლას აპირებდა, რომ ნუგზარმა ამ დროს საინტერესო საუბარი წამოიწყო და ბასილია შეჩერდა.

— ჩვენ ამ წიგნს ვათხოვებთ, მაგრამ ამასთან მსურს, ერთორამ ვთხოვოთ. ბატისკაფში დარჩა ჩვენი სავახტო ჟურნალი. ვთხოვთ, გადმოგვცეთ. ვფიქრობ ის აღნიშვნები, რაც ჟურნალში ჩვენი ზღვაოსნის ანდრო გაბოშვილის ხელითაა ჩაწერილი, თქვენთვის დიდ ინტერესს არ წარმოადგენს, ჩვენ კი გვესაქიროება.

— სიმართლე გითხრათ, მაგ ჟურნალის თაობაზე არაფერი შემეიტყვია.

გავიგებ, მოვძებნი, ალბათ დაბრუნებასაც შევძლებ.

— ძალიან კარგი იქნება.

— შევეცდები.



ვალერი გავიდა. დერეფანში ხელმარჯვნივ რომ მოუხვია, ბოლოში იმ ყვითელ ჯოჯოს მოჰკრა თვალი. მეკატი იდგა კედელთან შუბლშეკრული, მოღუშული. თვალები ძირს დაეხარა. ვალერიმ ახლა შეამჩნია, ჯოჯოხეთის ამ ელჩს წარბები და წამწამები რომ არ ჰქონდა. სახეზეც ქოსა იყო და დამჰქნარი სახის ნაოჭები დაცლილთ ცურვივით ეკიდა.

მეკატს ხელში ისევ ის იარაღი ეკავა, ხელფარანს რომ ჩამოგავდა. ქანდაკებასავით გაუნძრევლად იდგა. ეჭვიც კი შეგეპარებოდათ, ნამდვილად ცოცხალი არსება იყო, თუ სიმახინჯის საილუსტრაციოდ დადგმული ძეგლი.

მეკატი მაშინაც კი არ განძრეულა, როცა ვალერი სულ ახლოს მივიდა. ბეჭზე ხელი დარდიმანდულად დაჰკრა და თვალის ჩაუკრა.

— სალამი, ძმობილო, ხომ არ დაიღალეთ ლოდინში. ცოტა კიდევ და პრესკონფერენციაც დამთავრდება.

მეკატი ისევ დუმდა, ისევ იატაკს დაჰყურებდა ჯიუტად.

— მეკატ, თქვენ ციხის ჩინებული ზედამხედველი ხართ. ვიცნობდეთ ერთმანეთს, მე ვალერის მეძახიან.

ვალერიმ დაუსტვინა და ოთახში შევიდა. როცა ისევ დერეფანში შემოაბიჯა, მეკატი კვლავ წინანდელ პოზაში დახვდა. მისკენ მხოლოდ ერთხელ გაიხედა და გასართობ ოთახს მიაშურა. იქ ახლა დუმილი სუფევდა. მისმა შესვლამ დუმილის ატმოსფერო გაფანტა.

— პატივცემულო კადილა, ინებეთ ეს წიგნი, საინტერესო იქნება თქვენი აზრით იმ საკითხებზე, რაზეც ამ წიგნშია მოთხრობილი.

— დაახლოებით ვიცი, რაზეა ლაპარაკი.

— ჩვენს საუბარს ისმენდით, ალბათ.

— დიახ, რასაკვირველია, — მაშინვე დაადასტურა კადილამ.

— ჰო, მართლა, — გააგრძელა ვალერიმ, — იქ, დერეფანში, გელოდებიან!

კადილას სახეზე გაცემა გამოეხატა.

— ალბათ კარგად ვერ გავიგე, რა თქვით, გთხოვთ გაიმეოროთ.

— იქ, დერეფანში გელოდებიან.

კადილა ადგა, ჩქარი ნაბიჯით წავიდა დერეფნისკენ. მას ვალერი და ნუგზარიც მიჰყვნენ. კადილამ მარჯვენა შეუხვდა თუ არა, შედგა. დაელოდა ვალერის და ნუგზარს.

— როგორც ხედავთ, აქ არავინაა.

ვალერიმ გაოცება ველარ დამალა, ხელი აიქნია.

— ერთი წუთის წინ, კადილა, იქ მეკატი იდგა და ხელში რაღაც სათამაშო ეკავა.

— მეკატი!!

— დიახ, მეკატი.

— ნამდვილად მეკატი იყო? — იკითხა კადილამ, როცა გასართობ ოთახში დაბრუნდნენ.

— ნამდვილად ის გახლდათ. ამაში ისე არ მეპარება ეჭვი, როგორც ახლა ვიცი, რომ ოქეანის ქვეშ ვიმყოფები და არა ნამიბიაში.

— ავუკრძალე აქ შემოსვლა.

— შესაძლებელია, მაგრამ გამორიცხული არაა, რომ სხვებმა პირიქით, დაავალეს, თვალყური გვადევნოს ჩვენ. ხომ შეიძლება, ასე იყოს.

კადილას არ უპასუხია და ვალერიმ განაგრძო:

— არსებობენ დაზვერვის ორგანოები. ეჭვი არ მეპარება, თქვენთანაც იქნება ასეთი ორგანო; მათ იციან თავიანთი საქმე.

— არ მაინტერესებს ამგვარი ორგანოების საქმიანობა. მათგან შორს ვდგავარ.

ცივად თქვა კადილამ. მას ხასიათი უკვე წამხდარი ჰქონდა.

— ამის შესახებ ჩვენ ინფორმირებული არა ვართ.

ნუგზარმა დაინახა, როგორ შეუფაკლდა დაწვები კადილას. ელოდა, საცაა, იფეთქებსო და ვალერის მკაცრად გადახედა. ვალერიც მიხვდა, რომ შორს შეტობა და ახლა უხერხულად იდგა. მაგრამ კადილამ შეძლო გრძნობების მოთოკვა, წონასწორობა ისევ ჩქარა აღიდგინა და ნუგზარს თვალი გაუსწორა.

— მეკატი სრულებითაც არაა დაზვერვის მუშაკი. საერთოდ, შორს დგას დაზვერვისაგან, იგი პროფესორია.

ვალერი შეიარხა, ნიკაპი ძირს ჩამოუყარდა.

— ის ბგერების სამყაროში მუშაობს და ჩინებული მიღწევებიც აქვს. მისი წიგნებით სწავლობენ ჩვენს უმაღლეს სასწავ-

ლებლებში. მეკატი დიდად საპატივცემლო ამიტია. ჩვენს ქვეყნაში იგი დაფასებულია.



— მე კი, უბრალო ზედამხედველი მეგონა, — გულწრფელად თქვა ვალერიმ.

— მისი სიდიადე უბრალოებაშიცაა.

— ხელი მომართვოდეს, — დაიბუბუნა ანდრომ.

— ახლა დაგტოვებთ. ხვალ ისევ გეახლებით და სურათების გალერეაში წავალთ. ნახვამდის, მეგობრებო. წავიდეთ, ნატე!

ნატეც წამოდგა.

— დაემშვიდობე ძიებს. სხვათა შორის, ნატე ჩემი მოწყალება, მე ვასწავლი ქართულს. აბა, ქართულად დაემშვიდობე ძიებს.

— ნახვამდის, — თქვა ნატემ, ხელი აიქნია და მოკლე, აჩქარებული ნაბიჯებით დეიდას აედევნა.

სწორედ ამ დროს დააწია ნუგზარმა:

— ხვალ რა დროს მოხვალთ?

კადილა შეჩერდა.

— მართლა, დამავიწყდა მეთქვა. ჩვენ, ისევე როგორც თქვენ, ერთნაირად ვითვლით დროს. წელიწადი, თვეები, კვირა, საათი, წუთები. ალბათ გამიგებთ, რატომ მოხდა ასე, ბოლოს და ბოლოს ჩვენ ხომ ერთ პლანეტაზე ვცხოვრობთ. როცა ჩვენი ძველები კალენდარს ადგენდნენ, საფუძვლად თქვენი კალენდარი დაუდეს. იგი საკმაოდ ზუსტია და დიდ დახმარებას გვიწევს ამიტებს. ამ საქმეს პირველად ბევრი მოწინააღმდეგეც ჰყავდა, მაგრამ ბოლოს დარწმუნდნენ, რომ ასე იყო საჭირო და მათაც ქედი მოიხარეს. ასე რომ, ადამიანთა მიერ შექმნილი საათი აქაც გამოგადგებათ.

— საინტერესოა, — ჩაილაპარაკა ვალერიმ.

— დიახ, ეს ასეა. ხვალ ზუსტად ათ საათზე გეახლებით, შხად დამხვდით.

კადილა შებრუნდა და ჩქარი ნაბიჯით გაიარა დერეფანი. ნუგზარმა სცადა გაცეცხლებინა, მაგრამ ქალმა ხელის მოძრაობით ანიშნა, გაცილება ზედმეტიაო და ფეხს კიდევ უფრო აუჩქარა. დერეფნის ბოლოში თვალს მიეთვარა.

ნუგზარი პირველი დაჯდა გრძელ მაგიდასთან და ხელები
სქელ ფიცარზე დააწყო.



— რას ფიქრობთ? ჩვენ ბედისწერამ საოცარ სამყაროში მოგვიყვანა. რამდენიც უნდა გვეცხოვრა, ვერც კი წარმოვიდგენდით, თუ არსებობდნენ წყალქვეშა სამყაროს უცნაური მკვიდრნი — ამიტები. მაგრამ ეს ახლა ფაქტია. ფაქტია ისიც, რომ მათ ჩვენს მიმართ რაიმე მტრული განზრახვა არ უნდა ამოძრავებდეთ. ეს რომ ასე ყოფილიყო, შეეძლოთ, აქამდე ანგარიში თავისუფლად გაესწორებინათ. ჩვენ ალბათ ის პირველი ადამიანები ვართ, რომელთაც ამ სამყაროში ელჩობის მისია დაეკისრათ, მისია ფრიად საპასუხისმგებლოა, შევეცადოთ, ვიყოთ ღინჯნი და გონიერნი. ნუ ავყვებით პირად ემოციებს.

ვალერის გახედა და დაუმატა:

— ასე არ არის ვალერი?

ვალერიმ ქვემოდან მწყრალოდ ამოხედა.

— მგონი, ასე უნდა იყოს.

— თუ ასეა, ერთმანეთს ნუ გავაღიზიანებთ, თავშეკავებული ვიყოთ.

— ყველაფერი გასაგებია, ბოდის ვიხდი.

ნუგზარმა ერთ წუთს შეიცადა და შემდეგ უფრო ხმადაბლა განაგრძო:

— ვიმეორებ, ჩვენ უაღრესად სერიოზული მისია დაგვეკისრა. მოვიხადოთ მოქალაქეობრივი ვალი სამშობლოს წინაშე.

ნუგზარს ყოველთვის აკლდა პათეტიკა. ეშინოდა საჯარო გამოსვლებისა. ახლა თითქოს სხვა ვინმე ჩასახლებულა მის სხეულშიო, საღერღელი აშლოდა.

— პირადად მე აღფრთოვანებული ვარ, რაც ვნახე, წინ ალბათ კიდევ უამრავი სიურპრიზია. თუ სავახტო ჟურნალს დაგვიბრუნებენ...

ნუგზარმა ანდროს შეხედა.

— ყოველი დღის დასასრულს შევიტანოთ ჟურნალში ჩვენი შთაბეჭდილება.

ანდრომ თავი დაუქნია.

— ვინ იცის, სად გამოგვადგება.

— უეჭველად საჭიროა, — ჩაილაპარაკა ანდრომ.

— მეც ასე ვფიქრობ.

სალამოთი კი, ვახშმის შემდეგ, როცა ისევ გრძელ მაგიდას მიუსხდნენ, ანდრომ ლურჯი განიერი ქურნალი მაგიდაზე დადო და თქვა:

— ჩემს ტუმბაზე იდო. საიდან დავიწყო შევსება?

ნუგზარმა ქურნალი ჩამოართვა, გულდასმით ჩაიკითხა ყველა ჩანაწერი.

— იმ ადგილას შეგიწყვეტია, კაბელი რომ გადაგვიჭრეს და შუქიც გამოგვირთეს. განაგრძე იქიდან, როცა მათ ბატისკაფი დაძრეს.

— გასაგებია. ვწერ დაწვრილებით:

„ჩვენ ვიგრძენით, რომ ბატისკაფი დაიძრა. იგი წავიდა ზევით და ვიფიქრეთ, რომ მაშველმა რაზმმა მოგვაგნო და შინ მიგვათრევდნენ. ეს ილუზია მალე გაგვეფანტა, როცა ბატისკაფი ტყის თავზე დაჯდა. იგი ვერტიკალურად კი არა, ჰორიზონტალურად წალოდდა“.

— სწორედ ვწერ?

ანდრომ ნუგზარს გახედა.

— კარგად წერ, შენ არაფერი გესწავლება.

— მამ განვაგრძობ...

ანდრომ მთელი ნახევარი საათი ცოდვილობდა. ბოლოს, როგორც იყო, წერტილი დასვა. კალმით შუბლი მოიფხანა და სავახტო შემოქმედების კითხვას შეუდგა.

ყველა გულდასმით უსმენდა. ვალერიმ თქვა, ჩინებულიაო, რომ შეგვეძლოს, წიგნად გამოვუცემდითო. ვიტალის კი თავისი დარდი აწუხებდა. იფიქრა, ახლა დროა, სათქმელი ამოვლერლო და ნუგზარს მიუბრუნდა.

— წელან კადილასათვის ერთი რამ მინდოდა მეთხოვა, მაგრამ თავი შევიკავე. ვიფიქრე, ნუგზარს არ ეწყინოს-მეთქი.

ნუგზარმა ეჭვით გახედა.

— რა უნდა გეთხოვა?

— ვკვდები კაცი, გავთავდი..

— სიგარეტი გინდა? ,

— ჰო, სიგარეტი, უხერხული ხომ არ იქნება, ჰა?

— მგონი, არა, თუ მასპინძლობაა, მასპინძლობა შენ გერიდება, ხვალ მე ვეტყვი.

— არა, მოვახერხებ.

— აბა, უთხარი, ამ საქმეში პრიორიტეტი გეკუთვნის. ვიტალიმ თავი დაიქნია. მერე ვალერისაკენ შებრუნდა.

— თუ მოასწარი მაინც იმ წიგნის წაკითხვა?

— მოვასწარი და სხვათა შორის საკუთარი მოსაზრებებიც გამიჩნდა.

— კერძოდ, რა მოსაზრებები? — ჰკითხა ნუგზარმა.

— ჯერ მინდა კადილას აზრი მოვისმინო.

— კადილამ რა უნდა გითხრას! ის ალთასაა, წიგნში მოთხრობილი ამბები კიდევ — ბალთას. — თქვა ვიტალიმ.

— არა მგონია, ასე იყოს. მგონი, ამ შემთხვევაში ალთაც და ბალთაც ერთმანეთთან ახლოა, ამის საფუძველი არის.

— რაო! — თვალები დააჭყიტა ნუგზარმა, — კარგად ვერ გავიგე შენი აზრი.

— ცოტა მოვითმინოთ, ამხანაგო ნუგზარ. მალე ჩემს აზრს ნათლად და გასაგებად ჩამოვაყალიბებ.

დილით, საუზმის შემდეგ ისევ გასართობ ოთახში რომ დასხდნენ. კადილას ხმა გაისმა:

— დილა მშვიდობისა, მეგობრებო: როგორც გატყობთ, თქვენ უკვე მზად ხართ? თუ ეს ასეა, გთხოვთ, გამობრძანდეთ დერეფანში. მანქანაში გელოდებით.

— წავიდეთ! — თქვა ნუგზარმა. წამოდგა და დერეფანს მიაშურა. მას სხვებიც მიჰყვნენ. დერეფნის ბოლოში კარი, რომლითაც შემოვიდნენ ამ შენობაში, ღია დახვდათ. ნუგზარი აღარ დალოდებია კადილას შემდგომ მითითებას, კარისაკენ გაეშურა. იქიდან ისევ იმ ნაცნობ დიდ დარბაზში შევიდნენ. დარბაზი წინანდებურად ცარიელი იყო, მხოლოდ ერთ-ერთი მანქანა გამუდმებით წყვეტილ-წყვეტილად აშუქებდა ხან წითლად, ხან მწვანედ.

ნუგზარი ალლოთი მიხვდა, საითაც უნდა წასულიყო. წავიდა და ზედ მიადგა იმ უცნაურ მანქანას. ლიუკი ავტომატურად გაიხსნა და მაშინვე მოესმა კადილას ხმაც, შემობრძანდითო.

შევიდა და ძალიან გაუკვირდა, იქ კადილა არ დახვედრია. კადილა ბინაში საერთოდ არავინ იყო. მხოლოდ რამდენიმე მომცროსკამი ქმნიდა იმის განწყობას, რომ ეს მანქანა ამიტებს სამგზავროდ დაეპროექტებინათ.

ნუგზარის კვალდაკვალ ვიტალიმ შეაბიჯა. მერე ანდრომ და ვალერიმ. მოთავსდნენ თუ არა, ლიუკი უხმაუროდ დაიხურა და მაშინვე მოტორის ჩუმი გუგუნიც გაისმა. ორი წუთის შემდეგ თუნუქის შავი ეკრანი, მგზავრების წინ რომ იყო ჩამოფარებული, გადაიწია. გამოჩნდა გამყოფი მინა, მინის იქით — კადილა. უფრო სწორად მისი ზურგი და ჩამოშლილი შავი თმა ჩანდა. ვიტალის ეჭვიც კი შეეპარა, ნამდვილად კადილა იყო თუ არა.

— ნამდვილად კადილაა, ხომ? — ჰკითხა ანდროს.

ანდრომ როგორც იყო ჯიბიდან ცხვირსახოცი ამოათრია, ჭრელი, საოცრად დიდი ცხვირსახოცი. გრძელ ცხვირზე მოირგო და მხოლოდ შემდეგ დაღერდა:

— კადილა იქნება, აბა ვინ? მგონი, ამიტებს მეტი ქალი არცა ჰყავთ.

ნუგზარმა ხმამაღლა, გამოკვეთით იკითხა:

— კადილა, გესმით ჩვენი?

პასუხიც მაშინვე გაისმა.

— რასაკვირველია, მე ხომ თქვენს გვერდით ვზივარ.

თითქოსდა ამ აზრის განსამტკიცებლად, იგი შემობრუნდა. ნუგზარმა მინის იქით დაინახა ქალის ლამაზი სახე. კადილა ილიმებოდა, მის ტუჩებსა და ცხვირს სასუნთქი აპარატი აღარ ფარავდა და ნათლად ჩანდა სწორი, ქათქათა კბილები, მომსახობაგეები და სწორი, კოხტა ცხვირი. თმა, გაშლილი შავი თმა; ძალზე ზანტად მიჰყვებოდა ლამაზი თავის მოძრაობას, ისე, თითქოს ეს ყველაფერი უწონადობის სამყაროში ხდებოდა. ნუგზარი მიხვდა, ოკეანის წყლის სპეციალურ აკვარიუმში რომ იჯდა კადილა. კადილა ახლა თავის სტიქიაში იყო და ის პატარა ინსტრუმენტი, ამიტებს რომ შეუქმნიათ ოთახში სუნთქვისათვის, აღარ ესაჭიროებოდა. ალბათ ამიტომ იყო, რომ იგი ნუგზარს უფრო მხიარული და ცოტა აგზნებულიც ეჩვენა. კადილა მარტო იჯდა წყლიან კაბინაში. ისევ რომ შებრუნდა და თავიც გაიქნია, თმა ზევით აუცურდა და მერე ნელ-

ჩელა ჩამოეშალა მხრებზე. ეს ისეთ ლამაზ სურათად დაგვიჩვენა ნუგზარს, გადაეწყვიტა, ეცადა ტილოზე გადაეტანა.

— ხომ არ გსურთ, გავხსნათ თქვენი კაბინის ფანჯარა? — იკითხა კადილამ.

ვალერიმ სამჯერ გაბმულად ჩაახველა.

— ცივი წყლის აბაზანას გვპირდებიან. ანდრო, მოემზადე ჰებტუნისათვის სულის ჩასაბარებლად.

კადილამ, რასაკვირველია, ვალერის ეს სიტყვები გაიგონა. ვაისმა უცნაური ხმაური, კადილა როცა შემობრუნდა, ნუგზარმა დაინახა, რომ იცინოდა. მიხვდა, რომ ხმაური, რომელსაც ახლა ისმენდა, წყალში გაფანტული სიცილის ანარეკლი იყო.

— შემძლია დაგარწმუნოთ, ვალერი, წყალში ბანაობა არ მოგიწევთ, ამისაგან დაზღვეული ხართ. საკმარისია თქვენთვის ასეთი გარანტია?

— თქვენი სიტყვა შესანიშნავი გარანტიაა, პატივცემულო კადილა.

იმავე დროს ვაისმა შრიალი და მანქანის გლუვი და შავი კედლები გაუჩინარდა. სამაგიეროდ სქელ მინაში ოკეანის სამყარომ შემოიჭვრიტა. გამოჩნდა ფართო, ნათელი ქუჩა. ქუჩის ორივე მხარეს ჩარიგებულყო მალალი ხეები. ქვევიდან წამოსულ შუქის მძლავრ ნაკადში მომხიბვლელად ჩახდნენ ტანაწვართული ხეებიცა და დამფრთხალი თევზებიც, რომლებიც ერთ წუთს გამოჩნდებოდნენ სინათლის არეში, შემდეგ კუდს გაიქნევდნენ და უკვალოდ ქრებოდნენ.

— ჩვენ ასფალტს არ ვეხებით, ისე მივქრით, — თქვა ვალერიმ, — კარგად ვხედავ, ასფალტი ჩვენს ქვევითაა.

შორს რაღაც საგანი გამოჩნდა. ეს შავი საგანი, ჯერ რომ უადგილო ადგილას დასმულ წერტილს ჰგავდა, თვალსა და ხელს შუა იზრდებოდა, დიდდებოდა და სიგარის ფორმასღებულობდა. ბოლოს ეს სიგარა მათ ცხვირწინ აღმოჩნდა, სულ ახლოს ჩაიქროლა და უკან გრძელი თეთრი ხაზი დატოვა. ვიტალიმ თვალი გაადევნა სიგარას, არც კი შემობრუნებულა, ისე იკითხა:

— კადილა, რას ეძახით ტრანსპორტის ამ საშუალებას?

— მოგწონთ?

— ურიგო მანქანა არ ჩანს.

— ამ მანქანას კიბანს ვეძახით. თქვენებურად კიბანთ. ცოტა
ტორით მავალს ნიშნავს. მას აქვს წყლიანი კაბინაც და ჟახგ-
ბალიანიც. იმისდამიხედვით, ვის როგორი აკმაყოფილებს.

ამ დროს თავზე რალაცამ გადაიქროლა, შემდეგ წინ გამო-
ჩნდა მოზრდილი კიბანი. იგი კარგა ხანს ჩანდა. შემდეგ კიდევ
ერთმა ახალმა გადაუქროლა მანქანას. ნუგზარმა კადილას ჰკი-
თხა: „თქვენთან ვერტიკალური მოძრაობააო?!“

კადილა შემობრუნდა.

— ვერ გავიგე, რას გულისხმობთ ვერტიკალურ მოძრაო-
ბაში?

— ჩვენთან მანქანები ერთ სიბრტყეზე მოძრაობენ, ჰორი-
ზონტალურად, ერთმანეთის გვერდით. აქ კი, ვამჩნევ, ვერტი-
კალურად ლაგდებიან, ზევიდან ქვევით.

— გავიგე, სწორად შეგიმჩნევიათ. ის მძღოლები, რომლებ-
საც ნელა დაჰყავთ მანქანები, ქვედა შრეებში იკავებენ ად-
გილს. რაც უფრო მეტ სიჩქარეს განავითარებ, იმდენად სიმაღ-
ლეს უნდა გაზარდო. ასეთია ჩვენი მოძრაობის წესები.

— ჩვენთან სხვანაირადაა, — თქვა ანდრომ. კადილამ მა-
შინვე უპასუხა:

— ვიცი, თქვენთან, როგორც ნუგზარი ამბობს, ჰორიზონ-
ტალური მოძრაობაა. ეს უბრალოდ ზღვისა და ხმელეთის სპე-
ციფიკის შედეგია და მეტი არაფერი.

— რასაკვირველია, — მაშინვე დაეთანხმა ნუგზარი, —
ხმელეთის სპეციფიკა ჰორიზონტალურ მოძრაობას მოითხოვს,
ზღვისა კიდევ — ვერტიკალურს.

შორს ერთი ვაგონივით წაგრძელებული სახლი გამოჩნდა.
სახლისაკენ ვიწრო გზა მიდიოდა და სწორედ ამ გზას მისდევ-
და ახლა ამიტების მიერ შექმნილი წყალქვეშა მანქანა. სიგა-
რა ზედ მიადგა სახლის ერთ კედელს, ნელა შეეხო, მაგრამ ეს
შეხებაც საკმარისი აღმოჩნდა, კედელი რომ გახსნილიყო. კი-
ბანი დიდ დარბაზში შეეტურდა. დარბაზი წყლით იყო სავსე
და კიბანიც წყალში ჰამაკივით ეკიდა. მერე სითხე ნელ-ნელა
დაიწრიტა. წყლის დაკლების კვალობაზე, კიბანიც ნელ-ნელა
ემშვებოდა ძირს და ბოლოს იატაკზე აღმოჩნდა. ახლა კაბინე-

ბის გამყოფი კედელი გაიხსნა და ორივე მხარე, ხმელეთისკ-
ულიც და ოკეანისეულიც გაერთიანებულ კაბინაში აღმოჩნდა.
კადილას ტუჩებზე ისევ თავისი აპარატი აეკრა. აღარ ჩან-
და მისი ქათქათა კბილები და კოხტა ცხვირი. მას შავი საცუ-
რაო კოსტიუმი ეცვა. თუ შეიძლებოდა საცურაო გეწოდები-
ნათ მისი მჭიდროდ შემოკვართული სამოსისათვის, რომელიც
ტანმოვარჯიშე ქალსაც მოუხდებოდა და პლაჟზე მწოლარე
ასულსაც.

— აბა, ჩავიდეთ, ძმებო!

ეს ისე თბილად თქვა კადილამ, რომ ანდროს სხეულში საამო
ურუანტელმა დაუარა. მთლად ბავშვური, გულუბრყვილო თვა-
ლები შეანათა კადილას და მერე ხელიც შეაშველა, რომ კი-
ბანიდან რაც შეიძლება, მსუბუქად გადმოსულიყო.

დარბაზი სადა იყო. ჩუმი, პრიალა კედლები. ერთი ლურ-
ჯად შეღებილი, მეორე — მწვანედ, ყვითლად და თეთრად.
კადილა სწორედ თეთრი კედლისაკენ გაემართა, სანამ კედელ-
თან მივიდოდა, უკვე გაიღო ფართო კარი და კადილამაც
ზღურბლს ნელა გადააბიჯა. ზღურბლს იქით შეჩერდა, დაელო-
და, სანამ სხვებიც წამოეწეოდნენ. ისინი უკვე უზარმაზარ საგა-
მოფენო დარბაზში იყვნენ.

— ეს საგამოფენო დარბაზია. ახლა ჩვენ ვიმყოფებით ამი-
ხოტის — ჩვენი დედაქალაქის, გარეუბანში. აქ თვეში ერთ-
ხელ ეწყობა ამიტ მხატვართა გამოფენა. გამოფენა უკვე ერთი
კვირაა რაც გაიხსნა. ხვალ კი იხურება და ამიტომ გადავწყვი-
ტე, მოგზაურობა ამიტოა ქვეყანაში აქედან დაგვეწყო.

დავიწყოთ თავიდან. ამიხოტის უხუცესი მხატვარი ნენა.
აქ მისი სამი სურათია წარმოდგენილი, პირველი — „ბრძოლა
ზვიგენტან“.

— ეს, ალბათ, პირველყოფილი ამიტის ბრძოლაა, ამიტი
ხომ უბრალო დანით იბრძვის, — შენიშნა ნუგზარმა.

— არა, ეს ჩვენებური კორიდაა.

— კორიდა!

— ჩვენც ვაწყობთ ხოლმე კორიდას. იმ განსხვავებით, რომ
ამიტებთან ხარის მაგივრობას ზვიგენი ეწევა. თუ სურვილს
გამოთქვამთ, შემიძლია მოგიპატიჟოთ ასეთ კორიდაზე. რასაკ-
ვირველია, როცა საშუალება მოგვეცემა.

— სიამოვნებით დავესწრებით, — ჩაილაპარაკა ზარმა.

— ესეც ნენას ნახატია. ამ სურათს მშენებელი ჰქვია. ჩვეულებრივი ამიტი მშენებელია დახატული, უბრალო ადაშიანი. კარგად არის მუშის სხეული გამოკვეთილი. ჩაკუნთული ტანი, ოღნავ დაღლილი, მაგრამ ძლიერი გამოხედვა. ერთი სიტყვით, ჩვეულებრივი მშენებელია.

ესეც მისივე სურათი — ამიხოტი.

სურათზე გამოსახული იყო გრძელი გვირაბები, მალალი. განიერი ბორცვები, ტერმიტების სახლებივით წამოჭიმული ბორცვები.

ვალერიმ თავი ველარ შეიკავა:

— ვერაფერიშვილი ხედვებია.

კადილა სხვა სურათის ახსნას აპირებდა, მაგრამ ვალერის შენიშვნა რომ მოისმინა, შემობრუნდა.

— დიახ, ვერაფერიშვილია ამიხოტი ზევიდან დანახული, მაგრამ როგორც ვთქვი, ეს ზევიდან ჩანს ასეთი. ქალაქი ამ ბორცვების ქვეშ არსებობს და ცოცხლობს. საკუთარი თვალით როცა იხილავთ, შენიშვნებიც მაშინ გამოვთქვით.

ახლა კი მხატვარ ფერდინანდს გავეცნოთ.

— ვის? — იკითხა ნუგზარმა.

— ფერდინანდს.

— ეს სახელი საკმაოდ გავრცელებულია ჩვენთან, კერძოდ ევროპაში.

— ვიცი, მაგრამ ეს ხელს არ გვიშლის, ჩვენც დავირქვათ ფერდინანდი.

სხვათა შორის, ამიტებს შორის არიან ისეთები, რომლებიც თქვენებურ სახელს ატარებენ. ეს, ალბათ, თქვენი გავლენის ანარეკლია. შეხვდებით ჩვენთან მარიას, თამარს, ხოსეს, ესმერალდას. თუმცა იშვიათად, მაგრამ მაინც არიან ამიტები, თქვენებურ სახელს რომ ატარებენ.

ამ სურათს ფერდინანდმა „სიყვარული“ დაარქვა. ქალიშვილი დგას ბუჩქთან, ყვავილის ბუჩქთან და გრძნობს არამარტო მის სურნელს, არამედ სითბოსაც.

კადილა ერთ მოზრდილ ტილოსთან შეჩერდა. სახე კუშტი

და სერიოზული გაუხდა. მიუხედავად იმისა, რომ ცხვირი არ უჩანდა, ამას ოთხივენი კარგად გრძნობდნენ. სურათთან ნუგზარიც მივიდა. ეს იყო ყვითელი, წითელი ფერით ნახატი დიდი ბატალური სცენა. სურათის ქვედა ნაწილი წარმოადგენდა წყლის სამყაროს. აქედან კარგად შეიარაღებული ამიტები ჭიანჭველებივით ერთ ხაზზე გაწყობილი მიემართებოდნენ ზევით, სადაც პალმებითა და ყვავილნარით დაბურული ხმელეთი ჩანდა. ამის შეხედვამ შეაკრთო ნუგზარი, კადილას შეხედა.

— ხომ ვერ მეტყვით, რა ჰქვია ამ სურათს?

კადილა გამოერკვა, გაიცინა. ნუგზარი უკვე არამარტო ხმით, არამედ სახის ღია ნაწილის მოძრაობითაც ხვდებოდა, როცა კადილა იცინოდა.

— ამ სურათს უცნაური სახელი ჰქვია: „შეტევა ხმელეთზე“. სურათის შემქმნელი ახალგაზრდა მხატვარია, მას იროდს ეძახიან. ნიჭიერი კაცია.

— ეტყობა, — კვერი დაუკრა ნუგზარმა.

— დიახ, უდაოდ ნიჭიერია, მაგრამ ახალგაზრდებს, მოგეხსენებათ, ცოტა უცნაურობანიც სჭირთ ხოლმე. არც ეს ჭაბუკია დაზღვეული ასეთი სენისაგან.

— ამიტებს ხმელეთზე შეტევისაკენ მოუწოდებს! — თქვა ნუგზარმა.

— დიახ, — დაეთანხმა მაშინვე კადილაც, — დიახ, ასეა თქვენ ხომ ბრძანეთ ერთხელ (ეს კარგად მახსოვს), მე ერთი იმათგანი ვარ, ვინაც ოკეანის ათვისებისაკენ ისწრაფვისო.

— მახსოვს, რომ რაღაც ამის მაგვარი ვთქვი თქვენთან რადიოსაუბარში. არც უარყოფ, ეს ნამდვილად ასეა. მეტსავე გეტყვით, ჩემი ცხოვრების დიდი ნაწილი ამ საქმეს მოვახმარე და კვლავაც არ დავიშურებ ძალას და ენერგიას.

— გასაგებია, — აღამიანი იდეთა და რწმენით ცოცხლობს.

ხმელეთი იროდის საყვარელი თემაა. აქაც ხმელეთია. ამ სურათს „აღორძინება“ ჰქვია. ყვავილნარი... — კადილა კიდევ რაღაცის თქმას აპირებდა, მაგრამ ნუგზარმა აღარ აცალა.

— აქ უკვე ნათლად ჩანს, რომ დამთავრდა გენერალური ომი აღამიანთა და ამიტთა შორის. იროდის აზრით, გამარჯ-



ვება ამიტებს დარჩათ. ისინი იწყებენ სიცოცხლის განახლებას, ხმელეთის ახალ აღორძინებას. მას ავიწყდება, რომ ამიტებს, რომ პატარა აპარატის გარეშე, რომელიც თქვენს სასუნთქ ორგანოებს ფარავს, ხმელეთზე ცხოვრება არ შეუძლიათ. ეს დიდი დაბრკოლებაა.

— მართალი ბრძანდებით, მაგრამ ეს საქმე ჩვენ უკვე მოვაგვარეთ.

— საინტერესოა, როგორ მოაგვარეთ?

— ისევე, როგორც თქვენ.

— მაინც, არ მესმის!

— ხომ შექმენით ადამიანი-ამფიბია. ჩვენც ასევე შევქმენით ამიტი-ადამიანი. ნუთუ ყურადღება არ მიაქციეთ, როგორ სუნთქავდა პროფესორი მეკატი.

— უაპარატოდ, — ჩაილაპარაკა ნუგზარმა და ახლა უსაყვედურა თავის თავს, რომ აქამდე არ ეფიქრა ამაზე, — მართლაცდა უაპარატოდ სუნთქავდა... ესე იგი, თქვენ აკეთებთ ჭირურგიულ ოპერაციებს ხმელეთის ამიტთა შესაქმნელად, ეს საინტერესოა. მართალი გითხრათ, ამაზე არ მიფიქრია. ბევრნი არიან თქვენთან ასეთები?

— როგორები? — უფრო დროის მოსაგებად იკითხა კადილამ.

— ისეთები, როგორიც პროფესორი მეკატია.

კადილა დაფიქრდა. ახლა აღარავინ უყურებდა კედლებზე ჩამოპორწილებულ სურათებს. ყველა მას მისჩერებოდა. ისიც დუმდა. ეტყობოდა, ჯერ კიდევ ვერ გადაეწყვიტა, რა ეთქვა. ბოლოს, როცა დუმილი უკვე აუტანელი შეიქნა, კადილამ ყრუდ ჩაახველა და თითქმის ჩურჩულით თქვა, მხოლოდ ერთი სიტყვა: „საკმაოდო“.

— და ისინი აქ, თქვენს გვერდით ცხოვრობენ? — ჰკითხა ვიტალიმ.

— რასაკვირველია, — ჩაილაპარაკა კადილამ და ახლა სხვა ახალ ტილოს მიადგა.

— აქ თქვენებური პეიზაჟია გამოსახული. ამ სურათს „მზე“ ჰქვია. ესეც ახალგაზრდა მხატვრის კლოდეს შექმნილია. საკმაოდ ძლიერი მხატვარია. შეხედეთ, შორიდან შეხედეთ, როგორი გაშუქებაა. ფერების როგორი შეხამება. ძლიერ მომ-

წონს ეს ტილო და საერთოდ, ჩემი აზრით, გამოფენაზე ამის
ბადალი სურათი არ მოიძებნება.

ნუგზარი ცოტათი მოშორდა კედელს. თვალი მოწყურა და
ისე შეხედა ნამუშევარს.

მართლაც დიდებული სურათი იყო. შორს — ამომავალი
მზე, მზის ქვეშ ათასფრად შეფერადებული ღრუბლები. უფრო
ქვევით — ცისა და ხმელეთის გამყოფი ბაცი ნახი. მერე უკი-
დეგანო უდაბნო. კარვებივით აშლილი დიუნები. ზოგან
დიუნებზე ეულად წამოსკუბებული პალმა, აქა-იქ მცოცავი
ბალახი...

ნუგზარი გულდასმით, მთელი ყურადღებით ათვალიერებ-
და ახლად გაღვიძებული ბუნების ამ ლამაზ სურათს. მერე კა-
დილასაკენ შებრუნდა, ჯიქურ შეხედა.

— ამ კაცმა თავისი თვალთ ნახა ყოველივე ეს?

კადილამაც გაუსწორა თვალი ნუგზარს.

— არ მინდა ვითვალთმაქცო, ნახა.

ნუგზარმა გაიღიმა.

— მეც მინახავს ასეთი სურათი. ზუსტად ასეთი სურათი.
აქვე ახლოს, ნამიბიაში.

— თქვენც დახატეთ?

— არა, მე არც კი მიფიქრია, დამეხატა. საერთოდ, ეს ათი-
თორმეტი წელია ხელი არ მიხლია ფუნჯისათვის. მხოლოდ
დღეს დილით მომიარა ხატვის სურვილმა.

კადილამ ნუგზარისაკენ მიიწია.

— დღეს დილით?

— ჰო, დღეს დილით.

— საინტერესოა, რა სიტუაციაში, მითხარით, თუ საიდუ-
მლოებას არ წარმოადგენს.

ნუგზარი შეცბა.

— აუცილებელია?

— აკი გითხარით, თუ საიდუმლოებას არ წარმოადგენს-
მეთქი.

— არა, საიდუმლო არაა. იცით რა, როცა თქვენ კიბანში
მარტოდმარტო იჯექით და თავი ჩვენკენ შემოაბრუნეთ, თმა
აგითამაშდათ, შემდეგ ისევ შებრუნდით და ანაზღად აშლილი
თმა კოხტად ჩამოგეშალათ. ძალიან ლამაზი სურათი იყო. ისე

მომეწონა, რომ გადავწყვიტე, დამეხატა. როგორც კი საშუა-



ლება მექნება, ამ ტილოს შევქმნი.

კადილამ გაიცინა.

— მაინტერესებს თქვენი ძალა, სიამოვნებით შევიძენდი ამ ტილოს.

შემდეგ მეორე სურათის ახსნა დაიწყო კადილამ, მერე მესამის, მეოთხისა და ბოლოს ყრუ კედლების ბოლოში გავაღწენ.

აქ კი უზარმაზარ ტილოსთან ვალერი იდგა. როცა კადილა მასთან ახლოს მივიდა, ვალერიმ ხელით რაღაც უცნაური მოძრაობა გააკეთა, მერე საჩვენებელი თითი ტილოსაკენ გაიშვირა და კადილამ თვალი გაუშტერა.

— ხომ ვერ გვეტყვიტ რას ნიშნავს ეს ტილო?

ტილოზე გამოსახული იყო ყვითელკანიან და ლურჯკანიან ამიტთა ხელჩართული ბრძოლა. ამიტები იბრძოდნენ მოკლე ბასრი შუბებით. განგმირულები ეშვებოდნენ ფსკერისაკენ და უკან ტოვებდნენ სისხლის გრძელ ზოლს. დახოცილთა შორის უმრავლესობა ყვითელკანიანები იყვნენ.

კადილამ ვალერის თვალი გაუსწორა.

— ეს სურათი მხატვარ აკოლას ეკუთვნის ისიც ისტორიული თემებითაა გატაცებული. ძალიან ბევრი ტილო მიუძღვნა ყვითელკანიან, ლურჯკანიან და თეთრკანიან ამიტთა ბრძოლას?

— ესე იგი ამიტთა რამდენიმე რასა არსებობს?

— დიახ, არსებობს სამი რასა. რასაკვირველია, არ ვთვლი თევზამიტებს, რომლებიც ოკეანეთა ღრმა ქვაბულებში ცხოვრობდნენ და განადგურდნენ. მხედველობაში მყავს ფეხოსანი ამიტები, ისეთები, როგორც მე და ნატე ვართ.

ერთ დროს ყვითელკანიანები მთელ ამიტეთს ფლობდნენ. ისინი რაოდენობითაც უთვალავი იყვნენ. მათ გადამწყვეტი ბრძოლა გამოუცხადეს ლურჯებმა. ლურჯები ძლიერ მეომარი და ენერგიული ხალხია. მათ სძლიეს ყვითლებს და საკმაოდ ბევრიც დახოცეს. ეს იყო უმაგალითო, შემაზრზენი ხოცვა-ჟლეტა, რაც სამარცხვინო ფურცლად ჩაიწერა ამიტთა ისტორიაში.

— როდის მოხდა ეს ომი? — იკითხა ვალერიმ.

— ამ ორას ორმოცდაათი წლის წინათ. ყვითლებს სა-

დაც კი წაეწეოდნენ, მაშინვე კლავდნენ. მათი გვამები საგანგაშად გაიხრწნა ოკეანე. ცოტანი გადარჩნენ. გადარჩენილები, ბოლოს და ბოლოს შეიწყალეს და აი, დღემდე ცხოვრობენ თუთუბთან და ლურჯებთან ერთად.

— თქვენ თეთრებს ეკუთვნიო? -- ჰკითხა ვიტალიმ.
კადილამ გაიღიმა.

— დიახ, — თქვა მან ამაყად, — მე თეთრი ვარ...

— ბევრნი ხართ თეთრები?

— საქმაოდ.

— ვინ პირველობს ამიტოა შორის, ლურჯები თუ თქვენ? — ეს უკვე ანდრომ იკითხა.

კადილამ ანდროსაკენ გაიხედა. ის კვლავ იღიმებოდა.

— ახლა არავინ აღარ პირველობს. ჩვენ ყველანი ერთად ვწრომობთ და ვცხოვრობთ. ცხოვრებამ დაგვარწმუნა, რომ სრულიად ზედმეტია ომები და ერთმანეთის ხოცვა-ჟლეტა. გაცილებით უფრო მიზანშეწონილია სიამტკბილური ცხოვრება. ას წელზე მეტია, რაც ჩვენთან საომარი ყოყინა არავის აუტეხია. თუ ვინმე მაინც ეცდებოდა ატეხოს, როგორც თქვენთან იტყვიან, გიჟის პერანგს ჩააცმევინ.

— ეს არ არის ცუდი. — თქვა ვალერიმ.

კადილამ ღიმილით გადახედა, მერე ხელები ასწია და ხმადაბლა თქვა:

— სულ ესაა ამიტოა გამოფენა, ცოტა სიამოვნება თუ მაინც მოგანიჭეს ჩვენმა მხატვრებმა, დიდად კმაყოფილი დაგვრჩები.

— ძალიან გვასიამოვნე. ამ საქმეში დიდი ავტორიტეტი არა ვარ, მაგრამ შემოძლია დაბეჯითებით ვთქვა, რომ თქვენ ჩინებული მხატვრები გყავთ. ისინი კარგად ფლობენ ფერებს, აქვთ დიდებული ფანტაზია და აღქმის უნარი. სამწუხაროა, რომ ბოლომდე არ გვითხარით, თუ როგორ ნახა „მზის“ ავტორმა ნამიბიის უდაბნო.

— ნამიბია ჰქვია იმ უდაბნოს, კლოდემ რომ დახატა?

— დიახ, ნამიბია. იგი თქვენს ცხვირწინაა, აქვე ახლოს.

— კლოდე სპეციალურად გაემგზავრა იმ ქვეყანაში, ესე იგი ნამიბიაში, როგორც თქვენ თქვით, ოცი დღე ცხოვრობდა იქ. დახატა რამდენიმე სურათი და ისევ დაბრუნდა. საბედნი-

ეროდ, კლოდე ამ მოგზაურობის დროს არავითარ ხიფათს არ
შაწყდომია. მშვიდობით დაბრუნდა.



— კადილა, თქვენ თქვით, ოცი დღე ცხოვრობდაო უღან-
ნოში.

— დიახ. ოცი დღე.

— გამიგეთ, ამ შემთხვევაში მე კლოდეს უცნაური მოგ-
ზაურობის ამბავი კი არ მაინტერესებს, არამედ...

— რა? — თქვით.

— თქვენ ახსენეთ რიცხვი ოცი. ესე იგი, თქვენც ჩვენსა-
ვით ითვლით.

დიახაც, ვითვლით. აბა ისე როგორ იქნება. როგორც გით-
ხარით, გვაქვს კალენდარიც. ამიტური და ადამიანთა კალენდა-
რი ერთი და იგივეა. ჩვენ ხომ ერთ პლანეტაზე ვცხოვრობთ
და ამგვარად, დღისა და ღამის ციკლი, წელიწადის დრონი,
თვე, ერთნაირად იანგარიშება, არავითარი განსხვავება არაა.
კალენდარის შედგენაში პრიორიტეტი თქვენ გეკუთვნით, მაგ-
რამ არც ჩვენ აღმოვჩნდით ცული მოწაფეები. საერთოდ, ბევრ
სხვა რამეშიც მოგბაძეთ. ამაში გზადაგზა დარწმუნდებით.

როდესაც ისევ იმ დარბაზში დაბრუნდნენ, სადაც კიბანი
დატოვეს, ნუგზარმა წინა კაბინაში, სადაც კადილა იჯდა, ამი-
ტის მთლად მოტვლეპილი თავი შენიშნა. სახეზე ვერც კი შე-
ხედა, ამიტს თავი ძირს ჰქონდა დახრილი და რაღაცას ჩხირ-
კედლაობდა. დაასკვნა, რომ წელან კადილას გვერდით ის ტი-
პიც იჯდა. მთელი სამი წუთი თავმოტვლეპილი კაცი ისე იჯდა,
ერთხელაც არ უჩვენებია სახე. ისევ ისე თავდახრილი ცოდვი-
ლობდა კაბინაში. ნუგზარი ახლა საგულდაგულოდ ათვალიე-
რებდა კიბანს.

მანქანა მართლაც ზუსტი ასლი იყო იმ კოხტა სიგარისა,
რომელსაც პუტკუნა ჯენტლმენები ტუჩის კუთხეში ათამაშე-
ბენ. თითქოს განგებო, ფერიც თამბაქოსი ჰქონდა წინა და
უკანა ნაწილი ერთმანეთს ისე ჰგავდა, ვერც კი გაიგებდით,
რომელი იყო თავი და რომელი კიდევ ბოლო.

ნუგზარმა შემოვლა დაამთავრა და კადილასთან მივიდა.

— ჩინებული მანქანაა. ზედგამოჭრილი წყალქვეშა ცურ-
ვისათვის.

— ვითომ?

— ნამდვილად. ასეთი მსუბუქია და 700 მეტრ არხეინად გრძნობს თავს.

— არცთუ ისე ახალი კონსტრუქციისა. გვაქვს უკეთესი, გაცილებით უკეთესი.

— მისასალმებელია, ბარაქალა, ასეთი მანქანების შემქმნელ კონსტრუქტორებს, ხელები და ნიჭი უნდა დაელოცოთ!

— დალოცვა არ აკლიათ, განებივრებულიც კი არიან.

— საინტერესოა, როგორ დაცურავს თხელ შრეებში?

— მშვენივრად, — მაშინვე უპასუხა კადილამ. თვალებში გამომცდელად ჩახედა.

ნუგზარმა იგრძნო ეჭვიანი ჭკრეტა, ქალს მზერა გაუსწორა და დამარცვლა:

— არ იფიქროთ, ამას იმისათვის გეკითხებოდეთ, გულში რაიმე ავანტიურისტული მიზანი მედოს. მესმის, ასეთი მანქანის შემქმნელმა ხალხმა ისიც კარგად იცის, როგორ მოუაროს თავის ნახელავს. ამაში იოტისოდენადაც კი არ მეპარება ეჭვი. ამიტომ არც ისე გულუბრყვილონი ვართ, რომ მის გატაცებაზე, ვიფიქროთ. ეს ავანტიურა იქნებოდა და მეტი არაფერი. მე კი ჭირის დღესავით მძულს ყოველგვარი ავანტიურა. კადილამ გაიცინა.

— განა ის გავიფიქრე, რომ თქვენ ამ წუთში თითქოს კიბანის გატაცება გადაგეწყვიტოთ. მერწმუნეთ, ეს არ გამიფიქრია. უბრალოდ, მომწონს თქვენი ალლო და ცნობისმოყვარეობა. ეს პირდაპირ მისაბაძია. ყველაფერი გიტაცებთ, ათვალიერებთ გულისყურით, გაქვთ სურვილი, გაერკვეთ დეტალებში და ასე შემდეგ... ეს დიდი ძალაა, ნუგზარ! პატივს ვცემ და ვაღმერთებ ამ ძალას, ვემორჩილები მის დინებას. ამიტომ მოგაქციეთ ყურადღება. სხვა აზრებისაგან ღმერთმა დამიფაროს.

— მაპატიეთ, მე კი სხვა რამ ვიფიქრე.

სწორედ ამ წუთებში კადილას წინ ვიტალი დაუდგა.

— რამდენი ხანია ვაპირებდი თქვენთვის მეთხოვა და ვერ გავბედე. დავიტანჯე კაცი.

— რა მოხდა? — იკითხა კადილამ და კობები შეყარა.

— ამდენი დღეა არც ერთი ნაფაზი არ დამირტყამს. თამ-

ბაქოს გარეშე ძალიან მიჭირს ყოფნა. იქნებ მიშოვოთ ვერ მიშოვით, არ ვიცი რა დამემართება.

კადილამ გაიღიმა.

— აი, ამის შესრულება კი არ შემიძლია. ჩვენთან თამბაქოს არ ეწევიან. სხვადასხვა დროს ყოფილა ამ მავნე ჩვევის გავრცელების რეციდივი, მაგრამ სპეციალური კანონით აიკრძალა და ახლა აღარავინ იწუხებს თავს. დარწმუნებული ბრძანდებოდეთ, ამით ამიტებს არაფერი არ დაუკარგავთ. ჩვენ ძალიან გვიჭირს ჟანგბადის მოპოვება და მის გაქუჭყინებასაც ვერიდებით.

ვიტალის პირი ფართოდ დაედო. გაცეხებული მისჩერებოდა კადილას და როცა დარწმუნდა, თამბაქოს შოვნის იმედი უკვე გადაწურული იყო, ფერმკრთალ სახეზე გაცეხა სასოწარკვეთამ წაშალა. ეს, რასაკვირველია, კადილამ შეამჩნია, თანაგრძნობის ნიშნად ხელი ბეჭზე მოუთათუნა და ხმადაბლა უთხრა:

— ასე რომ, ძვირფასო მეგობარო, თამბაქოს შოვნის იმედი ნუ გექნებათ. წვრილი კამფეტი უებარი წამალია. თქვენთანაც ხომ ასე აკეთებენ. დღესვე მოგართმევთ. ასე საშინლად ნუ მოიწყენთ, დღემდე, როგორც ვიცი, არც ერთი ყოფილი მწვეელი თამბაქოს უქონლობით არ დაღუპულა, არც თქვენ იქნებით გამონაკლისი, მერწმუნეთ. ახლა კი ჩავსხდეთ, მივაშუროთ ბინას. ეჭვიც არ მეპარება, რომ ძლიერ დაიღლებოდით, ალბათ შეამჩნევდით, რომ აქ უფრო ადრე კარგავთ ენერგიას, ვიდრე ზევით. ასეა არა?

— დიახ, სწორედ ასეა, — თქვა გაბოშვილმა, — ზევით მთელი დღე თავაულებლად რომ ვიმუშაო, ასე არ გავსავათლები, როგორც აქ. აქ ერთს გავივლი, გამოვივლი და მაშინვე დასვენება მომინდება.

— აბა, წავედით! — გაიმეორა კადილამ და თავის კაბინას მიაშურა, მაგრამ, სანამ ყველანი უკანა კაბინაში არ დაიგულა, არ ჩამჯდარა. მხოლოდ მაშინ, როცა, როგორც იყო ანდრო გაბოშვილმაც შედგა ფეხი კაბინაში, მანქანის კარი გამოაღო და სიგარის სიღრმეში გაუჩინარდა. გრძელი ყავისფერი სიგარა ოდნავ შეცახცახდა და წინ გაცურდა.

ნუგზარმა ვიტალის გადახედა.



— ძალიან ვწუხვარ, რომ ასე გაგიწბილდა თამბაქოს მოვ-
ნის იმედი. მე თუ მკითხავთ, ძალზე გონიერებულია, რაღაცაა ჩემი
პირობებში კაცმა საერთოდ არ იფიქროს თამბაქოზე.

— მეტი რა ჩარაა, უნდა შევეგუო. თუ კიდევ ორი-სამი
დღე გავუძელი, მერე საერთოდ აღარ მოვწევ. არამარტო აქ,
არამედ იქაც, თუ მიწაზე ფეხის დადგმა მიწერია.

ნუგზარმა მხარზე ხელი დაჰკრა.

ნუგზარი დილით ადგა თუ არა, პირველად ტუმბაზე ფა-
ქიზად დადებული, შავ ჩარჩოში ჩასმული ტილო და იქვე, მის
გვერდით ერთმანეთზე მიწყობილი საღებავები შენიშნა. თით-
ქოსდა არც კი გაჰკვირვებია, მხოლოდ ის გაიფიქრა, რატომ ასე
ჩუმად აგზავნიანო ამიტები ნობათს.

ტილო კარგად იყო გადაქიმული ჩარჩოზე. ნუგზარმა ეს
მაშინვე შეამოწმა. ფუნჯიც კარგი იყო, მთლად ახალთახალი,
მოქნილი. მარჯვენათი აიღო და დიდხანს სინჯავდა მარცხენა
ხელისგულზე. თითქოსდა სურდა, კიდევ და კიდევ დარწმუნე-
ბულიყო მის მოქნილობაში. მერე საღებავებიც გულდასმით
შეამოწმა და იმ წუთში რაღაც ჟინმა წამოუარა, სურდა დაე-
ხატა ის, ჯერ კიდევ მანქანაში რომ ჩაეფიქრებინა.

როდესაც ვიტალი კამფეტის კნატუნით შემოვიდა, ის უკვე
თავაუღებლივ მუშაობდა. დახატული ჰქონდა კარგად გამჭ-
ვირვალე მინა, მინის იქით ქალის თავი იძვრებოდა.

მხატვარს მისი შემოსვლა არ გაუგია, ტყავის მაგარ ჩემო-
დანზე იჯდა და ისე ხატავდა. ვიტალი მიხვდა, რომ უდროო
დროს შემოვიდა. წელში ოდნავ მოიხარა და ფეხაკრეფით გან-
ვლო ის მცირე მანძილი, ნუგზარსა და მის შედეგს კარისა-
გან რომ აშორებდა. იქ კი ანდროს შეეფეთა. ტუჩებზე გამ-
ხდარი ხელი ააფარა, კარს მოაშორა და მხოლოდ მაშინ ჩაუ-
ჩურჩულა ყურში:

— წავიდეთ, ხატავს და ხელს ნუ შევუშლით.

ანდროს წინააღმდეგობა არ გაუწევია. დერეფანი გაიარეს
და გასართობ ოთახს შეეფარნენ.

ნუგზარი არც საუზმეზე გამოცხადებულა. ანდრომ თქვა,
დაეუძახებო, მაგრამ ურჩიეს, თავი შეეკავებინა. საუზმის შემ-



დღე რომ კარგად დაისვენეს და ბოლოს სადილის დროს ცინკაში მორეკა, ვალერიმ თქვა: — „კაცი მშვიერი მოგვიკვდებაო. ისე გააცხებინებს სულს, რომ ვერც კი გავიგებთო. ტანიც არ გამოჩნდებაო“.

დანარჩენმა ორმა არ გაიზიარა მისი აზრი და ვალერისაც მეტი რა გზა ჰქონდა, ხმა ჩაიწყვიტა.

ნუგზარი ვახშამზე გამოცხადდა, სახე აღვზნებული და კმაყოფილი ჰქონდა. თითები საღებავებით დასვროდა. საღებავი ცხვირსა და ლოყებზედაც აჩნდა.

- უკვე ივანშმეთ? — იკითხა მან.
- ახლა ვაპირებთ. — უთხრა ანდრომ.
- ხელს დავიბან და მეც შემოგიერთდებით.
- ლოყებსაც რომ დაიბანდეთ, არ იქნებოდა ცუდი, ამხანაგო ნუგზარ, — უთხრა ვალერიმ.
- ლოყებსაც დადგომიათ ჯაფა? — იხუმრა მან.
- ცოტაოდენი.

ნუგზარი ტუალეტში გავიდა, მეგობრები დაელოდნენ და მხოლოდ მაშინ მიუსხდნენ მაგიდას, როცა ხელუბდაბანილი კაპიტანი დაბრუნდა. „გვაამოსო“, თქვა და მაშინვე შავ კარჩხანას ეცა. სანამ არ შესანსლა შოთი პურისოდენა შავი კარჩხანა, თავიც კი არ აუწევია ზევით. მერე თვალუბშიაც კარგად გამოიხედა და ხასიათიც უფრო დაეწმინდა.

- დაამთავრეთ? — ჰკითხა ანდრომ.
- არა, კალმარიც მინდა გავსინჯო.

ანდრომ გაიცინა.
 — მე ტილოზე გეკითხებით.
 ნუგზარმა თეფში გვერდზე გააჩოჩა.
 — თითქმის. შენ საიდან იცი, რას ვაკეთებდი.
 — განა, ასე გულცივი ხალხი ვართ? კაცი მთელი დღე დაიკარგოს და მისი ამბავი არ შეეიტყოთ.

- ცოტა სამუშაო კიდევ დამრჩა.
- შეიძლება ჩვენც ვნახოთ?
- რასაკვირველია, მხოლოდ ახლა არა, როცა ხატვას მოვრჩები.

- მოვითმენთ.
- მართლაც მოითმინეს...



მეორე დღეს, სადილის წინ, ნუგზარმა სურათი გასკრფოდა ოთახში შეიტანა. მაგიდა კედელთან მიაჩოჩა და შეკრულ დადო თავისი ნამუშევარი, ისე, რომ ჩარჩოს ზედა ფუძე კედელზე იყო მიყუდებული.

სურათზე ჩანდა ქალის ზურგი და თავი, შავი თმით დაფარული თავი. თმა ოდნავ ასწეწოდა, თითქოსდა ცელქი ნიავე ეთამაშებოდა. წინ კი, სარკეში, ამ ასულის გაღიმებული, უმანკო და მომხიბვლელი სახე ჩანდა. ღამესავეთ შავი თვალები, მომსხო ბროწეულისფერი ტუჩები და სწორი, კოხტა ცხვირი. ისეთი ილუზია იქმნებოდა, თითქოს ეს მომხიბვლელი არსება სუფთა, ძალზე გამკვირვალე მინის იქით მჯდარიყოს.

ოთხივენი მდუმარედ იდგნენ. სურათს თვალს ვერ აშორებდნენ. ბოლოს ეს იღუმალი სიჩუმე ვიტალიმ დაარღვია:

— ჩინებულია თქვენ დიდებული მხატვარი ყოფილხართ, ამხანაგო ნუგზარ!

და სწორედ იმ წუთს კადილას ხმაც გაისმა:

— გეთანხმებით, საუცხოო ნამუშევარია. დახვეწილი, ნათელი გემოვნება. ფერების ძლიერი შეგრძნება, საოცარი ემოცია და კიდევ ათასი რამ, რასაც ამ სურათისათვის არ დაიშურებდა მხატვრობის არც ერთი დიდოსტატი. ვერც კი წარმოვიდგენდი, თუ აღამიანის შვილი ამიტების სამყაროში ასეთ სურათს შექმნიდა.

— ამაში თქვენ მიგიძღვით ბრალი.

— ვითომ! თქვენ ხომ თქვით, რომ აღრე ხატავდით.

— დიახ, მაგრამ ეს დიდი ხნის წინათ იყო. რა ხანია, რაც ხელთ ყალბი აღარ ამიღია. კიდევ იცით რა?

— თქვით.

— საოცარი საღებავები გაქვთ. პირდაპირ ღმერთის მიერ ბოძებული. ეს ფერები თავად გეძახიან სახატავად.

— როგორც ვიცი, ჩვენი მხატვრები არ უჩივიან საღებავებს. შეგიძლიათ, რომ ეს სურათი დამითმოთ? თუ თქვენ ამ სურათს მაჩუქებთ, მაშინ თქვენის ნებართვით გამოფენაზე წარვადგენ. შემდეგ კი ჩემთვის შევინახავ.

— რასაკვირვლია, გაჩუქებთ. ეს ხომ თქვენთვის დავხატე, ინებეთ.

ნუგზარმა სურათი კადილას მიაწოდა.

— მხოლოდ ერთი რამის მეშინია.

— რისა ვეშინიათ?

— ამიტებმა მასხარად არ ამიგდონ.

— ნუ ღელავთ, მჯერა, რომ ეს სურათი ამიტებს ძლიერ მოეწონებათ. ოღონდ აქ, ამ კუთხეში, მიაწერეთ თქვენი გვარი, სახელი.

— ახლავე, საღებავს მოვიტან.

როცა ნუგზარი ოთახიდან გავიდა, ანდრო კადილას მიუბრუნდა:

— მართლაცდა კარგად დაუხატავს, არა, ქალბატონო კადილა?

— დიახ, მე გულწრფელად გამოვთქვი ჩემი აღტაცება. მერწმუნეთ, რომ არ ვთვალთმაქცობდი.

— მჯერა; გგავთ კიდევ.

კადილამ გაიღიმა.

— ნუგზარს ჩინებული თვალი აქვს. კარგად ამჩნევს ხაზებს და, მიუხედავად იმისა, რომ ნახატი ცოტა სტილიზებულია, პორტრეტული მსგავსება მაინც დიდია. მოხიბლული ვარ მისი ნიჭით, ბარაქლა.

ნუგზარს ვიცნობთ, როგორც კარგ კაპიტანს, ჩინებულ კაპიტანს, ვერც კი წარმოვიდგენდით, თუ ასეთი ხატვა შეეძლო. ეს ჩვენთვის სიურპრიზია, აღმოჩენა.

ნუგზარი დაბრუნდა. ტილოსთან მივიდა და შავი საღებავით ძარჯვენა ქვედა კუთხეში მიაწერა „ნუგზარ რონდელი“.

— ინებეთ, როცა ამ სურათს შეხედავთ, მოიგონეთ ხმელეთელი სტუმარი.

კადილამ სურათი ჩამოართვა.

— დიდ მადლობას მოგახსენებთ. მე მას თვალისჩინივით გავუფრთხილდები. ნახვამდის, მეგობრებო!

— ახლა კი ვისადილოთ, — თქვა ნუგზარმა, როცა კადილა დერეფანს მიეფარა.

პოეტური განწყობის შემდეგ სადილიც გემრიელი ეჩვენათ. მაღიანად შეექცეოდნენ და თან ცივ წყალს აყოლებდნენ.

— საოცარია, ასეთი ნამდვილი, ნატურალური წყალი საიდან მოაქვთ? — იკითხა ვალერიმ.

ნუგზარმა ცერად გახედა.

— ეგ არაა პრობლემა. რას ნიშნავს, წიგნი რომ ვარდა.

— წიგნი რა შუაშია? — გააპროტესტა ვალერიმ.

— სწორედ რომ წიგნია შუაში. წიგნების გადაფურცვლა რომ გყვარებოდა, მაშინ მაგ კითხვას არ დასვამდი.

— ვითომ რატომაო?

— იმიტომ, რომ — ნუგზარმა თეფში გვერდზე გააცურა, — წყალქვეშ, უფრო სწორად, ზღვის ფსკერზე, უამრავი წყაროს წყალი ამოდის, ამოდის აგრეთვე მინერალური წყალიც და ასე გასინჯე, ცხელი წყლებიც.

ვალერის ნიკაპი დაუგრძელდა.

— იქნებ ისიცა თქვათ, წყალქვეშ ტბებიც არსებობსო.

— დიახაც, ტბებიც არსებობს...

— თქვენ ხუმრობთ, ნუგზარ.

— არ ვხუმრობ, არსებობს წყალქვეშა ტბებიც...

— წყალში ტბა?

— ჰო, წყალში ტბა. ზოგიერთ ქვაბულში დგას წყალი, რომელიც თავისი ქიმიური შემადგენლობით მკვეთრად გახსხვევდება სხვა დანარჩენისაგან.

ნუგზარი ადგა. ხელსახოცი მაგიდაზე უდიერად ძიაგლო და გასართობ ოთახში გავიდა.

გასართობ ოთახში შემოსულ კადილას ვალერიმ თვალი თვალში საეჭვოდ გაუყარა.

კადილა ისე ჩუმად მოდიოდა ხოლმე, რომ ვერც კი გებულობდნენ რომელი საიდუმლო კარიდან შემოდიოდა. ის კი არა, ასე ეგონათ თითოეულ კედელს რამდენიმე კარი ჰქონდა. მთავარი იყო მისი პოვნა.

— ჰოდა, კადილა შემოვიდა თუ არა გასართობ ოთახში, ვალერიმ თვალი თვალში გაუყარა.

— თქვენზე ვფიქრობდი ახლა. ჩვენ რომ გათხოვეთ, ის წიგნი თუ წაიკითხეთ?

კადილას მწვანე კოსტიუმი ეცვა. ვალერის ძალიან გაუქვირდა, რომ ზედაწელის სახელოები მაჯებთან თავდებოდა. აღ-

რე კადილა მთლიან ტანსაცმელს ატარებდა, ისე რომ ვალერი
ვერც კი არჩევდა, ხელებზე ხელთათმანები ეცვა თუ არა

— ახლა, როცა ბოლოს და ბოლოს, ვარდისფერი ხელები
დაინახა, ერთი სული ჰქონდა, გაერკვია, გრძელ ნატიფ თი-
თებს შორის აპკი ჰქონდა თუ არა. ამის კითხვას ვერ ბედავდა,
მხოლოდ ელოდა, როდის გაშლიდა კადილა გრძელ თითებს.

ქალიშვილი პასუხს არ ჩქარობდა, ჩამოჯდა. ხელები ძაგი-
ლაზე დააწყო ისე, რომ თითების გაშლა არც კი უცდია.

— სიმართლე გითხრათ, არ წამიკითხავს, ჩემი ბრალი არ
არის, უბრალოდ ვერ მოვიცალე. თუ გჭირდებათ, დღესვე მო-
გართმევ.

— არა, ამისათვის არ მიკითხავს. უბრალოდ, გვაიხტერე-
სებს თქვენი აზრი.

ვალერიმ მეგობრებს გადახედა, აქაოდა თქვენც ხომ შე-
თანხმებითო. ბიჭებმაც თავი დაუქნიეს და ბასილიამ გამ-
ხნევდა.

— იქ ბევრ ისეთ საკითხზეა საუბარი, არ შეიძლება თქვენც
არ დაინტერესდეთ.

— მართლა?! თუ ასეა, დღესვე შევუდგები კითხვას.
თქვენმა სურათმა დიდი აჟიოტაჟი გამოიწვია, ნუგზარ! —
კადილა ნუგზარს მიუბრუნდა.

— ვერ დავიჯერებ.

— სიმართლეს მოგახსენებთ. დაიხსომეთ, ამიტი არასოდეს
არ ცრუობს.

— ეგ არც მიფიქრია.

— ისე მოეწონათ, საზოგადოება თხოულობს თქვენთან შე-
ხვედრას, მაგრამ სანამ მათ შევხვდებოდეთ, მიგიღებთ სახელ-
მწიფო მინისტრი.

— როდის! — მაშინვე ჰკითხა ნუგზარმა, მაგრამ კადილას
იმ წუთში არ უპასუხია. ჯერ ხელები თმებზე გადაისვა, ძერე
ის აპარატი გაისწორა, ლამაზ ტუჩ-კბილს რომ უფარავდა და
შემდეგ თქვა მკვეთრი ხმით: „ხვალ მიგრიდებთ“.

— ხვალ?! — აღელდა ნუგზარი.

— დიახ, ხვალ, მეგზურობას ისევ მე გაგიწევთ. სწორედ ამ
დროს მან თითები გაშალა და ბასილიამ სული მოითქვა, თი-
თებს შორის თხელი აპკი არ ჩანდა.

— დინაკი ჭკვიანი კაცია, მასთან გაცხარებულად ვარ
გირჩევთ. გაცილებით სჯობია დინჯი, ლოგიკურად ნათესა-
რი, — თქვა კადილამ და თითები ისევ შეკრა.

ალისფერ დიდ დარბაზში დინაკი ჩქარი, მოკლე ნაბიჯებით
შემოვიდა თუ არა, კადილა ფეხზე ადგა. კადილას ეს მოძრა-
ობა მაშინვე დანარჩენებსაც გადაედოთ, ყველანი წამოდგნენ
და აღტაცებული შეჰყურებდნენ შუახნის ლამაზ კაცს, რომელიც
ახლა უკვე დარბაზის ცენტრში იდგა.

დინაკს სასუნთქი აპარატი არ ეკეთა. ფერმკრთალ სახეზე
ჯერ არცერთი ნაოჭი არ აჩნდა. შავი თმა უკან ჰქონდა გადა-
ვარცხნილი. ნიკაპი — გრძელი, მრგვალი — მტკიცე ნებისყოფის
ადამიანებს რომ აქვთ ხოლმე. მას შემოტმასნილი წითელი,
გრძელი შარვალი და წითელივე მაისური ეცვა. ფეხები რბილ
ფლოსტებში ჰქონდა გაყრილი. ჭკვიანური, წყლისფერი თვა-
ლებით იყურებოდა. ერთბაშად ხელი აიქნია და რაღაც თქვა.

— დინაკი გესალმებათ და თქვენს ჯანმრთელობას კითხუ-
ლობს, — მაშინვე თარგმნა კადილამ. პასუხი არც ხუგზარს
დაუყოვნებია.

— გადაეცით სახელმწიფო მინისტრს ჩვენი დიდი სალამი და
პატივისცემა. რაც შეეხება ჯანმრთელობას, მგონი, ჯერჯერო-
ბით არა გვიშავს.

— დაბრძანდით! — კადილამ სკამისაკენ მიუთითა და
ტყვეებმაც იმწამსვე ისარგებლეს ამ თავაზიანობით, დინაკი
არ დამჯდარა და როცა ნუგზარმა ისევ სცადა ამდგარიყო, კა-
დილამ შენიშნა:

— ნუგზარ, ადგომით თავს ნუ შეიწუხებთ, ამიტები ძაიხც-
დამაინც ვერ ვეგუებით სკამს. ამ ოთახში სკამები თქვენთვის
დგას, დაბრძანდით და ისე ისაუბრეთ.

ნუგზარმა რაღაც ჩაილაპარაკა, მაგრამ კადილამ ვერ გაი-
გო, რა თქვა კაპიტანმა. კადილამ კი არა, ვალერიმაც ვერაფე-
რი გაიგო, რომელიც სწორედ ნუგზარის გვერდით იჯდა.

შემდეგ დინაკმა წამოიწყო ძალზე გრძელი სიტყვა. ის
ლაპარაკობდა მშვიდად, დინჯად და საუბრის დროს მხოლოდ
კადილას მისჩერებოდა. ბოლოს, როგორც იყო, სახელმწიფო

მინისტრმა დაამთავრა თავისი სიტყვა, რომელიც ნუგზარს სმო-
საწყენიც მოეჩვენა და მზერა კადილაზე გადაიტანა.

კადილა კი თარგმნას შეუდგა.

— დინაკი ამბობს, რომ მისი მთავრობა გრძნობს, რა ძვე-
ლი თქვენთვის წყლის სამყაროში ცხოვრება. პარლამენტში ამ
საკითხზე იქნება მსჯელობა, იმედია, სტუმრები ბოლოს და
ბოლოს მთავრობისაგან მიიღებენ ხმელეთზე დაბრუნების ნე-
ბართვას. მაგრამ, რაც უნდა მოსაწყენი იყოს ამიტოა შორის
ყოფნა, იგი იმდენად საინტერესოა, რომ თქვენ ალბათ ვერც
კი იგრძნობთ დროის გასვლას.

დინაკს სურს, თქვენგან შეიტყოს სამი რამ. პირველი, რა
ფაზაშია თქვენთან ოკეანის ფსკერის ათვისების საქმე. მეორე,
როგორია ფსკერის ათვისების ტექნიკური დონე და შესაძე,
რა გეგმები გაქვთ მომავლისათვის.

თუ თქვენ მიგაჩნიათ, რომ პასუხი არ უნდა გაცეთ ამ
კითხვებზე, ძალას არავენ დაგატანთ. დინაკს სურს მხოლოდ
გულწრფელი საუბარი. ალბათ, ეჭვი არ გეპარებათ იმაში, რომ
ჩვენ საკმაოდ ვართ ინფორმირებული იმის თაობაზე, თუ რა
ხდება ხმელეთზე.

ნუგზარი ადგა და დინაკმა მაშინვე რაღაც თქვა.

კადილამ ნუგზარს შეხედა.

— დინაკი გთხოვთ, დაბრძანდეთ.

ნუგზარი არ დამჯდარა.

— აღამიანებს საუბარი ხშირად უფრო კარგი გამოგვდის,
როცა ფეხზე ვდგავართ. მით უმეტეს, სახელმწიფო მინისტრს
ველაპარაკები. მაპატიეთ, მაგრამ არც კი ვიცი, როგორ გამოვ-
ხატო ჩემი უაღრესად დიდი პატივისცემა მისდამი — ბატონი
ვუწოდო თუ უბრალოდ ამხანაგი, როგორც ეს ჩემს ქვეყანაშია
მიღებული.

— როგორც გსურდეთ, — ჩაერია საუბარში კადილა.

— თუ საქმე არჩევანზეა, მაშინ ვუწოდებ ამხანაგს. ეს
უფრო გამიადვილებს, ყველაფერში გულწრფელი ვიყო.

ნუგზარი შეჩერდა და კადილამაც ისარგებლა ამ პაუზით,
მაშინვე თარგმნას შეუდგა.

დინაკი კეთილი ღიმილით უსმენდა თარჯიმანს.

ნუგზარს მოეჩვენა, რომ სახეზეც კი წამოწითლდა. კადილამ

თარგმნა რომ დაამთავრა, დინაკმა რაღაც ჩაილაპარაკა სწორედ
ხვი ბავშვივით.

— დინაკი მადლობას გიხდით გულუხვი ქათინაურებისათვის.

— არა, ეს ზრდილობისათვის ნათქვამი სიტყვები არაა, ძე გულწრფელად გადმოგცემთ საკუთარსა და ჩემი მეგობრების შთაბეჭდილებას.

გაბოშვილმა ჩაილაპარაკა: „ზუსტად ასეაო“, დანარჩენებმაც თავი დაუქნიეს. ნუგზარმა განაგრძო:

— მიუხედავად იმისა, მსურს სახელმწიფო მინისტრს დიდი დრო არ დავაკარგვინო აქ ყოფნით, მაინც მინდა მადლობა გადაუხადო იმ დიდი ყურადღებისათვის, რასაც ჩვენდამი იჩენენ სტუმართმოყვარე ამიტები.

ნუგზარი დაელოდა, სანამ ამ სიტყვებს დინაკს უთარგმნიდნენ და შემდეგ განაგრძო:

— ჩვენ, ადამიანები, ძალზე გავერთეთ კოსმოსით, საუკუნეების განმავლობაში ვიყურებოდით მხოლოდ და მხოლოდ ცისკენ. ბოლოს, როგორც იყო, საჭიროდ ჩავთვალეთ შეგვეცოცხლა ოკეანისათვის, დიდი ხანია, ცნობილია, რა ზღაპრულ სიმდიდრეს მალავს თავის წიაღში ოკეანე. ამას რომ ვამბობ, მხედველობაში მაქვს, როგორც წიაღისეული ოქრო, ვერცხლი, ნავთი, ქვანახშირი, რკინა, შავი ქვა და კიდევ ათასი სხვა რამ, აგრეთვე ფლორა და ფაუნა. მათი ჭკვიანური ექსპლოატაციით ადამიანს შეუძლია გადაწყვიტოს ბევრი ფრიად სერიოზული პრობლემა, რასაც სულ უფრო მწვავედ აყენებს ჩვენი პლანეტა.

მე ერთი იმათთაგანი ვარ, რომლებიც ოკეანის ფსკერის ათვისებაზე ოცნებობენ.

კადილამ ხელით ანიშნა ნუგზარს, თარგმნის საშუალება მომეციო. ნუგზარი მაშინვე დადუმდა და ყურადღება დინაკის სახეზე გადაიტანა. დინაკი ისევ და ისევ მთელი ყურადღებით ისმენდა. ოღონდ აღარ იღიმებოდა.

დინაკი კადილას შეჰყურებდა და მხოლოდ მაშინ შოაშორა მხერა, როცა კადილამ ნუგზარის სიტყვები ბოლომდე თარგმნა. დინაკმა ახლა ნუგზარს შეხედა და ისევ მეგობრულად გაუღიმა.

— როგორც ვთქვი, მე ოკეანეზე შეტევის ერთ-ერთ ოსანი ვარ. — უხერხულობა ვერ დაფარა ნუგზარმა, — მაგრამ, გულახდილად რომ ვთქვა, ჩვენ ძალიან ცოტა რამ გვცოდნია ოკეანის ფსკერის შესახებ. გაცილებით სწორი იქნებოდა, თუ ვიტყოდი, არაფერიც არ გვცოდნია.

კადილამ გაიღიმა და ეს გაღიმება არც მოსაუბრესა და არც სახელმწიფო მინისტრს არ გამორჩენიათ.

— აბა, სხვა რა შეიძლება ითქვას, როცა ამჩნევ კარგად აწყობილ ორკესტრს და იმას კი ვერ ხედავ, ვინაც ეს ლაძაზი თაიგული შეკრა. ასეა ახლაც, ოკეანეს თქვენ დირიჟორობთ.

ჩვენს ისტორიკოსებს ყოველთვის აოცებდათ ერთი მეტად საყურადღებო ფაქტი. სახელდობრ, ის, რომ, როცა ადამიანს ტონისა და ფერების, სილამაზის შეგრძნების უნარი გაუჩნდა, (მაშინ ის გამოქვაბულებში ცხოვრობდა), მიმართა ხელოვნებას. ეს რასაკვირველია, ბუნებრივია, საოცარი მხოლოდ ისაა, რომ პირველი ნატურალისტი მხატვრები, რომლებმაც უხვად მოხატეს ირმებითა და დათვებით, მამონტებით თავიანთი გამოქვაბულები, რატომღაც ჩვენდა თავის სატეხად ხშირად ხატავდნენ ივრეთ წოდებულ სირინოზებს — ანუ ქალთევზას.

როგორც ვთქვი, დედამიწის პირველი მიქელანჯელო და ლეონარდო და ვინჩი მკაცრი ნატურალისტები იყვნენ, ისინი მხოლოდ მას ხატავდნენ, რასაც ხედავდნენ, წარმოსახვა ჯერ კიდევ არ შეიძლოთ. მე პირადად ვერ დავიჯერებ იმას, რომ რომელიმე მათგანს — იმ ეპოქის გენიოსსაც კი — შეიძლებოდა, თავისი ფანტაზიით შეექმნა ოკეანის მადონები. ეს აბსურდია. ამ ფაქტს ჩვენ ადრე უნდა შემოვებრუნებინეთ ოკეანისაკენ, მაგრამ ეს არ მოხერხდა და ისევ ცისკენ ვიყურებოდით.

შემდეგ კადილა თარგმნიდა, კარგა ხანს, ნუგზარი კი გონებაში აყალიბებდა, თუ როგორი პასუხი გაეცა პირველი კითხვისათვის.

— ჩვენ ოკეანეში გაეუშვით პირველი მერცხლები. მხედველობაში მაქვს ადამიანთა სამი პატარა დასახლება, რომლებიც შეიქმნა ხმელთაშუა ზღვაში და ატლანტის ოკეანეში. სამწუხაროდ, ამ საქმის ფინალი ტრაგიკული იყო და ოკეანეზე მოლაშქრეები შოკში მოვექციეთ. გავვიჩნდა ბევრი მტერი,



განსაკუთრებით მათ აღიმაღლეს ხმა, რომლებიც ზღბებში სპექტიულს ვერაფერს ხედავდნენ. მათი დევიზია „ოკეანე მხოლოდ იმისათვის არსებობს, რომ ძარცვო“.

როცა კადილამ ამ სიტყვების თარგმნა დაამთავრა, დინაკმა რაღაც იკითხა.

— დინაკს აინტერესებს თარიღის დაზუსტება. როდის დაინგრა თქვენი წყალქვეშა დასახლებები?

— ჩვიდმეტი წლის წინათ დაინგრა, მეტად უცნაურ პირობებში, ეს საიდუმლო დღემდე ვერ ამეხსნა. დღეს კი, თუ ჩვენს მასპინძლებს არ ვაწყენინებ, შეიძლება ავხსნა.

ამის შემდეგ კადილა დიდხანს ესაუბრა დინაკს. დინაკმაც რაღაც ჰკითხა და კადილამაც მაშინვე უპასუხა. ისე გაერთნენ საუბარში, თითქოს სტუმრები საერთოდ დაავიწყდათო. მაგრამ ბოლოს, დიდი ლოდინის შემდეგ, კადილა ნუგზარს მიუბრუნდა.

— თქვენ მართალი ხართ, მართლაც მოხდა ამიტოა რამდენიმე ჯგუფის თავდასხმა თქვენს დასახლებებზე. მინდა დავარწმუნოთ, რომ ამაში მთავრობას არ მიუძღვის ბრალი. ეს იყო მხოლოდ და მხოლოდ კარგად შეიარაღებულ ტერორისტთა გამოხდომა — თქვენ რომ მოფაშისტო ელემენტებს ეძახით. დარწმუნებული ბრძანდებოდეთ ჩვენს გულწრფელობაში.

— ექვიც არ მეპარება.

— დიახ, ჩვენთანაც არიან სისხლისღვრის მოყვარული ადამიანები. მათ სრულებითაც არ მოსწონთ, რომ მთავრობა ასე დიდ უფლებას გაძლევთ ადამიანებს ოკეანეში. ისინი მოითხოვენ მთლიანად მოვსპოთ თქვენი ფლოტი. გავანადგუროთ კარიერები, რომლებიც უკვე მრავლად გაჩნდა ოკეანეში.

ასეთმა ელემენტებმა შექმნეს მძლავრი ტერორისტული ჯგუფები. მათ მოკლეს ჩვენი ბევრი შესანიშნავი ადამიანი, მათ შორის მთავრობის წევრებიც.

ტერორისტებს ჩვენ ომი გამოვუცხადეთ, მაგრამ, სამწუხაროდ, ეს ომი წარმატებით არ მიმდინარეობს. ამის მიზეზი კი ის გახლავთ, რომ თვით მთავრობაშიც ტერორისტებს ჰყავთ თავიანთი ამფსონები. ბრძოლა გვიხდება არა ცალკეულ ადამიანებთან, არამედ ტერორისტთა დიდ ჯგუფებთან.

დინაკმა გაიარ-გამოიარა, სახე ახლა ცივი და კუმტი ჰქონ-

და. დარბაზის ბოლოში შემობრუნდა და ნუგზარისაკენ მოვიდა. მისგან ორ ნაბიჯზე შეჩერდა, მთელი ორი წუთი პარაკა... გაჩუმდა თუ არა, კადილამ განაგრძო:

— ასე რომ, ბრძოლა ტერორისტებთან ჩვენი ერთ-ერთი ყველაზე დიდი პრობლემაა. მათ მომხრეები ჰყავთ ყველა კატეგორიის ამიტოა შორის.

— ისინი ალბათ ბევრ სისაძაგლესაც ჩადიან?

— გასაგებია, ტერორისტი აბა რისი ტერორისტია. დინაკი ელის თქვენს პასუხს.

— დიახ, პირველმა კატასტროფამ ოდნავ შეანელა ინტერესი ოკეანისადმი, მაგრამ ეს მხოლოდ დროებითი შოკი იყო. ახლა, როცა ადამიანებმა შექმნეს მძლავრი ბატისკაფები, როცა უკვე დაგროვდა წყალქვეშა კარიერებში მუშაობის გამოცდილება, თითქმის მომზადდა ნიადაგი ოკეანეზე მძლავრი შეტევისათვის.

ადამიანებმა უკვე ააშენეს გემები, რომლებიც ჯდებიან ზღვის ფსკერზე.

— მცირე სიღრმეზე, — შეუსწორა კადილამ.

— ჯერჯერობით მცირე სიღრმეზე, მაგრამ მომავალში ეს პროექტები გაუმჯობესდება. ამის გარდა, ჩვენ გვაქვს საშუალება შეკუმშული ჟანგბადი ჩავიტანოთ ფსკერზე.

— ესეც დიდი მიღწევაა, — კვლავ ჩაერია კადილა.

დინაკი კი ისეთი დაძაბვით უსმენდა, თითქოს ყველაფერი გასაგები ყოფილიყოს. მერე, როცა კადილამ უთარგმნა, სახეზე კეთილი ღიმილი გადაიკრა. სიტყვაც არ დაუძრავს, კვლავ ნუგზარს გადახედა და კადილამაც ანიშნა განაგრძეო.

— მომავლისათვის ტექნიკა კიდევ უფრო წინ წავა და ადამინი არამცთუ დიდ სიღრმეებზე ჩავა ოკეანეში, არამედ სამუდამოდ დასახლდება წყალქვეშა ქალაქებში. მე ნათლად ვხედავ ადამიანის მომავალს და ამაში იოტისოდენადაც არ შეპარება ეჭვი. ყველაფერს რომ თავი დავანებოთ, ადამიანს სხვა გამოსავალი არცა აქვს, ხსნა მხოლოდ ოკეანეშია.

ნუგზარი გაჩუმდა. კადილა მიხვდა, რომ მან თავისი სათქმელი მოათავა. ჯერი ამიტებზე მიდგა.

კადილა თარგმნას შეუდგა. ძალიან დინჯად საუბრობდა. ზოგჯერ დინაკი ეკითხებოდა და კადილაც დაბეჯითებით არწ-

მუნებდა რალაცაში. ეს საუბარი საკმაოდ დიდხანს გაგრძელდა. ბოლოს დინაკმა, როგორც ჩანს, ყველაფერზე დასრულდა და თარჯიმანს რალაც უთხრა.

— დინაკი კმაყოფილია თქვენი გულწრფელი საუბრით. იგი ამბობს:

— როგორც ვიცით, თქვენ ძლიერ სწრაფად მრავლდებით. ბუნებრივია, ეძებთ საარსებო სივრცეს. სივრცე კი ოკეანის ფსკერია. თქვენთვის არასასიამოვნოა იმ ფაქტის შეტყობა, რომ ამ სივრცეს უკვე ჰყავს პატრონი. თუმცა ამიტები არც ისე სწრაფად მრავლდებიან, როგორც თქვენ, მაგრამ ამ ქვეყანაზე ჩვენც საკმაოდ ვართ. უთუოდ ოდესმე მოგვიწივს დიდი ომი. გაიმარჯვებს ის, ვინც უფრო მომზადებული იქნება.

ნუგზარმა სწრაფად უპასუხა:

— მგონი, ომი საჭირო არაა.

კადილამ თარგმნა ნუგზარის ეს სიტყვები და დინაკის ბაგეს ღიმილი გადაეფარა. მან რალაც ჩაილაპარაკა.

— დინაკმა თქვა: როცა საქმე საარსებო სივრცეს ეხება, იქ საბოლოო სიტყვას იარაღი ამბობსო.

— ყოველთვის ასე როდია, ცივილიზაციის დღევანდელ დონეზე შესაძლებელია მშვიდობიანად მოგვარდეს ბევრი ფრიად სადავო საკითხები.

კადილამ მხრები აიწურა.

— განა თქვენ ასე არ ფიქრობთ? — ჰკითხა ნუგზარმა.

— ვერ გეტყვით, მე საერთოდ არ მიფიქრია ჩვენი დამოკიდებულების პერსპექტივებზე. გსურთ, რომ დინაკს ვუთარგმნო თქვენი აზრი?

— რასაკვირველია.

კადილა დინაკს მიუბრუნდა. მათ შორის ისევ გაიმართა საუბარი, მერე კი ნუგზარს უთხრა:

— თქვენ ხომ არ გსურთ, სახელმწიფო მინისტრს ჰკითხოთ რაიმე?

— დიახ, მსურს, — უთხრა ნუგზარმა.

— მაშ, ბრძანეთ.

— ჩვენ გვაინტერესებს, ვიცოდეთ, დღემდე ამიტებს ჰყავდათ თუ არა ტყვედ ადამიანები. თუ ჩვენ ვართ ის პირველი მერცხლები, რომლებმაც თქვენი ქვეყანა მოვიწახლეთ?



როგორც კი კადილამ ეს კითხვა თარგმნა, დინაკი იმ კადილას დასაჯებდა და მისი მისიხერებოდნენ. რალაც იპოვა და თითი შეახო. კედელი შრიალით გაიხსნა და ადამიანების თვალწინ გამოისხა ფართო სტენდი. სტენდზე დიაგრამები ეკიდა. პირველზე გამოსახული იყო ადამიანის სუნთქვის ორგანოები, მეორეზე— კუნთური სისტემა, მესამეზე— სისხლის მიმოქცევა, მეოთხეზე— საკმლის მომწელებელი ორგანოები.

ნუგზარი დიაგრამებისაკენ წავიდა. სულ ახლოს მივიდა: მერე გვერდით კადილა რომ დაიგულა, მიუბრუნდა:

— ეს ჩვენ ვართ თუ თქვენ?

— თქვენ ხართ.

კადილამ დინაკს შეხედა და რალაც უთხრა. დინაკს არ უპასუხია. მხოლოდ ისევ შეახო ხელი რალაც დილას და ახალი სტენდი გაიხსნა. იქაც დიაგრამები ეკიდა.

— ეს კი ჩვენ ვართ, — თქვა კადილამ და დარბაზში გაიარა. ნუგზარმა კი, ახალი სტენდისკენ გადაინაცვლა. სრულე-ბითაც არ მორიდებია იმას, რომ იძულებული გახდა, ზურგი შეექცია სახელმწიფო მინისტრისათვის. არც კადილასათვის მოუხდია ბოდიში, თითქმის ზედ აეკრა ფერად დიაგრამებს და ხარბად შეუდგა თვალიერებას. გვერდით რომ ვალერი, ანდრო და ვიტალი ამოუდგნენ, არც ამაზე გაუპარტყუნებია ყურები. მთელი ნახევარი საათი უდიდესი გულისყურით სინჯავდა დიაგრამებს. მერე სწრაფად შემობრუნდა კადილასაკენ ჩქარი ნაბიჯით წავიდა.

— ძალიან ვგავართ ერთმანეთს. მართალი ვითხრათ, არ ველოდი ასეთ მსგავსებას.

— დიახ, ვგავართ, მაგრამ განსხვავებაც დიდია. ჩვენი ფილტვები გაცილებით პატარაა. პირის ღრუ კი უფრო ტვეადი და რთული, ვიდრე თქვენი. ამიტს პირი წყლით რომ ევსება, საყლაპავი და სასუნთქი მილი სარქველით იხურება. წყალი ენის მოძრაობით მიდის ზედა ფილტრისაკენ. იქ ტოვებს ჟანგბადს და შემდეგ ცხვირის საშუალებით გარეთ გამოდის. როგორც ხედავთ, ეს საკმაოდ რთული სისტემაა.

— გეთანხმებით, მაგრამ საერთოც ხომ ბევრი გვაქვს.

— პირველნი იყვნენ ამიტები, — თქვა კადილამ და ნუგზარს მზერა გაუსწორა.



— შესაძლებელია.

— არა, ეს უკვე ჭეშმარიტებაა. ხომ არ გსურს, კიდევ რაიმე ჰკითხოთ დინაკს? თუ კითხვები გაქვთ, დროზე ჰკითხეთ, თორემ ეჩქარება.

— ჩავთვალთ, რომ ამჯერად ჩვენი აუდენცია დამთავრებულია. ჩვენ ალბათ კიდევ გვექნება საშუალება, შევხვდეთ სახელმწიფო მინისტრს. ზოგიერთ კითხვას მეორე შეხვედრისათვის შემოვიწინაბეთ.

— მე მქონდა ერთი კითხვა, — თქვა ვალერიმ.

— ბრძანეთ, — უთხრა კადილამ.

ვალერიმ ნუგზარს გადახედა, ჩემს უფლებას ხომ არ გადავაჭარბეო, როცა კაპიტნის მომღიმარ გამოხედვას წააწყდა, თვითონაც გაეღიმა და რიხით დაიწყო:

— ჩვენი დატყვევება ტერორისტების ინიციატივა იყო თუ სახელმწიფო ღონისძიება?

კადილამ დინაკს შეხედა და ვალერის სიტყვების თარგმნას შეუდგა.

ვალერი ელოდა, მინისტრი სანამ პასუხს გაცემდა, დაფიქრდებოდა, შეეცდებოდა, რაღაც არგუმენტები მოეძებნა, მაგრამ ძალიან გაუკვირდა, როცა დინაკმა სულ რამდენიმე ფრაზით მაშინვე უპასუხა.

— არა, ტერორისტები აქ არაფერ შუაში არიან. ეს მოხდა მთავრობის განკარგულებით.

— ხომ არ შეიძლება ვიცოდეთ, რატომ ჩაერია მთავრობა ასეთ წვრილმან საქმეში?

კადილამ ესეც თარგმნა და დინაკმა კეთილად გაიცინა, მერე სულ ახლოს მივიდა ვალერისთან, კადილაც იქვე მიიხშო.

— ვალერი, დინაკი ამბობს, რომ ამიტებს იმ კვადრატში, სადაც თქვენ ასე ინტენსიურად მუშაობდით, აქვთ ფრიად სერიოზული ობიექტები. ამ ობიექტებისათვის თქვენი ტრალი რომ მოგვეშორებინა, ვიფიქრეთ, გადაგვეჭრა გვარლი. ასეც მოვიქეცით, რამდენჯერმე გადავჭერთ გვარლი, მაგრამ ამახ. სამწუხაროდ, საწინააღმდეგო რეაქცია გამოიწვია. თქვენ იმის მაგივრად, რომ ამ კვადრატიდან წასულიყავით, პირიქით, მისი შესწავლა დაიწყეთ და აი, მთავრობამაც მიიღო სათანადო

ლონისძიება. რის შედეგადაც თქვენ ჩვენი ტყვე აღმოჩნდებით
კიდევ ხომ არ გსურთ რაიმე?

— არა, დღეს საკმაოდ ბევრი რამ გაირკვა.

— აბა, მეტს ნულარ დავაყოვნებთ დინაკს.

კადილა დინაკს მიუბრუნდა, რაღაც უთხრა, დინაკმა ყუ-
რადლებით მოუსმინა, მერე თვითონაც ორიოდ ფრაზა თქვა,
თანაც ისევ ისე კეთილად იღიმებოდა.

— დინაკი კმაყოფილია დღევანდელი შეხვედრითა და სა-
უბრით. ამბობს, რომ სასიამოვნო იქნება, თუ უახლოეს მო-
მავალში კვლავ შეძლებს თქვენთან შეხვედრას. გისურვებთ
ჯანმრთელობას და სამშობლოში მალე დაბრუნებას.

— თუ მას ეს მართლაც გულწრფელად სურს, მაშინ შეიძ-
ლება იმედი ვიქონიოთ, რომ უახლოეს მომავალში ჩვენ მარ-
თლაც შევალვით საკუთარი სახლის კარს.—თქვა ვიტალიმ და
კადილას თვალი გაუსწორა.

— დარწმუნებული ბრძანდებოდეთ, ამიტო ან მოგატყუ-
ებთ.

— ღმერთმაც ქნას.

დინაკს უკვე აღარ დაუცდია როდის უთარგმნიდა კადილა,
ხელი მშვიდად აიქნია და სადღაც სტენდს უკან გაქრა.

როგორც კი დინაკი მიიმალა, ნუგზარმა რაღაც სულიერი
ტკივილი იგრძნო. ამ კაცმა სულ რამდენიმე წუთში ოთხივე
ტყვე მოაჯადოვა. მისი ხმა, მისი ყოველი სიტყვა იმდენად და-
მაჯერებლად ეღერდა, რომ ნუგზარს სურდა, დაუსრულებ-
ლივ ესმინა ამ ოქროპირისათვის. ახლა თითქოს ყველაფერი
კვლავ ცივი და მოსაწყენი გახდა. ეს ერთფეროვანი, უფანჯ-
რო კედლები ისეთ გრძნობას ბადებდა, თითქოს დილეგში
იყავი გამომწყვდეული.

— წავიდეთ, — თქვა კადილამ. ის კართან იდგა და ნუგ-
ზარს ეპატიჟებოდა.

ნუგზარმა უხალისოდ გადადგა ორიოდ ნაბიჯი და ზუს-
ტად კადილას გვერდით შეჩერდა.

— ყოველთვის ძნელია ისეთ ადამიანთან განშორება, რო-
მელიც თავისი ძალით, განათლებით, სულიერი სიფაქიზით და
კიდევ სხვა მრავალი დიდებული ნიშნით გაჯადოვებს, გზიბ-
ლავს...

— თქვენ მხედველობაში დინაკი გყავთ?

— რასაკვირველია.

— მართალი ბრძანდებით, მასთან განშორება მართლაც ძნელია, დინაკი ის ამიტია, რომელშიც ათობით მისი თანამომკმის ნიჭი და ძალაა მოქცეული.

გასართობ ოთახში შევიდნენ. კადილამ სკამი გამოსწია და მაგიდასთან დაჯდა.

— დამღლედი დღე იყო, — ჩაილაპარაკა მან.

— მაგრამ სასიამოვნო, — ნუგზარმაც გამოსწია სკამი და მის გვერდით მოთავსდა, — ზოგჯერ დღე იმდენად საინტერესოა, სავსეა მოვლენებით, რომ ვერც კი გრძნობ დროის მსვლელობას.

ამ დროს კადილას მეორე მხრიდან ვალერი მიუჯდა.

— კიდევ მინდა გკითხო, ხომ არ დაგიმთავრებია ის წიგნი?

კადილამ ვალერის გახედა.

— აკი ვთქვი, თუ გჭირდებათ, ახლავე მოგიტანთ-მეთქი ჯერჯერობით დრო ვერ გამოვნახე, რომ დავამთავრო.

ვალერიმ თითები მაგიდაზე აატკაცუნა.

— კადილა, თქვენ ბრძანეთ, რომ ამიტები არასოდეს ცრუობენო...

— დიახ, ვთქვი.

— თქვენ ახლა ამ წუთში გულწრფელი ხართ?

ვალერი მკაცრად ჩაშტერებოდა თვალებში კადილას, თითქოსდა სურდა, ამ თვალებიდან ყველაფერი ზუსტად და უშეცდომოდ ამოეკითხა.

— რა გსურთ, თქვით.

— მხოლოდ სიმართლე, წაიკითხეთ თუ არა ბოტკინის წიგნი?

ნუგზარი შეიშმუნა.

— რას ჩააცივდი, ბიჭო, გითხრეს, რომ ჯერ მაგ წიგნისათვის ვერ მოვიცალეო.

მაგრამ სწორედ იმ წუთს კადილამ ნაღვლიანი მზერა ვალერის მოაშორა და თითქოს სხვათა შორის თქვა:

— წავიკითხე. კარგა ხანია, რაც წავიკითხე.

— განა არ ვიცოდი, რომ წავიკითხეთ...

კადილამ ამოიოხრა. ნუგზარს გაოცებული მზერა შეავლო.

— ის ადამიანები, ბოტკინი რომ წერს, ჩვენ მოვიტაცებთ ვალერი გამოცოცხლდა.

— ვიცოდი, განა არა.

— ოღონდ მთავრობა არაფერ შუაშია.

— მაშ, ვის მიუძღვის ბრალი? — იკითხა შლიახოვმა.

— ტერორისტებს. ისინი ტერორისტებმა მოიტაცეს. არ მინდა ისე გამიგოთ, თითქოსდა ყოველივე იმას, რასაც სისხლის სამართლის დანაშაულის სუნი უდის, ტერორისტებს ვაბრალებდე. სინამდვილეში ასეა და რა ვქნა.

— გვჯერა, — თქვა ნუგზარმა.

ჰო, მათ მოიტაცეს თქვენი გემების რამდენიმე ეკიპაჟი. წაიყვანეს წყალქვეშა ლაბორატორიებში და ცდის პირებად აქციეს.

— ვინ იცის, იქნებ დაიღუპნენ.

— დიახ, დაიღუპნენ საშინელი წამებით. მთავრობამ შეძლო ტერორისტთა რამდენიმე ჯგუფის შეპყრობა. დამნაშავენი სიკვდილით დასაჯეს.

— სხვათა შორის, როგორც კი ეს წიგნი გადავშალე, მაშინვე დამებადა აზრი, რომ „ბოტკინის დანაშაულს“ ამიტები ჩაიდენდნენ. — თქვა ვალერიმ.

— როდის წაიკითხეთ ეს წიგნი? — იკითხა კადილამ.

— აქ, ტყვეობაში.

— საკმაოდ გვიან გაგიკეთებიათ ეს დასკვნა.

— მანამდე წარმოდგენაც კი არა მქონია ამიტებზე. ახლა გავიგე, რომ ოკეანის ფსკერზე მოაზროვნე არსება ცხოვრობს.

კადილამ გაიღიმა, წამოდგა და თავისი სკამი ისევ მაგიდას მიადგა. იგი წასასვლელად გაემზადა.

— მგონი, გადაიღალეთ კიდევ. მეტს აღარ შეგაწუხებთ. ხვალ დაგირეკავთ, მეგობრებო. შეიძლება ამ დღეებში რომელიმე სკოლა დავათვალიეროთ.

— ამიხოტი? — იკითხა ვალერიმ.

— არც ამიხოტის დათვალიერებას გვიშლის ვინმე, მაგრამ ეს უფრო თავისუფალი დროისათვის გადავდოთ. ამიხოტი დედაქალაქია, ასე ადვილად მას ვერ დავივლით, სულ ცოტა, ორი-სამი დღე მაინც გვინდა. აბა, ნახვამდის მეგობრებო, კარგ დასვენებას ვისურვებთ.

კადილა ვედელს მიეფარა თუ არა, ვალერიმ მავიღაზე
ბანქოს ქალაღდი დაყარა.

ავტორის
გამოცემის
გამოცემის

ეს ქალაღდი აქ ეგდო ხოღმე დღისითაც და ღამითაც, მო-
ცალეობის დროს გულს აყოღებდნენ. იმდენს ატკაცუნებდ-
ნენ, რომ უკვე შესამჩნევად გაცვდა.

ყვეღას ძღიერ გაუკვირდა, როცა დღით, ნასაუზმევს,
გასართობ ოთახში ნატე შემოპაკუნდა. ნატე სრულეღბითაც
არ ჰგავდა ისეთ ყრმას, დუნედ რომ მიახანჩაღებს ბავშვობის
დაუდგრომელ წღებს.

მოვიდა ნატე, სასუნთქ აპარატზე თითი მიიდო. თითქოს-
და იმის თქმა სურდა, „ხმა, კრინტიო“. მარცხენა ხელი ლურჯ,
მოკლე შარვალში მოათათურა და იქიდან ოთხად გაკეციღი
ქალაღდი ამოაძვრინა. ფართო, ჰკვიანური თვალეღბით მომზი-
რალმა სტუმრებს ჩამოუარა და წერიღი ნუგზარს დაუდო.
ხმას არავინ იღებდა.

ნუგზარმა ბარათს ხელი დასტაცა, სწრაფად გაშალა და
ჩუღად ჩაიკითხა.

„სასწრაფოდ მივემგზავრები ამიხოტში. დღეს და ხვალ ნუ
მომიკითხავთ. ამ წერიღს ხმამაღლა ნუ წაიკითხავთ. ასეა სა-
ჭირო. კადილა“.

ნუგზარმა ბარათი უსიტყვოდ გადასცა ვიტაღის. ვიტაღიმ
ჩაიკითხა და ვალერის მიაწოდა. როცა ეს ესტაფეტა ანდროს
ხელში დამთავრდა, ნატეს ხმა გაისმა:

— დღლა მშვიდღობისა, სტუმრებო!

— დღლა მშვიდღობისა, მასპინძეღო, — უპასუხა ვალერიმ
და იმ წუთში მის ხმას სხვებიც შეუერთდნენ.

— მე მომაგრებუღი ვარ თქვენთან, — თქვა ნატემ.

— რაო, მთღად კარგად ვერ გავიგე? — გაიკვირვა
ვალერიმ.

— ისა, რომ სკოღამ გამომგზავნა. ქართული ენის პრაქ-
ტიკა თქვენთან უნდა გავიარო. თუ წინააღმდეგი არ იქნები.

— იქნები კი არა, ნატე, არამედ, იქნებღბით. ჩვენ ხომ ოთხნი
ვართ. მაშასადამე, მრავღობითი რიცხვით უნდა მოგვმარ-
თო. — გაუსწორა ვალერიმ.

ნატემ გაიციღა.

— დიახ, ეგ რიცხვები ზოგჯერ მეშლება. თქვენთან წავლი.

— საერთოდ. რა ნიშნები გაქვს? — იკითხა, ნუგზარმა.

— საერთოდ კარგი ნიშნები მაქვს, კარგად ვსწავლობ.

ნუგზარი ადგა, ნატესთან მივიდა, თავზე ხელი გადაუსვა.

— დღეში რამდენი საათი უნდა დაპყო ჩვენთან?

— ორი საათი, ალბათ, მეყოფა.

— რასაკვირველია, საკმარისია. ყოველთვის ამ დროს გექნება ჩვენთან ვიზიტი?

— დიახ, ალბათ... თუმცა შეიძლება ზოგჯერ სხვა დროს ხელს არ შეგიშლით? მინდა თქვენთან ვიარო.

— მგონი, მე და ჩემს კოლეგებს, საწინააღმდეგო არაფერი არ უნდა გვექონდეს. ასე არაა, ძმებო?

— არაფერი, მხოლოდ ნატემ ამიტური გვასწავლოს, — თქვა ვალერიმ. ნატემ ხმამაღლა გაიცინა.

— დიახ, გასწავლით.

— შენ ძალიან გეადვილება ენების შესწავლა, — ანდრომ ვალერის მუჯღუგუნი წაჰკრა.

— დიახაც მეადვილება, — გაიღიმა ვალერიმ.

— აბა, სტუმარს სკამი მოართვით. ხომ ხედავთ, ფეხზე დგას. — თქვა ნუგზარმა.

სანამ ანდრო თავისი ოთახიდან სკამს მოიტანდა, ნატემ მაგიდაზე უდიერად დაგდებული ბარათი აიღო და ისევ შარვლის ჯიბეში ჩაიჩურთა. თანაც მარჯვენა ხელის საჩვენებელი თითი ისევ სასუნთქ აპარატთან მიიტანა, აქაოდა ისევ იყუჩებო. მერე, როცა ანდრომ სკამი შემოახრიგინა, დაჯდა და მაშინვე იკითხა: იქიდან ჩამოტანილი საბავშვო წიგნები თუ გაქვთო.

ვალერიმ გაიცინა.

— ნატე, რომ გეცოდნოდა, აქ, ფსკერზე, ასეთი მასპინძლები დაგვხვდებოდნენ, საბავშვო წიგნებს უეჭველად წამოგიღებდით, მაგრამ ჩვენ ამის თაობაზე არაფერი ვიცოდით. ამიტომ ხელცარიელი გეახელით. თუ სხვა დროს, მეორედ მოგვიწია აქეთ გამოსეირნებამ, იმდენ წიგნებს ჩამოგიტანთ, მთელი თქვენი სკოლა რომ მადლობელი დაგვრჩეს. ახლა კი გვაპატიეთ.

- როგორ, თქვენ არ იცოდით, რომ ამიტებთან დით? — იკითხა გაოცებულმა ნატემ.
- აბა, საიდან უნდა გვცოდნოდ! ჩვენ ხომ თქვენზე დღემდე არაფერი გაგვეგონა, — თქვა ნუგზარმა.
- მართლა! ჩვენ კი სკოლაში გვასწავლიან ადამიანთა ისტორიას.
- რაო? — ყური ცქვიტა ვალერიმ.
- გვასწავლიან ადამიანთა ისტორიას, რომ იქ, ზემოთ, ხმელეთზე ცხოვრობთ თქვენ. გაქვთ მაღალი სახლები. დაფრინავთ ცაში და ცურავთ ოკეანეში. ტელევიზორშიც ვუყურებთ ყოველივე ამას.
- ჰო, თქვენ იცით ჩვენზე. ჩვენ კი დღემდე არაფერი ვიცოდით, — უთხრა ნუგზარმა.
- ცუდია.
- მართლაც ცუდია, მაგრამ აწი გვეცოდინება და, როცა შინ დავბრუნდები, ჩემი ყმაწვილი ზღვაში რომ დიდ ქვას ჩააგდებს, ვეტყვი: აჩიკო, რატომ სჩადი ამას; იქ ხომ შენი ტოლი ამიტი ბიჭები ცხოვრობენ. ეგ ლოდი რომ თავში დაეცეთ, ხომ ცუდი საქმე მოხდება.
- მე კარგად ვიცნობ ჩემ ბიჭს და ის მეორედ ამას აღარ იზამს.
- ნუგზარმა ნატეს ბეჭებზე ხელი დაადო. ნატე კი იცინოდა. იცინოდა ბავშვური გულწრფელობითა და სილალით.
- ის ქვა მართლა მოაღწევს ჩვენამდე?
- შეიძლება ვერც კი მოაღწიოს, მაგრამ თქვენი რომელიმე ცელქი ბიჭი ახლოს, რომ აღმოჩნდეს!...
- მაშინ, ბახ თავში და ზედ დიდი კოპი.
- ასე ადვილად თუ გადარჩა, კიდევ არაფერი, მაგრამ ხომ შეიძლება უარესიც მოხდეს?
- შეიძლება, შენ, ყველას სკოლაში გისწავლიათ, არა?
- დიახ, ყველამ სკოლაში ვისწავლეთ, მაგრამ ამ კითხვის დასმის დროს, შენ ისევ შეგეშალა რიცხვი. შენ ყველას კი არა, თქვენ ყველას-თქო.
- დიახ, მეც მივხვდი, მაგრამ უკვე გვიან იყო. საინტერესოა თქვენი სკოლა?
- ძალიან. ჩვენთან ბავშვები ათი წელი დადიან სკო-

ლაში. მერე სწავლას უმაღლეს სასწავლებლებში აგრძელებენ.

— ჩვენთან თორმეტი წელი ვსწავლობთ.

— თორმეტი წელი?

— დიახ, მე ახლა მეშვიდეში ვარ. ხუთი წელი კიდევ უნდა ვისწავლო. გაისად კარგი იქნება.

— რატომ? — ჰკითხა ნუგზარმა.

— იმიტომ, შვიდი წელი ყველა საგანს ვსწავლობთ. მათემატიკა, ალგებრა, გეომეტრია, ოკეანოლოგია, გეოლოგია და კიდევ ბევრი. მერვე კლასში კი სპეციალობის მიხედვით. მე ისტორიკოსი უნდა გავხდე. მათემატიკურ საგნებს აღარ ვისწავლი, აღარც ქიმიას და ბევრ სხვას. რაც მიყვარს, მხოლოდ იმით ვისწავლი.

— აჰა, რაში ყოფილა საქმე. ამ საგნებმა თავი მოგაბეზრეს, არა?

ნატემ გაიცინა.

— ჰო, ასეა.

— მერე, სკოლას რომ დაამთავრებ?

— მერე ისტორიკოსთა სახლში ვისწავლი ოთხი წელი და დიპლომსაც მივიღებ.

— სხვა პროფესიის მოსაპოვებლადაც ოთხ წელს სწავლობენ?

— არა, მათემატიკოსები ექვს წელს, ექიმები ხუთს.

— ბლომად უსწავლიათ.

ნატემ ბეჭები აიწურა.

— ალბათ ასეა საჭირო. განა შენთან ამდენს არ სწავლობენ?

— ცოტა ნაკლებს.

— ჰოო, — ნატემ გაიღიმა.

— ნატე, — ახლა ანდრო გაბოშვილი მივიდა ამიტ ბიჭთან, — ასე თავისუფლად რომ დაცურავ ოკეანეში, არ გეშინია?

— რისა? — იკითხა გაოცებულმა ბიჭმა.

— როგორ თუ რისა! ვთქვათ, ზვიგენი დაგესხას, ან რვაფეხა, ანდა კიდევ ბარაკუდამ მოინდომოს შენი შესანსვლა. ერთს ჩაგიჭროლებს და მერე უყარე კაკალი.

ნატე გაოგნებული მიმტერებოდა ანდროს.

ვერ გავიგე, ვინაა ზვიგენი, ან ბარაკულა?

— ზვიგენი მტაცებელი ცხოველია, — აუხსნა ანდრომ, — მოქნილი ტანი აქვს, პირი სულ კბილებითა აქვს გამოტენილი. ისეთი ბასრი კბილებით, რომ...

— მოიცა, — თქვა ნუგზარმა. ხელები ჯიბეებზე მოისვა: იქიდან ის წერილი ამოიღო, ტუმბაზე რომ დახვდა ერთხელ დილით. გაშალა და მაგიდაზე ისე დადო, რომ კადილას ნაწერი ქვეშ მოექცა, მერე ფანქარი მოძებნა. — აი, შეხედე, ნატე, ზვიგენი ესაა.

ნუგზარმა ლამაზი, მოქნილი ცხოველი ქალაღზე გამოსახა.

— აა, ამას ამიტურად კანდა ჰქვია, — გაიცინა ნატემ.

— ეს კიდევ რვაფეხაა.

— ჰო, ამას ჩვენ ჩუკოს ვეძახით.

— ესეც შენი ბარაკულა.

— კაბუნა, კაბუნა, — აყვირდა ნატე.

— ჰოდა, ეს ცხოველები საშიში მტაცებლები არიან. ჩვენ გვეშინია მათი, რადგანაც არც ადამიანზე თავდასხმას ერიდებიან.

— მე არა, არ მეშინია. ისინი აქ არ შემოდიან. იქით ცხოვრობენ, ტყის თავზე. ხანდახან თუ შემოძვრებიან და ისევ გარბიან. მე მათი არ მეშინია...

— ვაჟკაცი ყოფილხარ.

გაბოშვილმა მხარზე ხელი დაჰკრა.

— ვაჟკაცი რა არის?

— აი, ასეთი ყოჩაღი ბიჭი, როგორიც შენ ხარ. არაფრის რომ არ ეშინია. პირიქით, სხვებს რომ აშინებს.

— ჰოო, — ნატემ გაიცინა.

— მაშ მე ვაჟკაცი ხარ.

— ხარ კი არა, ვარ, — ასე უნდა თქვა.

— მივხვდი, მივხვდი, ვაჟკაცი ვარ. იქ, ზევით ბევრი ვაჟკაცია?

— ბლომად, მაგრამ ისეთი ბიჭებიც არიან, რომლებიც ვაჟკაცობაზე თავს ვერ დებენ, მაგრამ მაინც კარგი ბიჭები არიან.

ნატემ გაიცინა.

ნატე რომ წავიდა, ნუგზარმა საშინელი მოწყენა იგრძნობდა. ასეთ დროს ყოველთვის განმარტოებას ირჩევდა. ახლაც ადგა და თავის ოთახს მიაშურა. მხოლოდ ფეხთ გაიძრო, ისე მიეგდო საწოლზე.

ჯერ კიდევ მაშინ, როცა კურსანტის ფორმაში გამოწყობილი პირველად წაჰყვა სათევზაო გემს შორეულ რეისში, ნუგზარმა დიდი სევდა იგრძნო. სხვა დროს არც კი უფიქრია, ნოსტალგიაზე. ახლა კი ყოველცისმარე, გემბანიდან გაჰყურებდა ნათელ ცას, რომლის ჰორიზონტს იქით მისი ქვეყნის კონტურები გაუჩინარდა.

მაშინ ჰაბუკი იყო და ყველაფერს ხარბად აღიქვამდა. ასევე აღიქვა ზღვაც, რომელიც მის სხეულში ნელ-ნელა ისე მკვიდრდებოდა, როგორც სულის განუყრელი ნაწილი. სწორედ მაშინ მიხვდა პირველად, რომ სევდას ზღვის ტალღებით უნდა უმკურნალო. იმ წუთებში, როცა გულზე ნაღველი შემოაწვებოდა, უკანა ერდოზე ჩადიოდა, მოაჯირს გადაეკიდებოდა და ოკეანის ტალღებს უსმენდა. ის ნელ-ნელა სწავლობდა ზღვის ენას. მისი სმენა უკვე არჩევდა ზღვის მოთქმასა და მხიარულ ბუტბუტს. ზოგჯერ მას მოწყენილ მზეთუნახავს ადარებდა, ზოგჯერ კი აშარ მუზმუზელა ბიჭს. მაშინვე ქრებოდა მელანქოლია. ოკეანის ნაირ-ნაირ ბგერებს მის სხეულში უხვად შეჰქონდა მზე და წყალი. სულ ათ წუთში სულიერი მეტამორფოზა თავის ზენიტს აღწევდა და ნუგზარი ლაღად ადიოდა გროტანძის შავად მოლაპლაპე კიბეზე.

ახლაც სურდა, მოესმინა ზღვისათვის. თუგინდ ამ წუთში ტალღები მასზე უფრო მოწყენილი ყოფილიყო. მოესმინა, რომ ის სევდა, რაც ნატეს გამოჩენამ შექმნა, გაეფანტა. თითქოსდა ეს ზღვის პატარა ბიჭი ჩამოგავდა კიდევ მის აჩიკოს... ასეთივე ჭიუტი გამოხედვა და უდარდელი სიცილი იცოდა. ხმაც ასე უწყრიალებდა.

აჰ, რა კარგი იქნებოდა ახლა, ამ წუთში უკანა ერდოზე რომ იდგეს და მუქ ტალღებს ეჩურჩულებოდეს...

ოთახში რომ ვიდაც შემოვიდა, არ ესიამოვნა. ანდრო იყო.
— ბანქოს არ ითამაშებთ, კაპიტანო?
უნდოდა ეთქვა, არაო, მაგრამ ანდროს ისეთი ნაღვლიანი



ხმა, ჰქონდა, ამ ხმაში იმდენი მწუხარება იგრძნო, უარყოფითად
შებედა. წამოდგა და ფეხები უღარდელად გაშალა.

— როგორ არა, ვითამაშოთ. თევზჭერის სამმართველოში
ვიყავი მისასვლელი, მაგრამ ხვალ წავალ. მგონი ამით არაფე-
რი დაშავდეს.

ანდრომ გულით გაიცინა.

— იქნებ მეც წაგეყვანეთ, კაპიტანო, ძლიერ მომენატრნენ
ჩვენი ბიჭები.

— სიამოვნებით, როცა წავალ, წაგიყვან.

კაპიტანმა ხაზი გაუსვა ამ სიტყვებს და ანდროსაც ერთ
წუთს კვლავ მოაწვა გულზე ეს დაწყევლილი ნოსტალგია.

კადილა არც მეორე დღეს მოსულა და არც მესამე დღეს. სა-
მაგიეროდ, სისტემატურად მოდიოდა ნატე. პატარა, მხიარული
ნატე და თან მოჰქონდა ათასი ფუთი სითბო. ნატე უჩუმრად შე-
მოიჭრა მათ ცხოვრებაში. მეორე დღეს რომ აღარ გამოჩნდა,
ყურები ჩამოყარეს.

სადილობისას კადილა მოვიდა. მას დაღლილი და სევდიან-
ი სახე ჰქონდა. ნუგზარმა შეება იგრძნო, როცა კადილა მოკ-
ლე ნაბიჯებით გასართობ ოთახში შემოვიდა.

— აი, მეც აქა ვარ, — თქვა მან და ვალერის გვერდით
დაჯდა.

ნუგზარმა სკამი მისკენ მიაჩოჩა.

— დღეს რატომ არ ჩანს ნატე? — იკითხა მან.

კადილამ გაღიმება სცადა.

— ნატე დღეს სკოლაში გველოდება. თავი ხომ არ მოგა-
ზეზრათ ამ ანცმა ბიჭმა?

— არა, ქალბატონო კადილა, — რაღაც დიდი სითბოთი
თქვა ვალერიმ, — პირიქით, ნატემ თავი შეგვაყვარა. თითო-
ეული ჩვენთაგანი მასში საკუთარ შვილს ხედავს.

ვალერი ახლა სულაც არ ჰგავდა თავისთავს. სახე ერთთა-
ვად ჩამოსტიროდა, თვალებში სევდა ჩასდგომოდა. იფიქრებ-
დით, საცაა, ლოყაზე ცრემლები მიძივებდა ჩამოუგორდებო.

კადილამ კვლავ სცადა გაღიმება, მაგრამ ისევ არ გამოუ-
ვიდა.



— მიხარია, თუ ნატემ ცოტა სიამოვნება მაინც მოგვცა რათ. იგი ახლა მოუთმენლად გელით თქვენ. ვფიქრობ, მესტეცოთაშა შეუყვარდით.

— მაშ, სკოლაში მივდივართ? — იკითხა ანდრომ.

— დიახ, სკოლაში.

— ასე ხელცარიელი? — გაბოშვილმა ნუგზარს გადახედა.

— ამჭერად ასე იყოს, ანდრო, — თქვა ნუგზარმა, — ჩვენი ბრალი ხომ არაა. რას იზამ, ტყვეები ვართ.

— ნუ ხმარობთ ამ საშინელ სიტყვას, როცა სიტყვა „ტყვეები“ მესმის, ყოველთვის წარმომიდგება ყველაზე ტანჯული კაცი.

— ჩვენც ზუსტად ასე ვართ...

— ესე იგი, თქვენ დესპოტებთან იმყოფებით...

— არა, მაგას არ ვამბობ, ვფიქრობ, ამიტები ლმობიერი ხალხი უნდა იყოს.

— არც ცდებით.

— მაგრამ, ხანდახან, იცით, ლმობიერება ძალზე საშიში ხდება. გულახდილად მითხარით, ოდესმე თუ გაგიშვიათ ტყვე ადამიანი. ის დიაგრამები, დინაკთან რომ ვნახეთ, მაფიქრებინებენ, ასეთი ტყვეები თქვენ არცთუ ისე ცოტა უნდა გყოლოდათ, მაგრამ იქნებ რომელიმე მათგანი იმ პირობით გაათავისუფლეთ, რომ თქვენს შესახებ კრინტს არ დაძრავდა. მანაც შეასრულა თავისი სიტყვა, დაბრუნდა და ხმაც არ ამოუღია, თითქოსდა ამიტები თვალითაც არ ენახოს.

კადილა დუმდა. დიდხანს დუმდა, ბოლოს, როგორც იყო, ამოღერდა:

— ჩვენთან ბევრი ადამიანი მოხვედრილა, ცოცხალი კი არავინ წასულა. ამიტებმა კარგად იციან ერთი ჭეშმარიტება: როცა საქმე უდიდეს საილუმლოებას ეხება, პატიოსან სიტყვაზე დანდობა დიდი სისულელეა. მით უმეტეს, თუ კარგად იცი, შურისმაძიებელი ვერ მოგვწვდება. ჩვენ არასოდეს არ ვჭრით იმ ხეს, რომელზედაც პაპას ეძინა.

— მაშ, რა დაემართათ იმ ბედკრულ ადამიანებს, თქვენს ტყვეებს?

— დაიხოცნენ. ჭერჭერობით ხმელეთის ადამიანები მთლად

კარგად ვერ ეგუებით ფსკერს. სწორედ ეს გვაფიქრებინებს, რომ თქვენი შეტევა ოკეანეზე შორეული მომავლისაა.

— ამჟამად ხომ არ გყავთ ტყვედ ადამიანები? — ეს უკვე ვალერიმ იკითხა.

— კი, ეს თქვენ ხართ...

— არა, ვერ გამოგეთ, კადილა, ჩვენს გარდა თუ გყავთ. ჩვენ რომ ამიტების ტყვე ვართ, ამაში ჯერ კიდევ ათი დღის უკან დავრწმუნდით. ნუგზარმა გაკვირვებით შეხედა ვალერის და მერე ხმადაბლა ჩაილაპარაკა:

— ნუთუ ათი დღე გავიდა.

— მეტი, — თქვა კადილამ, — დღეს მეთხუთმეტე დღეა.

— ჰო, მე დაახლოებით ვთქვი, — თავი იმართლა ვალერიმ, — მაგრამ თქვენ არ მიბასუხეთ მთავარ კითხვაზე.

— ამჟამად ტყვედ გყავს თუ არა სხვა ადამიანებიც?

— რომ გითხრათ — არაო, დამიჯერებთ? — კადილას ხმა გაეზზარა.

— რასაკვირველია, თქვენ ხომ ბრძანეთ, ამიტი არასოდეს არ ცრუობსო, — უთხრა ვალერიმ და თვალი გაუსწორა.

— არა გეყავს. იყო ერთი პორტუგალიელის ოჯახი.

— მთელი ოჯახი? — იკითხა გაბოშვილმა და სკამი ახლოს შიაჩოჩა.

— დიახ, მთელი ოჯახი. დედა, მამა და ექვსი შვილი. საკუთარი იახტით მიცურავდნენ და ტერორისტებმა მოიტაცეს.

— მერე? — ვერ ისვენებდა გაბოშვილი.

კადილას ხმა უფრო გაეზზარა.

— მერე, ამ ერთი კვირის წინათ ტერორისტებმა გამოაცხადეს მათი გარდაცვალების ამბავი.

— იქნებ დახოცეს? — იკითხა ნუგზარმა.

— შესაძლოა. ვფიქრობთ, დახოცავდნენ. სახელმწიფო უშიშროების სამსახური მთელი თვე ეძებდა ტყვეთა სამყოფელს, ვერ მიაკვლიეს.

მოდით, დღეს ეს ვიკმაროთ. ბავშვები გველოდებიან, შევიბრალოთ, მთლად ცხვირჩამოშვებული მათთან მისვლა არ ივარგებს.

არავის არაფერი უთქვამს და კადილა წამოდგა.

— მანქანა გველოდება.

— შეიძლება თქვენს გვერდით კაბინაში მოვთავსდე? მარტო ტერესებს, როგორ მართავენ კიბანს, — უთხრა კადილას ვალერიმ და ისიც ადგა.

— რასაკვირველია, შეიძლება, მაგრამ კაბინა ღიაა, თქვენ იქ დაიღუბებით.

ბატისკაფში გვექონდა წნევისგამძლე კოსტიუმები და ჟანგბადის ბალონები. ის ინვენტარი კარგ სამსახურს გავვიწევდა ახლა.

კადილა დაფიქრდა.

— მოითმინეთ, შეიძლება გიშოვოთ საჭირო კოსტიუმი.

იგი გავიდა. როცა დაბრუნდა, ისევ ვალერის გვერდით დადგა.

— საქმე მოგვარებულია, თქვენ ჩემ გვერდით მოთავსდებით, კაბინაში. — ვალერიმ ხელი გაუწოდა, როცა მისი კოტიტა თითები ქალიშვილისას შეეხო, იგრძნო, რომ კადილას ცივი ხელი ჰქონდა.

— წელან რომ მობრძანდით, ძალზე მოწყენილი იყავით, ახლა გუნება შეგეცვალათ. რა მოხდა ხუთ წუთში?

კადილამ ვალერის გაუღიმა.

— ამიხოტიდან მართლაც ცუდ გუნებაზე დავბრუნდი. ამაზე სხვა დროს. ახლა, თუ ხასიათი შემეცვალა, ეს იმიტომ, ძალზე მსიამოვნებს, როცა ვინმეს კეთილ სურვილს ვუსრულებ. თქვენი სურვილი შევასრულე, ვალერი, და ეს გამიხარდა. ნება მომეცი, ჩემი შინაგანი ბუნებით დავტკბე. ჩვენ ხომ სიხარული ისედაც შეზღუდული გვაქვს.

— ასეთი რამის განცდა მხოლოდ ძალზე კეთილ ადამიანებს შეუძლიათ, ბარაქალა თქვენს გულს, კადილა, — თქვა ნუგზარმა.

კადილამ მაღლიერებით სავსე თვალებით შეხედა. ნუგზარს მოეჩვენა, თითქოსდა ქალიშვილს ფერმკრთალ უბეებში ცრემლი ჩადგომოდა. იმ წუთში რაღაც ძალამ უბიძგა. უნდოდა ხელი მოეხვია კადილასათვის და ეთქვა თბილი სიტყვები, რომლებსაც ჩვეულებრივ ლამაზსა და კეთილ ქალიშვილს ეუბნებიან.

მაგრამ ეს არ გაუკეთებია. სულ ბოლო წამებში თავი შეიკავა. ყრუდ ჩაახველა და მზერა ვალერისაკენ გააპყრო. კადილამ თითქოს იგრძნო ვაჟის წადილი. იდგა ცოტათი აგზნებული, ცოტაც მელანქოლიური და ცდილობდა, ნუგზარის თვალეებში ჩაეხედა. თუ ამას ვერ ახერხებდა, მხოლოდ იმიტომ, რომ ნუგზარი ახლა ლასოასხლეტილი ულაყივით ჯიუტად განზე გარბოდა.

წითელ ოთახში რომ გავიდნენ, ვალერიმ ბეჭზე კადილას ხელის შეხება იგრძნო.

— ვალერი, იმ ჯიხურს ხედავთ? — ჩაესმა ქალიშვილის ხმაც.

— ვხედავ. ადრე არ იდგა, ახლა მოურთმევიან ჩვენთვის.

— პირადად თქვენთვის მოიტანეს. შეხვალთ შიგ, გაიძრობთ ყველაფერს...

— ქვედა და ზედა საცვალსაც?

— არა, ეგ საჭირო არაა, — გაიღიმა კადილამ, იქ ელასტური კოსტიუმიცა, ჩაიცვით. გაიკეთეთ ნილაბიც, ნილაბს თავისი სასუნთქი აპარატიც აქვს. საქმეს რომ მორჩებით, მაშინვე გამოდით, ისედაც ბევრი დრო დავკარგეთ. ჰო, მართლა, იქ ჟანგბადის ბალონიც იქნება, ზურგზე მოიგდეთ. გამიგეთ?

— ყველაფერი მესმის, კადილა, პროცედურას ჩქარა მოვრჩები, მაგრამ ჟანგბადიან ოთახში ნილბით გამოსვლა საშიში ხომ არაა?

— არა იგი ასეთი ოთახისთვისაცაა გათვალისწინებული. იჩქარეთ ვალერი.

— მივდივარ, — თითქმის დაიყვირა ვალერიმ და ჯიხურისაკენ გაქანდა.

ოთხ წუთში იქიდან უცნაური ორფეხა გამოვიდა. ნამდვილად რომ არ სცოდნოდათ, ჯიხურს მხოლოდ და მხოლოდ იმ ადამიანის გამოშვება შეეძლო, რომელსაც სახელად ვალერი ერქმეოდა და გვარადაც ბასილაია იქნებოდა, უეჭველად ეჭვს შეიტანდნენ იმ ორფეხის ვინაობაში, მაგრამ ახლა მეტი რა ჩარაიყო, გინდოდა თუ არა, უნდა გეწამა, რომ ზვიგენისთავიან ნილბში მათი ანგალი მეგობარი იმალებოდა.

ანდრო გამოშვილი ამ დროს სულ სხვა მხარეს იყურებოდა. ამიტომ ძლიერ შეკრთა, როცა იგრძნო, მარჯვენა ფეხზე

რალაც სულიერი რომ ჩააფრინდა. იმავე დროს მისმა უცნაური ბგერებიც აღიქვა.

დაფეფებული შემობრუნდა. ხედავს, მეტრ და სამოცდაათ სანტიმეტრიან ზვიგენს მისი ფეხისათვის ხელები ჩაუვლია. იმ წუთში ის გაიფიქრა, საიდან გაუჩნდა ხელები ზვიგენსო. მერე ერთი მაგრად დაიფრუტუნა და ფეხის განთავისუფლება სცადა, მაგრამ რამდენს არ გაიქაჩა ანდრო, არაფერი არ გამოუვიდა.

ყველაზე დიდი სერი კი კადილა იყო. სასუნთქმა აპარატმა რომ ველარ გაუძლო მის გულიან სიცილს, კისრამდე ჩამოიწია, ხელები მკერდზე მიიჭირა და ისე კისკისებდა.

ნუგზარმა პირველად ნახა ჟანგბადის სამყაროში მისი დიდებული სილამაზე. ის კომიკური სცენა, რომელიც ორი წუთის წინ დაიწყო და ფინალამდე ჯერ არც კი მისულიყო, მისთვის აღარ არსებობდა. იგი შიშითა და გოცებით მისჩერებოდა კადილას და მკერდი მძიმედ აუღ-ჩაუდიოდა.

ბოლოს, როდის-როდის კადილამ ცრემლები ხელისგულით ამოიწმინდა, სასუნთქი აპარატი ისევ ნიკაპზე ზემოთ ააცოცა და მხოლოდ ახლა თქვა: ძალიან გაგიჭირდებოდათ ჩვენთან ყოფნა, თქვენს შორის ვალერი რომ არ იყოსო.

ანდრო ამასობაში ყველაფერში გაერკვა. ვალერის ხელი ჩაავლო, ჰაერში ციმციმ აიტაცა და ნუგზარს მიუბრუნდა:

— რას მიბრძანებთ, კაპიტანო, რა ვუყო ამ ეშმაკის კერძს?

ნუგზარს ძალზე სერიოზული სახე ჰქონდა და ანდრომაც ხელი უშვა თავის ნადავლს.

— თქვენ შეგიძლიათ სუფთა ჟანგბადით ისუნთქოთ? — ჰკითხა ნუგზარმა კადილას.

— არა, არ შემიძლია, ეს ისე, სულ ერთი წუთი: კიდევ რომ გაგრძელებულიყო, შოკში ჩავარდებოდი და დამნაშავე ვალერი იქნებოდა. ამიტომ, ვალერი, როცა ჩემთან ხართ, უფრო თავშეკავებულად იხუმრეთ.

— გასაგებია. სულაც აღარ ვიხუმრებ.

— არა, ეგ არ მითქვამს, ხუმრობას რა სჯობს, მაგრამ ამ აპარატის ქვეშ არ შეიძლება მთელი სხეულით ვიცინო.

კადილამ ერთბაშად სერიოზული სახე მიიღო.

— აბა, წავიდეთ, ისედაც ბევრი დავაგვიანეთ.

კადილა კედელთან მივიდა, ხელი შეახო. კედელზე დაკრული მონასტრული ლიუქის კვალობაზე გაიხსნა. ლიუქს იქით კი, კიბანის საჯდომები ჩანდა.

— აბა, ვალერის გარდა ყველანი უკანა კაბინაში შებრძანდით. ვალერი უკვე ამიტია.

ნუგზარი, ვიტალი და ანდრო, ლიუქში შეძვრნენ თუ არა, სარკველი მაშინვე დაიხურა და კადილამაც ახლა ცოტა მარჯვნივ გადაინაცვლა, ისევ შეახო კედელს თითი და კვლავ დაიხურა იგი. კადილა და ვალერი ძალიან პატარა ოთახში აღმოჩნდნენ. დაიხურა თუ არა ის წითელი კედელი, ვალერიმ იგრძნო, როგორ აივსო წყლით ვიწრო კაიუტა. იგი კადილას წინ აღმოჩნდა; კადილა, რასაკვირველია, სასუნთქი აპარატის გარეშე იღგა და ვალერი გამჭვირვალე წყალში ხედავდა მის ალუბლისფერ ტუჩებს, კოხტა ცხვირს და ქათქათა კბილებს. მაგრამ ყველაზე საოცარი ის იყო, რომ ვალერი წყლის ტემპერატურას ვერ გრძნობდა. მაშინვე მარჯვენა დაულოცა მათ, ვინც ეს კოსტიუმი შექმნა. სწორედ ამ დროს ყურთან კადილას ჩურჩული მოესმა:

— ვალერი, ცურვა იცით?

ვალერიმ მარჯვენა ხელი გაიქნია.

— რასა ბრძანებთ, მეზღვაური და ცურვა არ იცოდეს.

— ჰო, მაინც გკითხეთ.

— რა კარგად მესმის თქვენი ხმა.

— ეს იმიტომ, რომ ნილაბზე დაპროექტებულია სპეციალური წყალქვეშა სმენის აპარატი.

წყალში გაფანტულ უამრავ ბგერებს შორის კადილას ხმა ცოტა მელანქოლიურად ჟღერდა.

— აბა, მომყევით, არ დამკარგოთ!

ეს უკვე ბრძანება იყო და ვალერიმაც კარგად დაინახა, თუ თევზქალი როგორ გაცურდა მის წინ. მიხვდა, რომ უკვე ღია სივრცეში იყვნენ. ხედავდა მხოლოდ კადილას ფეხებს, რომლებიც მწყობრად მოძრაობდნენ და ქალიშვილის სხეული მიჰქონდათ წინ.

ვალერიმ იმარჯვა. ხელებიცა და ფეხებიც მაგრად გაიქნია.

თვითონაც ჰორიზონტალურ მდგომარეობაში გადავიდა და წმინტის ნაკვალევს გაჰყვა.

ალარ ახსოვს, ეს მართონი რამდენ ხანს გაგრძელდა, მაგრამ როცა მის წინ კიბანი შეამჩნია, ძლიერ გაუხარდა. კადილა კაბინაში შესრიალდა და ვალერიც მაშინვე მის გვერდით გაჩნდა.

— ყოჩაღ, ვალერი, ვერც კი წარმოვიდგენდი, თუ ადამიანს ასეთი ცურვა შეეძლო.

— მგონი, ცუდი მოცურავე არ უნდა ვიყო, ქალბატონო კადილა. მთელი ცხოვრება ზღვის ტალღებში და მანქანებთან გამიტარებია.

— თუ ტექნიკაში ისე ერკვევით, როგორც ცურვაში, მაშინ შემიძლია ვიფიქრო, რომ კარგი სპეციალისტი ბრძანდებით.

— რა მოგახსენოთ, ჩვენში ამბობენ: თავის ქება კიტრად არ ღირსო. კიტრის ფასი კი კაპიკია. ერთი ეს მითხარით, კიბანს მართვის ორი პულტი აქვს?

— დიახ.

ვალერი სულ ახლოს იჯდა კადილასთან. კაბინა საკმაოდ სრული იყო. თავისუფლად იტევდა ორ სულიერს. სამართავი აპარატურა კადილას წინაც იყო მოთავსებული და ზუსტად მისი ასლი ვალერის ედგა.

კადილამ ვალერის გადახედა.

— თუ გსურთ, ისწავლოთ კიბანის მართვა, დააკვირდით ჩემს მოძრაობას.

ვალერიმ თავი დაუქნია.

— მანქანა წესრიგში ასე მოდის.

კადილამ სამი თითით წითელი ჩამრთველი გადართო.

— გასაღებით არ ალებთ? — იკითხა ვალერიმ.

— გასაღები რა საჭიროა.

— ვინმემ თქვენი ნებართვის გარეშე, რომ არ ცადოს გასეირნება.

— არა, ასეთი რამ არ ხდება. ამის უფლება არავის არა აქვს.

— აგაშენოთ ღმერთმა.

კადილამ საჭეს მოჰკიდა ხელი.

კიბანის საჭე მსუბუქია, ადვილად ემორჩილება ხელს. ამი-

ტომ მძლოლისაგან ფაქიზ მოპყრობას მოითხოვს. საკმაოდ სწრაფად, ოდნავ დაუდევრად გასწიოთ და მანქანაც მაშინვე შეწყვეტდება, აბა, კარგად მოჰკიდეთ საჭეს ხელი. მივდივართ.

მანქანა დაიძრა. მაშინვე იმ ტრასაზე გავიდნენ, გასართობი ოთახის ფართო მინიდან რომ ჩანდა. ლამაზი ხეივანი იყო. აქეთ-იქით უზამხარი ამწვანებული ხეები. შუაში ფართო ქუჩა და ქუჩის ქვეშ პროექტორები. ვალერიმ თავი ველარ შეიკავა და კადილას მიუბრუნდა:

— უკეთესად ვერც კი მოიფიქრებდა კაცი ოკეანის ფსკერის განათებას, იდეალური ვარიანტია. თავი რომელიმე დიდ ქალაქში მგონია.

— ვალერი, ეს პროექტები მუშავდებოდა საუკუნეების განმავლობაში. ამიტები თანდათან ხვეწდნენ მემკვიდრეობით მიღებულ გამოცდილებას. მუშაობდნენ მკლავმოუღლეად და აი, ბოლოს შედეგიც.

— ბარაქალა თქვენს შრომას.

— გმადლობთ. ეჩვევით საჭეს?

— მგონი კი.

— მაშინ იცით რა, თუ გასურთ ცოტაზე თქვენ ატარეთ, შეძლებთ?

— ენახოთ.

— დააკვირდით, ეს გადამრთველი სიჩქარეებისაა. მარჯვნივ რომ გადასწევთ, სიჩქარე მოიმატებს და, პირიქით. კიდევ ერთი რამ დაიხსომეთ, რაც უფრო დიდი სისწრაფით მიდიხართ, ჭერიც მაღალი უნდა აიღოთ. თქვენთან ჰორიზონტალური მოძრაობაა, ჩვენთან კი ვერტიკალური.

— ვიცი, ეგ ხომ უკვე გვითხარით.

— ჰოდა, კარგად დაიხსომეთ. მანქანას უკვე თქვენ მართავთ.

ვალერი დაიძაბა. საჭეს მაგრად ჩაავლო ხელი და თვალებით გზა გაზომა. კიბანები ბლომად მოძრაობდნენ. ისინი ძირითადად მათ თავზე დაქროდნენ და ვალერი მიხვდა, მათი მანქანა ნელა მიდიოდა და საჭე მძლოლს კარგად ემორჩილებოდა. მართვაში გაწაფულ ხელებს ჩინებულად მიჰყავდა მანქანა.

ცოტა ხნის შემდეგ ვალერიმ რომ სიჩქარეს მოუმატა, კა-

დილამ მხოლოდ ღიმილით გადახედა. ამან გაათამამა და დევ მოუმატა სიჩქარეს. ქალიშვილს რომ არ დაეტუქსა, თქვა: კარგი მანქანააო. კადილამ თავი დაუქნია.

— კიბანი ჩვენთან ნიჭიერმა კონსტრუქტორებმა შექმნეს. მანქანამ ყოველმხრივ გაამართლა.

— რამდენი აქვს კრეისერული სვლა?

— თქვენს კილომეტრებზე გადაყვანით, საათში ასორმოცდაათი.

— რამდენი? — გაიკვირვა ვალერიმ.

— ასორმოცდაათი კილომეტრი.

— პირდაპირ წარმოუდგენელია. რატომ აქვს ორი სამართავი პულტი?

— კიბანი განსაზღვრულია შორი რეისებისათვის. შორ გზაზე კი ჩვენთან მარტოხელა მგზავრები არ დადიან. ამიტომ კონსტრუქტორებმა ასე გადაწყვიტეს, შეექმნათ ორი სამართავი პულტი, როცა ერთი მძლოლი დაიძვება, მუშაობას მეორე გააგრძელებს. ასე უფრო მიზანშეწონილია.

— გეთანხმებით.

— თქვენ ისე დაგყავთ, თითქოსდა ყოველდღე ჯდებოდეთ კიბანის საჭესთან.

— საჭე ჩემთვის არაა უცხო. მეც მაქვს საკუთარი მანქანა. თუმცა ის ოკეანის ფსკერზე არ დაცურავს, მაგრამ რა მოვალეობაც აკისრია, იმ საქმეს შესანიშნავად ართმევს თავს. ერთი რამ მინდა გკითხოთ, კადილა.

კადილა ვალერისაკენ შებრუნდა და დაიძაბა. ვალერიმ რომ ხმის ამოღება დაავციანა, ველარ მოითმინა.

— თქვით, ვალერი, გელოდებით.

— იცით რა, კადილა, — გაუბედავად დაიწყო ვალერემ, — დინაკთან რომ ვიყავით, ხომ გახსოვთ?

კადილამ გაიციინა.

— როგორ არ მახსოვს.

— მაშინ დინაკმა თქვა...

— ჰო, რა თქვა?

— თქვა, რომ ამიტები ნელა მრავლდებიანო. რატომ ხდება ასე?

— ადგილები, სადაც ამიტები მოსახლეობენ, გეოლოგიუ-



რად ჯერ კიდევ ჩამოუყალიბებელია. ხშირია მიწისძვრები, ცხელი კანების ამოფრქვევა და სხვა ათიათასი უბედურება. თითოეულ ასეთ მოვლენას დიდი მსხვერპლი მოსდევს. სწორედ ამიტომ ვიწყებთ ოკეანის თხელ შრეებში გადმოსახლება. ტერასებმა, სადაც ჩვენ ახლა ვსახლდებით, გაიარეს გეოლოგიური გარდაქმნის პერიოდი და შედარებით სიმშვიდის ხანაში შევიდნენ. გარდა ამისა, თხელ შრეებში ჩვენ თანმიმდევრულად ვწყვეტთ ორ პრობლემას — წნევისა და ჰაერთან შეგუების პრობლემას.

— მრავალშვილიანობას თუ მისდევენ ამიტები?

სამწუხაროდ, არა. ორი-სამი, იშვიათად ოთხი შვილი თუ ჰყავთ.

— ცუდია.

— რა თქმა უნდა! პარლამენტმა ამის თაობაზე რამდენჯერმე იმსჯელა და კანონიც მიიღო, მაგრამ საქმეს არაფერი ეშველა.

ახლა ამიტები ფიზიკურად შესანიშნავად არიან შეგუებული ოკეანის თხელ შრეებს. სანამ ამას მივადწევდით, ჩვენ ანატომიურად საკმაოდ დიდი ცვლილებები განვიცადეთ. ამიტთა სასუნთქი-ორგანოები თითქმის სულ შეიცვალა. სასუნთქმა აპარატმა კი, რომელიც ამ ორმოცდაათი წლის წინათ შექმნეს კონსტრუქტორებმა, მთელი გადატრიალება მოახდინა. ჩვენ გვჯერა მომავლის, ამიტომაც ასე მტკიცედ მოვბიჯებთ თქვენს გვერდით, მხარს გიმშვენებთ.

— რწმენა დიდი საქმეა. — თქვა ვალერიმ.

— რასაკვირველია, რწმენა ქმნის იდეებს. ახლა კი მარჯვნივ შეუხზვიეთ, სიჩქარეს დაუკელით!

— არის, კაპიტანო!

ვალერიმ საჭე მარჯვნივ შეაბრუნა და სიჩქარესაც დაუკლო. მარჯვნივაც ფართო ქუჩა ჩანდა. მანქანები აქ შედარებით ნაკლებად მოძრაობდნენ და ვალერიმაც, როგორც კი ხალვათობა იგრძნო, თავი შეაბრუნა. კაბინის იქით მან მეგობრების გაცეხული მზერა დაიჭირა. სასაცილოდ დაჰყეტილ სამ წყვილ თვალს თვალი ჩაუკრა, მაგრამ ზვიგენის ნიღბის ქვეშ მეგობრებმა შეამჩნიეს თუ არა ვალერის ეს მანევრი, ვეღარ გაიგო. სამაგიეროდ გამოკვეთით და ნათლად გაიგონა კადილას ხმა, მარცხენა ყურთან რომ მოესმა.

— ფრთხილად! არ დაგავიწყდეს, რომ შენ ახლა ასი კილომეტრის სიჩქარით მიდიხარ. გესმით, ასი კილომეტრით!..

— რაო?

— ასი კილომეტრით. დახედე სიჩქარისმზომს.

კადილამ თითი დაადო რაღაც ციფერბლატს, რომელიც ზედ ვალერის ცხვირწინ იყო მოთავსებული, მაგრამ იქ რა ეწერა, რასაკვირველია, ამის წაკითხვა მის გვერდით მჯდომმა კაცმა ვერ შეძლო.

კადილამ ხმამაღლა გაიციხა.

— სულ გადამავიწყდა, რომ შენ ადამიანი ხარ. აქ ხომ ამიტურად წერია. მე კი, მე ისე მოგმართავ, როგორც ამიტს. აბა, ბიჭი ხარ და წაიკითხე.

ვალერი შეიშშმუნა. მარცხენა თავისუფალი ხელით სცადა ცხვირის წვერი მოეფხანა. ეს არც ისე მოხერხებულად გამოუვიდა, წილაბი სანახევროდ გვერდზე მოექცა და საბოლოოდ მოეშვა თავისი გრძელი ცხვირის წვერს.

— მგონი, ასე ძველი ხეთები წერდნენ. რაღაც მეცნობა. გინახავთ ხეთების მიერ შესრულებული ლურსმული წარწერები?

ვალერი ფიქრობდა, რომ ქალიშვილი იტყოდა, არ მინახავსო. ძალზე გაუკვირდა, როცა კადილამ საწინააღმდეგო თქვა.

— რაო! ისიც არ მითხრათ, ანკარის ხეთურ მუზეუმში ვიყავიო.

— ანკარის ხეთურ მუზეუმში ნამდვილად არ ვყოფილვარ, მაგრამ ხეთური წარწერები კი მინახავს. სიმართლე გითხრათ, მასთან ამიტურის რაიმე ნათესაობას ვერ ვამჩნევ.

— მაბატით, თქვენ სად ნახეთ ხეთური წარწერები?

— სადაც თქვენ, წიგნებში.

— არა, მე მარტო წიგნებში არ მინახავს. ეს წარწერები ვნახე აგრეთვე მცირე აზიის ქვეყნების მუზეუმებში, ნუთუ მსგავსება მართლა არაა? რატომ მომეჩვენა ასე? არ ვიცი!

— ბედნიერი კაცი ხართ, თუ მუზეუმებშიც გინახავთ, მაგრამ ეს ჩემს მოსაზრებას ვერ შეცვლის.

ვალერის სურდა, საუბრის თემა შეეცვალა და იკითხა: ჩვენი საუბარი მეორე კაბინაში მსხდომთ თუ ესმითო.

— არა, — თქვა კადილამ, — კაბინებს შორის კავშირი ამჟამად გამორთულია.

— ხომ შეიძლება რომ ჩავრთოთ?

— რა თქმა უნდა.

კადილამ საქესთან ახლოს მოთავსებულ პატარა კნოპს შე-
ახო საჩვენებელი თითი.

— კავშირი ჩართულია!

— ამხანაგო ნუგზარ, გესმით ჩემი?

— შესანიშნავად, ამხანაგო ვალერი. ვწუხვართ მხოლოდ,
რომ თქვენს სახეს ვერ ვხედავთ. ვუჭვრეტთ მხოლოდ რაღაც
ზვიგენისმაგვარი ცხოველის მახინჯ გამოსახულებას.

— ეს ცხოველი მე ვარ, ამხანაგო ნუგზარ. კიბანი მე მიმ-
ყავს. ასე რომ, თქვენი სიცოცხლე ჩემს ხელშია.

— ქალბატონო კადილა, ძალიანა გთხოვთ, მთლად მაგის
ხელში ნუ ჩაგვადებთ. არავითარ სიკეთეს არ ველით ვალე-
რისაგან, ცოტა კონტროლიც დაუწესეთ.

— ნუ სწუხართ, ამხანაგო ნუგზარ, ვალერი ჩინებული
მძღოლია. ჩემისთანები მას შეგირდად თუ გამოადგებიან.

კადილას სახე კაბინების გამყოფი მინისაკენ ჰქონდა შე-
მობრუნებული და ნუგზარი ხედავდა მის გაღიმებულ სახეს,
ჰაერში ტალღისებურად აცურებულ რბილ თმებს.

თქვენ გულწრფელად ამბობთ ამას?

— რასაკვირველია, სრულიად გულწრფელად.

— მაშინ ისლა დაგვრჩენია, ჩვენს მეგობარს მივულოცოთ
ასეთი დიდი წარმატება. გილოცავთ, ვალერი!

გაისმა ნუგზარის ხმა და მას მაშინვე ვიტალისა და ანდ-
როს შეძახილიც მოჰყვა.

— ახლა ვრწმუნდები, მთლად სულელურად რომ არ მი-
ტარებია ცხოვრება, ცოტა ჰკუთისათვისაც დამიტანებია ძალა.

ვალერიმ ჩაიხვიხვინა და მარცხენა ხელი გაიქნია.

— პირდაპირ დიდ შენობას ხედავთ? — ჰკითხა სწორედ
ამ დროს კადილამ.

— დიახ, ვხედავ!

— ჰოდა, სწორედ იქ მიაყენეთ კიბანი. გაჩერებით მე გ-
ვაჩერებ და კიბანსადგომშიც მე შევიყვან.

— იყოს ნება თქვენი.

— მადლობას მოგახსენებთ, რომ დღეს სამუშაო შემიმისუ-
ბუქეთ.

— მეც გმადლობთ. კარგია ისეთი საქმე, როცა ორივე მხარე კმაყოფილია.

ამასობაში კიბანმა სვლას უკლო. ვალერი თვალყურს ადევნებდა, თუ როგორ მსუბუქად მიაყენა კედელს მანქანა კადილამ. მერე იმ კედელზე შემოვლებული თეთრი წრეც ადვილად იბოვა და კიბანის კიჩოც სწორედ ამ წრეს დაუპირისპირა.

ვალერიმ იგრძნო, რბილად რომ შეეხო მანქანა კედელს. მაშინვე კედლის ლიუკი გაიხსნა და კიბანი წყლით სავსე ოთახში შევიდა. შევიდა და ნელ-ნელა იატაკზე დაჯდა. ვალერიმ თვალი შეავლო, თუ როგორ გაისრუტა ოთახიდან წყალი და კადილამაც მაშინვე სახეზე სასუნთქი აპარატი გაიკეთა.

— აბა, ახლა შეგიძლიათ ეგ ნიღაბი მოიხადოთ. ტანსაცმელი კი გეცვათ, მოძრაობაში ხელს არ შეგიშლით, — თქვა კადილამ.

— ასე აჯობებს, თორემ მოსწავლეებთან საცვლებისამარა გამოჩენა ვერაფერი შვილი ვიზიტი იქნება.

კაბინიდან ჩამოვიდა თუ არა, წინ მეგობრები მიეგებნენ. ანდრომ ბეჭზე ხელი დაჰკრა.

— ძალიან იმარჯვე, აი.

— სხვათა შორის, არც ისე ძნელი სამართავი ყოფილა კიბანი.

— კარგად გაერკვიე? — ჰკითხა ნუგზარმა.

— მგონი, კი, მაგრამ, თუ ერთი კვირა ვივარჯიშე, ვერც ერთი ამიტი ველარ მაჯობებს.

— წავიდეთ! — თქვა კადილამ.

ისინი გავიდნენ მეორე, უფრო დიდ ოთახში. ამ ოთახიდან განიერი კიბე ზედა სართულისაკენ აღიოდა. კადილა კიბისაკენ წავიდა და მას სხვებიც გაჰყვნენ.

კიბის ბოლოდან ასევე განიერი დერეფანი იწყებოდა. სწორედ აქ, კიბისა და დერეფნის გამყოფ მცირე ბაქანზე, ჭალარა ქალი იდგა და სასუნთქი აპარატის პატარა მინიდან კეთილ დიმილს აფრქვევდა.

— სკოლის ხელმძღვანელია, — თქვა კადილამ.

ჭალარა ქალმა ხელი დაიქნია და რაღაც თქვა.

— თქვენ გესალმებათ. — თქვა კადილამ, — მერვედ კეთილ სურვილს გითვლით.

— ჩვენგანაც გადაეცით სალამი და ასევე კეთილი სურვილები.

კადილამ თარგმნა ნუგზარის სიტყვები და იმ ჭალარა ქალმა მინის შიგნით ისევ გამოაჩინა თეთრი კბილები. მერე კადილას ხელი გაუკეთა და წინ წავიდნენ. წინ კი, ფართო დერეფნის ორთავ მხარეს, საკლასო ოთახების კარი ჩანდა. დერეფნის თეთრ, პრიალა კედლებს ქათქათი გაუდიოდა. ყოველ კუთხეში იდეალური სისუფთავე სუფევდა. პირველ რიგში ტყვეებს ეს ეცათ თვალში და ვიტალიმ აღფრთოვანება ველარ დაფარა.

— ზღაპრული სისუფთავეა, არა? — თქვა მან.

— შესანიშნავი, აი მესმის სკოლა, — ჩაილაპარაკა ვალერიმ და სწორედ ამ დროს, იმ ჭალარა ქალმა ერთ-ერთი ფართო კარი შეაღო. მთელი იმ ხნის განმავლობაში, რაც ამიტებთან მოხვდნენ, ტყვეებმა პირველად დაინახეს კარი, რომელიც ისე გაიღო, როგორც ჩვეულებრივად ყველა კარი იღება ჩვენში. დიდ დარბაზში ჭალარა ქალი სწორედ ამ ნორმალურ კართან იდგა და ისევ კეთილად იღიმებოდა. შემდეგ ჭალარამ კარი მიხურა. ტყვეებმა დაინახეს, რომ საკლასო ოთახში იმყოფებოდნენ.

დარბაზის შუაგულში გრძელი მაგიდები რიგებად ეწყო. წინა გრძელ მაგიდას ექვსი მოსწავლე უსხდა, ექვსივეს სასუნთქი აპარატი ეკეთა. მათ უკან კიდევ ექვსი წამოსკუბებულიყო და შემდეგ კიდევ ექვსი. იმ ბავშვებს შორის, სულ ბოლოს რომ ისხდნენ, სამს სასუნთქი აპარატი არც კი ეკეთა.

წინა მაგიდის გაყოლებაზე ახალგაზრდა მასწავლებელი ქალი ბოლთას ცემდა. იგი ახლოს მივიდა სტუმრებთან და ხელი დაიქნია.

ამ უესტს თარგმნა აღარ ჭირდებოდა, უკვე კარგად იცოდნენ, მისალმებას რომ ნიშნავდა ამიტურად.

სტუმრებსაც გადაედოთ მისალმების ეს მანერა და მათაც დაიქნიეს ხელი.

— რისი გაკვეთილია? — ჰკითხა კადილას ნუგზარმა. კადილამ თავის მხრივ იმ ახალგაზრდა მასწავლებელს უჩუქრულა და იმანაც ასევე ჩუქრულით გასცა პასუხი: „კაცობრიობის“



ისტორიისაო“. ვალერი მაშინვე მიცუნცულდა კადილასთან. — ამიტები ჩვენ თუ გვთვლით კაცობრიობის ნაწილად?

— როგორ, თქვენ ჩვენი პლანეტის გერი ხომ არ ხართ? — გოცებით შეხედა კადილამ ვალერის.

— არა, გერი არა, მაგრამ... ხომ შეიძლება რაღაც თეორია არსებობდეს. ჩვენთან მაგალითად, ფაშისტებმა ადამიანები ორ ჯგუფად დაჰყვეს: სრულფასოვანი და არასრულფასოვანი. ასეთი რამ ხომ შეიძლება თქვენთანაც მოხდეს?

— არა, არ შეიძლება. ჩვენთან თეორიები მეცნიერებაზეა დაფუძნებული.

— ხდება ხოლმე, კადილა, ზოგჯერ მეცნიერებას ისე მორგებენ ყალბ თეორიას, როგორც ჩვეულებრივ ჩაიდანს მისთვის გამოჰქედნილ სახურავს.

— ვალერი, ჩვენთან არ ხდება ეს... — მკაცრად თქვა კადილამ და ვალერიმაც გაკვირვების ნიშნად მხრები აიწურა.

— აქ ორი მოსწავლეა, — არ ცხრებოდა კადილა, — ერთს თქვენ იცნობთ, ნატეს, მეორე ბოლოში ზის სასუნთქი აპარატის გარეშე. ის უკვე ადამიანთა მოდელზეა მორგებული. ამ ბავშვებმა ქართული იციან, ქართულში ორივენი ჩემი მოწაფეები არიან. აი, მათ ჰკითხეთ, ჰკითხეთ, რა იციან კაცობრიობის შესახებ.

ნუგზარმა იგრძნო, რომ მისი ჯერი დადგა. დუმილი უკვე აღარ შეიძლებოდა. ჩაახველა და ალლოიანი ამიტი ქალიშვილიც მიხვდა, ყურადღება ახლა ნუგზარზე რომ უნდა გადაეტანა. კადილა მისკენ მიბრუნდა.

— რა ჰქვია იმ ჩვენს ნათესავს, ქართულად რომ ლაპარაკობს?

— მას ბეტა ჰქვია, — სწრაფად უპასუხა კადილამ. მერე გასუსულ მოსწავლეებს მიუბრუნდა.

— ბეტა, გამოდი წინ.

სულ ბოლო რიგში კობტა გოგონა წამოდგა. წამოდგა თუ არა, სტუმრები მაშინვე მიხვდნენ, რომ ეს გოგონა თავის ასაკთან შედარებით უფრო მაღალი იყო. წყლისფერი, ფართოდაცხელილი თვალები ჰქონდა. ამ თვალებში სითბო და გონიერება კიაფობდა. წაბლისფერი, ოდნავ ხვეული თმები ბეჭებზე ეფინა. ბეტამ ლამაზი თავი ოდნავ გაიქნია და სწრაფად წამოვიდა კადილასაკენ.

— გისმენთ, ძვირფასო სტუმრებო, — თქვა მან, ახლოს მოვიდა.

— ჰკითხეთ, ვალერი! — თქვა კადილამ.

მაგრამ კითხვა ნუგზარმა მისცა. სანამ ჰკითხავდა, ახლოს შივიდა, მხარზე ხელი დაადო.

— ბეტა, კარგად იცით ქართული?

— მგონი ვიცი, უკვე შვიდი წელია, ვსწავლობ.

— სასიამოვნოა, რომ ამიტი გოგონა კარგად ლაპარაკობს ჩემს მშობლიურ ენაზე. ეს მაამაყებს ოკეანის ფსკერზეც კი... მოდით, მითხარით მოკლედ, ძალზე მოკლედ, როგორ გესმით ჩვენი პლანეტის არსებობა?

— არსებობა თუ დასახელება? — იკითხა ბეტამ მთელი სერიოზულობით.

— დაე ორივე იყოს, — ნუგზარი წამოწითლდა.

— დედამიწა მზის გალაქტიკაში მოძრაობს.

— რამდენი გალაქტიკა არსებობს?

ბეტა დაფიქრდა, მერე თვალი გაუხსწორა ნუგზარს.

— სამყარო უსასრულოა, გალაქტიკას გალაქტიკა მოყვება. თქვენს ტელესკოპებს შესანიშნავი პოზიციები აქვთ, მგონი, მათაც ვერ შეძლეს სამყაროს ბოლოში გასვლა, ჩვენ კი...

გოგონამ გაიღიმა.

— ჩვენი პლანეტა დასახლებულია გონიერი და არაგონიერი არსებებით. გონიერთა ოჯახში ამიტები და ადამიანები შედიან.

სიცოცხლე პლანეტაზე წყლიდან განვითარდა. ამასვე ამტკიცებს დიდი მეცნიერი ჩარლზ დარვინი — პირველი იყვნენ ერთუჯრედიანი ცხოველები, რომელთაც სადგომი წყალში პუნდათ. ცხოველთა ევოლუციის შედეგად, რაც მილიონობით წლები გრძელდებოდა, ჩამოყალიბდნენ ამიტები.

— ზუსტად ისეთი სახით, როგორც თქვენ ხართ ახლა?

— არა, პატივცემულო, იყვნენ ნახევრადთევზი ამიტები, ჩვენ სულ ბოლო მოდელს წარმოვადგენთ.

გოგონამ გაიცინა.

— შემდეგ გაჩნდნენ ადამიანები, რომლებიც ხმელეთის პირობებს შეეგუენ. მე ძალიან მოკლედ ვილაპარაკე, თქვენც ზომ ასე გასურდათ.



— სასიამოვნოა თქვენი პასუხი, ბეტა. მე რომ თქვენს დაგოგი ვიყო, უეჭველად ხუთიანს დაგიწერდით. ჩვენთან ყველაზე მაღალი ნიშანია. თქვენთან კი არ ვიცი, როგორაა?

— ჩვენთან ოთხიანია ყველაზე მაღალი.

— ჰო, არც ისე შორს ყოფილა ხუთიანისაგან, — ნუგზარი კადილას მიუბრუნდა, — მეტი კითხვა არა მაქვს. ბეტა შესანიშნავი გოგონაა, სიამოვნებით დავპატიჟებდი ხმელეთზე.

— მართლა? — იკითხა გოგონამ გულუბრყვილოდ.

— დიახ, რასაკვირველია. ჩვენ, ადამიანები, ისევე როგორც ამიტები, არასოდეს არ ვცრუობთ.

— ჩვენთან ზოგჯერ ცრუობენ, — თქვა ბეტამ.

კადილამ გაიცინა.

— ცრუებენტელებს მკაცრად ვსჯით, ასე არ არის, ბეტა?

— დიახ, ასეა. ადრე თურმე ენასაც კი ჭრიდნენ.

— ეგ მეტისმეტია, — თქვა ნუგზარმა, — ჩვენთან როცა ცრუობენ, ვსჯით, მაგრამ ენის მოჭრა აზრად არ მოგვსვლია.

— ხმელეთზე როგორ ცხოვრობენ ბავშვები? — იკითხა ბეტამ.

— ჩვენ ძალიან გვიყვარს ბავშვები. მათთვის ვაშენებთ საბავშვო ბაღებს. საბავშვო ბაღში ყველაზე პატარები დადიან. შემდეგ, როცა სასკოლო ასაკისანი გახდებიან, სკოლაში მიდიან. ჩვენი სკოლები თითქმის ისეთივეა, როგორიც თქვენი. ასევე კარგი მასწავლებლები გვყავს, რომლებიც დიდად ზრუნავენ ბავშვებზე. ეს არის და ეს. მეც მოკლედ გაიმბეთ.

ამ დროს ერთი სასუნთქაპარატიანი ბიჭი მივიდა ნუგზართან, ხელზე შეეხო.

— მე ნატე ვარ, პროგრამის მიხედვით ყველაზე ადრე მე უნდა მელაპარაკა. დეიდა კადილამ აურია, მაგრამ სიტყვა მაინც უნდა გითხრათ.

ნატე სასაცილოდ გაიჯგჷმა.

— მოგესალმებით მოსწავლეთა სახელით, კეთილი იყოს თქვენი მობრძანება. სკოლა იტრაბახებს იმით, რომ ადამიანები სულ პირველად ამ სასკოლო ოთახში გამოჩნდნენ. სხვა არც ერთ სკოლას არა აქვს ამის თქმის უფლება. მე კი ვამაყობ იმით, რომ... — ნატემ ცოტა შეისვენა, სული მოითქვა და მერე



განაგრძო: — ვამაყობ იმით, რომ თქვენი მეგობარი ვარკაძის
ლეთ სკოლის მოსწავლეთა მრავალი კეთილი სურვილი. ბედნი-
ერი ყოფილიყოს თქვენი ფეხი ამიტთა ქვეყანაში, გმადლობთ.

ნატემ თავი დაიქნია და გაჩუმდა.

ნუგზარმა ახლა მას მოხვია ხელი.

— ნატე, ყოჩალი ბიჭი ხართ, წარმატებებს გისურვებთ
სწავლაში.

— იცით, რას ნიშნავს ნატე ამიტურად? — ჰკითხა კადი-
ლამ ნუგზარს.

— ჯერჯერობით ამიტურად არც ერთი სიტყვა არ ვიცი.

— ნატე ამიტურად სიცოცხლეს ნიშნავს.

— მით უკეთესი, ნატეს სწორედ შესაფერისი სახელი
რქმევია.

— ეს მე დავარქვი, — გაიღიმა კადილამ.

— წინასწარ განსაზღვრეთ, არა, ნატეს ბუნება?

— დაახლოებით.

ამ დროს ბეტა მივიდა ნუგზართან, როცა დარწმუნდა, უფ-
როსებმა სათქმელი უკვე უთხრეს ერთმანეთს, წყლისფერი
თვალები ნუგზარს მიაპყრო.

— შეიძლება, მეც რომ ვიარო თქვენთან ქართული ენის
პრაქტიკაზე.

— რასაკვირველია, — უთხრა ნუგზარმა.

— უფროსები ამბობენ, ორი ბავშვი თავს მოაბეზრებთო.
ასე ხომ არ იქნება?

— არა, ბეტა, სრულებითაც არ მოგვაბეზრებთ თავს. ავი
ვთქვი, ჩვენ ძალიან გვიყვარს ბავშვები, მათზე ზრუნვაში დიდ
დროს ვხარჯავთ. დრო აქ, თქვენს ქვეყანაში, თავზე საყრელად
გვაქვს. მობრძანდით და ვისაუბროთ ჩვენს ქართულ ენაზე.
ამით, პირიქით, გაგვართობთ კიდევ.

—მაშ, ხვალ ნატესთან ერთად გეახლებით.

— გელით.

სკოლის ხელმძღვანელმა, იმ ჰალარა ქალმა, რაღაც უთხრა
კადილას. კადილამ თავი დაუქნია და სტუმრებს მიუბრუნდა.

— ახლა სასკოლო მუზეუმი დავათვალიეროთ, წავიდეთ.

საკლასო ოთახიდან გამოვიდნენ, ჰალარა ქალი წინ გაუძ-
ღვით. დერეფანი ისე განვლეს, სიტყვა არავის დაუძრავს. იქ-



დერეფნის ბოლოში, სკოლის ხელმძღვანელმა კვლავ შეალო კარი და სტუმრებიც მიჰყვინენ. ისინი დიდ, თეთრ დარბაზში აღმოჩნდნენ. დარბაზის ქათქათა კედლები უამრავი ფოტოპორტრეტით იყო დამშვენებული. კედლებიდან იცქირებოდნენ სხვადასხვა ასაკის დარბაისელი ქალები და მამაკაცები.

სკოლის ხელმძღვანელმა თითქმის მთელი ათი წუთი ილაპარაკა. ლაპარაკობდა დინჯად, სვენებ-სვენებით, როგორც კი მორჩა, სიტყვა კადილამ ჩამოართვა.

— ეს სკოლის მუზეუმი გახლავთ. გამოფენილია იმ ადამიანთა სურათები, სხვადასხვა დროს ამ სკოლაში რომ ასწავლიდნენ, იმუშავეს და შემდეგ პენსიაზე გავიდნენ.

— პენსიაზე? — იკითხა ვალერიმ.

— დიახ, პენსიაზე. განა მართო თქვენთან გადიან ვალმოხდილი ადამიანები პენსიაზე, ჩვენთანაც ასეა. ამიტებს უყვართ დამსახურებულ მოღვაწეთა დაფასება და აი, სკოლის მუზეუმი ინახავს მათ ხსოვნას.

— ყველა სკოლას აქვს ასეთი მუზეუმი? — ისევ ვალერიმ იკითხა.

— უკლებლივ, ყველა სკოლას.

— კარგი საქმეა.

სურათები ყურადღებით დაათვალიერეს თუ არა, სკოლის ხელმძღვანელმა ნელა გახსნა თეთრი დარბაზის კიდეც ერთი კარი და წიგნებით სავსე მეორე დარბაზში აღმოჩნდნენ.

წითელი ხის ლამაზი თაროები ბოლომდე იყო დაძეძგილი ლამაზად გაფორმებული წიგნებით. წიგნები ისე კოხტად ელაგა, რომ იფიქრებდით, ოდესღაც ასე დააწყვეს და მის შემდეგ არც ერთ ამიტს ხელი არ უხლიაო, მაგრამ ეს ალბათ პირველი შთაბეჭდილება იყო.

— სკოლის ბიბლიოთეკა გახლავთ, — თქვა კადილამ.

— მივხვდი. — უჩუროჩულა ნუგზარმა. — შეიძლება, ერთი რომელიმე წიგნი ავიღო?

— რასაკვირველია, რომელიც გნებავთ.

— ამას ავიღებ.

ნუგზარმა თაროდან ოქროსფრად გაფორმებული წიგნი გამოაძვრინა. პატარა მაგიდაზე დადო, ნელა შეუდგა ფურცელას, აღფრთოვანება ველარ დამალა.

- დიდებულად გაფორმებულია, შინაარსისა კი, მინაარსისა კი, სენოთ, ამიტურზე მწყრალად გახლავართ.
- ყდა სუფთა ოქროთია მოვარაყებული.
- მართლა?
- დიახ.
- თქვენ ძალიან ბევრ ოქროს ფლანგავთ.
- ოქრო დიდი რაოდენობითაა ოკეანის ფსკერზე, აბაზანებიც კი მოოქროვილი გვაქვს, და კადილას სახე ერთბაშად მოედრუბლა, — თქვენ ძალიან მოკრძალებული ხალხი ხართ, პრეტენზიებს არაფერზე აცხადებთ, დუმხართ. ასე არ შეიძლება!
- რა იყო? ვერაფერი გამიგია.
- თქვენ ბინას აბაზანა აქვს?
- არა, არა აქვს.
- მერე, რატომ ხმას არ იღებთ, განა ცივილიზებულ ხალხს აბაზანის გარეშე ცხოვრება შეუძლია?
- არა, მაგრამ ჩვენი ტუალეტი საკმაოდ კომფორტულია, ჩვენ იქ ტანის დაბანასაც ვახერხებთ.
- როგორ შეიძლება?
- უბრალოდ, ჩავთვალეთ, რომ ალბათ ასე იყო საჭირო.
- მე ვიზრუნებ, თქვენი ბინა რომ შეცვალონ. ანდა მანდვე მოგიწყონ აბაზანა.
- ბინის შეცვლაზე რა მოგახსენოთ, უკვე შევეჩვიეთ ამ სამოსახლოს. თუ აბაზანას მოგვიწყობენ, არ იქნება ურიგო.
- კარგი, შევეცდები, მოგვარდეს ეს საქმე.
- ჩავთვალეთ, რომ შევთანხმდით. მე მაინც ფიქრებით ამ წიგნის გარშემო ვტრიალებ, დიდებული გაფორმებაა.
- ნუთუ მართლა ასე კარგადაა გაფორმებული! განა თქვენი წიგნები რაიმეთი ჩამორჩებიან.
- ვერ გეტყვით, ძნელი სათქმელია.
- იქნებ საღებავებისა და ქაღალდის „დანაშაულიცაა“. ჩვენ ძირითადად ნატურალურ საღებავებს ვხმარობთ. ხის წვენი, რვაფეხას ტუში და კიდევ ათასი რამ, რასაც კარგი ფერადი სითხის მოცემა შეუძლია. თქვენ კი, როგორც ვიცი, ძირითადად ქიმიას ეყრდნობით.
- დიახ, სწორედ ასეა, ჩვენ ნელ-ნელა გვადნება ხელში

ნატურალური ნივთიერებანი და იძულებული ვართ, ქიმიას
მოვუხმოთ.

— აბა, ეს წიგნი ნახეთ.

— კადილამ კიდევ ერთი წიგნი გამოიღო. იგი სულ შავი
საღებავებით იყო გაფორმებული.

— ხედავთ? რამდენნაირი შავი ფერია. ერთი ფერი დაშ-
ლილია ოცამდე თანაფერებად. ეს ჩინებული საღებავი კი ჩვე-
ულებრივმა რვაფეხამ მოგვცა.

— საოცარია, საოცარია. ქალაღიცი რა კარგია.

— ასეთი ქალაღისათვის სპეციალური პლანტაციებია გა-
შენებული. ვახარებთ ოკეანის ლერწამს, რომელიც გადამუშა-
ვების შემდეგ ასეთ ქალაღს გვაძლევს. იგი ერთნაირად
ძლებს როგორც წყალში, ასევე ჰაერზე.

— დიდებული მიღწევაა. ამასთან დაკავშირებით მინდა
ერთი რამ გთხოვოთ. მე და ჩემს მეგობრებს ძალიან გვიჭირს
ქალაღისა და ფანქრის გარეშე. იქნებ, მოგვცეთ ცოტაოდენი
ეგრეთწოდებული გონების საკვები.

— ხვალვე მოგართმევთ. ხედავთ, ესეც გამომჩინია. მო-
გეხსენებათ, როცა ბევრი საფიქრალი გაქვთ, რაც უნდა ყუ-
რადღებინა იყოთ, ზოგი რამ მაინც გამოგრჩებათ. ახლა ეს
წიგნი ნახეთ, ხის წვენიდანაა გაფორმებული. წვენს კედლე-
ბის შესაღებადაც ვიყენებთ. ხედავთ, როგორი ხასხასა
წითელია.

— საგანგებოდ ახარებთ ამ ხეს?

— არა, ველური ტყის სახით ჰყვავის. საკმაოდ ბლომადაა
ოკეანის ფსკერზე. არის საღებავები, რომელთა მოპოვებაც
ოთხი-ხუთი ათას და მეტ სიღრმეზე გვიხდება.

ახლა ვალერიმ ჩამოართვა წიგნი კადილას.

— გულდასმით გასინჯეთ ჩვენი შრიფტი. იქნებ, მართლაც
აღმოაჩინოთ მსგავსება ლურსმულთან.

ვალერიმ გაიცინა და წიგნი გადაფურცლა. კადილა კი ახ-
ლა ნუგზარს ელაპარაკებოდა.

— ვალერი ამტკიცებს, რომ ამიტური ჰგავს ლურსმულ
წარწერებს.

— ალბათ, იხუმრა. მჯერა, რომ თქვენ უკვე დარწმუნდე-
ბოდიით, თუ რაოდენ ეხერხება ვალერის ხუმრობა.

— მე კი ვიფიქრე, სერიოზულად ამბობდა... აქ დასათვა-
ლიერებელი მეტი არაფერია, წავიდეთ!

— წავიდეთ.

დერეფანში რომ გამოვიდნენ, კადილა ნუგზარს დაელოდა.

— აქ ახლოს ამიტოა ძველი სადგომია. თქვენ თუ ისე ცუ-
რავთ, როგორც ვალერი, მაშინ შეიძლება ვისარგებლოთ შემ-
თხვევით და სადგომებიც დავათვალიეროთ. წარმოდგენას
მოგცემთ, როგორ ცხოვრობდნენ ჩვენი წინაპრები შორეულ
წარსულში.

— სიამოვნებით, მაგრამ თქვენ ხომ თქვით, ამიტები აღრე
უფრო დიდ სიღრმეებში ცხოვრობდნენო? აქ როგორღა გაჩ-
ნდნენ?

— დიახ, ვთქვი და ახლა იმავეს გაგიმეორებთ, მაგრამ,
როცა ჩვენ შედარებით თხელ წყლებში შემოვედით, ეს სად-
გომები ხელუხლებელი დაგვხვდა. ისტორიკოსები ფიქრობენ,
რომ ამიტოა ერთი ნაწილი აღრე 500—700 მეტრის სიღრმე-
ზე ცხოვრობდა. ისინი შემდეგ რატომღაც გადაშენდნენ. არ-
ქეოლოგებმა მხოლოდ მათი ჩონჩხის ნაშთი იპოვეს. თანახმა
ხართ ცურვით გასეირნებაზე?

— თანახმა ვართ. ჩვენ, წყალქვეშელები, მგონი, ცუდად არ
უნდა ვცურავდეთ.

კადილას აღარაფერი უთქვამს და შეწყვეტილი დიალოგით
სკოლის ხელმძღვანელმა ისარგებლა, კადილას რაღაც უთხრა.

— იგი მადლობას გიხდით სტუმრობისათვის. სურდა სუფ-
რასთან მიპატიეებაც, მაგრამ მე ვუთხარი, ძალიან გვეჩქარე-
ბა-მეთქი. ასე რომ, შეგიძლიათ დაემშვიდობოთ და გზა გან-
ვაგრძოთ.

— გადაეცით მადლობა გულთბილი მიღებისათვის. ეს შე-
ხვედრა ჩვენთვის დაუფიქარი იქნება.

შემდეგ კადილა ერთხანს კიდევ ესაუბრა სკოლის ხელმძ-
ღვანელს და ნუგზარს უთხრა: ისინი თქვენთვის საცურაო კოს-
ტიუმებს გეთავაზობენო.

— მადლობის მეტი რა გვეთქმის, ნახვამდის, მეგობრებო.
თქვენს მოსწავლეებს ხვალ ველით ჩვენთან, პრაქტიკისათვის.
ქალარა ქალმა გაიცინა და რაღაც თქვა:

— იგი ამბობს, ეს ონავრები შეგაწუხებენო, — უთხრა ნუგზარს კადილამ.

— არა, რას ამბობთ, სრულებითაც არა, უეჭველად მოვიდნენ.

ისევ იმ ოთახში დაბრუნდნენ, სადაც კიბანი დატოვეს. აქ მანქანასთან უკვე ეწყო სამი საცურაო კოსტიუმი, იქვე ჟანგბადის ბალიშებიც ელაგა.

— ძალზე ოპერატიულად მუშაობთ, — ღიმილით თქვა ნუგზარმა.

— რასაკვირველია, მე ხომ გითხარით, შეიძლება დღის გახანგრძლივება, თუ ცხოვრების ტემპს გაზრდით.

— ჭეშმარიტად.

— აბა, თქვენ ისევ უკანა კაბინაში მოთავსდით, მე და ვალერი მესაჰის ჭაბანს გავწევთ. შეგიძლიათ, კოსტიუმები კაბინაში ჩაიცვათ.

სანამ უკანა კაბინის კარს დახურავდნენ, კადილამ კიდევ ერთხელ შეჰყო თავი.

— როგორ გირჩევნიათ, კაბინა წყლით ავავსოთ, თუ ისევ ჟანგბადი დავტოვოთ.

ნუგზარმა მეგობრებს გადახედა.

— მგონი, აკლიმატიზაციისათვის ისა სჯობია, წყლიანი აუზით წაგვიღოთ, თქვენ რას იტყვით?

— ასე სჯობია, — დაეთანხმა ვალერი და ვიტალი... და, კადილამაც კაბინის კარი მოიხურა.

ვალერი წინა კაბინასთან იდგა. ნიღაბი უკვე მოერგო თავზე, კადილას ელოდებოდა. ჯერ ქალიშვილი გაატარა და მერე თვითონ დაჯდა მარჯვენა მხარეს.

— გთხოვთ, ნურაფერს ნუ შეახებთ ხელს, მანქანას მე ავამუშავებ, — უთხრა მან კადილას. მაგრამ კადილამ რაღაც საკმეტი მაინც გახსნა.

— ხომ გთხოვთ, მე ავამუშავებ-მეთქი, — საყვედურით უთხრა ვალერიმ.

კადილას ჰაერის აპარატი უკვე მოეხსნა.

— უკანა კაბინის კილსონები გავხსენი. კაბინა უკვე გადავთდა, ახლა წყალიც შემოვა.

წყალი კი, მართლაც ნელა მოიწვედა ქვემოდან. უკვე მოადგა კაბინებს.

— მზად ხართ? წყალი შემოდის, — იკითხა კადილამ ისე, რომ უკან არც მოუხედავს. უკან კი ხმელეთის სამომავლო საცურაო კოსტიუმებში გამოგვიმულიყო.

— მზადა ვართ, წყალი უკვე შეგვიდგა ფეხებში, სიამოვნებით ვღებულობთ ოკეანის ნობათს.

კადილამ ანდროს ხმა იცნო და გაიცინა.

ამასობაში ვალერიმ კიბანი უკვე დაქოქა.

— აი, იმ თეთრ წრეს დაუპირისპირე, — უთხრა კადილამ.

— ვიცი, ეს საიდუმლოც გავხსენი. წავედით!

კიბანი დაიძრა და რბილად შეეხო იმ თეთრ ხაზს.

— ყოჩაღ, — თქვა კადილამ, — თქვენ ნამდვილად გამოცდილი მძლოლი ხართ.

ამასობაში კედლის ლიუკი გაიხსნა და კიბანი ისევ იმ ნაცნობ გზაზე გამოვიდა.

— სწორად მივდივართ? — იკითხა ვალერიმ.

— ჯერჯერობით სწორად.

ვალერიმ სიჩქარეს მოუმატა.

— ქალბატონო კადილა, დამნიშნეთ თქვენს მძლოლად, სიამოვნებით გემსახურებით.

— სიამოვნებით, მაგრამ მძლოლის შტატი არა მაქვს.

— დინაკს თხოვეთ, უეჭველად დაუშვებს... და კიდევ იცით რა... სულ მინდოდა მეკითხა და ვერ ვბედავდი.

— განა რა არის ასეთი?

— გავაოცა თქვენმა ბარათმა, სულ ახლახანს რომ გამოგვიგზავნეთ. უფრო სწორად, მინაწერმა. იყავით გულახდილი, რატომ მოიქეცით ასე... ნატეს ხმა არ ამოუღია. ჩვენც, ყველამ, ისე წავიკითხეთ, კრინტიც არ დაგვიძრავს.

— იცით რა, ვალერი. თქვენს საუბარს უსმენენ. არ მსურდა, მათ შეეტყვოთ, ბარათი რომ მოგწერეთ.

— ჩვენც ასე ვიფიქრეთ, მაგრამ ხომ შესაძლებელია, ტელეკამერებითაც გვზვერავდნენ?

— არა, ახლა ტელეკამერებით აღარ გადევნებენ თვალყურს.

— დავიჯეროთ?

— მგონი, მე საკმაოდ ბევრი საიდუმლო გითხარით, რაც იმის გარანტიაა, რომ უნდა მენდოთ.

— კაბინაშიც ხომ არ გვისმენენ?

— არა, აქ რომ გვისმენდნენ, მაშინ ასე გულახდილიც ვიქნებოდით. მოგეხსენებათ საიდუმლო სამსახურის ამბავი. იგი ალბათ ყველგან ერთნაირია. ვერც გაამტყუნებთ, თავის მოვალეობას ასრულებენ.

— დიახ, როგორც კი თქვენი ბარათი წავიკითხეთ, მაშინვე მივხვდით, რაშიც იყო საქმე. ძალიან ხშირად დადიხართ ამისოტში.

— საქმე მოითხოვს... იცით რა, არ მინდოდა მეთქვა, მაგრამ მსურს, ბოლომდე გულწრფელი დავრჩე. სამი დღის წინ ტერორისტებმა ჩემი სახლი ააფეთქეს. მათ იციან, რომ თქვენთან მეგობრულ დამოკიდებულებაში ვარ და ეს ვერ აუტანიათ.

— რას ამბობთ, რა ველურობაა, ხომ არავინ დაშავებულა?

— შინ მხოლოდ დედა იყო. საბედნიეროდ, ის ოთახი, სადაც დედა იმყოფებოდა, ყველაზე ნაკლებად დაზიანდა. დედა მსუბუქად დაიჭრა.

— კიდევ კარგი. დამნაშავენი ვერ დაიჭირეს?

— ერთი შეიპყრეს. მე შევხვდი მას, კიდევ დამემუქრა, წესს ავიგებთო. ახლა ამისოტში საგანგებო წესებია გამოცხადებული. საექვო პირებზე ნადირობენ. მინისტრმა პირობა მისცა პარლამენტს, ქვეყანას ტერორისტებისაგან გავწმენდო. ვნახოთ, რას იზამს! მარჯვნივ შეუხვდით, ვალერი. აი, იმ ვიწრო გზას გაჰყევით.

— გასაგებია.

კაბინამ მარჯვნივ შეუხვია და ვიწრო გზაზე გავიდა.

— ახლა სულ პირდაპირ იარე!

გზა ტყეში მიდიოდა. ვალერი საქვს რომ უჯდა, ასე ეგონა, თვითმფრინავს მართავდა და საცაა, საჰაერო ლაინერის თვლები დასაჯდომ ბილიქს უნდა შეჰხებოდა. წუთით ფიქრებმა წაიღეს და სწორედ ამ დროს ჩაესმა კადილას ხმა:

— არ ვიცი, გიფიქრიათ თუ არა, მე კი ბევრჯერ მომსვლია ასეთი აზრი. აი, შენს წინაშეა ცხოვრება თავისი ტკივილებით და სიხარულით, კარგითა და ცუდით. გონიერი არსების დანიშნულებაა, გაალამაზოს იგი. უფრო ფაქიზი და სათუთი გახადოს. ამისათვის იკლავენ თავს მწერლები და მუსიკოსები, მხატ-

ვრები, ყველა ისინი, რომელთაც ცხოვრებამ ყველაზე დიდი ტანჯვა მიუხაჯა. და, მიუხადავად იმისა, რომ მეტწილად ტონა ქალაქი, საღებავი იხარჯება ამ საქმისათვის, იღვრება ოფლი, კეთილი არსებანი თავგანწირვამდე ირჯებიან, მაინც ჩნდებიან ბოროტები, რომელთა ცხოვრების კრედიტს მხოლოდ ისაა, რომ სიცოცხლე გაუმწარონ სხვებს. მე რამდენიმე ასეთ ტიპს ვიცნობ, მისაუბრია მათთან. თითქოსდა ნორმალურად მსჯელობენ, ფიქრობენ, სიგლახეს კი მაინც ჩადიან.

— ჩვენთან ამბობენ, ადამიანს შეიძლება შეუცვალოს სისხლი, გული, ფილტვები, ყველაფერი, რაც კი გნებავთ, მაგრამ ძვალრბილში რაც გასჯდომია, ნურას უკაცრავად.

კადილამ ამოიოხრა, მოვედითო, თქვა და საჭეს ხელი შეახო, — ახლა კი მე წავიყვან, აქ ისეთი ბილიკებია, ეშმაკსაც გაუჭირდება გზის გაკვლევა.

ვალერიმ ხელი უშვა საჭეს და კიბანი ვიწრო გზის ბოლოში, ერთბაშად ტყეში ჩასრიალდა. ვალერიის ძლიერ გაუკვირდა, როგორ იპოვა კადილამ გიგანტურ ხეებს შორის ჩასაძრომი და ამ ვიწრო ხვრელში კიბანი თხუნელასავით ჩასრიალდა.

კადილა ახლა ხმას აღარ იღებდა. სახე დაძაბული ჰქონდა და ვალერიმაც იგრძნო, რომ ტყის ამ ველურ ბილიკებზე კიბანით ჯირითი, არცთუ ისე ადვილი საქმე იყო. თვითონაც დუმდა, ამიტომ მეორე კაბინიდან მინაზე რომ დააკაკუნეს, კავშირი ჩართო და მეგობრები გააფრთხილა: ჩუმად იყავით, გზის ყველაზე მძიმე უბანს გავდივართო.

მეორე კაბინაშიც მაშინვე გაისუღრენ და სანამ კადილამ მანქანა ერთ ხესთან არ დააყენა, ხმაც არავის ამოუღია. როცა მანქანაც დადგა და თავიც ხალვათად იგრძნეს, ნუგზარმა იკითხა: თუ მოვედითო. ვალერიმ კადილას აღარ დააცადა და უპასუხა: კიო, კადილამ მაინც დაუმატა: ახლა ცოტაზე ცურვით მოვეიწევს გავლაო.

თვალის დახამხამებაში კიბანი დაიცალა, ვალერიმ შეხედა თავის მეგობრებს და სიცილით კინაღამ გაიგულდა.

ნუგზარს მასავით ზვიგენის ნილაბი ეკეთა. ანდრო, ტონტორა ანდრო ჩასკვნილ, ჩაკურატებულ სკუმბრიას დამგვანებოდა. ვიტალი ზედგამოჭრილი ბასაკუდა იყო.

ვალერიის დრო აღარ დაუკარგავს და ანდროს ეტაკა. არც

ანდრო გახლდათ გულზე ხელდაკრეფილი, ერთი მაგრად გაიქ-
ნია მარჯვენა და ვალერი ხის ძირში ჩააგორა.

— შენ ეი, სკუმბრიავე, ხომ კარგად გესმის, რომ ზვიგენის
არჩივი ხარ. რა ბევრს იქაჩები, მაინც მე უნდა შეგჭამო. აბა,
სკუმბრიას შექმული ზვიგენი ვის უნახავს;

— ფრთხილად იყავი, ვალერი, თორემ მე ვიქნები ის პირ-
ველი სკუმბრია, რომელმაც ზვიგენი შეახრამუნა. გაიგე, ვაჟ-
კაც?..

ვალერიმ ყველაფერი კარგად გაიგო და მგონი, კიდეც წარ-
მოიდგინა. ასე რომ, გიგანტურ სკუმბრიაზე ნადირობის ხუმ-
ტური გაუქრა.

კადილამ თქვა: ჩემთან ახლოს იტურეთო. ეს რომ არ ეთ-
ქვა, ისედაც არავის გაუჩნდებოდა ოკეანის ფსკერზე გაუჩინა-
რების სურვილი. ქალიშვილმა ერთი მაგრად მოიქნია ფეხები
და თევზივით გასრიალდა. სხვებიც მიჰყვნენ.

ნუგზარმა საათი დაინიშნა და როცა დანიშნულების ადგი-
ლამდე მიადწიეს, უკვე ოცი წუთი გასულიყო. ვალერის ერთი
სული ჰქონდა, უნდოდა კაპიტანი დაემართოხელებინა, მაგრამ
ვერა და ვერ შეძლო. რამდენჯერ მოიგდო ხელში, იმდენჯერ
ახლოს კადილა დალანდა.

ერთ დიდ კლდესთან მიცურდნენ. კლდე იყო თუ მწვანე
კორდი, ისიც ვერ გაიგო კარგად ვალერიმ. აქ მოიყარა ყველამ
თავი.

— აი, იმ ხვრელში უნდა ჩავძვრეთ, — თქვა კადილამ და
ხელი ლიანებს შორის ჩაკარგულ ხვრელისაკენ გაიშვირა.

— განა ამ ვიწრო ხვრელში გავეტევით? — იკითხა ნუგ-
ზარმა.

სანამ კადილა რაიმეს იტყოდა, ვალერიმ დაასწრო.

— მე კი გავეტევი, მაგრამ ქონის ჩამოთლა გაბოშვილს
მოუწევს.

— ნუ დარდობთ, ყველანი თავისუფლად ჩავძვრებით, —
დაამშვიდა კადილამ.

იღბლად ქონის ჩამოთლა არც ანდროს დასჭირვებია. კა-
დილას სწორედ ის მიჰყვა და როცა ხვრელში შლიახოვიც გაუ-
ჩინარდა, ვალერი მაშინვე ნუგზართან მიცურდა.

— ისინი ჩვენს საუბარს ისმენენ, ამხანაგო ნუგზარ. სა-

მი დღის წინ ტერორისტებმა კადილას სახლი ააფეთქეს. თვი-
ონ მითხრა.



კიდევ რალაცის თქმას აპირებდა, მაგრამ ქვესკნელიდან ამოსძახეს: მანდ რას აკეთებთო. მეტი შეჩერება აღარ შეიძლებოდა, ნუგზარი ვიწრო ხვრელში ჩასრიალდა. მის გასაოცრად მთელი ხუთმეტრიანი ვიწრო ყელი ისე განვლო, კედელს არც კი შეჰხებია. როცა ბოლოში გავიდა, თავი ქვის დიდ დარბაზში იგრძნო. ჩვეულებრივი მღვიმე იყო, ზევიდან დაშვებული წვეტიანი სვეტებითა და იატაკზე მიმოფანტული ფერადი ქვებით. ორი უზარმაზარი პროექტორი ჩინებულად აშუქებდა მთელ დარბაზს. ნემსი, რომ დაგეგდოთ, იმასაც იპოვიდით. ისმოდა ოკეანის რალაც საიდუმლო ხმაური. ეს ნაღვლიანი, ფოლადგარეული ხმები უამიდანეამზე რომ აღწევდნენ სმენის ორგანომდე, ძალზე მელანქოლიურ განწყობას ქმნიდნენ.

კადილა ვერტიკალურად იდგა. ფეხებს დროდადრო მწყობრად იქნევდა და სრულებითაც არ იგრძნობოდა, რომ უჭირდა წყალში ასე გამართულად ყოფნა.

— რატომ დაგაგვიანდათ? — მკაცრად იკითხა მან.

— ვალერი ყოყმანობდა, ჩავეტევი თუ არაო.

— გთხოვთ, ნუ დაგვშორდებით. ჩვენ თითქმის ოკეანის ჯუნგლებში ვიმყოფებით. ყოველ შემთხვევაში, მის მისადგომებთან მაინც ვართ. შეიძლება ყველაფერი მოხდეს. თქვენს სიცოცხლეზე პასუხისმგებელი მე ვარ.

— გასაგებია, ქალბატონო კადილა!

— ჩემი ბრალი იყო, — ჩაილაპარაკა ვალერიმ.

ნუგზარმა ყურადღებით შეათვალიერა დარბაზი და დარწმუნდა, რომ ამიტოა ეს ბინა მარჯნის გამოქვაბულში იყო მოთავსებული. ასეულ ათასობით მარჯნის ღერები, რომლებიც ოდესღაც ცოცხალ ყლორტებს წარმოადგენდნენ, ახლა გაქვავებულ მასად ქცეულიყო. სიცოცხლეს უფრო ზევით წაეწია, ზევით, სადაც ახლა ახალი ყლორტები ელიცილიცებოდნენ ოკეანის წყალს. ეს ბებერი მასა კი, რომელიც ნაცრისფერ მკვდარ გრეხილებად ქცეულიყო, სიცოცხლის საძირკველს წარმოადგენდა.

— რამდენი ხანია ვცურავ, დღეს კი პირველად ვიწყობ...
ბი მარჯნის გამოქვაბულში, — თქვა ნუგზარმა.

— მოგწონთ? — იკითხა კადილამ.

— როგორ არ მომეწონება. ასეთ სილამაზეს განა ყველგას შეხვდებით. იგი რატომღაც სტალაქტიტებისა და სტალაგმიტების გამოქვაბულს მაგონებს. მაგონებს კი არა, ზუსტად ასლია. საოცარია ბუნება. რასაც აძლევს ამიტებს, იმავეს ჩვენთვის იმეტებს და პირიქით.

— ცდებით, ჩვენ მზე არა გვაქვს, — თქვა კადილამ.

— მზე ორივესთვის საზიაროა.

— მაინც მის მადლს თქვენ უფრო გულუხვად იმკით... ეს ჩვენი წინაპრების საცხოვრისის წინა დარბაზია. აქ ჩვეულებრივად ნანადირევს ინახავდნენ, ბჭობდნენ საოჯახო საქმეებზე და კიდევ სადილობდნენ.

— სად იძინებდნენ? — იკითხა ვიტალიმ.

— იძინებდნენ მეორე, უფრო პატარა დარბაზში. მომყევით!

კადილა უცბად გადავიდა ჰორიზონტალურ მდგომარეობაში. ფეხები კვლავ მწყობრად გაიქნია და მეორე ვიწრო გასასვლელისაკენ გაცურდა. ეს ვიწრო ყელი უფრო გრძელი აღმოჩნდა, ვინემ პირველი. ალბათ ათიოდე მეტრი მაინც იქნებოდა და სანამ ბოლოში გავიდოდნენ, ნუგზარს სული ყელში ებჯინებოდა. ბოლოს, როგორც იყო გალიეს, უფრო მცირე დარბაზში შეცურდნენ და შვებითაც ამოისუნთქეს.

აქ მხოლოდ ერთი პროექტორი ენთო. იგი მარჯნის მოზრდილ ქანდარაზე დაეყენებინათ სამიოდე მეტრის სიმაღლეზე და ისე მოხდენილად აშუქებდა დარბაზს, როგორც თეატრის ლოჯის მოაჯირზე შემოსკუპებული ათასსანთლიანი ნათურები.

აქაც უთავბოლოდ მიმოფანტულიყო მარჯნის სტალაქტიტები და სტალაგმიტები. ქვები კი, მარჯნის იატაკი, მოყავისფრო ბალახს მოეფარა.

— აი, აქ იძინებდნენ წინაპრები. ასე ღარიბულად ცხოვრობდნენ.

— ეს ბალახი იმდროინდელია? — იკითხა გაბოშვილმა.

— არა, ანდრო, ბალახს ჩვენ ხშირად ვცვლით. დალპება ერთი წყება, ახალი მოგვაქვს. ეს იმიტაციაა იმისა, რაც ალბათ,



აქ, ოდესღაც არსებობდა. სუფევდა სიღარიბე, მაგრამ იცნო დიდი სიბო და სიყვარული...

— აქ ბევრია ასეთი სადგომი? — იკითხა ვიტალიმ.

— ძალიან ბევრი. ისტორიკოსები ასკვნიან, რომ ამიტოა ამ ტომს ოდესღაც საკმაოდ ძლიერი სახელმწიფო ჰქონდა. მართალია, არ უშენებიათ დიდი ქარხნები და სასახლეები, მაგრამ ამზადებდნენ საკვების მოპოვებისათვის საჭირო ჩინებულ იარაღებს.

— თუ ომობდნენ?

— ომიც უყვარდათ. ბლომად ვიპოვეთ მათი საბრძოლო იარაღი. ყველაფრიდან ჩანს, რომ იცოდნენ ლითონის დამუშავება.

— და ეძინათ, როგორც თევზებს, — ჩაილაპარაკა ვალერიმ.

— დიახ, ეძინათ, როგორც თევზებს.

— სულ ეს არის ამიტოა სადგომი. თუ მეტი კითხვები არა გაქვთ, შეგვიძლია წავიდეთ. წინ ისევ მე ვივლი. გთხოვთ, ნუ დამშორდებით ძალიან გთხოვთ, — თქვა კადილამ და თევზივით გასრიალდა. მას კვალში სხვებიც ჩაუდგნენ.

იმ ვიწრო სოროდან რომ ამოცურდნენ, ნუგზარმა, როგორც იყო, სული მოითქვა. ვალერი კვლავ მის გვერდით გაჩნდა.

— ისინი მხოლოდ ჩვენს საუბარს იწერენ, ტელეკაძერები მოხსნეს. როდის მოხსნეს, ეს არ დამიზუსტებია. კადილა ჩვენს მიმართ ლოიალურადაა განწყობილი, ამიტომ სდევნიან ტერორისტები.

— გასაგებია, — თქვა ნუგზარმა. მერე ვალერის ბეჭებზე მეგობრულად შეეხო, — ყოჩაღ, ვალერი, შენ ძალიან საზრიანი ბიჭი ხარ, შენ იცი...

ისინი ტყეში მიცურავდნენ. ბილიკიდან ბილიკამდე დიდრონი ნათურების შუქი მიაცილებდათ და შუქზე ჩანდა მომწვანო-მოყვითალო ფერის პატარა მცენარეები, რომლებიც გიგანტურ ხეთა შორის მწყობრად ირხეოდნენ. ლამაზი სურათი იყო და არცთუ ისე ჩქარობდნენ.

კადილამ ერთი ხის ძირში ლურჯი ყვავილების ბუჩქი იპოვა. შეჩერდა და კრეფას შეუდგა.

— თქვენთან თუ არის ასეთი ყვავილი? — ჰკითხა მან ნუგზარს, როცა გვერდით დაიგულა.

— არის, სწორედ ამის მაგვარი ყვავილი არის და მას ზამბახს ვეძახით.

— რას ეძახით?

— ზამბახს, ზამბახს ვეძახით, კადილა.

— ლამაზი სახელია. მართალი ვითხრათ, მე დრო აღარ მეყო, შემესწავლა ყვავილების სახელი ქართულად, ამ ერთს კი დავიმახსოვრებ, ზამბახი, არა?

— დიახ, ზამბახი.

ახლა კადილას ნუგზარიც შევლოდა ყვავილების დაკრეფაში, მაგრამ, როგორც კი ფეხის მოძრაობას შეანელებდა, დინება მაშინვე გვერდზე მიაქანებდა.

კადილამ ზამბახის თაიგული შეკრა და გზა განაგრძეს. როდის-როდის იმ ხესთანაც მიაღწიეს, საათნახევრის წინ კიბანი რომ დატოვეს. მაგრამ იქ მანქანა აღარ დახვდათ, დახვდათ მხოლოდ ჯართის დიდი გროვა.

ნუგზარმა დაინახა, კადილა როგორ დავარდა მიწაზე. მას ქალიშვილის უცნაური შეძახილიც მოესმა და მაშინვე მასთან მიცურდა. ორივე ხელებით ბეჭებში ჩააფრინდა და წაძოწვევა სცადა. საბედნიეროდ, კადილა მხოლოდ ერთ წუთს იყო შოკში, მერე წონასწორობა ნელ-ნელა აღიდგინა და ნუგზარს უთხრა: ჩქარა გავეცალოთ აქაურობასო.

ნუგზარმა მეგობრებს მოუხმო.

— ერთ ჯგუფად ვიცურაოთ, როგორც ჩანს, საფრთხეში ვართ. თუ დავვესხმიან, თავი დავიცვათ. იმავე წუთს შორს ორი კიბანი გამოჩნდა. მანქანებს ძალიან მძლავრი შუქი ჰქონდათ. ისეთი მძლავრი, რომ სულ გააჩახჩახეს ხეებს შორის თბობას ქსელივით გაბმული ლიანები. მოჰქროდნენ მანქანები და თანაც რაღაც გულის გამაწვრილებელ სიგნალს იძლეოდნენ-ვალერის ტანში გასცრა.

— რას ნიშნავს ეს? — იკითხა ენის ბორძიკით მან.

— ჩვენ გადავრჩით, უშიშროების სამსახური მოდის, — თქვა კადილამ და ფეხების ერთი დარტყმით მიწიდან აიჭრა. თევზივით ასრიალდა ლიანების გასწვრივ.

ამ დროს ორივე კიბანი იმ ხესთან დადგა, კადილას მანქანის ჯართთან ახლოს რომ იდგა. იქიდან მოსული ბიჭები გადმოვიდნენ, ხელში ისეთივე იარაღი ეკავათ, მეკატს რომ დაუნახეს მაშინ.

კადილამ რაღაც უთხრა. იმათაც უპასუხეს ცივად და მძიმედ ერთი მათგანი დიდხანს კითხულობდა მგლის თავზე სახარებას, როცა ამ მოსაწყენ ლაქლაქს მორჩა, კადილა ადამიანებთან მიცურდა.

— წავიდეთ, ისინი მანქანას გვაძლევენ. წავიდეთ ჩქარა, აქ ჩვენ ახლა ზედმეტნი ვართ.

კადილა წინ გაცურდა და მას ნუგზარი და მისი მეგობრებიც მიჰყვნენ.

ეს კიბანი უფრო სრული იყო, კედელიც მაგარი ჩახდა. უკანა კაბინაში შელაგდნენ თუ არა, კადილამ თქვა, ნიღბები არ მოიხადოთო. რასაკვირველია, არავის გამოუვლენია სურვილი, ეს განკარგულება შეეცვალა. კიბანი სწრაფად მოწყდა და მაშინვე ძალიან მაღალი ჭერი აიღო. ისეთი განცდა დაეუფლათ, თითქოსდა ვერტიკალურად მიჰქროდნენ. მთელი ოცი წუთი მიდიოდნენ ასე. მერე კიბანმა სიჩქარეს უკლო და ფართო გზაზე დაეშვა. ეს გზა ნუგზარმაც და მისმა მეგობრებმაც მაშინვე იცნეს. ისინი უკვე შინ იყვნენ.

კიბანი კედელში შესრიალდა, როცა კაბინიდან წყალი გაისრუტა, კადილამ ნუგზარს უთხრა:

— ძალზე დავიღალე. მაპატიეთ, შინ ვეღარ მიგაცილებთ, ამ საქმეს უჩემოდაც მოუვლიან. მოდით, გამათავისუფლეთ, მინდა, როგორმე შინამდე მივალწიო და დავისვენო.

— მიბრძანდით, გვაპატიეთ იმ უსიამოვნებისათვის, რასაც ჩვენ გამო იტანთ.

— არა უშავს, მაგაზე ლაპარაკი არცა ღირს. აბა, ჩაბრძანდით.

კიბანიდან ჩამოვიდნენ თუ არა, მანქანა ისევ უკახ გასრიალდა და წითელ დარბაზში საექვო დუმილი დატოვა. იქ, დარბაზის ბოლოში, კი, ღია კარი მათ ეპატიებოდათ. ნუგზარი დაწინაურდა, იგი ჩქარი ნაბიჯით მიდიოდა, თითქოსდა ამ წითელ დარბაზში ყოფნა არ სიამოვნებდა. ეს მართლაც ასე იყო, ერთი სული ჰქონდა, სანამ თავის ოთახამდე მიადწევდა, დაწვებოდა და მოზღვავებულ ფიქრებში დღევანდელ ამბებს გონიერად აწონ-დაწონიდა. მას მხოლოდ ის ახარებდა, რომ ვალერიმ რაღაც საიდუმლოებებს მიაგნო და კიდევ რაღაცას თავის ეშმაკურ გასაღებს არგებდა.

გუნებაში აქებდა ვალერის და ბედნიერად მიაჩნდა თავი, რომ ახლა, ამ მძიმე წუთებში ეს მოუსვენარი კაცი მის გვერდით იდგა.

დერეფანში რომ შემოვიდნენ, გაბოშვილმა როყოდ იკითხა: ნუთუ მართლა ტერორისტები იყვნენ, თუ თვითონ შოაწყვეს ეს ინსცენირებაო.

ვალერი აღშფოთდა და რაღაც საშინელის თქმას აპირებდა, მაგრამ მის წამოწითლებულ სახეზე ნუგზარმა ყველაფერი ამოიკითხა, ტუჩებზე თითი დააფარა და ანდროს მიუბრუნდა.

— ახლა ყბედობის დრო არაა, რაც მოხდა, ყველამ კარგად დავინახეთ, ანალიზს ჩვენ არავინ გვთხოვს, მოვეძვათ ამ საქმეს. მგონი, ისინი შეძლებენ ყველაფრის გარკვევას, გიკრძალავთ უსაგნო ლაპარაკს.

ახლა ვისაც ვსურთ, ივანშემეთ. მე კი ჩემდათვად, ისე ვარ დაღლილი, ჭამის თავიც არა მაქვს. დასაძინებლად მივიდივარ.

ნუგზარი თავის ოთახში შევიდა. ვიტალიმაც და ვალერიმაც მას მიბაძეს. ანდრო მერყეობდა, მაგრამ აწრიალებულმა ძუცელმა ისე შეაწუხა, უვანშემოდ დაწოლა ვერ გადაწყვიტა. სასადილოში შევიდა და გაწყობილ მაგიდას მიუჯდა. გული წყდებოდა, რომ მარტო დარჩა, მაგრამ მეტი რაღა ჩარა იყო.

შავი კარჩხანა დაითრია, როგორც ყველა მეზღვაური, ანდროც სულს ლევდა ამ ნოციერი თევზისათვის. ჯერ კიდევ გემზე, როცა ტრალში შავი კარჩხანა გაიფათქუნებდა, პირველი გარბოდა უკანა ერდოსაკენ. თევზს მისი სხეულისათვის შეუფერებელი სიმარდით გამოხსნიდა და მერე კამბუზში კარლო ხარბედიას მთელი საათი ეჩიჩინებოდა, ძმობასა და მეგობრობას ეფიცებოდა, რომ მისი ინდივიდუალური შეკვეთა მიეღო.

ბოლოს და ბოლოს ხარბედია თანხმდებოდა და ნახევარ საათში ანდრო შებრაწულ თევზს შესციცინებდა.

ახლა კი, სულ მარტო უჯდა სავანშემო სუფრას და შებრაწული კარჩხანა წინ ედო. მადაც ზვიგენისა ჰქონდა.

გვიანი ვანშემობა რომ მოათავა, ტუალეტში მოისურვა გაბრძანება და ძალიან გაიკვირვა, როცა იქ, დერეფნიდან გამავალ კართან, ამიტის ყვითელ ხელს მოჰკრა თვალი.

— ეს ვინ ოხერი მოთრეულა აქა, — ერთი წამოიძახა და ზედ გვარიანი მეზღვაურული გინებაც მიაყოლა. ეს ყველა-

ფერი ასე მოხდა, მაგრამ ის კი ვერ გაიგო ანდრომ, მისდა სიტყვებმა ადრესატის ყურამდე თუ მიაღწია. ალბათ კვიციანი მოწმების სურვილი თუ ამოძრავებდა, რადგანაც მოწმებულთხუთმეტი წუთი იმ გასაძვრომთან გაატარა და ბათმახიანი მუშტიც გულდაგულ უხათქუნა კედელზე. ბოლოს საქმე იმით დამთავრდა, რომ იმ ყვითელი ხელის პატრონს უკან მობრუნების სურვილი აღარ გამოუჩენია და ანდრომაც თავის საწოლს მიაშურა. ლოგინში რომ ჩაგორდა და საწოლიც ძაგრად ჩაზნექა, „ესეც ასეო“, ერთი ჩაილაპარაკა, ნებიერი ფშვინვა ამოუშვა.

დილით, ფიზიკური დატვირთვის დროს, ანდრომ, ნავახშმევს რაც გადახდა, ნუგზარს მოახსენა. მისდა გასაოცრად ნუგზარს ამ ინციდენტისადმი დიდი ყურადღება არ გამოუჩენია და ანდრომაც ჩათვალა, საქმე შემდგომ ინსტანციამი გასაპროტესტებლად არ ღირსო. სამაგიეროდ ნუგზარმა ისევ გააფრთხილა ყველანი: იმ საქმეზე, რაც გუშინ მოხდა, ზჰა, კრინტიო.

საუზმის შემდეგ სუფთა ბლოკნოტებითა და ფანქრებით დატვირთული ბეტა და ნატე მოვიდნენ. მათი გამოჩენა მოკუპრულ ცაზე მზის აელვებას ჰგავდა. სახიდან ყველამ ჩამოიჩრეცხა უგუნებობის გუშინდელი ნაკვალევი.

— ეს ნობათი დეიდა კადილამ მოგართვათ. თვითონ შეუძლოდ არის და ვერ გეახლათ, — თქვა მხიარულად ნატემ და სკამი გამოაჩოჩა.

სანამ ბეტაც მას მიბაძავდა, ვალერი გაცუნცულდა და კიდევ ორი სკამით გაამდიდრა გასართობი ოთახი.

— დაბრძანდით, ძალიან სასიამოვნოა თქვენი სტუმრობა.

ბეტას დიდი თავპატიყი არ დაუწყია და ვალერის მიწოდებულ სკამზე დასკუპდა.

— რას გვეტყვით ახალს, — საუბრის ბაგირს ხელიდან არ უშვებდა ვალერი.

— ყველა შეწუხებულია გუშინდელი თავდასხმით, — დაიწყო ბეტამ, — მამიკო აღშფოთებული მოვიდა შინ. ეს რა მოხდაო. ბოლთას სცემდა და დასაჯდომს ვერ პოულობდა. დედა ამშვიდებდა, მაგრამ ვერ იქნა და ვერ დაწყნარდა. დღესაც ყველა ამ თავდასხმაზე ლაპარაკობს. ცუდი ამბავი მოხდა.

სკოლაში ბავშვები სულ გაგიჟდნენ, ჩვენს მეგობრებს რა აქად-
რესო.



— ჩვენთან ერთი ბიჭი სწავლობს, — ბეტას სიტყვებში მოართვა ნატემ, — მამამისი არაა კარგი ამიტი. როგორც ამბობენ, ახლა თქვენს წინააღმდეგ გამოდისო. ჰოდა, იმ ცუდი ამიტის შვილი კუთხეში მივიმწყვდიეთ და სახლში, მგონი კარგი საჩუქრით გავუშვით.

— ცემით? — ჰკითხა ნუგზარმა.

— მერე როგორ.

— ეს ვერ მოგსვლიათ კარგი საქმე; აბა, დაფიქრდით: ვთქვათ, მამა არაა კარგი კაცი, მისმა ბიჭმა რა დააშავა? მით უმეტეს, ის სკოლაში თქვენს გვერდით ზის და ალბათ მეგობრობთ კიდევ.

ნატე გაისუღრა.

— ჰო, ეს ასეა, მაგრამ გუშინ ხომ საშინელი ამბავი მოხდა?

— გუშინდელ ამბავს სხვები მიხედავენ. ისინი, ვისაც ეს ევალებათ. თქვენ კი რა შუაში ხართ?

— არა, მთლად მაგრად არ მიგვიბეგვია, — თავი იმართლა ბეტამ.

— ჰო, — ჩაერია საუბარში ვალერი, — მაშინ კიდევ არა უშავს.

ბავშვები მთელი ორი საათი დარჩნენ და ამ საკმაოდ სოლიდურმა დრომ ისე გაიფრინა, თითქოსდა ორი საათი კი არა, სულ ოცი წუთი ყოფილიყოს. ისინი რომ წავიდნენ, ყველამ ცხვირი ჩამოუშვა.

სამაგიეროდ ვახშმის შემდეგ კადილა და დინაკი გამოცხადდნენ. სახელმწიფო მინისტრს ისეთივე შარვალი ეცვა, ადამიანები რომ ატარებენ. პერანგიც ხალვათად მოერგო და უფრო დედამიწაზე დაბადებულ კაცს ჰგავდა, ვინემ ოკეახის ფსკერზე გაჩენილ არსებას.

— მათი გამოჩენა იმდენად მოულოდნელი იყო, მასპინძლები უხერხულად აეკვრნენ კედელს, გაოცებული მისჩერებოდნენ სახელმწიფო მინისტრს. მინისტრი კი ძალზე შიხაურულად მივიდა მაგიდასთან, სკამი გამოსწია და ალბათ კიდევ დაჯდებოდა, მაგრამ სწორედ ახლა შეამჩნია, რომ იქ მხოლოდ ოთხი სკამი იდგა და კადილას მიუბრუნდა.

სანამ ის კადილას ელაპარაკებოდა, ვალერიმ ორი სკამიკი მოაცურა.

კადილამ კი თქვა: ზოგიერთების უსაგნო ხელმოშობების გამო სახელმწიფო მინისტრისაგან კარგა მაგარი შენიშვნა მივიღეო. ხვალ კიდევ ოთხ სკამს დავადგმევინებო.

— მგონი, საჭირო არ უნდა იყოს. ჩვენთან სტუმრები იშვიათად მოდიან, როცა მოდიან, ყოველთვის ვახერხებთ საძინებლიდან. სკამის მოტანას... — უთხრა ნუგზარმა. მაგრამ კადილა მაინც თავისაზე იდგა, სახელმწიფო მინისტრმა ბრძანაო.

ბოლოს ექვსივენი მაგიდას მიუხსდნენ და დინაკმა დაიწყო თავისი მოკლე სიტყვა. ყველა მიხვდა, რომ დინაკი საბოდიშოდ იყო მოსული. ლაპარაკს რომ მორჩა, ნუგზარს ძხვერა მოაშორა და დამნაშავე ბავშვივით თავი ჩარგო.

კადილამ დაიწყო:

— სახელმწიფო მინისტრი აღშფოთებულია იმით, რაც მოხდა. ამიხოტში გახეთები დღეს დაგვიანებით გამოვიდა, დაიბეჭდა მთავრობის საგანგებო სხდომის ანგარიში. სხდომა წუხელ გვიან, ღამით ჩატარდა. შინაგან საქმეთა მინისტრი მოხსნილია თანამდებობიდან. მოიხსნა აგრეთვე შვიდი მაღალი ჩინის მოხელე, რომლებიც უშუალოდ პასუხისმგებელი არიან წესრიგზე. უშიშროების სამსახურმა შემთხვევის ადგილზე შეიპყრო ერთი დამნაშავე. მან აჩვენა, რომ განზრახული ჰქონდა კიბანის აფეთქება, ტყვეთა დახოცვა ჩვენს გეგმაში არ ყოფილაო. დაპატიმრებულმა არ გასცა თანამონაწილენი. ეს საერთოდ ასე ხდება ჩვენთან. შეპყრობილ დამნაშავეს დახვრეტენ.

დინაკი მთავრობის სახელით ბოდიშს იხდის და დიდ ძეუხარებას გამოთქვამს ყოველივე იმის გამო, რაც მოხდა. დინაკმა მთხოვა, გადმოგცეთ, რომ სახელმწიფომ ჩემი პირადი ზარალი აანაზღაურა, მე უსასყიდლოდ მომცეს ახალი კიბანი. გაცილებით უკეთესი, ვინემ ის ჩემი ჯაბახანა იყო. ღიმილით დაამთავრა კადილამ.

— არა, ქალბატონო კადილა, თქვენი მანქანა სრულებითაც არ გახლდათ ჯაბახანა. მაგ კიბანზე სიამოვნებით ვიმუშავებდი, თუ გნებავთ მთელი ათი წელი. — ნაღვლიანად თქვა ვალერიმ.

— ნუ დარდობთ, ვალერი, ახლა გაცილებით უკეთესი კი-
ბანი გვაქვს: ამ დღეებში ჩემი ძმა ჩამოვა ამიხოტიდან და სა-
ნადიროდ წავალთ, მაშინ დარწმუნდებით ამ სიტყვების სიმკრე-
თლეში.

— კადილა, — სიტყვა შეაჭრა ქალიშვილს ნუგზარმა, —
ძალიან გვინტერესებს, ვიცოდეთ, პარლამენტს ჯერ ხომ არ
უმსჯელია ჩვენს თაობაზე.

— არა, ამაზე მეც შემიძლია გიპასუხოთ, როცა იმსჯელე-
ბენ, მეორე დღესვე გაცნობებთ.

— მაშინ გადაეცით დიდი მადლობა სახელმწიფო მინისტრს-
იმისათვის, რომ შეწუხდა და დროც კი გამონახა ჩვენთან მო-
სასვლელად. ჩვენ მისგან დიდად დავალებულად ვთვლით თავს.
ვერძნობთ ზრუნვასა და ვულთბილ დამოკიდებულებას. შე-
ვეცდებით, ოდესმე მაინც გადავუხადოთ სამაგიერო, რასაკ-
ვირველია, ძალიან კარგი გაგებით.

კადილამ ეს სიტყვები თარგმნა და დინაკს სახე გაეხსნა,
ისევ ის უბრალო დიმილი მოეფინა, დახვეწილი ნაკვთები
შეუფარდისფრდა. კადილას მიუბრუნდა და რაღაც უთხრა.

— დინაკი ამბობს, რომ აღფრთოვანებულია თქვენი მა-
მაცობით.

— რა მამაცობაზეა ლაპარაკი, ვერაფერი გაგვიგია? —
თქვა ნუგზარმა.

— მე ვუამბე, რომ თქვენ ტერორისტთა თავდასხმის დროს
მამაცურად იღეჭით. მე შიშისაგან რეტი დამესხა და სულ და-
ვიბენი. თქვენ კი, თითქოსდა არაფერიც არ მომხდარიყოს, ისე
იქცეოდით. ჩემი მობრუნებაც კი სცადეთ. გუშინ ერთხელ
დავრწმუნდი, ქალები რანიცა ვართ.

— არაფერი ისეთი მამაცობა არ გამოგვიჩენია, უბრა-
ლოდ, არ დავიბენით, ისე კი, რომ დაგესხმოდნენ, მგონი, არც
ისე იაფად დავუსვამდით ჩვენს სიცოცხლეს.

საუბარში ისევ დინაკი ჩაერია და ნუგზარი გაჩუმდა.

— დინაკი კითხულობს, თქვენ ყველანი ცოლშვილიანი
ხართ თუ არა?

— დიახ, ყველანი ცოლშვილიანი გახლავართ.

— მრავალშვილიანობას თუ მისდევენ თქვენთან?

— ბავშვები არ გვაკლია, ორი-სამი ყველას ჰყავს, აი, იმ

ყმაწვილს კი, ახლა გასუსული რომ ზის, ოთხი შვილი ჰყავს.
ნუგზარმა თითოთ ანდროზე აჩვენა და კადილამაც გოცე-
ბული მზერა გაბოშვილზე გადაიტანა.

— ხომ არ მომყურებია, ოთხი თქვით, არა?

— დიახ, ოთხი. ოთხი ბავშვის მამაა ჩვენი ანდრო. შვი-
ლები იქ მოელიან, ჩვენ კი, აქ, ოკეანის ფსკერზე ვერთობით,
კადილა თარგმნას შეუდგა და ახლა დინაკმა გამოსახა სა-
ხეზე გაკვირვება. რალაც მოკლე ფრაზა წარმოთქვა და კადი-
ლამაც თავი დაუქნია.

— დინაკი ამბობს, ასეთი ყოჩალი ბიჭები რომ ჩვენც
გვყავდეს, ამიტები სწრაფად გავმრავლდებითო, მაგრამ ჩვენ-
თან, საუბედუროდ, ასე დაკანონდა: ერთი, ორი ბავშვი, სამი
დიდ გვირობად ითვლება.

— ცუდია.

— რასაკვირველია, ცუდია. და კიდევ იცით რა, დინაკი
მადლობას იხდის, რომ ამიტ ბავშვებს ნება დართეთ ქართუ-
ლი ენის პრაქტიკა გაიარონ თქვენთან. ეს მას დიდ დახმარებად
მიაჩნია.

— ჩვენ გვაქვს ერთი თხოვნა სახელმწიფო მინისტრთან.

— ბრძანეთ! — თქვა კადილამ.

— ცხადია, ძალიან ცუდი ფაქტი იყო გუშინდელი გამო-
ხდომა. დღეს ჩვენ დავრწმუნდით, რომ ამიტები აღაშფოთა
ტერორისტთა ასეთმა თავხედობამ. ეს თავისთავად ღალატებს,
რომ კაცის მკვლეელი გარეწრები ხალხისაგან გარიყულია. ამ-
დენად ისინი უნიადაგო ძალად იქცნენ. ამ სიტუაციაში, მგონი,
არ არის აუცილებელი შეპყრობილი ტერორისტის დახვრეტა.
ადამიანთა იმ მცირე ჯგუფის სახელით, რომელსაც ჩვენ წარ-
მოვადგენთ, გადაეცით თხოვნა პარლამენტს, რომ სიცოცხლე
შეუნარჩუნდეს იმ ცოდვილ კაცს. ჩვენ ამ შემთხვევაში გვა-
მოქმედებს მხოლოდ და მხოლოდ ჰუმანიზმის გრძნობა. დიდად
კმაყოფილი დავრჩებით, თუ პარლამენტი ჩვენს თხოვნას მი-
იღებს. ეს ოდნავ კიდევ შეგვიმსუბუქებს ტყვეობის მძიმე
დღეებს.

კადილა თარგმნას შეუდგა.

დინაკი დაძაბულად უსმენდა. მშვიდ, ნატიფ სახეზე არც

ერთი ნაკვთი არ მოძრაობდა, გაქვავებული კაცი გეგონებოდათ.

მორჩა თუ არა კადილა, დინაკი ერთხანს კიდევ ასე ქველქცეული იჯდა. მერე თავიც კი არ აუწევია, ისე დაიწყო საკმაოდ გრძელი სიტყვა. თუმცა ამიტური კადილას გარდა არც ერთმა არ იცოდა, იმ წუთში ხუთივენი მისი მჭევრმეტყველების ფაფუკ ბადეში გაეხვივნენ. დინაკი ყოველ ფრაზას, ყოველ სიტყვას გამოკვეთით წარმოთქვამდა. მის ხმაში ოკეანის ფსკერზე დამზადებული ფოლადი ჟღერდა. დაამთავრა თუ არა სიტყვა, თავი ასწია და კეთილი გამოხედვით ტყვეებს წამოუარა.

კადილამ თარგმნა:

— დინაკი აღფრთოვანებულია თქვენი კეთილშობილებით. მას არ შეუძლია გადაჭრით თქვას, რას მოიმოქმედებს პარლამენტი, მაგრამ წინასწარ ამის თქმა კი შეუძლია, პარლამენტზე დიდ ეფექტს მოახდენდა ადამიანთა ეს ჰუმანური გახცხადება. სიამოვნებით კისრულობს პარლამენტში წაიკითხოს შიმართვის ტექსტი, რომელსაც ალბათ თქვენ შეადგენთ. იგი მთხოვს, ამ ტექსტზე თქვენთან ერთად მეც ვიმუშაო. და კიდევ ერთი რამ... ამის თქმა ცოტა კიდევ მეთაკილება... საქმე იმაშია, რომ დინაკმა რამდენიმე ქათინაური დახარჯა ჩემი მისამართით.

— ეს ქათინაურებიც ფრიად საინტერესოა. ბრძანეთ, — თქვა ნუგზარმა და სმენად იქცა.

— ვითომ?

— დიახ, დიახ.

— საქმე ის გახლავთ, რომ მე... მაპატიეთ, მაგრამ პირდაპირ უნდა ვითხრათ, ერთი იმათგანი ვარ, ვინც ქართულ კულტურას აღმერთებს.

— საინტერესოა.

— ჯერ კიდევ ამ რამდენიმე წლის უკან მე დავადგინე ერთ-ერთი უძველესი ხომალდის კუთვნილება. ის ჩაიძირა, როგორც თქვენ ამბობთ ხოლმე, ჩვენს ერამდე მესამე საუკუნეში და ეკუთვნოდა კოლხებს.

ნუგზარი ფეხზე წამოვარდა.

— შეგვიძლია, ვნახოთ ის გემი?

— რასაკვირველია, დაბრძანდით.

— გემის სახელწოდებაა „დიოსკურია“, წარწერა ამქვეყნის
თულად და ბერძნულად. ქართული წარწერა შედარებით
დაზიანებულია.

— ნუთუ ჩვენს დრომდე მოაღწია უძველესმა გემმა?

— ცხადია, ჩვენს დრომდე ვერც ერთი ამ ასაკის გემი ვერ
მოაღწევდა, მაგრამ იგი იხსნა ამიტოა ერთმა უცნაურმა წესმა.

— სახელდობრ? — ნუგზარი ვერ ისვენებდა.

— სახელდობრ იმან, რომ... ამიტებმა ჯერ კიდევ უძველეს
დროში დაამუშავეს ხის მასალის დამუშავების წესი. მათ მიაგ-
ნეს უებარ წამლებს, რომელთა მაგიური ძალა უკვდავებას ანი-
ჭებდა ხის მასალას. ეს რომ არა, ჩვენ ვერ შევძლებდით ტექ-
ნიკის ასე განვითარებას. ისინი რატომღაც ამ წამლების გამძ-
ლეობას ჩაძირულ გემებზე ცდიდნენ. ასე დაამუშიეს მათ
ოთხასამდე უძველესი გემი, მათ შორის თქვენი „დიოსკუ-
რიაც.“

ამ დროს დინაკმა რაღაც იკითხა და კადილამაც გაიხსენა,
რომ მის გვერდით მარტო ადამიანები კი არა, სახელმწიფო მი-
ნისტრიც იჯდა. სწრაფად შებრუნდა მისკენ და უპასუხა, მერე
ისევ სტუმრებს მიუბრუნდა.

— სახელმწიფო მინისტრი ამბობს, რომ მე, როცა საქარ-
თველოზე ვსაუბრობ, ყველაფერი მავიწყდება... დაახლოებით
ასეა. არა მარტო მე, ჩვენს ოჯახში ყველა თქვენი ქვეყნის
ტრფიალია. დინაკს წასვლა უნდა, ჩვენ კი თქვენი მიმართვის
ტექსტის შედგენა მოგვიწევს.

კადილა დინაკს მიუბრუნდა. სახელმწიფო მინისტრი ადგა,
ხელი გულთბილად აიქნია და დერეფანში გავიდა. ფეხზე ამ-
დგარმა მასპინძლებმა გაცილება სცადეს, მაგრამ კადილამ შე-
აჩერა, საჭირო არ არისო. დინაკი დერეფანს მიეფარა თუ არა,
კადილა მაშინვე დაჯდა, დასხდნენ სხვებიც.

— თქვენმა ძმამ თუ იცის ქართული?

— მადინი ქართულად ჩემზე უკეთესად ლაპარაკობს. იგი
შესანიშნავად ლაპარაკობს ინგლისურადაც. სამი თვე ბრიტანე-
თის მუზეუმში ეცნობოდა მსოფლიო კულტურის უნიკალურ
ნიმუშებს.

— ეს როგორ?



— ჩვეულებრივად. მადინი ხმელეთის ამიტია. ის ჯერ კიდევ თორმეტი წლის იყო, ოპერაცია რომ გაუკეთეს. შესანიშნავად შეეგუა ახალ ვითარებას. ოცდაორი წლისა ნამიბიაში გადავიდა და აქედან ლონდონში ამოჰყო თავი. სამი თვე ცხოვრობდა იქ. სხვათა შორის ლონდონში ყოფნის დროს ერთ-ერთი ინგლისელი პროფესორის საშუალებით გამოიწერა იშვიათი ქართული წიგნები. მთელი ეს ბიბლიოთეკა შემდეგ მე გადმომცა, რამაც საშუალება მომცა, უფრო ახლოს ვზიარებოდი თქვენს დიდ ცივილიზაციას. ვიცნობ „ვეფხისტყაოსანს“. პირველად ის ინგლისურად წამიკითხა მადინმა, მერე ქართულიც მომიტანა. ვიცნობ თქვენს პირველ რომანს და სხვა მრავალ მხატვრულ ძეგლებს. დანარჩენზე შემდეგ ვისაუბროთ, ახლა კი, მიმართვის ტექსტი შევადგინოთ. ქალაქი ხომ გაქვთ?

— თქვენი მოწყალება არ გვაკლია. გუშინ მთელი დასტა მივიღეთ, — თქვა ვალერიმ.

— აბა, რამდენიმე ფურცელი მასესხეთ და ამ დღეებში სესხს დაგიბრუნებთ.

— ინებეთ!

ვიტალიმ მთელი ალბომი დაუდო წინ.

— დავიწყოთ ასე, — კადილამ ფანქარი მოიმარჯვა, თავი ასწია და ნუგზარს შეხედა, — ჯერ დავწეროთ ქართულად, ამიტურ თარგმანს შინ მოვამზადებ.

— როგორც გენებოთ.

— აბა, ასე დავიწყოთ: „ამიტთა სახელმწიფო პარლამენტს! ტყვე აღამიანთა მიმართვა“.

კადილამ თავი ისევ ასწია.

— სიტყვა ტყვე არ მომწონს, ხომ არ შეგვეცვალა.

— არა, მგონი, ასე უფრო ჯობია. პარლამენტმა უკეთ იცის, ვინცა ვართ. სიტყვა—ტყვე დარჩეს, — თქვა ნუგზარმა.

— როგორც გენებოთ... აბა, განვაგრძობ.

„დიდად შეგვაწუხა იმ ფაქტორმა, რაც მოხდა ამიტთა ძველ სადგომთან. გასაგებია, რომ ტერორისტებს სურდათ ჩვენი დაღუპვა. ამ შემთხვევიდან მეორე დღეს შევიტყვეთ, რომ ამიტთა შორის დიდი გულისწყრომა გამოიწვია ტერორისტთა სისხლიანმა გამოხდომამ. ამიტთა ეს თანაგრძნობა უფლებას გვაძლევს, ვიფიქროთ, ხალხი შორს დგას იმისაგან, რასაც ერთი მუჟა თავზეხელაღებული არამზადები ფიქრობენ.“



ჩვენმა ლამაზმა პლანეტამ ცხოვრების საჭე ორ გონებრივ სიბრტყეზე — ადამიანსა და ამიტს მისცა ხელში. გავუფრთხილდეთ ამ საჭეს, ჩვენი სიცოცხლე პლანეტის კიდევ უფრო აყვავებისა და გალამაზების საქმეს მოვახმაროთ.

დღეს შევიტყვეთ, რომ თავდასხმის ერთ-ერთი მონაწილე დაპატიმრებულია და სიკვდილით დასჯა მოელის. არ ვაპირებთ, ჩავერიოთ თქვენს პირად საქმეში, დავა გავმართოთ იმაზე, სასჯელის რა ზომა შეეფარდება დაპატიმრებულ დამნაშავეს, მაგრამ გვსურს, თქვენ, პარლამენტის პატივცემულ წევრებს, შეგახსენოთ ერთი რამ. ამ დამნაშავის დასჯის მიზეზი, ჩვენ, ხმელეთიდან მოსული ადამიანები გავხდით.

ჩვენ თქვენთან მოვედით მშვიდობისა და კეთილი ნების ელჩებად. არ გვსურს, ამ ელჩობის ზვარაკად რომელიმე ამიტი გახდეს, ვინც უნდა იყოს ის და რა დანაშაულიც მიუძღოდეს ადამიანთა მიმართ. ამიტომ, უმორჩილესად ვთხოვთ დიდად პატივცემულ ამიტთა სახელმწიფო პარლამენტს, გაითვალისწინოს ეს თხოვნა და სიცოცხლე შეუნარჩუნოს იმ ამიტს, რომელმაც სხვადასხვა მიზეზის გამო ხელი აღმართა ადამიანებზე.

წინასწარ გიხდით მადლობას, რადგანაც დარწმუნებული ვართ, ასეთი ცივილიზებული ერის პარლამენტი უარს არ გვეტყვის ამ თხოვნაზე.

კადილამ ფანქარი დადო და გამომცდელად შეხედა ყველას.

— ვითომ არ ვარგა?

— არა, მგონი, კარგი გამოვიდა, — თქვა ნუგზარმა.

— ჩინებულია, — დაეთანხმა ვიტალი შლიახოვი.

— ცოტას თარგმნის დროს კიდევ დავხვეწ. ახლა ყველამ მოაწერეთ ხელი. გარკვევით მოაწერეთ. ეს პირველი ოფიციალური დოკუმენტია, რომელიც ადამიანებმა ამიტებს გაუგზავნეს. თქვენ, როგორც ამ დოკუმენტის ავტორები, სამუდამოდ ჩაიწერებით კაცობრიობის ისტორიაში.

— თქვენც, როგორც ტექსტის ძირითადი შემდგენელი და მთარგმნელი, — თქვა ვალერიმ.

— ალბათ ასეა, არც მე დავრჩები ისტორიის გარეთ.

კადილამ გაიღიმა და წამოდგა.

— ძმებო, ახლა კი წავალ. ეს საქმეც მომემატა, ამას შინ მისვლისთანავე ვთარგმნი და დინაკს გავუგზავნი.



— კიდევ როდის შევხვდებით? — იკითხა ნუგზარმა.
— ალბათ, ზეგ. ზეგ ველი მადინს. სანადიროდ უეჭველად

წავგიყვანს.

— და ის კოლხური ხომალდიც უნდა დავათვალიეროთ. კადილა დაფიქრდა.

— თუ დრო დაგვრჩა.

— არა, პირველ რიგში ჩვენ ხომალდი გვანტერესებს, — გააპროტესტა ნუგზარმა.

— კარგი, ვნახოთ, — თქვა კადილამ, ხელი აიქნია და ოთახიდან გავიდა.

— თურმე არცთუ ისე ტყუილად ვკარგავთ დროს ოკეანის ფსკერზე, — თქვა ნუგზარმა, როცა კადილა უკვე დერეფნის იქით დაიგულა. — ხედავთ, რამდენი საიდუმლო იხსნება? ახლა ერთი სული მაქვს, სანამ იმ ჩაძირულ გემს ვნახავდე. როგორი იქნება შეხვედრა უძველეს ისტორიასთან.

— ფრიად საინტერესო, — ჩაიქილიკა ვალერიმ, — რასაკვირველია, თუ უძველესი ისტორიის ნაცვლად სუროგატი არ მოგვაჩიჩხის.

ნუგზარმა ქვემოდან გახედა.

— შენ დიდი ურწმუნო თომა ხარ.

— ცხოვრებამ მასწავლა, ამხანაგო ნუგზარ. ცხოვრებამ მასწავლა, რომ ასჯერ გავზომო და ერთხელ გავჭრა. იმ ერთხელაც არ გავჭრა, თუ გულმა რეჩხი მიყო.

— კადილა ისე დამაჯერებლად ლაპარაკობდა, არა მაქვს საბუთი, მისი ნათქვამი არ ვიწამო.

— ჯერჯერობით არც მე მაქვს საწინააღმდეგო საბუთი. მხოლოდ ერთი რამაა, ბევრ მოვლენას, რაც აქ ხდება, სკეპტიკურად ვუყურებ. რა ვქნა, ასეთ ურწმუნო თომად დავიბადე და... ხედავთ, სკამები შემოთუმატებიან.

ნუგზარმა თვალი შეავლო ოთხ ახალ სკამს ოთახის კუთხეში რომ დაედგათ.

მეორე დღეს, როცა ბეტა და ნატე დერეფანში შემობაკუნდნენ, წინ სწორედ ეს ურწმუნო თომა შეეფეთათ. ვალერის ხელში დიდი კიბორჩხალას მარჯვენა ცაცი ეკავა და თავის მეჩხერ კბილებს მოხარშული მცოცავის ჯავშანზე აკაკუნებდა. ჯავშანი საკმაოდ მაგარი აღმოჩნდა და ნურას უკაცრავად, ასე ადვილად არ ნებდებოდა.

ბავშვებმა სწორედ ამ ყოფაში იხილეს ბასილბაზილიკის
ვადაწყვიტა, მიშველებოდა ქანცვაწყვიტილ ძიას.

— მათხოვეთ, ახლავე დავამსხვრევ; — უთხრა გოგონამ
და კიბორჩხალას ცაცი ჩამოართვა. ერთ წამში გაისმა ჯავშნის
მსხვრევის ხმა და ვალერის ხელში აღმოჩნდა ფოსფორით საე-
სე კიბორჩხალას გემრიელი ხორცი.

ვალერიმ ბეტას შეხედა.

— გოგონა, აბა, მიჩვენე შენი კბილები.

— ბეტამ გაიცინა და სიმინდის მარცვლებივით ჩაკიწკიწე-
ბული თეთრი კბილები გამოაჩინა.

— ოო, ეს საქმეა. ასეთი კბილები რომ მქონდეს, ამას კი
არა, ომარის ჯავშანსაც დავამსხვრევდი.

— რა არის ომარი? — იკითხა ბეტამ.

— ომარი თითქმის იგივე კიბორჩხალაა, ოღონდ ორჯერ
უფრო დიდი იზრდება და უფრო ლამაზიცაა.

— ლატა, ლატა, — თქვა ნატემ, — ჩვენ მას ლატას ვეძა-
ხით, ლატას ჯავშანსაც ადვილად ვამტვრევთ. გინდათ, ხვალ
მოგიყვანთ დიდ ლატას.

— მოიყვანე, საწინააღმდეგო არაფერი გვექნება.

გასართობ ოთახში შევიდნენ.

ანდრო გაბოშვილს, რაც გასართობ ოთახში დაჯდა, სასა-
დილოდან სულ ერთთავად გაუთავებელი ხმაური ესმოდა. სწო-
რედ ახლა ჩათვალა საჭიროდ შეემოწმებინა, რა ხდებოდა.
ადგა და გავიდა.

სასადილოში არავინ იყო. ხმაური ახლა ტუალეტიდან ის-
მოდა. არც ის იყო შორს და ანდროსაც არ დაზარებია, ტუალე-
ტის ვიწრო კარი შეეღო.

იქაც არავინ დახვდა. ყრუ კაკუნი კი ახლა უფრო ამკარად
ისმოდა ტუალეტს იქიდან. არც აცივა, არც აცხელა, ტუალე-
ტის დერეფანში გავიდა და იქ, ბოლოში, კედელს თავისი ღო-
ნიერი ბეჭი ატაკა. წარმოიდგინეთ გაბოშვილის გაკვირება:
როცა მის თვალწინ ეს მაგარი კედელი ხუხულასავით დაინგრა
და იგი ოთხი დაფეთებული ამიტის წინ აღმოჩნდა.

ამიტები თითქმის შიშველები იყვნენ. მოკლე შარვლების
ამარა იდგნენ, სასუნთქი აპარატიც არ ეკეთათ. თუ ალლო არ
ღალატობდა ანდროს, ასე ოცი-ოცდაათი წლისა იქნებოდნენ.

სახე ვარდისფრად უღაჟღაჟებდათ და ხელში რაღაც იარაღები ეკავათ, შუბლიდან ოფლი ღვარად ჩამოსდიოდათ.

— ეჰ, ძმებო, საიდან მოსულხართ, ან რისთვის გარჯილხართ? — იკითხა ანდრომ.

იმ წითელმა ბიჭებმა ერთმანეთს გადახედეს და არაფერიც არა თქვეს.

ანდრომ რომ თავისი ნათქვამი ისევ გაიმეორა, არც მაშინ გაუპარტყუნებიათ ყურები. ანდრომ არ დაიხარა და ისევ თქვა რაღაც. თუ რა თქვა და რა ენაზე, ეს რომ გეკითხათ, ალბათ თავადაც ვერ გაგცემდათ პასუხს.

— მაშ, ჩემებული არ იცით? — გაიკვირვა ანდრომ, — მე კი მეგონა ყველა ამიტმა იცოდა ქართული.

ის ოთხი ოფლგაღვრილი ტიპი კი იდგა და გაოცებული მისჩერებოდა ამ ტონტორა კაცს, წამდაუწუმ რაღაც უცნაური ბგერების ვულკანს რომ აფრქვევდა.

ნუგზარმა რაღაც იყნოსა, სწორედ დროზე შემოვიდა ტუალეტში, პირისპირ მდგარი ანდრო და ოთხი დაუპატიჟებელი სტუმარი რომ დაინახა, მაშინვე ნატესა და ბეტას მოუხმო. ნატემ და ბეტამ ძიებს ამიტურად გაუბეს საუბარი და მერე ნუგზარსა და ანდროს მოუბრუნდნენ.

— მუშები არიან, აბაზანის გამართვა დაუვალებიათ — თქვა ბეტამ.

— აა! — წარმოთქვა ნუგზარმა.

— ბიჭო, ეს კარი შენ შელეწე? — მიუბრუნდა იგი ახლა ანდროს.

— რა შევლეწე, ბეჭი გავკარი და დაინგრა...

— ახლა აქტი რომ შეგიდგინონ და ფული მოგთხოვონ, საიდან დაყაჟავ, მამაშენი გამოგიგზავნის თუ ძმაკაცი? — უთხრა ვალერიმ ანდროს და ჩუმად ჩაიქილიკა.

ანდროს უკვე ცეცხლი ეკიდებოდა. ბურღლუნით "მეძობრუნდა.

— კაპიტანო, ეს კაცი მომაშორეთ, თორემ რწყილივით კედელს მივასრეს.

— ეჰეი, ერთი ამას დამიხედეთ, რწყილიცა ხარ და მედღუხაც. — გაცხარდა ვალერიც.

— ჩუმად! — გაბრაზებით თქვა ნუგზარმა და საძიძგი-

ლაოდ შემართულმა მამლებმა ბიბილოები მაშინვე ჩამოკიდეს.
— ისინი პირველად ხედავენ ადამიანებს. კითხულობენ; მუქ
იძლება თუ არა ხელით შეხებაო?

ნუგზარმა ხელი გაუწოდა. იმწამსვე ერთმა ვარდისფერმა
კაცმა, სულ ახლოს რომ იდგა, თავისი ცაცია შეაგება. თითები
მაგრად მოუჭირა. სახე ნელ-ნელა ეხსნებოდა და ბოლოს გვა-
რიანი ხითხითიც აუვარდა.

— ამბობს, რომ თქვენ კარგი ხალხი ჩანხართ; შეეცდე-
ბიან, ისეთი აბაზანა მოგიწყონ, როგორიც გესიამოვნებათ. აი,
აბა აბაზანაც იქა დგას უკვე, დღეს საღამოთი შეგეძლებათ
კარგი შხაპი მიიღოთ და ტკბილად დაიძინოთ.

ვიტალი შლიახოვმა ნუგზარს სახელოზე მოქაჩა.

— ხედავთ, ამხანაგო ნუგზარ, აბაზანა ოქროსია.

ნუგზარმა თავი კედელჭრილში გაპყო. თვალი შეავლო
ყვითლად აელვარებულ უშველებელ საგანს და გაიღიმა.

— დიახ, სუფთა ოქროს ფურცელი აქვს გადაკრული.

— ვითომ მარტო ფურცელი? — ეჭვი გამოთქვა ვიტა-
ლიმ.

რასაკვირველია, მთლად ოქროსი რომ იყოს, აქ როგორ
მოათრევდნენ,

— მართალია, თქვა ვიტალიმ და კიდევ ერთხელ გაიჭვრი-
ტა კედელჭრილში.

მუშები კი იდგნენ ისევ ისე, გაოფლიანებულნი, გაოცე-
ბულნი და აკვირდებოდნენ ადამიანთა ყოველ მოძრაობას.

მერე ნუგზარმა თქვა: წავიდეთ, ხელს ვუშლით მუშა-
ობაშიო.

ჭრილს მოშორდნენ და ისევ გასართობ ოთახში დაბრუნ-
დნენ. აქ ვალერიმ ბლოკნოტი გამოიტანა და ნატესა და ბეტას
ნამდვილი პრაქტიკული მეცადინეობა ჩაუტარა ქართულ წე-
რაში.

ბავშვები წავიდნენ თუ არა, ნუგზარი მაგიდას მიუჯდა, თი-
თებით რბილად დააკაუნა სქელ ფიცარზე და ვიტალის გადა-
ხედა, მერე მზერა ვალერიზე გადაიტანა და ბოლოს გამჭოლი
გამოხედვა ანდროს გაუსწორა. ანდრომ იცოდა მისი კაპიტნის
ასეთი გამოხედვის ფასი და წელში მოიხარა. ელოდა, კაპიტან-
ი საცაა იქუხებსო, მაგრამ სულ ბოლო წამებში ნუგზარმა

თავი მოითოკა და ჩვეულებრივ, წყნარი, მშვიდი ხმით დაიწყო:

— გასაგებია, ჩვენ ყველანი დავიღალეთ. თითქოსდა მივე-
დით იმ ზღვართან, როცა ადამიანს ნებისყოფა დალატობს.
მძიმე მდგომარეობაში ვართ. სიტყვებიც კი არ მყოფნის,
ვთქვა, თუ რა დღეში ვართ...

ნუგზარმა შეისვენა, სული მოითქვა, მერე გულზე მოწოლი-
ლი ბოღმა ჩახველებით გაიქარვა და ოდნავ ბზარშეპარული
ხმით განაგრძო:

— ეს მდგომარეობა არავის გვაძლევს უფლებას, დავკარ-
გოთ წონასწორობა, დავკარგოთ ის დიდებული თვისებები,
რაც ჩვენს მეზღვაურებს აქვს. მოგიწოდებთ, კიდევ ერთხელ
ჩაიხედოთ თქვენს გულში, გაიხსენოთ, რომ იქ, ხმელეთზე, ახ-
ლობლები გელოდებიან...

ნუგზარს ხმა კიდევ უფრო გაეზარა:

— აჯობეთ საკუთარ თავს... სძლიეთ სისუსტეს, რომელიც
შემოგეპარათ!

ნუგზარი დადუმდა.

ანდრომ თავი ასწია, მაგრამ კაპიტანი ახლა მას არ უყურე-
ბდა. ნუგზარს გამჭოლი მზერა კედლისათვის მიეპყრო, თვალე-
ბი ასწყლიანებოდა და ანდრომ მიხვდა, რომ სიმწრის ცრემლებს
ძლივს იკავებდა.

თავი ისევ დახარა და ძალზე ხმადაბლა ჩაიდუღუნა:

— ყველაფერი ჩემი ბრალია, კაპიტანო, მე მოვტყედი პირ-
ველი, განა ვალერიმ დღეს პირველად იხუმრა? მაგრამ დღეს
აღბათ სისუსტემ დამჯაბნა და მეგობრის მხიარულ ტონს ვერ
ავყევი. ჩემს სისუსტეს ვეღარ ნახავთ. ვალერის ბოდიშს ვუხ-
დი. იგი ისევ ისეთ მეგობრად რჩება, როგორიც დღემდე იყო.
გადაიხარა და ვალერის აკოცა.

— ჩემი ბრალიც იყო, ნამეტანი ვქენი, — ვალერიმ ნაღვ-
ლიანი მზერა კაპიტანს მიაპყრო, — შევეცდები, აწი უფრო
სერიოზული ვიყო. ესაა და ეს..

— მგონი, ყველაფერი გარკვეულია. დარწმუნებული ვარ,
შემდეგისათვის ასეთი საუბრის მიზეზი აღარ იქნება. გულ-
წრფელად გითხრათ, დღესაც მიჭირდა ასეთი ტონით შელა-
პარაკა თქვენთან, მაგრამ ვხედავ, ეს საჭიროო ყოფილა. აბა, ვა-
ლერი, გახსენი ეკრანი. ვნახოთ ერთი, რა ხდება გარეთ, ხომ
არ თოვს.



ვალერი სკამებს შორის მაშინვე გაძვრა და ეკრანზე განსწავრა, გარეთ კვლავ და კვლავ ჩანდა ფართო ხეივანი, სამსართულიანი სახლი და პროექტორის მძლავრი შუქი.

მეორე დღეს, სადილის შემდეგ, როცა გასართობ ოთახში ისვენებდნენ, ნუგზარის ოთახში ტელეფონი აწკრიალდა. კაპიტანი წამოვარდა და ჩქარი ნაბიჯებით თავის ოთახს მიაშურა. ტელეფონი ისევ ხმაურობდა.

— ალო, გისმენთ. — ჩასძახა ყურმილში.

— მომისმინეთ, გამარჯობათ, — დაიწყო ძალზე ნელა უცნობი ქალის ხმამ. ნუგზარი მაშინვე მიხვდა, რომ მისი მოსაუბრე წინასწარ დაწერილ ტექსტს კითხულობდა.

— თქვენი აბაზანა უკვე მზადაა, — განაგრძო ამ ხმამ ისევ ბორძიკ-ბორძიკით. — შეგიძლიათ შებრძანდეთ და იბანაოთ. აბაზანაში დერეფნიდან შეხვალთ. ეს საქმე ვალერის მიანდეთ და ის იპოვის შესასვლელს. ნახვამდის, გაამოთ. — ამოწურა თავისი პროგრამა იმ ქალმა. ისე ხმამაღლა ლაპარაკობდა, რომ მთელი ეს საუბარი არამარტო ნუგზარმა, დანარჩენებმაც კარგად გაიგონეს.

ვალერიმ ჩაახველა და თქვა:

— იმ ქალბატონს აშკარად შეეშალა. ეს საქმე ჩემთვის კი არა, ანდროსათვის უნდა მიენდო. ანდროს უკვე აქვს აბაზანის მიგნების გამოცდილება.

ვალერიმ, როცა სათქმელი დაამთავრა, ენაზე იკბინა, მაგრამ გვიან იყო, სიტყვა უკვე გაუფრინდა, თვალებდაცეცებული ელოდა, რას იზამდა ანდრო. ანდრომ კი გაიცინა.

— ვალერი სწორია, ვაპროტესტებ, ჩემს ფუნქციებში რატომ იჭრებიან სხვები.

ნუგზარმაც გაიცინა.

— ჩვენ ყველანი ერთად ვიპოვით გასასვლელს.

გასასვლელი მაინც ვალერიმ იპოვა. ადვილად იპოვა პატარა ფოლაქისოდენა ღილაკი, რომელმაც აბაზანაში შესასვლელი კარი გახსნა.

მთელი სააბაზანო ოთახი ოქროსფრად ბრწყინავდა, ვალერი ხელით შეეხო და თქვა: ნამდვილი ოქროაო.

აბაზანაც ოქროს თხელი ფილით იყო დაფარული, იქცა-
ნებიც ოქროსი გახლდათ.

ანდრომ იკითხა: ნუთუ ამდენი ოქროაო ოკეანის ფსკერზე?
ნუგზარმა უპასუხა:

— გეოლოგებმა ჯერ კიდევ მეოცე საუკუნის ორმოცდა-
ათიან წლებში დაიანგარიშეს, ოკეანის ფსკერზე რაც ოქროს
მარაგია, მთლიანად რომ ამოედოთ, ერთ სულ მოსახლეზე რვა
ტონა მოვიდოდა.

— რაო, რვა ტონა? — იკითხა ვალერიმ.

— დიახ, რვა ტონა. ყველაფრით იგრძნობა, ამიტები ოქ-
როს კარგი მომპოვებლები არიან, ამიტომ ამ ძვირფასმა ლი-
თონმა თავისი ღირებულება დაკარგა, უბრალო გამოყენებით
ლითონად იქცა.

ამ დროს ვიტალიმ დაიყვირა: თეთრეული ვიპოვეო.

ვიტალი მოზრდილ ტუმბასთან იდგა და განიერი კარადე-
ბიდან ალაგებდა ქათქათა საცვლებს. მას მაშინვე ანდროც მი-
ეშველა: ნეტავ ჩემი ზომისა თუ არისო. ვიტალიმ დაამშვიდა;
აჰა, შენი ზომისაო. ეს იწილ-ბიწილო სულ ათ წუთში მოთავ-
და და ბანაობის განრიგი შეადგინეს.

მეორე დილით კადილამ დარეკა. ნუგზარმა მისი ხმა გაი-
გონა თუ არა, ისეთი სითბო იგრძნო, თითქოსდა ძალზე ახლო-
ბელს დაერეკოს.

— როგორ ბრძანდებით? — იკითხა ამიტმა ქალიშვილმა.

— ძალიან კარგად, ქალბატონო კადილა. გუშინ ჩვენ ჩი-
ნებული საჩუქარი მივიღეთ, მშენებლებმა ჩაგვაბარეს აბაზანა.

— ვინ ჩაგაბარათ? — იკითხა ქალიშვილის ხმამ.

— არავისაც არ ჩაუბარებია, ისე ვთქვი, ჩამბარებელიც
ჩვენ ვიყავით და მომხმარებელიც. საზეიმო ვითარებაში აღვ-
ნიშნეთ აბაზანის გახსნა, ბიჭებმა ძლიერ გაიხარეს. მათი სა-
ხელითაც მოგახსენებთ მადლობას. მადლობა აგრეთვე ესო-
დენ ფაფუკი თეთრეულისათვის. თუ ამ თეთრეულით ვიმსჯე-
ლებთ, თქვენი მსუბუქი მრეწველობა გაცილებით წინაა.

კადილამ გაიცინა.

— იცით რა, თეთრეული თეთრეულია და მეტი არაფერი...

არც აბაზანის გამო ღირს ამდენი ქათინაური. იმისათვის დაე-
რეკე, რომ გაგახაროთ, მადინი ჩამოვიდა. ერთ საათში მანდ ვეჭ-
ნებით, სანადიროდ წავალთ. თუ დრო დაგვრჩა, „დიოსკურია-
საც“ ვესტუმრებით.

— დიდებულია, მხოლოდ „დიოსკურია“ აუცილებლად
უნდა ვნახოთ. ამ შემთხვევაში ჩვენ ნადირობაზე უფრო კოლ-
ხური გემის ამბავი გვინტერესებს. ასე რომ, გეგმაში მცირე
კორექტივი უნდა შევიტანოთ.

— მაშინ მოგვიწვევს ნადირობის ადგილის შეცვლა. მადინი
აპირებდა აღმოსავლეთის მხარეს წავსულიყავით, ნამიბიისაკენ.
იქ ძალიან კარგი სანადირო ადგილებია. ახლა კი დასავლეთის
მხარეს უნდა წავიდეთ.

— მე მებაღური ვარ და კარგად ვიცნობ ნამიბიის ნაპი-
რებს. ეს ნაპირები რომ მდიდარია, ამაზე ორი აზრი არ არსე-
ბობს, მაგრამ ჩვენ მაინც დასავლეთით წავიდეთ, დაე, ცუდი
ნადირობა გვეკონდეს, ოღონდ შევხვდეთ შორეულ წარსულს.
ამ სიამოვნებას არაფერი შეედრება.

— მჯერა. ერთ საათში მანდ ვართ.

ყურმილში კადილას ხმა შეწყდა. სამაგიეროდ სამი ცნო-
ბისმოყვარე მეგობარი სახეში მისჩერებოდა ნუგზარს.

— კადილა როცა ლაპარაკობს, ჩვენ ძალიან ცუდად გვეს-
მის. იმ მეორე ქალის ხმა კი თითქმის გასართობ ოთახამდე აღ-
წევს. — თქვა ანდრომ და ვალერიმაც მაშინვე გაუსწორა:

— კადილა კი არ ლაპარაკობს, კანარის ჩიტისვით ჟღერ-
ტულვებს. ის ქალი კი ხმის ჩახლეჩამდე ღრიალვებს.

— სხვათა შორის, ის ქალი კადილას დაა, საჭიროა უფრო
მეტე პატივით ილაპარაკო მასზე, — შენიშნა ნუგზარმა.

— მართლა! — ვალერის ნიკაპი ჩამოუვარდა, — ეგ არ
ვიცოდი, ალბათ ნატეს დედაა. ენა მისწრებს, თუ მათ უკვე
მოსმენილი არა აქვთ ჩემი ლაქლაქი, გეხვეწებით, არ გამცეთ.

— არ გაგცემთ, — შეპირდა ნუგზარიც.

ერთ საათში კი სადღაც დერეფნის იქით ისეთი ზარის ხმა
გაისმა, ჩვენს სადარბაზოში კარს რომ ამშვენებს და თუთი-
ყუმის არ იყოს, დაზებირებულ მუსიკალურ ფრაზას იმეორებს
ხოლმე.

ყველამ ყური ცქვიტა.

ვალერიმ გაიოცა: ეს რა არისო, ჩემი სახლის ზარი აქნა
არ ჩამოუპორწილებიათო.?

ვალერის ბანი ანდრომ და ვიტალიმ მისცეს. ნუგზარმა კი
საათს დახედა და დერეფანში გავიდა.

დერეფანი ცარიელი იყო. კაცის ჭაჭანება არ ჩანდა. სულ
ბოლოდან კი, სადაც მთავარი შემოსასვლელი უხილავი კარი
იყო მოთავსებული, სადარბაზო ზარი აკვიატებულ მელოდიას
აწკრიალებდა.

— მობრძანდით! — დაიძახა ნუგზარმა და კარი მაშინვე
მსუბუქი შრიალით გაიხსნა. კარს უკან კი, ჩვეულებრივ სპორ-
ტულ კოსტიუმში გამოწყობილი ვილაც ჭენტლმენი იდგა. მას
ცალ ხელში სწორედ ის პატარა ინსტრუმენტი ეკავა, ყურთა-
სმენა რომ წაიღო, მეორე კი კადილასათვის მკლავში ჩაეველო.

— შეიძლება? — თქვა იმ ჭენტლმენმა და ზარი გააჩუმა.

— მობრძანდით. უკვე კარგა ხანია გელოდებით. მაგრამ ეს
კი ვერ მოვიფიქრეთ, სადარბაზო ზარს თუ დაგვიკიდებდით.

— ზარის დაკიდება არც კი მიფიქრია. ხელით ვატარებ.

— ვხედავ, მაგრამ თქვენ რომ აწრიბინებდით, ისეთი გა-
ნწყობა შეგვექმნა, თითქოსდა იგი გაჩენის დღიდან ამ დერე-
ფანში ეკიდა.

— ჭერ გავიცნოთ ერთმანეთი. მე მადინი მქვია, კადილას
ძმა ვახლავართ.

— ვიცით, კარგა ხანია, თქვენთან შეხვედრაზე ვოცნებობთ.
მე ნუგზარს მეძახიან. ესენი ჩემი მეგობრები არიან: ვიტალი
შლიახოვი, ანდრო გაბოშვილი, ვალერი ბასილაია.

— სასიამოვნოა. ჰო, ახლა ზარზე საუბარი დავამთავროთ
ბარემ. თუ ისიამოვნებთ, აქ დავტოვებთ კიდევ. აი, იქ დავკი-
დოთ.

ამიტებს არ უყვართ ზარი. ისინი ხომ თევზები არიან. ასე
შემოცურდებიან თქვენს ბინაში, თითქოსდა ყველაზე კარგ
ოთახში ერთი საწოლი მათ სახელზე იდგეს.

ჩვენ სულ სხვა ვართ, ადამიანები, მიწის შვილები.

— აბა, ნუ დავგცინი, ისიც ვიცით, თქვენ რა ზვიგენებიცა
ხართ. ნახე, თავისიანები იპოვა და ხმაც აიმაღლა. — თქვა
ღმილით კადილამ.

ამასობაში მადინმა ვიტალისა და ნუგზარს ხელი მოეხვეწა და ასე შევიდნენ გასართობ ოთახში.

— არც ისე ცუდად ცხოვრობთ, ძმებო. თუმცა მზის გულზე ერთი კაცურად გაგორება მთელ ცხოვრებად ღირს.

— მაგაზე ვოცნებობთ.

— ეს ისეთი ოცნებაა, რომელსაც ასრულება უწერია. ამასობაში ვალერიმ კადილა დაიმართოხელა.

— მითხარით ერთი, გეთაყვა, რატომაა, რომ ხან ტელეფონით გვირეკავთ (ტელეფონი ჰქვია თუ სხვა რამ იმ უშნო ყუთს, კარგად ესეც ვერ გამიგია), ხანაც კიდევ რადიოთი გვესაუბრებით.

— დაიწყეთ ისევ თქვენებური ჩაძიება? ეგ უბრალოდ ხდება, როცა შინ ვიმყოფები, ტელეფონით გვესაუბრებით, როცა სამსახურში, მაშინ კი რადიოთი. რა არის ამაში გასაკვირი?

— არაფერი, ახლა ჩემთვის ყველაფერი ნათელია.

— მზადა ხართ წამოსასვლელად?

— რა თქმა უნდა, მაგრამ ალბათ ამ ჩაცმულობით ცუდ მონადირეებად გამოვჩნდებით.

— ნუ სწუხართ, მაგაზე ადრე ვიზრუნე, თქვენი სანადირო კოსტიუმები წითელ დარბაზში აწყვიდა. შეგიძლიათ ჩაიცვათ და მოემზადოთ.

— ვფიქრობ, რომ დღესაც დამრთავთ ნებას კიბანის მართვაში მოგეხმაროთ.

— უეჭველად, თქვენ ამის უფლება მოიპოვეთ.

კადილა შემობრუნდა და ნუგზარსა და ვიტალის გადახედა.

— აბა, დროს ნუღარ დავკარგავთ. გავიდეთ წითელ დარბაზში!

კადილა შებრუნდა, გვერდით კვლავ ვალერი ამოუდგა. ნუგზარი და მადინი ცოტა მოშორებით გაჰყვნენ.

წითელ დარბაზში რომ შევიდნენ, კადილამ სანადირო კოსტიუმები და ჟანგბადის ბიდონები დაარიგა. ყველა კოსტიუმში ლურჯი ფერისა იყო. ნიღაბი კი, ოკეანის მხოლოდ ერთ არსებას — ზვიგენს გამოხატავდა.

კადილა იქვე დარჩა, კაცები გასახდელისაკენ წავიდნენ და როცა ისევე დარბაზის ცენტრში მოიყარეს თავი, კადილამ გა-

მოაცხადა: ვალერი ჩემს გვერდით მოთავსდებოა
ბინაში.



ამ დროს კი, კაბინა ნელა შემოდინოდა კედელჭრილში. იგი ელმავალივით მოსრიალეზდა შუა დარბაზში. ძალზე გაუკვირდათ, რომ მანქანის სამართავ პულტთან არავინ იჯდა. ვალერიმ ვერც აქ შეიკავა თავი და როცა კადილას გვერდით მოთავსდა, მაშინვე იკითხა, ეს როგორააო, მანქანა რომ თავისით მოგორდაო.

კადილამ მეგობრულად გაუღიმა.

— იქითა ოთახში ხალხია, უშიშროების სამსახური, მათ შემოაცურეს.

— უშიშროების სამსახური?

— ღიახ, უშიშროების სამსახური. თავი დავიზღვევეთ ტერორისტთა შესაძლო თავდასხმის შემთხვევაში.

— აა, რაში ყოფილა საქმე. ბლომად არიან?

— საკმარისად, ასე რომ, ნუ შეგეშინდება.

— არა, იმიტომ კი არ გკითხეთ, ამდენი ხალხის მოცდენა ცოტა უხერხულია. ჩვენ ვერთობით, მათ კი, თავი უნდა იტეხონ...

— არა უშავს, ეს მათი მოვალეობაა.

ვალერიმ მხრები აიჩეჩა და მანქანა ჩართო.

იქ, მეორე კაბინაში კი, მადინს ხელში ბარჯივით წაგრძელებული რაღაც იარაღი ეკავა.

— ეს წყალქვეშა თოფია. ძალიანა ჰგავს თქვენს თოფს. ამ იარაღის მსუნავი მუცელი ორმოცდაათ საბრძოლო ვაზნას იტევს. ყოველი ვაზნის გასროლისათვის საჭიროა თითის გამოკვრა. ამით იგი თქვენებური ავტომატისაგან განსხვავდება. ტყვია სანადირო იარაღს შორს არ მიაქვს. სულ რაღაც ასე მეტრის რადიუსში ცივდება და ვარდნას იწყებს. ეს იმიტომ, რომ გაუთვალისწინებელი რამ არ მოხდეს, სამიზნოს გარეთ არ დააზიანოს ვინმე.

— მიუხედავად ამისა, შეეცადეთ, მიზანს არ ააცდინოთ, არც ასე მეტრია ცოტა.

აბა, ახლა მხარზე მოირგეთ იარაღი, სასხლეტი დაკეტილია, როცა ფეხზე შეყენება გასურთ, თითი წითელ ღილაკს უნდა დააჭიროთ.

— ყველაფერი გავიგეთ, — თქვა ნუგზარმა, — მგონი, ამ

იარაღით ნადირობა არ გაგვიჭირდეს, — მერე სახეში ჩანე-
და მაღინს, — გავიგე სამი თვე ლონდონში გიცხოველებული

— დიახ, ვცხოვრობდი ლონდონში. სამი მეგობარი წავე-
დით. ფული ჩეჩქივით გვექონდა.

— ნამდვილი ფული!

— რასაკვირველია, ნამდვილი. ჩაძირული გემების ერთი-
დერთი პატრონი ჩვენ ვართ. რომელი ქვეყნის ფულს არ შეხ-
ვდებით ოკეანის ფსკერზე მოხვედრილ ამ შემთხვევით ბან-
კებში. ჰოდა, ჩვენც ჩემოდნები დავძეძგეთ. პირველად ნამიბია-
ში გადავედით. ერთმა ყოჩაღმა ბანტუმ მე პასპორტი ჯიმ
სტივენსონის გვარზე გამიფორმა. ერთი ჩემი მეგობარი ედ-
მონდ ბრაუნნი ვახდა, მესამე კი—მარტინ სოლიტი.

ჩავფრინდით ლონდონში, თავს სამხრეთ აფრიკელებად ვა-
საღებდით. დავიჭირავეთ სასტუმრო და დღე და ღამე დოღის
ცხენებივით მუხუეუმებსა და თეატრებს შორის დავქროდით.

მარტინ სოლიტმა სამწუხაროდ სხვა ნიჭიც გამოავლინა,
დაიწყო სიგარეტის ქაჩვა, ვისკისაც მიეძალა. ხშირად მთელ
ღამეს ბარში ატარებდა და ზუსტად ორი თვის თავზე ჭლექით
დაიღუპა. იგი მაინც თევზი იყო და ასეთ მძიმე დატვირთვას
ვერ გაუძლო.

ჩვენ ნორმალურად ვცხოვრობდით. ეს იყო, ძალიან ბევრს
ვკითხულობდით, ვწერდით.

მარტინი რომ დავასაფლავეთ და თავიც მარტოდ დავიგუ-
ლეთ, ერთბაშად სისუსტე ვიგრძენით. ზოგჯერ კანის საოცარი
ხურვებაც გვემართებოდა. ბიჭი ხარ და ექიმთან მიდი, რომ გა-
გიგოს სხვის ფარაში ხარ შეპარული, მერე რას შვრები?

ჩვენც საკუთარი შეხედულებით ვმკურნალობდით, ხან რას
ვყლაპავდით და ხან კიდევ რას. სულ გავიყდინთეთ წამლებით.

ერთ დღეს ჩემმა მეგობარმა ედმონდ ბრაუნმა თქვა: ბრაუ-
ნობა აღარ მინდა, ზეგიდან ისევ კავუნი უნდა გავხდეთ. კიდევ
ერთი თვეც რომ დავრჩე ბრაუნის ქურქში, მაშინ მარტინის
გვერდში მომიწევს სამუდამოდ დასახლებაო. მეც ამ აზრისა
ვიყავი. ბილეთები მაშინვე ავიღეთ. ბარგი მაგრად შევკარით
და მეორე დღეს ნამიბიაში ჩამოვფრინდით. ის ყოჩაღი ბან-
ტუ ვედარ ვიპოვეთ, ლოთობას გადაჰყოლოდა და მგონი თავიც
დაეხრჩო. პასპორტები მის ცოლს ჩავაბარეთ და ღამით კიბანი

გამოვიძახეთ. ჩვენი ბარგი ზღვასთან მივათრიეთ. მერე
ბანში ჩავჯექით და მოვცოცხეთ.



— თუ გაქვთ ხოლმე სურვილი, ისევ ესტუმროთ ხმელეთს?

— ხმელეთი დიდი მაცდური რამაა. ძალიან ხშირად წა-
მომივლის ხოლმე ხუმტური კვლავ გავინავარდო ნამიბიაში,
ლონდონის ქუჩებში, მაგრამ ამფსონები შემომეცალა. მარტო
კაცი კი, ჭამაშიაც საცოდავიაო. ალბათ, ოდესმე შევძლებ ამ
სურვილის ასრულებას...

კიბანი დადგა. კიბანში კადილას ხმა გაისმა:

— აღამიანებო, გაიკეთეთ ნილაბი, მოირგეთ ჟანგბადის ბა-
ლონები და გამობრძანდით!

სათითაოდ გამოცურდნენ. ყველას თავისი იარაღი მოჰქონ-
და. მადინს კი ორივე ხელი დაკავებული ჰქონდა, მარჯვე-
ნაშიც და მარცხენაშიც თოფები ეკავა.

— ვალერი, ვალერი! — იძახდა ის.

ვალერიმაც არ დააყოვნა და ამიტთან გამოცხადდა.

— ეს შენი თოფია, აი, ასე უნდა ამის მოხმარება..

მთელი ათი წუთი უხსნიდა. ვალერიმ რამდენჯერმე უთხრა
გავიგეო, მაგრამ მადინი ჭიუტი კაცი აღმოჩნდა, მაინც
უხსნიდა.

ბოლოს, როცა დარწმუნდა, ვალერიმ მართლაცდა ზედმი-
წევნით გაიგო ყველაფერი, შეწყვიტა ახსნა-განმარტება და
კადილასაკენ გაცურდა.

ისინი პატარა ველზე იმყოფებოდნენ. ირგვლივ ტანმალალი
ტყის გრძელი მასივი ჩანდა. ამ გაუვალ ჯუნგლებში აღმოსავ-
ლეთის მხრიდან ერთადერთი გაჩახჩახებული გზა შემოდისოდა.
ეს იყო და ეს. მეტი არც გზა ჩანდა და არც ბილიკი.

მინდორიც გაჩახჩახებული გახლდათ. შუქი არამართო ქვე-
მოდან, არამედ ტანკენარ ხეებზე აღმართული სამი პროყექ-
ტორიდანაც იღვრებოდა. ციციქნა ლიფსიტა რომ გაიჭაჭანებდა,
ისიც კი კარგად ჩანდა.

კადილას იარაღი არ ჰქონდა.

ნუგზარმა გაიკვირვა: ეს რატომაო.

— ნადირობის ტრფიალი არა ვარ. თქვენ რომ საცოდავ
თევზებს დაერევით, მე ყვავილებს შევაგროვებ. უსისხლო
საქმეა, ქალისათვის ასე სჯობს, — თქვა კადილამ.

— მე კი დაუნდობელი მონადირე ვარ. სულ მუსრს გავვლებ თევზებს.

ვალერიმ თოფი ხელში შეათამაშა, გვერდზე გაცურვას აპირებდა, მაგრამ მადინის სიტყვები მოესმა.

— ყველანი ერთად ვიცურავენთ. ერთი წუთითაც არ დაივიწყოთ, რომ ეს ჯუნგლებია. აქაც, ისევე, როგორც თქვენთან, ჯუნგლებში, ყოველ ნაბიჯზე სიკვდილია ჩასაფრებული. იცურავეთ რაც შეიძლება უხმაუროდ. ახლა ეს პატარა პროექტორები შუბლზე დაიმაგრეთ. ნუ დარდობთ, კარგად მაგრდება შუბლზე. ყველამ დაიმაგრეთ?

პასუხიც მაშინვე მოისმინა და მადინი ტყისაკენ გაცურდა. ნუგზარმა თვალი გააყოლა, მაშინვე გაიფიქრა: ამ კაცს იქ, ლონდონში, რომ მოენდომებინა, მსოფლიო რეკორდს გაინადრებდა ცურვის ყველა სახეობაშიო.

ნუგზარი თვალს ვერ წყვეტდა ამიტის მოხდენილ ცურვას. თუმცა მას ახლა ნილაბიც ეკეთა და ზურგზე ჟანგბადის ბიდონიც ჰქონდა მოგდებული, მაგრამ ეს სრულებითაც არ უშლიდა ხელს, წყალში რომ თევზივით ენავარდა. ისიც მიცურავდა კობტად, მოხდენილად, ისე, როგორც ოკეანეს შვილს ეკადრებოდა.

მინდორი გათავდა და ტყეში შეცურდნენ. დაბურულ, ლიანებით ამოქოლილ სამყაროში, მადინი ადვილად პოულობდა ხალვათ ადგილს და მაშინვე დაგრეხილ ტოტებსა და ფოთლებს შორის უჩინარდებოდა. სხვებიც ცდილობდნენ არ ჩამორჩენოდნენ, მის მიერ გაყვანილ ხვრელებში მიძვრებოდნენ.

ახლა უკვე ისე აღარ იყო განათებული ბუნება. აქა-იქ თუ გაივლებდა ბებერი ხის ქვეშ დადგმული პროექტორის შუქი. მასაც რა შუქი ჰქონდა, ხეებ-ფოთლებში ძლივს ლიცლიცებდა ბეჭუტავი სანთელივით.

მადინმა თავისი პროექტორი აანთო და სხვებმაც მაშინვე მიბაძეს წინამძღოლს.

— ეს ტყე ზედ ხმელეთთან იწყება და აქამდე აღწევს. ნაპირთან უფრო დაბალი ხეებია. შესანიშნავი სურათია, როცა ოკეანის ფსკერზე მოგზაურობას ნამიბიის უდაბნოდან იწყებ. ჯერ უდაბნოს სილიანი ზოლი, მერე ფარფატა, ნაზი წყალმცუნარეები, ძლივს რომ უდგათ სული და ლიფსიტების საკვებად

ქცეულან. შემდეგ ბუჩქნარები მოდის, დაბალი ბუჩქნარები რაც უფრო ქვევით ეშვები, ბუჩქნარებიც უფრო მაღალი და ხშირი ხდება. მერე გამოჩნდება წითელი ხე. ეს გვაჯა და მახინჯი ხე ძალზე გამძლეა. მას შერეულ ხეთა ტყეები მოსდევს და ასე ნელ-ნელა, ძუნწად გიხსნის ბუნება თავის საიდუმლოს, რასაც საუკუნეების განმავლობაში გულმოდგინეთ ქსოვდა.

კარგად გესმით ჩემი?

იკითხა მადინმა.

— გვესმის და შესანიშნავ ლექციასაც ვისმენთ. — უპასუხა ვალერიმ. ნუგზარმა კი თქვა: ხმელეთზეც ასე იცვლებათ ბუნება, როცა მოგზაურობას კოლის ნახევარკუნძულიდან, ე. ი. ტუნდრის ზოლიდან იწყებ და ნელ-ნელა ეკვატორისაკენ ეშვებიო.

სწორიაო, მაშინვე დაეთანხმა მადინი და ინატრა, ნეტავი მამოგზაურაო ამ მარშრუტით.

წინ რალაც შეინძრა და მადინმა შეწყვიტა ფიქრი ამ სანტერესო მოგზაურობაზე. წითელ დილას თითი შეახო და ლულაც გამართა.

სულ რამდენიმე ნაბიჯის დაშორებით კი ბალახი და ლიანები ფუთფუთებდნენ. რალაც რუმბივით უზარმაზარი, მოუქნელი და უხეში რამდენიმე წამის განმავლობაში ბუშტივით ხან გაიბერებოდა, ხანაც კიდევ თვალსა და ხელს შუა გაილაღებოდა.

მადინმა სცადა გვერდზე გაეცურა, მაგრამ ის რუმბი ერაბაზად აჯანყდა, სწორედ მადინის მხარეს გადმოგორდა და უზარმაზარი ცაცები გაშალა.

ახლა ყველა მიხვდა, რომ ეს უსახო და უფორმო მასა რვაფეხა იყო. იგი სანადიროდ გამოსულიყო და ეგონა საკბილოც იქვე, რამდენიმე ნაბიჯზე იქნებოდა.

მადინმა გაისროლა, ერთხელ, მეორედ, მესამედ.

რვაფეხა მიწაზე დაკოტრიალდა. მერე ისევ აცურდა და შავი საღებავის დიდი ჭავლი გაისროლა. ამ ჭავლმა სულ რამდენიმე წამში იქაურობა ისეთ უკუნად აქცია, ხმელეთის მცხოვრებლები რომ იტყვიან, თვალში თითს ვერ მიიტანდიო.

მადინი უკან გამობრუნდა და სხვა გასასვლელის ძებნას შეუდგა.



— წავიღოთ, რვაფეხას არ ჭამთ? — იკითხა გოგონასკნუგზარმა.

— არა, ეგ ბებერი რვაფეხაა. რალა ეგ ვათრიოთ, განა ნორჩები ცოტაა ამ ქვეყანაზე.

თქვა მადინმა და ახალი გასაძრომიც იპოვა. თოფით მისწი-მოსწია ნორჩი ყლორტები და შეეცურდა, მას კვალში ნუგზარიც მიჰყვა. ოციოდე მეტრი რომ გაცურეს, მადინი შეჩერდა. ნელა, ფრთხილად დაეშვა მიწისაკენ. თოფის ლულა წინ გაიშვირა. თვალის დახამხამებაში ამ ლულიდან ცეცხლი გამოვარდა და ხის ძირში თბილად დაბუდებული რაღაც ცხოველი დააფრთხო. ეს საცოდავი ერთი შეხტა და მერე ისევ იქვე ჩაგორდა.

— მოხვდა, — თქვა მადინმა, — დიდებული ნანადირევია.

— რა მოჰკალი? — იკითხა კადილამ.

— აბა, თუ მიხვდები რას მოვინადირებდი.

— შენ ისე ხარ ნასიამოვნები, რომ ალბათ ხმალთევზა განგმირე.

— დიახ, სწორედ რომ ხმალთევზაა. თან საკმაოდ მსუქანი.

— მართლა ხმალთევზაა? — იკითხა ვალერიმ.

— დიახ, გიჭამიათ ხმალთევზას ხორცი?

— როგორ არა, მაგაზე გემრიელი არაფერი შემხვედრია არც ზღვაზე და არც ხმელეთზე.

— სწორედ, რომ მასეა. დიდებული სადილი გვექნება.

მადინი ხმალთევზასთან მიცურდა. ხელი სატევარივით გაშვერილ რქაში ჩაავლო და ბუჩქებიდან გამოათრია.

— აბა, მომეხმარეთ ძმებო, თორემ მარტო ცოდო ვარ. მანქანამდე მივათრიოთ.

ხმალთევზა კაბინაში რომ შეაგდეს, ვალერიმ თქვა: ხმალთევზა კარგია ბოლში გამოყვანილიო. მადინმა ყური ცქვიტა.

— თქვენ შეგიძლიათ დამზადება? მე ძალიან მიყვარს, ლონდონში სულ ბოლში გამოყვანილ ხმალთევზას გეახლებოდით.

— შემიძლია, მაგის დამზადებას რა უნდა. მუცლის ქონი ავაჭრათ და ისეთს დავამზადებ, ლონდონის კერძებს დავავიწყებთ.

— დიდებული საქმეა. მივალთ თუ არა, მაშინვე ავქნათ.

— ასე გავაკეთოთ.

ამ დროს ზედ მადინის ყურის ძირთან ვალერიმ გაისროლა მადინი შეკრთა, მაგრამ არაფერი თქვა, ვალერის შეხედდა:

— რა ჰქენით, დანახეთ რაიმე?

— დავინახე და კიდევ გამოვასალმე სიცოცხლეს.

მადინმა კიბანის კარი აუჩქარებლად მიხურა.

— რა მოჰკალით?

— ნორჩი რვაფეხა.

— მართლა! ბარაქალა ვალერის.

ამასობაში ტყვიისაგან დაფლეთილი რვაფეხა ფარფატით ეშვებოდა ძირს. ეშვებოდა და მთელ გზაზე კუპრივით შავ ზოლს ტოვებდა. მადინმა მიწაზე დაგორება აღარ აცადა, ასევე, წყალში მარცხენა ხელით დაიჭირა. მარჯვენათი კიბანის კარი გამოაღო და შიგ შეაგდო.

— ემატოს ნანადირევს, — ჩაილაპარაკა ვალერიმ.

ამ დროს კი ვიტალიმ გაისროლა და დიდი შავი კარჩხანა ჩამოაგდო.

ვალერიმ ჩაუქილიკა: მაგისტვის ტყვიის გაფუჭება ღირდაო.

ნუგზარს სრულებითაც არ სიამოვნებდა ეს ხოცვა-ჟლეტა. ის ფიქრებით „დიოსკურიასთან“ იყო და მადინს შეაპარა კიდევ: ხომ არ გვეყოფა, რაც უკვე მოვინადირეთო. მადინი ნადირობის ტრფიალი აღმოჩნდა და ყურიც არ გაუპარტყუნებია. ისევ გაძვრნენ ტოტებს შორის და ახალი მსხვერპლის ძებნას შეუდგნენ. ვიტალიმ კიდევ მოკლა ერთი შავი კარჩხანა. ერთიც ანდრომ გამოასალმა სიცოცხლეს. კარჩხანა ბლომად დატურავდა ახლომახლო, მაგრამ მადინს მისთვის არ უსვრია. მერე სადღაც გაძვრა და მთელი ათი წუთი არ გამოჩენილა. ლიანებს შორის როცა გამოჩნდა, ძლივს გამოაძვრინა ჩაკურბებული კალმარი.

ნუგზარს მიუბრუნდა.

— კაპიტანო, ვიკმართ ნადირობა?

— მგონი, მეტიც მოგვივიდა.

— აბა, წავიდეთ. კადილამ მითხრა, რომ თქვენ „დიოსკურიის“ ამბავი უფრო გაინტერესებთ.

— დიახ, სერ, — უთხრა ნუგზარმა და ხმამაღლა გაიცინა.

კადილა კიბანთან ფუსფუსებდა. ველური ყვავილები იგული შეეკრა, ბიჭები რომ დაინახა, გაიხარა.

— მოიკალით უინი?

მადინმა კალმარი ბუჩქზე დააგდო.

— მოვიკალით.

— ძალიან მიკვირს, შენ რომ ასე ადრე მორჩი... სხვა დროს ძლივს დაგვიოკებინარ!

— კაპიტნის ხათრით. წავიდეთ, „დიოსკურია“ ვნახოთ.

— აა, საქმე რაში ყოფილა! მადინ, მანქანა აქ დავტოვოთ, არაა?

— ჰო, ახლოსაა, ცურვით წავიდეთ.

ექსკურსანტთა ამ ჯგუფს ახლა კადილა ჩაუდგა სათავეში. მადინი მის შემდეგ მიცურავდა. ისინი იმ ერთადერთ გაჩახჩახებულ ვიწრო გზას მიჰყვებოდნენ, რომელიც ჭილოფისოდენა ვაკაფულ ადგილს დანარჩენ სამყაროსთან აერთებდა.

ოცდახუთიოდე წუთი რომ იცურეს, კადილა შეჩერდა. მალე მის გვერდით დანარჩენებიც გაჩნდნენ.

— ახლა მარჯვნივ წავალთ, — თქვა მან.

— კიდევ ბევრი დაგვრჩა? — იკითხა ვალერიმ.

ხმა ისეთი მიკნავებული ჰქონდა, ნუგზარი მიხვდა, ვალერი რომ დაღლილიყო. ამაში სხვებიც დარწმუნდნენ.

— ჩქარა ხომ არ მივცურავთ? — იკითხა შეცბუნებულმა კადილამ.

ვალერის აღარ დაუმაღავს.

— თქვენთვის ალბათ არც ისე ჩქარი ცურვა გახლავთ, მე კი, სიქა გამვარდა და ლამისაა ფეხიც გავფშვიკო.

— საცოდავო ვალერი. გეთქვათ და უფრო ნელა ვიცურავებდი. ერთი სიტყვა გეთქვათ.

— რაც იყო, იყო.. აწი იარეთ ნელა.

— გასაგებია.

კადილამ ზანტად დაიქნია ფეხები და ნელა გაცურდა.

— ასე კარგია? — იკითხა მან.

— კარგია? კარგი... ამ ტემპს, როგორმე შევეწყობი.

კადილა შეჩერდა. თითქოს რაღაც გაახსენდა, მიიხედ-მოიხედა, მერე ვალერის გასძახა:

— ვალერი, ჩემს გვერდით იცურავე. ჩვენ ხომ უკვე შევეწყვეთ ერთმანთს. კიბანსაც კოლეგიალურად ვმართავთ.

— სიამოვნებით, — დაიძახა ვალერიმ და ანდროს ლაჯებს ქვემოდან გამოძვრა. კადილას გვერდით ამოუდგა.

კადილამ ვალერი რომ იქვე დაიგულა, კვლავ დაიქნია ფეხები და გაცურდა. მათ უკან ნუგზარი და მადინი მიჰყვნენ. სულ ბოლოს კი, ანდრო და ვიტალი მიცურავდნენ. ასე უნებლიეთ დაწყვილდნენ.

სულ რამდენიმე წუთი იცურავეს და ისევ პატარა, გაჩახჩახებულ კორდთან გავიდნენ. კორდის შუაგულში ყვითლად მოელვარე უზარმაზარ კვარცხლბეკზე „დიოსკურია“ ისვენებდა.

გემი კოხტად გაეჭიმათ მაგარ კვარცხლბეკზე. წინა ერდოცოტაზე ზევით იყო ამართული, უკანა კი—ოდნავ დაქანებული გახლდათ. გროტანდა კოხტად აღმართულიყო გემბანის შუაგულში და ზედ ნელა ირხეოდნენ ალისფერი იალქნები.

დიდებული სურათი გახლდათ და სუყველა გასუსული შეჰყურებდა ამ უნიკალურ სანახაობას. ბოლოს, როდის-როდის, დუმილი ნუგზარმა დაარღვია:

— რესტავრირებულია, არა?

მადინმა გაკვირვებით გადახედა.

— რასაკვირველია. ანდა ახალია, ჩვენ დავდგით, იალქნებიც ჩვენ დავკიდეთ. ზოგან კედლებიც განვაახლეთ, მაგრამ ძირითადად მაინც ისაა, რაც კოლხებმა შექმნეს.

წავიდეთ, წარწერა ვნახოთ.

გემს შემოუარეს და მარჯვენა ბორტთან მივიდნენ. მადინი მიწას მსუბუქად შეეხო და მაშინვე ზევით ასრიალდა. ნუგზარიც მიჰყვა.

— აი, წარწერაც.

ნუგზარი ხელით სათუთად შეეხო ლამაზად გამოკვეთილ ქართულ ასოებს. ჩვენი, თქვა და მადინმა მაშინვე იგრძნო, როგორ გაეზარა ხმა კოლხ კაპიტანს.

— ამ ანბანს ჩვენ არმაზულს ვუწოდებთ. პირველად არმაზში მიაკვლიეს ასეთ წარწერებს.

— ვიცი, — თქვა მადინმა, — ვიცი რომ არმაზულია, ქართული.

— თქვენ უდიდესი სიამოვნება მომანიჭეთ. არც კი ვიცო, როგორ გადაგიხადოთ მადლობა. მაშ, ძველი კოლხებზე, აფრიკის ბოლომდე დაცურავდნენ. ბარაქალა მათ.

— დაცურავდნენ, ალბათ უფრო შორსაც...

ახლა მათ გვერდით კადილა, ვალერი, ანდრო და ვიტალიც გამოჩნდნენ.

— ხედავთ? ქართულად აწერია, — თქვა ნუგზარმა.

— ვხედავთ, ამხანაგო კაპიტანო. კარგად ვხედავთ. — თქვა ვალერიმ.

ნუგზარი მადინთან სულ ახლოს მიცურდა.

— თუ შეიძლება სურათი გადავუღოთ?

— თქვენ გაქვთ ფოტოაპარატი?

— გვექონდა უნიკალური ფოტოაპარატები, მაგრამ ბატისკაფში დარჩა.

— ხვალ მე მოვიტან ფოტოაპარატს და გადავიღებ, სალამოთი თქვენ უკვე გექნებათ სურათი.

— ძალიან კარგი, ვინ იცის, იქნებ ბედმა გაგვიღიმოს და კვლავ მოვხვდეთ ხმელეთზე. მაშინ უზარმაზარ სენსაციას მოვახდენთ.

მადინმა არაფერი თქვა და ნუგზარს გული ჩაწყდა. „ნუთუ დაენანა, ერთი სიტყვა მაინც ეთქვა, ხმელეთზე ისევ მოხვდებითო“.

მადინი ისევ და ისევ დუმდა და როცა ვალერიმ იკითხა: კვარცხლბეკი ოქროსიაო? მაშინ შებრუნდა ვალერისაკენ.

— დიახ, ბაჯადლო ოქროსი გახლავთ.

— დიდი პატივი დაუღვიათ ამიტებს ჩვენი წინაპრებისათვის.

— ამიტები ძლიერ აფასებენ ნიჭსა და მამაცობას. თქვენს წინაპრებს არც ერთი აკლდათ და არც მეორე. კაიუტებიც დავთვალიეროთ, არა?

— რასაკვირველია, აუცილებლად, — თქვა ნუგზარმა და მადინს მიჰყვა, რომელიც ახლა უკვე გროტანძისაკენ მიცურავდა. ზუსტად გროტანძის ძირში დერეფანში ჩასასვლელი ვიწრო ლიუკი ჩანდა. მადინი ლიუკთან დაეშვა. აქ ერთი წუთს შეჩერდა.

— ყველანი აქა ხართ?

— ყველანი გახლავართ, — თქვა ნუგზარმა და მადინიც
მაშინვე ლიუკში გაუჩინარდა.

ერთბაშად ლიუკი გაჩახჩახდა და იქიდან მადინის ხმაც
მოისმა: შემოდითო.

ჯერ კადილა გაატარეს. კადილას ფეხდაფეხ ნუგზარიც
მიჰყვა.

ჩაცურდა თუ არა კაპიტანი ლიუკიდან ჩამავალ ხის კიბე-
ებზე, მაშინვე ვიწრო დერეფანში კადილას გვერდით აღმო-
ჩნდა. ამით ისარგებლა და ქალიშვილს ჰკითხა: რამდენია დიოს-
კურიას“ განიო?

— განი ცხრა მეტრია, სიგრძე — ორმოცდარვა.

— იმ დროისათვის მოზრდილი გემი ყოფილა.

— დიახ, საკმაოდ დიდი.

კარგად განათებულ დერეფანში მადინი გამოჩნდა.

— რას უდგახართ? წამოდით! — თქვა მან.

მადინი ისევ გაცურდა დერეფანში და დანარჩენებიც მიჰყ-
ვნენ.

დერეფნის ბოლოში, ზუსტად წინა ერდოს ქვეშ, მადინი
ერთ-ერთ კაიუტაში შეცურდა. ნუგზარიც მიჰყვა და მაშინვე
მიხვდა, რომ კოლხი კაპიტნის კაიუტაში იმყოფებოდა.

კაიუტის ცენტრში დაბალი, პატარა მაგიდა იდგა. მაგიდას
ასევე ექვსი დაბალი სკამი ჰქონდა შემოწყობილი. დერეფნის
საზიარო კედელზე დიდი კარადა იყო დამაგრებული. კარადის
გაგრძელებაზე კი მოზრდილი ტახტი იდგა. სულ ეს იყო კოლ-
ხი კაპიტნის ავლა-დიდება. ვიწრო ილუმინატორის ქვევით და-
ყენებული მძლავრი ნათურა მშვენიერად აშუქებდა კაიუტას
და ყველაფერი ნათლად და გამოკვეთით ჩანდა.

— ავეჯი მაშინდელია, თუ განაახლეთ? — იკითხა ნუგ-
ზარმა.

— ნაწილობრივ განვაახლეთ. მოდელი კი კოლხური და-
რჩა, — თქვა მადინმა.

კადილა ილუმინატორთან რაღაცას აკვირდებოდა. მერე
ნუგზარს ხელის მოძრაობით ანიშნა, აქ მოდიო, როცა რონდე-
ლი ქალიშვილის გვერდით გაჩნდა, კადილამ მოწითალო ფი-
ცარს, ილუმინატორის რაფის მოვალეობას რომ ასრულებდა,
ხელი მოუსვა.



— რაფა რესტავრირებულია. ამ ხეს ლუთიას ვეძახით. დიდი სამრეწველო მნიშვნელობა აქვს. ლუთიასაგან ვამზადებთ ავეჯს, საშენ მასალადაც ვიყენებთ. ერთი სიტყვით, დიდი მონმარება აქვს.

ლუთია სწრაფად იზრდება, მაგარია და ლამაზი.

— მგონი, ჩვენი ავეჯიც ამ ხისაგან უნდა იყოს დამზადებული.

— დიახ, ლუთიას ხის ავეჯი ბინის დამამშვენებელია. პირადად მე, დიდ პატივს ვცემ ამ კეთილშობილ ხეს.

— დასამუშავებლად ძნელი იქნება?

— შედარებით, მაგრამ არის სპეციალური ინსტრუმენტები, რომლებიც მშვენივრად იმორჩილებენ ლუთიას.

— ძალზე მოკრძალებული ყოფილან კოლხი კაპიტნები, — თქვა ამ დროს მადინმა და ნუგზარმაც მას გახედა.

— ნახეთ, მხოლოდ აუცილებელი ნივთებია, ერთ ლარიბკაცს რომ ჭირდება და მეტი არაფერი.

მადინმა ახლა კარადა გამოაღო.

— აი, ნახეთ, აქაც რა მოკრძალება ჩანს.

მადინი თანმიმდევრობით ალაგებდა კარადიდან თიხის დოქებსა და ჯამებს. ნუგზარმა ჩამოართვა, ნათურის შუქზე გულდასმით დაათვალიერა და მერე მადინს მიუბრუნდა:

— დღევანდელი ქართული კერამიკა სწორედ ამ სტილს ავრძელებს. თქვენ რომ განახვათ ახალი ქართული კერამიკის ნიმუშები, იტყოდით; ეს პაპა და ეს კიდევ შვილიშვილიო. დღევანდელი უძველესი წარსულის ნამდვილი მემკვიდრეა.

— ვიცი, ვიცნობ თქვენს დღევანდელ კერამიკასაც. სხვათა შორის, ლონდონში ჩემი ყოფნის დროს მოეწყო ქართული გამოყენებითი ხელოვნების დიდი გამოფენა. ჩემთვის ეს პირდაპირ მალამო იყო. საათობით ვიჭეჭე გამოფენის დარბაზში და ფურცლებზე გადაქონდა თქვენი საოცარი ხელოვნება.

— ეს თქვენთან საუბარს გამიადვილებს.

— მგონი, ასე უნდა იყოს.

მადინმა ჭურჭელი ისევ ფრთხილად შეალაგა კარადაში. მერე კარიც მიხურა და ნუგზარს უთხრა: ახლა შტურმანებს მივაკითხოთო.

მადინმა კაიუტიდან წინა მხარეს გასასვლელი კარი იპოვა

და ამ კარით იმ ფართო ოთახში გავიდნენ, საიდანაც კოლხი
კაპიტნები თავიანთ მსუბუქ გემებს მართავდნენ.

ცენტრში ხის უშველებელი საჭე იდგა. საჭის წინ, კედლის
გასწვრივ, ორი გრძელი სკამი იყო დამაგრებული. ზუსტად ამ
სკამების პირდაპირ კი, უკანა კედლის გასწვრივ, ოთხი გრძელი
კარადა იდგა. კარადები კედელს ებჯინებოდნენ.

— სამართავი პულტიც მარტივია, არა? — ჰკითხა ნუგ-
ზარს მადინმა.

— რასაკვირველია, ახლა როგორ გაადვილებულია ყველა-
ფერი, ტექნიკა მოვიდა ადამიანთა დასახმარებლად. მაშინ კი...
აღფრთოვანებული ვარ მათი მამაცობით.

— ახლა ტრიუმები ვნახოთ, — თქვა მადინმა, როცა დე-
რეფანში გამოვიდნენ.

ჩაცურდნენ თუ არა ტრიუმებში, მაშინვე თვალი შეავლეს
მუცელდაბერილ შავ დერგებს, იატაკზე რომ იყო მოფენილი.
დერგებს სულ დაეფარათ მთელი იატაკი, ნემსის ჩასაგდები ად-
გილიც კი არ იყო თავისუფალი.

ნუგზარმა ეჭვით გადახედა კერამიკული ჭურჭლის ამ უჩ-
ვეულო გამოფენას და მადინს ანიშნა: ეს რა არისო?

მადინმა ხელით ერთ-ერთი დერგის კედელზე დააკაკუნა.

— ექსპერტებმა დაადგინეს, რომ ამ ჭურჭლებში ოდეს-
ღაც თაფლი ესხა...

— თაფლი? — გაიკვირვა ნუგზარმა

— დიახ, თაფლი, კოლხური თაფლი აფრიკის ნაპირებთან.
იმის დადგენა არ ხერხდება, მეზღვაურები ამ თაფლს საკვე-
ბად ხმარობდნენ თუ გასასყიდად მიჰქონდათ.

— სავარაუდოა, რომ მიჰქონდათ გასასყიდად.

— ადვილი შესაძლებელია. მაშინ ასე გამოდის, იმ დროს
კოლხეთი თაფლის ერთ-ერთი დიდი ექსპორტიორი ყოფილა.

ლიუკიდან რომ აცურდნენ, მადინმა წინა ერდოსაკენ გა-
ინავარდა და ნუგზარიც გაიყოლა. ახლა ისინი მარცხენა ბორ-
ტთან გავიდნენ. მადინმა ნუგზარს ბეჭზე ხელი დაადო.

— ხედავ, ესეც ბერძნული წარწერაა.

— ბერძნული არ ვიცი, მაგრამ თქვენი ავტორიტეტი ჩემ-
თვის საკმარისია, ალბათ ბერძნულია.

— „დიოსკურია“ აწერია.

ნუგზარმა თავი დაუქნია. იმაზე აღარ უფიქრია, ამ წიგნი-
ანი თავის მოძრობას მაღინი შეამჩნევდა თუ არა.

ამ წიგნი-
ანი თავის მოძრობას
მაღინი შეამჩნევდა
თუ არა.

— კმაყოფილი ხართ ამ გასეირნებით? — ჰკითხა მაღინმა.

— ძალიან, ასეთი სიამოვნება ადამიანს ერთხელ ან ორჯერ
თუ ეღირსება მთელი სიცოცხლის განმავლობაში.

— არა, ეგ უკვე მეტისმეტია.

— სრულებითაც არ ვაჭარბებ; გულწრფელად მოგახსენებთ, ასეთი დიდი სიამოვნება ცხოვრებისაგან ჯერ არ მიგრძენია, როცა ამ უძველეს ქართულ წარწერას ვუყურებდი, მაპატიეთ და, უნდა გამოგიტყდეთ...

— ბრძანეთ, ბრძანეთ.

— სრულებითაც არა ვარ ისეთი კაცი, რომელთაც წამდაუწყუმ თვალის უბეები ცრემლებით ევსებათ, მაგრამ ამ წარწერას რომ შევხედე, რაღა დაგიმალოთ და, კინალამ ავტირდი. მაღინმა ბეჭზე ხელი მოუთათუნა.

— გაიგეთ, მეც მქონია ასეთი სათუთი გრძნობები.

— ალბათ როცა ლონდონში ცხოვრობდით?

— დიახ, რაც უფრო შორს იმყოფები სამშობლოდან, მით უფრო ტკბილდება იგი. ასეთია ცხოვრების კანონი.

ახლა ექვსივენი ერთ ჯგუფად მიცურავდნენ. თავში მაღინი და ნუგზარი იდგა. ისევ იმ შარაზე გადმოვიდნენ და კიბანისაკენ გასწიეს.

მაღინი ერთბაშად შედგა, ვალერის დაელოდა, როცა ბასილია გაუსწორდა, ხელი მეგობრულად მოხვია მზარზე.

— ხომ არ დაიღალე, ვალერი?

— არც უმისობაა, მაგრამ ამ ტანჯულ სულს როგორმე კიბანამდე მივათრევ.

— მერე მანქანა მოგვხედავს, არა? ეს ახალი კიბანი იყო მოგწონთ?

— ძალიან, ძველი ხომ კარგი იყო და კარგი, ეს კიდევ უკეთესი. პირდაპირ აღფრთოვანებული ვარ თქვენი კონსტრუქტორებით. ალბათ საწვავსაც ცოტას ხარჯავს?

მაღინმა გაიცინა.

— არა, ძვირფასო, რის საწვავი, ელექტრომობილია. ვალერი ერთ წუთს შედგა.

— ელექტრომობილი, ამაზე არც კი მიფიქრია.

— ოცდაათი წელია ბენზინზე უარი ვთქვით. ბენზინს როგორც თქვენ, ასევე ჩვენც ბევრი თავსატეხი გაგვიჩინა. ძალიან გვიჭუჭყიანებდა ოკეანეს. დაიწყო ცოცხალ არსებათა ნამდვილი გადაშენება. გესმით, ვალერი, სიცოცხლის გაქრობის პირველი სიმპტომები გაჩნდა. სწორედ კარგ დროს გვიშველეს კონსტრუქტორებმა, შექმნეს ასეთი ძვირფასი ელექტრომობილები.

— ახლა არც ერთი ბენზინის მანქანა აღარ დადის?

— არა, კანონით აიკრძალა ბენზინის ჯაბახანები.

— დიდებული საქმეა. ჩვეთანაც გაჩნდა ელექტრომობილები, მაგრამ ჯერ პრაქტიკული მნიშვნელობა ვერ მოიპოვა. ჩვენ ამ მხრივ უფრო ექსპერიმენტის ფაზაში ვართ.

კიბანთან როცა გავიდნენ, კადილა უკვე წინა კაბინასთან იდგა.

— ჩავსხდეთ, არა? — იკითხა მან.

— ჩავსხდეთ, — თქვა მადინმაც და უკანა კიბანის კარი გამოაღო. ვალერი ისევ წინ, კადილას გვერდით მოთავსდა. გულდაგულ მოეწყო თუ არა რბილ საჯდომზე, მაშინვე იკითხა: წავიდეთო?

წადიო, უპასუხეს და კიბანიც დაიძრა.

კაბინებს შორის კავშირი ჩართული იყო, ამიტომ, როცა ვალერიმ კადილას ჰკითხა, ეს გემებივით ცხვირვიწრო შენობები რა არისო, ყველამ გაიგონა და ქვევით ჩაიხედა.

ქვევით მატარებლის შემადგენლობასავით ერთ რიგში გაბაწრული კონუსური შენობები ჩანდა. ამ უშნო სახლებს წოწოლაკი ცხვირი ერთი მიმართულებით ჰქონდათ გაშვერილი.

— აქ ძლიერი დინებაა, — გაისმა კადილას ხმა, — სადაც წყალი ასე ძალუმაღ მოძრაობს, შენობებსაც თავისებურს ვაგებთ. სახელდობრ, სწორედ ასეთს. ამ სახლებს ხმაღთევზასავით წინ გაშვერილი კონუსი შველის, დინებამ რომ არ დააზიანოს.

— თქვენც რა, რალა მაინცდამაინც დინებაში დგამთ შენობებს?

— ელექტროსადგურია, ვალერი. მარტო ეს კომპლექსი რვა მილიონ კილოვატ საათს გვაძლევს. ცოტაა?

— რასა ბრძანებთ! ერთობ დიდიც ყოფილა.

— წყალქვეშა მდინარეები უფრო მძლავრია, ვინემ თქვენს, ხმელეთისა. ეს მდინარეები რომ არ იყოს, ჩვენ ხელმოქცევის ხანაში ვიქნებოდით. წარმოიდგინეთ, რამდენ ენერჯიას ვხარჯავთ მარტო განათებაზე.

— წარმოვიდგინე და ტანში კიდევ გამცრა. კოლოსალური ენერჯიაა. ამ საქმისათვის თავის გართმევა ხმელეთის უოველ სახელმწიფოს გაუჭირდებოდა. თქვენ, ალბათ, ძირითადად მძლავრ ელექტროსადგურებს აგებთ?

— დიახ, ორმილიონ კილოვატ საათზე ნაკლები სიმძლავრისა არ პროექტდება. ელექტროსადგურების ასეთი ხასიათი მძლავრმა დინებებმა გვიკარნახეს.

— გასაგებია.

ნახევარი კილომეტრის რადიუსში გზა ორად იყოფოდა, ვალერიმ იკითხა: საით წავიდეთ?

მარჯვნივ წადიო.

— ჩვენ იმავე გზით ვბრუნდებით?

— არა, მარშრუტი შევცვალებ.

— რისთვის?

— ძალიან ცნობისმოყვარე ბრძანდებით, — თქვა სიცილით კადილამ, — მიზეზი სრულიად უბრალოა, ახალი გზები უფრო საინტერესოა.

— მართალი ბრძანდებით.

— ქალბატონო კადილა, ნუ ანებივრებთ ვალერის. — გაისმა ნუგზარის ხმა.

— არ ვანებივრებ, მაგრამ ასეთ შესანიშნავ მძლოლსა და ცნობისმოყვარე კაცს ზოგჯერ უნდა აპყვე ხოლმე. ხედავთ, საჭე მთლიანად მივანდე და მშვენივრადაც ართმევს თავს საქმეს.

— ეტყობა ტექნიკა უყვარს. — თქვა მადინა.

— ჩხირკედელაა, ყველაფერი აინტერესებს, სიახლეს ძალიან ადვილად ითვისებს.

— ასერიგად ნუ მაქებთ, ჩემო კაპიტანო, არც ისეთი თამამი ვარ, თქვენ რომ გგონიათ, შემრცხვება.

— ეს ქება დაიმსახურე, ვალერი.

წიოელ დარბაზში რომ შევიდნენ, ვალერიმ მადინს ჰკითხა, ხმალთევზა ახლა ავქნათო?



— აუცილებლად, აუცილებლად, — უბასუხა მადინმა, ახლავე მოვატანინებ ყველაფერს, რაც ამ საქმისთვისააჭირ. ბასრი დანა..

— დიახ, ბასრი დანა, ერთი დიდი სათლი, მარილი და წყალი.

— ახლავე.

მადინი სწორედ იმ კედლისაკენ შებრუნდა, საიდანაც ესესაა კიბანი შემოდვრა. რაღაც დაიძახა, როცა კედელს იქიდან უმაღვე პასუხი გამოსცეს, მთელი ორი წუთი რაღაც ბრძანებას აძლევდა. თხუთმეტოდე წუთის შემდეგ კი კედელი გაიხსნა და ორმა ამიტმა უშველებელი ყავისფერი სათლი შემოათრია. სათლზე კი ელაგა ყოველივე-ის რაც ვალერიმ მოითხოვა.

ამასობაში ანდრომ და ვიტალიმ მთელი ნანადირევი ავლადიდება გადმოალაგეს.

მადინმა გაიცინა.

— სულ თქვენ იტოვებთ, ჩვენ აღარ გვაძლევთ?

ვიტალიცა და ანდროც ყურებამდე გაწითლდნენ. მდგომარეობიდან ნუგზარმა გამოიყვანა.

— მათ მიაჩნიათ, რომ თქვენც ამ სახლში ცხოვრობთ. აბა, ნანადირევი ჩვენ რად გვინდა, არც სამზარეულო გვაქვს და არც მზარეული გვყავს.

მადინმა ანდროს ხელი მეგობრულად მოხვია.

— ვიხუმრე, ბიჭებო, განა არ ვიცი, რომ თქვენ ასეთ ნანადირევზე მაინცდამაინც თავს არ გამოიდებთ.

ვალერი მათ არ უსმენდა, როგორც იყო ხმალთევზა სათლთან მიაჩოჩა, იმ ორმა ამიტმა უშველა და სათლზეც დააგორა. დანას პირი გაუსინჯა და როცა დარწმუნდა. ბასრი იყო, მუცელზე დაუსვა ხმალთევზას. ბასილაიას სათლიდან უკვე ამოჰქონდა ას კილომდე მუცლის ქონი. მერე მეორე სათლიც მოითხოვა და ისიც მიართვეს. ბასილაიამ ამ მეორე სათლში გულიანად გარეცხა თავისი ნადავლი, შემდეგ დასერა და დანასერ ადგილებში ბლომად ჩაყარა მარილი.

— ახლა შევახვიოთ და ხვალ ამ დრომდე ასე შევინახოთ. ხვალ ისევ უნდა გაირეცხოს. შემდეგ კი მზის გულზე სამი დღე გაშრეს. მეოთხე დღეს ისეთი შებოლილი იქნება, თითებს ჩაიკვნეტო.

მადინმა გაიცინა.

— ნამიბიაში წავიღოთ, იქ ბევრი მზეა.

— ნამიბია არ არის საჭირო, აქვე, სადმე ათასსანთლიანი ნათურის ქვეშ დავიდოთ, საკმარისია.

— მართლა! — გაიკვირვა მადინმა, — ეგ ადვილი საქმეა. ამ დროს კი კადილა ნუგზართან მივიდა.

— მაგ უბედურ ხმალთევზას კარგი ჭირისუფლები გამოუჩნდა. ჩვენ ზედმეტი ვართ. აჯობებს შინ წავიდეთ.

ნუგზარი საკმაოდ დაღლილი იყო. ეს წინადადება ჭკუაში დაუჭრდა, სიტყვაც აღარ უთქვამს, ისე მიჰყვა კადილას. გასართობ ოთახში რომ შევიდნენ, კადილა მაშინვე სავარძელში ჩაჯდა, თავი საზურგეზე მიადო.

— დაიღალეთ? — ჰკითხა ნუგზარმა.

— არც ისე, მაგრამ ნადირობა მაინცდამაინც არ მიტაცებს. ისე, ხანდახან თუ აეუბამ ხოლმე მხარს მადინს. მას თავდავიწყებამდე უყვარს, ძლივს ვაშორებ ხოლმე ტყეს. თქვენ დაიღალეთ?

— ცოდვა გამხელილი სჯობიაო, დავიღალე.

— მაშინ მე წავალ, თქვენ კი დაისვენეთ.

— განა ახლა არ ვისვენებ?

— ვითომ?!

— რასაკვირველია, აუცილებელი არ არის ლოგინში ჩავკოტრიალდე.

— აბა, ცოტას კიდევ მოვიციდი, დაველოდები მადინს. სხვათა შორის, ზეგ არის პარლამენტის სხდომა. ამ სხდომაზე წაკითხული იქნება თქვენი მიმართვა.

— მართლა! საინტერესოა. ჩვენ კი გვეგონა, რომ პარლამენტი ამ მიმართვამ საერთოდ ვერ დააინტერესა.

— რასა ბრძანებთ, პირიქით, როგორც მე ვიცი, დინაკს ამ საკითხზე საუბარი ჰქონდა რამდენიმე დეპუტატთან. დეპუტატებმა ცხოველი ინტერესი გამოიჩინეს.

— აბა, ეშველება ამ წყალწაღებულს, აღარ დახვრეტენ?

— ადვილი შესაძლებელია, და სიცოცხლეს თქვენ უნდა გიმადლოდეთ.

ნუგზარი წამოდგა, წყალს დავლევაო, თქვა და სასადილო ოთახში შევიდა. ის იყო წყლით სავსე დოქისაკენ ხელი გაიშ-



ვირა, რომ იქვე ახლოს, მაგიდაზე, უდიერად მიგდებულა და ც ნივთი შენიშნა. ეს გრძელი და გვარლივით მრგვალი თი ძალიან ჰგავდა ჯიბის ფარანს, რომელსაც ხელიდან არ იშორებენ გემის ელექტრომექანიკოსები.

ნუგზარი კრიმინალის დიდი მოყვარული გახლდათ, მაგრამ, ამ მყუდრო სამყაროში ახალი საგნის გამოჩენამ მაინც ალაგუნო. დოქისტვის ხელი აღარ უხლია, ოთახიდან ციმციმ გამოვიდა და ფიქრებში წასულ კადილას თავზე დაადგა.

— კადილა, იქ რალაც ახალი ნივთია, სწორედ ისეთი, მეკატს რომ ეჭირა ხელში იმ დღეს, როცა სიკვდილით გვემუქრებოდა.

კადილა ფიქრების სამყაროდან ნელა გამოცურდა.

— რაო, რა ნივთიაო?

— აი, თქვენ თვითონ ნახეთ.

ქალიშვილი წამოდგა. ნუგზარს გაჰყვა და როცა მაგიდაზე დაგდებულ იმ ფარანს შეავლო თვალი, მაშინვე შემკრთალი ხმით იკითხა:

— ხომ არ შეხებიხართ?

— არა, ხელიც არ მიხლია.

— წამოდი, სასწრაფოდ ტელეფონი მჭირდება.

ორივე ხელით ნუგზარის მარჯვენა მკლავს ჩააფრინდა. ისე გამოვიდნენ გასართობ ოთახში, არც უფიქრია ხელის შეშვება. ნუგზარმა რომ ჰკითხა, რა ხდებაო, კრინტიც არ დაუძრავს. კაპიტანი საძინებელ ოთახში შეათრია და მაშინვე ტელეფონს მივიარდა. მთელი სამი წუთი ძალზე ნერვიული ხმით ჩაჰყვიროდა ყურმილში. მერე ყურმილი დააგდო და მაშინვე ჩამოჯდა.

— რა მოხდა? — ისევ იკითხა ნუგზარმა. ცდილობდა ხმაში აღელვება არ დასტყობოდა.

— ის საშინელი იარაღია. სხივებით სპობს სიცოცხლეს.

ნუგზარი საწოლზე ჩამოჯდა. ბალიში აიღო და მუხლისთავებზე დაიდო.

— მაშ, მეკატს მაშინ ეგ სარაჩხუნო ეკავა. კარგი გართობა სცოდნია ბგერებზე მომუშავე პროფესორს. ჩვენთან პროფესორები ქალღმერთთა და კალმებით ერთობიან. თქვენთან წინ წასულან, სიკვდილის იარაღსაც ატარებენ.



კადილა ტუმბაზე იჯდა. ხელები ლოყებზე შემოეწყო, სულ ერთთავად ღუძდა. მერე წამოდგა, ნუგზართან მივიდა.

— წამოდი, მოვიდნენ.

— ვინ მოვიდა?

— წამოდი, უშიშროების სამსახური მოვიდა.

დერეფანში მართლაც იდგა ლურჯ რეიტუზებში გამოწყობილი სამი ამიტი. სასუნთქი აპარატი არც ერთს არ ეკეთა. სულ ახალგაზრდები იყვნენ, საკმაოდ სიმპათიური ყმაწვილები.

კადილა რომ დაინახეს, სამივემ ხელი დაიქნია, მერე ერთ ხანს ძალზე მშვიდად ესაუბრებოდნენ.

კადილა უცბად დაწყნარდა. ამ ყმაწვილებმა კი ისევ დაიქნინეს ხელი და გაილალნენ. შეწყდა თუ არა მათი ფეხის ხმა, კადილას ისეთი სიცილი წასკდა, სასუნთქი აპარატი ხან ნიკაბზე ეკიდა, ხანაც კიდევ წარბებს ზემოთ ადიოდა.

ნუგზარი გაოცებული იდგა. ვერაფრით ვერ გაერკვია, რა უნდა ეთქვათ ისეთი იმ სერიოზულ ბიჭებს, რომ ასე შეფუცხუნებული ქალიშვილი სიცილის განწყობაზე დაეყენებინათ.

დერეფანში გაიარა და, როცა კადილამ სული მოითქვა, სწორედ მის წინ შეჩერდა, ყურადღებით შეხედა.

— ალბათ, ფიქრობთ, გაგიჟდაო.

— არა, მაგას არ ვფიქრობ, — თქვა სერიოზულად ნუგზარმა და გამჭოლი მზერა სასუნთქი აპარატის პატარა მინის იქით ჩასაფრებული თვალებისათვის არ მოუშორებია.

— ვიფიქრე, ტერორისტები შემოძვრნენ-მეთქი.

— მეც ეგ ვიფიქრე.

— ეგ იფიქრეთ და ასე მშვიდად იყავით?

— აბა, რა უნდა მექნა, — ნუგზარმა მხრები აიჩეჩა. — რომ მეყვირა, განა ამით საქმეს ეშველებოდა?

— რა თქმა უნდა, არა... მე ამ ათ წუთში მთელი სიცოცხლე გავათავე. იარაღი კი თურმე უშიშროების სამსახურის მუშაკის ყოფილა. ბედოვლათი, წუთით დავდევით მაგიდაზეო.

— ისინი იცავენ ჩვენს ოთახებს?

— რასაკვირველია, იმ დღიდან, რაც აქ იმყოფებით.

— მაშ, შეგვიძლია მშვიდად ვიძინოთ.

— შეგიძლიათ.

მონადირეები დერეფანში ხმამალალი ლაპარაკით შემოვიდ-



ნენ. კადილა და ნუგზარი უკვე გასართობ ოთახში ისხდნენ. ნუგზარისათვის ათწუთიან შოკს უკვე გაეგლო და იმის განსვენებაზე, როგორ ფინიასავით მიათრევედა კადილა, ეცინებოდა. კადილა მის პირდაპირ იჯდა. სრულებითაც აღარ იყო ისეთი მეღანქოლიური, მოწყენილი, როგორც აქ შემოსვლისას. მაღინმა პირველმა შემოაბიჯა, აპკიანი თხელი ხელთათმანები წაიძრო და სავარძელში მოსხლეთით ჩაჯდა.

— მართალი გითხრათ, დავიღალე, როცა ვნადირობ, დაღლას სულ არ ვგრძნობ, აი, საქმეს მოვრჩები და, გიყვარდეს, ყველა ხრახნი მოფამფალეებულია.

— ეს ყველას ასე ემართება, მაღინ, მაგრამ სასადილო ოთახში ყველა ვერ პოულობს საშინელ სასიკვდილო იარაღს. მაღინმა საფეთქლებზე ხელები ჩამოისვა, მერე მაგიდისაკენ გადმოიხარა და ნუგზარს გაკვირვებით შეხედა.

— ვერაფერი გამიგია მაგ ქარაგმისა, იქნებ უფრო გარკვევით მითხრათ, კიდევ რა სიურპრიზი მოგვიწყვეს?

— არავის არაფერი მოუწყვია. უშიშროების სამსახურის ერთ-ერთ მუშაკს სასადილო მაგიდაზე იარაღი დარჩენია, ნუგზარმა იპოვა. ეს იყო და ეს.. ჩვენ საკმაოდ შეგვეშინდა. უფრო სწორედ, მე წავხდი. შემდეგ ყველაფერი გაირკვა და ბევრიც ვიცინეთ.

— ვერაფერიშვილი ხუმრობაა, — თქვა წყენით მაღინმა, — ამას შეიძლება უფრო ცუდი შედეგი მოჰყოლოდა.

— ახალგაზრები არიან, ეპატიებათ.

— ისინი შეიძლება მართლაც ახალგაზრდები არიან, მაგრამ სამსახური, რომელსაც ასრულებენ, საკმაოდ ძველია და ვფიქრობ, საპასუხისმგებლოც.

მაღინი წამოდგა და ოთახში გაიარა. მას უკვე გუნება გაფუჭებოდა. არც კი ცდილობდა, თავისი აღშფოთება დაეფარა. მერე ისევ თავის სავარძელთან მივიდა და ის იყო ჩაჯდომა დააპირა, რომ სადღაც ჭერში რეპროდუქტორმა დაიხრიალა.

ეს ხმა იმდენად მოულოდნელი იყო, ექვსივენი შეკრთნენ და გაისუღრნენ.

კაცის ხმა ლაპარაკობდა ამიტურად. ტყვეებმა ამ მოკლე საუბრიდან მხოლოდ ერთი სიტყვა — „მაღინი“ გაიგეს. უცხო ხმამ სამჯერ მაინც გაიმეორა.



დადუმდა თუ არა რეპროდუქტორი, მაღინი ჩქარი ნაბიჯებით ღერეფნისაკენ წავიდა, ზედ კართან შემობრუნდა და ნუგზარს შარს გახედა და ჩუმად თქვა:

— მე მეძახიან, თუ რატომ, კადილა ავიხსნით.

მაღინი გაქრა.

— მოხდა კიდევ რაიმე? — იკითხა ნუგზარმა.

— სამწუხაროდ, მოხდა. — თქვა კადილამ და გრძელი გამხდარი თითებით მაგიდაზე დააკაკუნა, — ამიხოტში პარლამენტის შენობა აუფეთქებიათ. ღმერთო, ეს რა ამბებია, ხალხი ჭკუიდან შეიშალა!

— სამწუხაროა, ნუთუ ასე გათავებდნენ? — თქვა შლიახოვმა გულწრფელი თანაგრძნობით.

მართლაც რომ გათავებდნენ. მაღინს ეძახიან პარლამენტის საგანგებო სხდომაზე, ამიხოტში წავიდა.

— მაღინი პარლამენტის წევრია? — იკითხა ნუგზარმა.

— დიახ, წევრი გახლავთ.

— შენობა რომ დაუნგრევიათ? — გულუბრყვილოდ თქვა ანდრო გაბოშვილმა.

— ანდრო, ამიხოტში ბევრი ისეთი შენობაა, სადაც თავისუფლად შეიძლება პარლამენტის სხდომის ჩატარება, — მიუგო კადილამ.

— ეჭვიც არ მეპარება, სხვა რამ მინდოდა მეთქვა და არ გამომივიდა, — თავი იმართლა გაბოშვილმა.

კადილა ახლა მას აღარ უსმენდა.

— ახლა მეც წავალ, ალბათ, სხვაგან უფრო საჭირო ვარ, ვინემ აქ. იგი წამოდგა, ხელი დაიქნია და ღერეფანში გაუჩინარდა.

— როგორც ჩანს, საქმე უფრო გართულებულია, ვინემ ჩვენ გვეგონია. — თქვა ნუგზარმა. ვიტალი მის გვერდით მჯდომ ვალერის მიუბრუნდა:

— ახლა, ამ წუთებში, ერთი ღერი სიგარეტი რომ მომცა, რა სიამოვნებით მოვწევდი..

თუმცა ვიტალიმ ეს სიტყვები ვალერის ყურში უჩურჩულა, მაგრამ ნუგზარის მახვილ სმენას არც ერთი სიტყვა არ გამოჩენია. შლიახოვთან მივიდა, ზევიდან მწარე ღიმილით დახედა და კბილებიდან გამოცრა:

— ახლა მეც დიდი სიამოვნებით მოვწევდი თამბაქოს. ალ-
ბათ, სწორედ ასეთი წუთების შესამსუბუქებლად მოიგონებოდა
თამბაქო ძველმა კაცებმა.

— ალბათ, — დაეთანხმა შლიახოვი.

ვალერი კი ამ დროს ბლოკნოტის ფურცელზე წერდა. რო-
ცა საქმეს მორჩა, ფურცელი ამოხია და ნუგზარს გადააწოდა,
ნუგზარმა ისე ჩამოართვა, არც კი გაუშრიალეგბია. ვალერის
დაგრეხილი ასოებით ქათქათა ქაღალდზე დაეწერა: „ახალი
კიბანი ჩინებული მანქანაა. კადილამ ამიხსნა, რომ მას შეუძ-
ლია იცუროს ვერტიკალურად, თანაც დიდი სიჩქარით. მე თით-
ქმის კარგად ვიცნობ მანქანას. თუ მისი ხელში ჩაგდება მო-
ხერხდა, შეგვიძლია, თავი დავადწიოთ ცივ კედლებს“.

წერილი სხვებმაც წაიკითხეს. მერე კი ვალერიმ დაანაკუწა,
პირში ჩაიდო და გადაყლაპა.

ნუგზარმა ვალერის მხარზე ხელი დაჰკრა და უთხრა, ვახშ-
მობის დროაო.

შუადღისას ნატე გამოცხადდა. ნატემ სურათების დიდი
დასტა მოიტანა. მაგიდაზე დადო და თქვა: ეს ძია მადინმა გა-
მოგიგზავნათო.

ნუგზარი მაშინვე მიხვდა, რა ძვირფასი ნობათიც მოართვა
პატარა ნატემ და ძალზე გაუკვირდა, ასეთ აურზაურში მადინ-
მა მაინც რომ იპოვა დრო დანაპირების შესასრულებლად.

სურათები მაგიდაზე გაშალა და მთელი ორი საათი ამ მა-
გიდას აღარ მოშორებია.

კადილა მთელი სამი დღე აღარ გამოჩენილა. აღარც ნატე
და ბეტა მოსულან. კაპიტანმა ტელეფონით სცადა მათი მო-
ძებნა, მაგრამ იმ ქალმა, კომპუტატორის მოვალეობას რომ ას-
რულებდა, უთხრა:

— მოითმინეთ, ამ დღეებში კადილა თვითონ დაგირეკავთო.

მეორედ და მესამედ რომ დარეკა, მაშინაც იგივე პასუხი
მიიღო და ხელი ჩაიქნია.

მეოთხე დღეს, დილით ადრე, გაისმა ზარის ხმა. ნუგზარი
მაშინვე მიხვდა, ვინაც გააღვიძა ასე სისხამზე. თბილი საბნი-
დან გამოძვრა და ყურმილს წაეტანა.

— გამარჯობათ, ნუგზარ! — გაისმა კადილას ჟღერტულა
ხმა.

— გაგიმარჯოთ, კადილა!

— ხომ არ მოიწყინეთ?

— არც ისე მხიარულად ვართ, მაგრამ ჯერჯერობით სული მაინც ვვიდგას.

— საუზმის შემდეგ მოვალ, ბევრი საინტერესო რამ მაქვს სათქმელი.

— მოუთმენლად გელით.

— მაპატიეთ, ასე ადრე რომ შევაწუხებთ.

— რასა ბრძანებთ, პირიქით, შემაწუხებთ კი არა, დიდი სიამოვნებაც მომგვარეთ.

ყურმილი რომ დადო, მაშინ გაიფიქრა, კადილას დღეს შემართული, ცოტა მხიარულად უღერადი ხმა ჰქონდაო. ოდნავი მსგავსებაც კი არ იყო იმ ნაღვლიან, მელანქოლიურ ტონთან, სამი დღის უკან რომ ისმენდა. ეს სასიამოვნო განწყობა მასაც გადაედო. თბილ ლოგინს აღარ დაჰბრუნებია, მაშინვე ჩაიცივა და დერეფანში გამოვიდა. დერეფანში სიწყნარე სუფევდა. მხოლოდ ბოლო ოთახიდან ანდროს ხვრინვა ისმოდა. ნუგზარს რატომღაც ადამიანის ხმის გაგონება მოუხდა და უნებლიეთ გაბოშვილის საძინებელ ოთახში აღმოჩნდა.

საწოლზე უზარმაზარი სხეული რუმბივით იდო. ბალნიანი მკერდი ხან ტალღასავით აგორდებოდა და ხანაც კიდევ სწრაფად ეშვებოდა. ანდროს ეძინა ჯანმრთელი კაცის უდარდელი ძილით.

ნუგზარი რომ შევიდა, რასაკვირველია, არაფერი გაუგია. თვალები მხოლოდ მაშინ დააჭყიტა, როცა სასთუმალთან რაღაც გახმაურდა. შემკრთალი წამოხტა და მაშინვე თვალები მოიფშვინტა. ნუგზარი რომ დაინახა, სახეზე გაკვირვება აღებეჭდა.

— მოხდა რაიმე?

— არაფერი, მაპატიე, ძილი რომ დაგიფრთხე, მაგრამ ხვრინავდი და შევშინდი, გული ხომ არ აწუხებს-მეთქი.

— ეს ვერანა, ასე ვიცი. და ვერ მოვიშალე, ერთხანს ვმკურნალობდი კიდევ, მაინც არაფერი გამოვიდა. მართლა ამისათვის შემოხვედით?

— რასაკვირველია, მხოლოდ ამისათვის. ადე, ვისაუზმოთ.

— ახლავე.

ნუგზარი ისევ დერეფანში გამოვიდა. ანდროს დაფეთებულ
გამოხედვას რომ წარმოიდგენდა, ელიმებოდა.

ვალერი უკვე ამდგარიყო და მისი ოთახის შესასვლელში
იდგა.

— გამოიღვიძე, ყმაწვილო?

— დიან, კაპიტანო. თქვენმა ფეხის ხმამ გამაღვიძა.

— თუ ანდროს ხვრინვამ?

— ეჰ, მაგ კონტრაბასს უკვე დიდი ხანია შევეგუე. ხანდა-
ხან კლარნეტით მეც ხმას ვუწყობ. ვიტალიმ ერთხელ კიდევ
მითხრა, როცა ორივენი უბერავთ, მუსიკის სამყაროში მძი-
ნავსო.

— ასეთი ღამეებიცაა? ხედავთ, თურმე რაები ხდება!

მალე ვიტალიც გამოძვრა თავისი სოროდან, ანდროც შემო-
უერთდათ. საუზმის შემდეგ კი კადილა გამოჩნდა დერეფანში.

კადილა მსუბუქად მოდიოდა, ფეხის ხმა არც კი ისმოდა.
ვალერი ისე იჯდა გასართობ ოთახში, რომ სახე სწორედ დერე-
ფნისაკენ ჰქონდა მიპყრობილი. სტუმარიც პირველად მან შე-
ნიშნა და ხმამაღლა შეჰყვირა: დედოფალი მოდისო.

კადილას ყურს არ აკლდა, ვალერის ნათქვამი ქათინაური,
რასაკვირველია, გაიგონა. შემოვიდა თუ არა, ბასილიას გა-
დახედა.

— სალამი მითქვამს, მეგობრებო, ვალერისათვის კი, დიდი
მადლობა. ჩვენ, ქალებს, ყოველთვის გვსიამოვნებს, როცა დე-
დოფალს გვადარებენ.

— მე არავისთვის არ შემიდარებიხართ, რაცა ხართ, მხო-
ლოდ ის გიწოდეთ.

კადილამ გაიცინა.

— კიდევ უკეთესი. ეჭვი არ მეპარება, რომ ეს დღეები მო-
წყენილი იქნებოდით. ყველამ მიგატოვათ, ასე გასინჯეთ, ნატე-
მაც კი...

— თქვენგან ღალატს უკვე შევეჩვიეთ, ნატესა და მისი
მეგობრის გაქრობა კი ვერაფრით ვერ აგვიხსნია, — უთხრა
ნუგზარმა.

— მე ეს დღეები სულ ამიხობში ვიყავი. გადაუდებელი
საქმეები მქონდა. ნატე კი ავადაა. ორ დღეში გამოკეთდება

და კვლავ მოგინახულებენ ისა და მისი მეგობარი. მინდა გითხრათ ერთი სასიამოვნო ამბავი. პარლამენტში თქვენმა თვამ პირდაპირ ფურორი მოახდინა. მადინმა მითხრა, ისინიც კი, ვინაც ადამიანებთან კონტაქტს სკეპტიკურად უყურებდნენ, სულ შეიცვალნენო. შესანიშნავი სიტყვა წარმოუთქვამს სახელმწიფოს მინისტრს. მადინს დიდი იმედი აქვს, რომ თქვენი საქმე მალე ისე გადაწყდება, როგორც სამართლიანობა მოითხოვს.

— დიდებული სიტყვებია; — თქვა ვალერიმ, — იქნებ გვეშველოს რაიმე!

— გეშველებათ, შეჭველად გეშველებათ, ვალერი.

— პარლამენტის შენობის ამფეთქებლები თუ შეიპყრეს? — იკითხა ანდრომ.

— შეიპყრეს. ამიხოტში დიდი ამბები დატრიალდა. ტერორისტებს ისე შეუტიეს, მგონი, სამუდამოდ დააკარგვინეს მადა, თხასამდე კაცი დაატუსაღეს.

— კარგად უმუშავიათ. მამა ვაცხონე მათი — თქვა ვალერიმ. ნუგზარმა ჯერ ვალერის გადახედა, მერე კადილას.

— თქვენ მაინც არ გითქვამთ, კადილა, რა დაადგინა პარლამენტმა იმ ტერორისტზე, მისი სიცოცხლის გადასარჩენად ჩვენ რომ თავი გამოვიდეთ?

— სიკვდილს გადარჩა. ეს თქვენი დამსახურებაა.

— მადლობას ვუხდით ამიტ დებუტატებს, ჩვენი თხოვნა რომ დააკმაყოფილეს. თუ საშუალება გექნებათ, გთხოვთ, ეს მადლობა დინაკს გადასცეთ.

— ადვილი სამსახურია. დღესვე დაველაპარაკები შინ.

ვალერი კადილასაკენ გადაიხარა. ქალიშვილი სწორედ მის გვერდით იჯდა.

— იქნებ მადინსაც დაველაპარაკოთ. იმ ხმალთევზას ხორცი უკვე გამოყვანილი იქნება. დროა ტკბილი პური ვჭამოთ ჩვენს სასადილო მაგიდასთან.

— არა, იმ ხმალთევზას ხორცს ვერ შეჭამთ.

— რატომ!? — გაიკვირვა ბასილაიამ.

— იმიტომ, რომ, ამ ორი დღის უკან ტერორისტებმა მოახერხეს მისი მოწამვლა. ექსპერტმა ეს დაადგინა, დამნაშავეები დაპატიმრებული არიან.

— აქაც შემოაღწიეს? — გაიკვირვა შლიახოვმა.

— დიახ, აქამდეც მოაღწიეს. მაგრამ უშიშროების სამსახურმა ეს დღეები ჩინებულად იმუშავა და ქვეყანა თითქმის გაწმინდა ამ ნაგვისაგან. ახლა ჩვენ არაფერი აღარ გვიშლის ხელს, ვესტუმროთ ქვეყნის დედაქალაქს.

— კარგი აზრია, — დაეთანხმა ვიტალიც.

— ამიხოტი თქვენ გარკვეული შთაბეჭდილებას შეგიქმნით ჩვენს ქვეყანაზე. ეს შთაბეჭდილება გამოგადგებათ, როცა თქვენს პარლამენტს ჩააბარებთ ანგარიშს ამიტების თაობაზე.

ხვალ დავაზუსტებ ყველაფერს და დაგირეკავთ. მოემზადეთ ამიხოტის გასაცნობად.

— ჩვენს ქალაქებს თუ ჰგავს თქვენი დედაქალაქი? — იკითხა ანდრო გაბოშვილმა.

— სჯობია, ამ კითხვაზე თავად გასცეთ პასუხი, როცა ამიხოტს დაათვალიერებთ. ეს დღე კი არც ისე შორსაა.

— კეთილი, აგრე იყოს, — ჩაილაპარაკა ანდრომ.

— მე იმ ბოლოში გამოყვანილ თევზზე მწყდება გული. აუ, ბიჭო, რა გემოს ჩავაყოლებდით,—თქვა ვალერიმ და ნუგზარს გახედა. ნუგზარს კი, არაფერი დიდი ემოცია არ გამოუხატავს სითბოში გამოყვანილი ხმალთევზას ხსენებაზე, პირიქით, ხელი ისე აიქნია, რომ ვალერიმ მაშინვე ამოიკითხა. რისი თქმაც სურდა კაპიტანს, ერთი შენც მოგცლიათ, მეტი დარდი აღარ გაწუხებსო.

ბასილაიამ თავი ჩაქინდრა და სანამ კადილას ფეხის ხმა არ შეწყდა, კრინტიც არ დაუძრავს მერე კი, როცა ოკეანის ფერია შორს დაიგულა, ბლოკნოტს ფურცელი უხმაუროდ აახია და ხედ დააწერა:

„ამხანაგო ნუგზარ!

სრულებითაც არა მაქვს ნანადირევის დარდი. ძალზე სახიფათოა ის, რომ ტერორისტებმა ჩვენს ბინაში შემოაღწიეს. ჩვენი სიცოცხლის გარანტია მცირდება“.

წერილს ბოლოში დიდი ასოებით მიაწერა: „თქვენი ვალერი ბასილაია“.

ნუგზარმა ჩაიკითხა, მშვიდად ჩაიკითხა. თავი დინჯად დაიქნია. ბარათი ასევე აუღელვებლივ, რვა ნაწილად უხმაუროდ გახია და ის იყო ნაკუწები პირისაკენ გააქანა, რომ გაბოშვი-

ლი მივარდა. მუნჯურად რაღაც ანიშნა, ნაკუწები გამოართვის და ახლა თვითონ ჩაიტენა ნაფოტა კბილებით გამოტენილს კბილებში.

— აგაშენა ღმერთმა, — ჩაილაპარაკა ვალერიმ, — ეს ბიჭი ამ ბოლო დროს დიდ მადას ამჟღავნებს. ნეტავ კაციჭამიობას არ მიჰყოს ხელი და...

— ასეც რომ მოხდეს, შენ მაინც დაზღვეული ხარ, ცოცხალი დარჩები.

— ვითომ რატომაო?

— ერთი ცალი ჭირიანი ქაფშია ვეშაპს გინდა ჩაუსანს-ლავს და გინდა არა, განა არგებს რაიმეს?

ვალერი სრულებითაც არ აპირებდა უპასუხოდ დაეტოვებინა ძმაკაცის ასეთი თბილი ქათინაური, პირიც კი დააღო, რომ სულ ოქროს სიტყვები გადმოეფრქვია, მაგრამ სწორედ ამ დროს გაბოშვილს მხსნელად ნუგზარის ხმა მოევლინა, — მაშასადამე, მეგობრებო, მალე გავემგზავრებით ამიხოტში. საწინააღმდეგო ხომ არაფერი გაქვთ?

— ყველამ ნუგზარს გადახედა.

საუზმის შემდეგ ნუგზარი სქელ, განიერ მინასთან იდგა. ანდრო და ვალერი ბანქოს ქალაღდს ატკაცუნებდნენ. ვიტალი შლიახოვს რახანია ბანქო მობეზრდა და გართობის ასეთ წუთებში თავის ოთახში მარტოვდებოდა ხოლმე.

კაპიტანს კი სქელ მინასთან დგომა ერჩია.

მინის იქით მომწვანო, მონაცრისფრო წყალი ლივლივებდა. ფსკერიდან ატყორცნილი მძლავრი პროექტორების შუქი უწვრილეს ოქროსფერ სწორ ხაზებს ავლებდა. ნუგზარს იმ წუთში რაღაც გაახსენდა და მოთამაშეებს მიუბრუნდა.

— ხომ გინახავთ, დაბურულ ტყეში მზე რომ ფანჯარას გამოჭრის ხოლმე?

მაგიდასთან ბანქოს ქალაღდის ტკაცუნი შეწყდა. ორი წყვილი თვალი კაპიტანს შეჰყურებდა.

— მცენარეთა ნორჩ ყლორტებს შორის მზის სხივები რომ გაიჭიმებიან ულამაზეს ოქროსფერ სვეტებად.

— მინახავს, როგორ არა, მაგის მეტი რაღა მინახავს. — თქვა გაბოშვილმა.

— შეხედეთ, ზუსტად ისე არაა?

— მართლაც ისეა. ნახეთ, იმ ჩახჩახა სვეტში მტვრის ნამცეცებიც რომ ეღვარებენ. რამდენჯერ მინახავს ასეთი სურათი იგოეთის ტყეში. მიკვირდა ხოლმე, მზის სხივებში მტვერი რატომ ხდებოდა ვერცხლისფერი.

— გაბოშვილი მინასთან მივიდა.

ნუგზარი ახლა მას აღარ უსმენდა. იგი თვალს ვერ წყვეტდა კეკელის ჯადოსნურ სურათს. ამიტომ არც ანდროს ნათქვამი გაუგია და არც ის, ვალერიმ რომ დაუღრიალა გაბოშვილს, მოდი პარტია დავამთავროთო. კაპიტანი ახლა მხოლოდ წყალქვეშა სამყაროს ნაღვლიან ბგერებს ისმენდა. თითქოსდა ეს მელანქოლიური ბგერები სქელ მინაშიც აღწევდნენ და თბილისი ოთახის სიმყუდროვეში იფანტებოდნენ.

ახლა ის სულ სხვაგან იყო, სხვა სამყაროში.

— მოიწყინეთ?

კადილას ხმა რომ მოესმა, შეკრთა და შემობრუნდა. კადილა მის გვერდით იდგა. ანდროსა და ვალერის თამაში შეეწყვიტათ, ისინიც კადილას მისჩერებოდნენ.

— რამდენჯერ ჩავიფიქრე, დამენახა, როგორ შემოიპარება ხოლმე ჩვენთან კადილა, მაგრამ არაფერი გამომდის. ერთხელ მხოლოდ კართან მოსულს შევასწარი თვალი, ის იყო და ის. პირდაპირ უჩინმაჩინის ქუდი ხურავს. ახლაც ასე მოხდა. ავწიე თავი და ვხედავ, კაპიტნის გვერდით კადილა დგას. თვალს არ ვუჭერი, ვიტალი ხომ არაა-მეთქი მაგრამ თქვენც არ მომიკვდეთ, კადილაა, ნამდვილი კადილა. — თქვა ვალერიმ და ყვავის რვინი მაგიდაზე დააბერტყა.

— ვალერი მართალს ამბობს, — თქვა ნუგზარმა, — ისე შემოდიხართ ხოლმე, ჰაერის ოდნავი მოძრაობაც კი არ იგრძნობა. ერთი სიტყვით, თევზივით მოსრიალეობთ.

— მოიწყინეთ?

ისევ იკითხა ქალიშვილმა.

— არა, არ მომიწყენია.

— ცრუობთ, აქეთ რომ მოვცურავდი, ჯერ კიდევ გარედან შეგამჩნიეთ. ძალიან ტრაგიკული სახე გქონდათ. ხელიც დაგიქნიეთ, მაგრამ, რასაკვირველია, არ შეგიმჩნევიათ, ფიქრებს მზის სამყაროში ჰყავდით ატაცებული.

— ვითომ ასე იყო?

— მგონი, სწორედ ასე გახლდათ. მზის სამყაროში, ქვე-
მთ გავარვარებული ქვიშა და ზემოთ მცხუნვარე სხივები.

— ასე მარტივად წარმოგიდგენიათ მზის სამყარო?

— არა, ზოგჯერ სხვანაირადაც წარმოვიდგენ ხოლმე.

— აქ აღვილად მოსწყინდება ხმელეთზე გაზრდილ კაცს; სი-
ცარიელეს ვგრძნობ... ნაღვლიანს, შეუვსებელს.

— თქვენ ხომ თვეობით ცხოვრობდით ოკეანეში. აქ რა
დაგემართათ, რატომ გაგიჩნდათ ნოსტალგია?

— ოკეანეში ქარს მოაქვს ხმელეთის სუნთქვა. ოკეანეში
უმველებელ სივრცეს ხედავ, ვარსკვლავებივით მოჭედულ
კას. ფსკერზე კი სივიწროვება. ასე მგონია, ადამიანთა გონე-
ბის არეც ვიწროვდება. აქ საკმაოდ ჩია და უმწეონი ვჩან-
ვართ.

— სრულებითაც არაა ასე.

— ვითომ?! მე კი მჯერა, რომ სწორედ ასეა.

— სრულებითაც არაა ასე. ფსკერსაც აქვს თავისი სივრცე.
საჭიროა მხოლოდ შეიგრძნო ეს და აღიქვა. თქვენი ცხოვრე-
ბის დიდ ნაწილს, როგორც ვალერიმ ბრძანა...

ვალერის ხელში ჯვრის ტუზი შეაცივდა. კადილას გახედა.
კადილაც ახლა მას უყურებდა.

— ერთხელ თქვენ ასე თქვით, ვალერი: ამ ცივ კედლებში
სული მეხუთებაო.

— დიახ, დაახლოებით ასე ვთქვი და ახლაც იმავე სიტ-
ყვებს გავიმეორებ. მას შემდეგ თითქმის არაფერი შეცვლილა.

— ჰოდა, იმის თქმა მინდა, თქვენ ცხოვრების დიდ ნაწილს
ამ სულის შემხუთველ კედლებში ატრებთ. აბა, ხშირად და-
ცურავდეთ გარეთ, სადაც სივრცეა, არის სიცოცხლე და გა-
ნუწყვეტელი მოძრაობა.

მაშინ აღარ იტყოდით ასე. მეთანხმებით?

— ჯერჯერობით არა, — უთხრა ნუგზარმა და გაიღიმა.

— თქვენ მხოლოდ ჯიუტობთ.

— არა, არ ვჯიუტობ, უბრალოდ რწმენა არ შემცვლია.

— შეგეცვლებათ.

— ასე ფიქრობთ?

— რასაკვირველია, ეჭვიც კი არ მეპარება. მგონი, წასვლის დროც დადგა, მზადა ხართ?

ვალერი წამოდგა. კადილას წინ გამოეჭიმა.

— არა, მზად საიდან ვიქნებით, შვიდი ჩემოდანი კიდევ ჩასალაგებელია.

— მომზადებული ჩემოდნები ვიკმართ, ის შვიდი, მერე.

— თქვენ უკვე შეეგუეთ ვალერის უკუღმართ ლაპარაკს.

ვალერიმ ბანქოს ქალაღი მარცხენა ხელისგულზე გააცურა.

— წამოვიდო, თუ ამიხოტში ვიშოვით?

— როგორმე ვიშოვით.

— რომ ვერ ვიშოვოთ, სეირი იქნება, გაბოშვილი ნამდვილად გააფრენს. ბანქოს ქალაღს ისე შეეწყო, უმისოდ წუთსაც ველარ ძლებს.

— ნუ დარდობთ, ვალერი, აუცილებლად ვიშოვით.

— ისეთი მალაზიები თუ არის ამიხოტში, ნისიად რომ ვაჭრობენ?

— რად გჭირდებათ?

კადილამ ყურადღებით შეხედა სახეში ვალერის.

— იმ დალოცვილი გემიდან ელჩად ცოტა ქესატად წამოვედი. გროშიც არ გამომყოლია.

— მერე?

— შარვალი და ხალათი შემომაცვდა. ლამისაა ბასილაის ჩონჩხმა გამოანათოს ტანსაცმლის ნაფლეთებიდან. თუ ნისიად რაიმეს მოგვეყიდიან, როგორც კი გემზე დავბრუნდებით, რკინის ბურთით მიიღებენ გადარიცხვას.

— მერე ის ბურთი ამიხოტს რომ ასცდეს და სხვაგან დაგორდეს, ხომ ველარ მიიღებენ გადარიცხვას, ფულს იზარალებენ, საჯოჭმანო საქმეა, ასეთი გარიგება არ გამოვა... — ღიმილით თქვა კადილამ.

— მაშინ კიდევ არის ერთი გამოსავალი.

— რა გამოსავალი? — ბრძანეთ.

— კადილამ უნდა გვეყიდოს კოსტუმი, სამაგიეროს კი მაშინ გადაგიხდით, ჩვენი სტუმარი რომ გახდებით. მოგწონთ ასეთი გარიგება?

— ეს კი, მგონი, უფრო რეალურია, მაგრამ ყველაზე სარ-



ფიანი საქმე ახლა მაინც ის იქნება, კიბანში რაც ჩქარა ჩავსხდეთ და ამისოტისაკენ გავქანდეთ.

— მე ისევ თქვენს გვერდით ვჯდები, არა? — იკითხა ვალერიმ.

— რა თქმა უნდა, ჩემი განუყრელი მძღოლი ბრძანდებით.

— აბა, წავიდეთ, ბიჭებო! — დაიძახა ბასილაიამ და ღერეფანში გამოვიდა.

ვალერი თუმცა ძალზე მხიარული განწყობილებით გამოვიდა შენობიდან, მაგრამ კაბინაში კადილას გვერდით მოთავსდა თუ არა, მაშინვე მოიწყინა.

კადილამ რომ უთხრა, ძრავა ჩართეო, ვერაფერი გაიგო და მეზობელი იძულებული გახდა, მხარზე ხელით შეხებოდა.

— რა მოგივიდათ, ბიჭო, ბასილაია?

კადილა ნილაბში ვალერის სახეს ვერ ხედავდა, მაგრამ მიხვდა, მხიარულ ვალერის რაღაც უჭირდა.

ვალერი შეინძრა და მერე ძლივს ამოღერდა:

— ქალბატონო კადილა, ეს ოხერი, მარცხენა ყური მტკივა ისე საშინლად, ლამისაა სული გავაცხო.

— წნევის ბრალია. ნილაბი ვერ მოგირგია კარგად. აბს მოგცემ. ისე მიიტანე პირთან, წყალი ცხვირისა და ყურებისაკენ არ გაგეპაროს. გადაყლაპავ თუ არა, ნილაბი კარგად გაისწორე.

ბასილაიამ აბი ჩამოართვა. მერე ერთხანს რაღაცას ჩალოჩობდა. ბოლოს ამოღერდა: ყველაფერი რიგზეაო და მანქანა ჩართო.

— გაგიარათ? — ჰკითხა კადილამ.

— თითქმის, უებარი წამალი ყოფილა.

— ორ წუთში სულ დაგიყუჩებთ ტკივილებს, მართლაც უებარი წამალია. ნუ ჩქარობთ, ცოტა კიდევ მოვითმინოთ. ბარემ მთლად განიკურნეთ და მერე შევეუდგეთ მართვას.

— უკვე განვიკურნე, მთლად განვიკურნე. წედან კი ერთბაშად დავრეტყიანდი. მარცხენა ყურმაც ისეთი წუილი ატეხა, რომ, გიყვარდეს, უკეთეს დუღუკებს ვერც ინატრებდა კაცი. ვიფიქრე, ვალერი ბასილაია, აჰა, შენი აღსასრულის დროც მოვიდა-მეთქი. მაგრამ, როგორც ჩანს, არც მთლად განწირული ვყოფილვარ.



კიბანი ნელა დაიძრა და გაჩახჩახებულ ხეივანში გამოვიდა.
— პირდაპირ გამაგიყებთ, ვალერი, რა უცბათ დაეუფლეთ
კიბანის პულტს. კაცს ეგონება, მთელი ცხოვრება ამ მანქანა-
ში გაგეტარებინოთ, ყოველ შემთხვევაში, მე ასეთი შთაბეჭ-
დილება მრჩება.

— ასეცაა, ხმელეთზე ვარ მანქანის საჭე მიჭირავს, ზღვაში
ვარ — აქაც მართვია საჭირო. ასე რომ, არაფერში შემცდარ-
ხართ.

მანქანა კი უკვე მიქროდა გაშლილ ხეივანში. გვერდებზე,
ტროტუარს იქით, წყალმცენარეების პატარა ბუჩქები ჩანდა.
მწყობრ ტალღებად იმართებოდნენ და ისევ წვებოდნენ ლა-
მინარიასა და ქლორას ბუჩქები.

ძალიან ლამაზი სანახაობა იყო და ვალერის თვალი მაღი-
მალ იქით გაუბრბოდა.

— ახლა მარჯვნივ წადი, — თქვა კადილამ.

ვალერიმ ქვემოთ თვალი მოჰკრა უზარმაზარ ნაცრისფერ
მილს, რომელიც ოკეანის ფსკერზე ტიტანური გველივით გაშ-
ხვართულიყო. ამ გოლიათის თავზე პროექტორების შუქი
იწვა, ბევრი იფიქრა ვალერიმ, მაგრამ ვერა და ვერ გაიგო, რა
უნდა ყოფილიყო ფსკერზე დამხობილი ეს გიგანტი, გულმა
ალარ მოუთმინა, კადილას მკლავს შეეხო.

— გზის მაჩვენებელია?
კადილამ გაიცინა.

— არა, მატარებლის გზაა, უფრო სწორად გვირახბია. იმ
გვირაბში, ისევე როგორც თქვენთან, დაჰქრიან მატარებლე-
ბი, მიჰყავთ და მოჰყავთ მგზავრები, მიაქვთ და მოაქვთ ფოს-
ტა და ათასნაირი ტვირთი. გარდა ამისა, მძღოლები გზის მაჩ-
ვენებლადაც ვიყენებთ. ცენტრალური გზა კი სხვა მიმართუ-
ლებით მიდის ამიხოტისაკენ. ჩვენ კი, ვინც ვჩქარობთ, აქედან
მოკლედ ვჭრით ხოლმე.

— იფიქრებთ კარგად ნათქვამ სიბრძნეს: შორი გზა მოიარე
და შინ მშვიდობით მიდიო.

— არა, აქ საშიში არაფერია, მოკლედ დაც გახვალ და
მშვიდობითაც მიხვალ.

— კარგი საქმეა, მაგრამ ეს მიბრძანეთ, თქვენი მატარებ-
ლები რატომ პირდაპირ წყალში არ დაქრიან? წარმოდგენილი



მაქვს, რამდენი შრომა დასჭირდება თითოეული ასეთი გვირაბის აშენებას. უზარმაზარი სამუშაოა, ამის გაფიქრებაც კი მზარავს.

— ამ შემთხვევაში ჩვენმა კონსტრუქტორებმა გაიანგარიშეს წყლის წინააღმდეგობა და საქმე სარფიანად არ ჩათვალეს. უფრო უპრიანია დაიხარჯოს გაცილებით მეტი, ოღონდ მოვიგოთ დროში. აი, უკან წამოსვლისას ვისარგებლოთ მატარებლით და მაშინ ნათლად დარწმუნდებით, რაოდენ პრაქტიკულია ამიტების ეს გადაწყვეტილება.

ამ დროს მეორე კაბინიდან ფანჯარაში მოაკაკუნეს. კადილამ გაიხედა. ნუგზარი ხელების მოძრაობით ანიშნებდა, კავშირი ჩართეთო.

კადილამ მაშინვე ჩართო და მგზავრებისაკენ შებრუნდა.

— არ იფიქროთ, რაიმე საიდუმლო გვქონდეს.

— არა, მაგაში ველარ დაგვარწმუნებთ, ყოველთვის, როცა მანდ ჯდებით, ივიწყებთ, რომ ჩვენც ვარსებობთ.

კადილამ ხმამაღლა გაიცინა.

— ვალერი დიდი ცნობისმოყვარეა, ათასნაირ კითხვებს იძლევა და მეც ვუპასუხებ.

— არა მგონია, თქვენი საუბარი ჩვენთვისაც არ იყოს საინტერესო, — თქვა ნუგზარმა.

— თუ ასეა, მაშინ ყოველთვის ჩავრთავ კავშირს.

— ასე აჯობებს, ქალბატონო კადილა, თორემ თქვენ მანდ ერთობით, ჩვენ კი აქ ბაიყუშებივით ვსხედვართ.

— მაშ მისმინეთ. ჩვენს ქვემოთ მატარებლის გზაა, უფრო სწორად — გვირაბი, სადაც განუწყვეტლივ დაჰქრიან მატარებლები.

— ორმხრივი მოძრაობაა? — იკითხა გაბოშვილმა.

— დიახ, ორმხრივი. გვირაბი აშენდა ჯერ კიდევ ამ ორმოცდაათი წლის წინათ და ამიხოტს აკავშირებს კაშირთან.

— კაშირი რაღაა? — ისევ გაბოშვილმა იკითხა.

— კაშირი ქალაქია, რასაკვირველია, ისეთი დიდი არა, როგორც ამიხოტია, მაგრამ მინც საკმაოდ ვრცელი. თუ არ ვცდები, იქ ნახევარ მილიონამდე კაცი ცხოვრობს.

ახლა ვალერი მიუბრუნდა კადილას:

— ამიხოტში რამდენი სული მოსახლეა?

ამიხოტში მილიონ შვიდასი ათასი ამიტი ცხოვრობს. ბევრი?

— არც თუ ისე ბევრი. ჩვენთან არის ქალაქები, სადაც ათ მილიონზე მეტი კაცი ცხოვრობს.

— ვიცი. ამიტები გიგანტურ ქალაქებს არ აშენებენ. პრაქტიკამ გვაჩვენა, რომ გიგანტური ქალაქი უამრავ პრობლემებს აყენებს, რომელთა მოგვარება არც თუ ისე იოლი საქმეა. ამიტომ გადავწყვიტეთ, ვაშენოთ ბევრი და არა ბუმბერაზი ქალაქები.

— ჰკვიანური გადაწყვეტაა, — იქითა კაბინიდან კადილას ვიტალი შლიახოვი გამოეხმაურა.

— ჰო, ჩვენც ასე ვფიქრობთ.

მერე კადილამ ისევ ქვევით ჩაიხედა და განაგრძო:

რკინიგზის ეს ხაზი პირდაპირ ამიხოტში მიდის.

— მატარებლის მგზავრები ალბათ ის ამიტები იქნებიან, რომლებიც სუფთა ჟანგბადით სუნთქავენ?

— დიახ, ძირითადად ასეთები არიან, მაგრამ მატარებლებით მგზავრობენ წყლის ამიტებიც.

— ესე იგი, ცხოვრების პირობებით თქვენ უკვე ორ კატეგორიად ჩამოყალიბდით — უთხრა ნუგზარმა.

კადილა ისევ კაბინების გამყოფი მინისაკენ შებრუნდა.

— დიახ, წყლისა და ხმელეთის ამიტებად. სხვათა შორის ამიხოტის ერთი ნაწილი აშენებულია ხმელეთის ამიტებისათვის. აქ საკმაოდ ბევრი ამიტი ცხოვრობს და ალბათ არცთუ ისე ცუდად გრძნობს თავს. მათთვის მდგომარეობისდა მიხედვით შექმნილია სათანადო პირობები.

ქალაქის მეორე ნაწილში კი წყლის ამიტები ცხოვრობენ. ქალაქის ასე გაყოფა სრულებითაც არ უშლის ხელს არც ერთ მხარეს, ღამე იმ უბანში გაათიონ, სადაც მათ სურთ. ყოველ სასტუმროს შეუძლია მიიღოს როგორც წყლის, ასევე ხმელეთის ამიტი.

— მთავარია იყოს ფული, არა? — იკითხა ვალერიმ.

— გეტყობათ, დიდ პატივს სცემთ ფულს. — გაიცინა კადილამ.

— სრულებითაც არაა ასე, ქალბატონო კადილა. ამაში, ალბათ, ჩემი მეგობრებიც დამემოწმებიან.

გაბოშვილი შეიშმუშნა.

— საერთოდ, ჩვენ, მეზღვაურებმა, ყველაზე ნაკლებად ვიცით ფულის ყადრი. სხვები რომ თავს იკლავენ, აი, ამდენი მოვაგროვეო, მეზღვაური ერთს გაიქროლებს ფულის მახით სავსე ქუჩებში და საღამოს ქესატად აღოღდება ტრაპზე. ესაა და ეს.

— ანდრომ სწორად თქვა, მეზღვაური ფულის მოყვარული კაცი არაა. — ეს უკვე ნუგზარის ხმა იყო. კადილა კი ვალერისაკენ შებრუნდა.

— მაშინ ჩემი სიტყვები უკან მიმაქვს, ვალერი.

— თქვენისთანა ქალიშვილს როგორ არ ვაპატიებ. ხელიც რომ მომკვეთოთ, აუგი მაინც არ წამომცდება.

მეორე კაბინიდან ნუგზარის ხმა გაისმა:

— ვალერი, ქათინაურებზე ცოტა მომჭირნედ იყავი. ხმელეთზეც დაგჭირდება, ძვირფასო.

ვალერიმ ზვიგენის ნიღბიანი თავი ერთ წუთს კაბინების გამყოფ მინას მიადო, მარცხენა ხელი აიქნია.

— არხეინად იყავით, ამხანაგო ნუგზარ, სახმელეთო ხურჯინის მეორე მხარეს მაქვს შენახული.

ამ დროს ვალერის მკლავზე კადილამ მოქაჩა.

— ჩაიხედეთ ქვევით.

ვალერიმ ჩაიხედა, მაგრამ ტერმიტების ბორცვების მეტი ვერაფერი შენიშნა. მართლა ის კი არ უფიქრია, რომ გიგანტურ ბორცვებზე ტერმიტები ცხოვრობდნენ, მაგრამ რასაც ხედავდა, ყველაფერი ზუსტად ამ ნამცეცა მწერების სამოსახლოებს აგონებდა. განსხვავება მხოლოდ ის იყო, რომ ყოველი ბორცვის თავზე უშველებელი ანძა იდგა. ერთმანეთთან ანძები მსხვილი მავთულებით იყვნენ დაკავშირებული.

— რა ხდება, ვერაფერი გამიგია? — თქვა ვალერიმ.

— ჩვეულებრივი ელექტროსადგურებია.

— რაო, ელექტროსადგურები?

ვალერიმ მანქანა შემოაბრუნა და ნელა იწყო ქვევით დაშვება.

— რას აკეთებთ? — გახედა კადილამ.

— ნუ ღელავთ, ერთ საპატიო წრეს დავარტყამ. ასეთი ელექტროსადგურები ჯერჯერობით არც თვალთ მინახავს და

არც დამსიზმრებია. თქვენთან, ანდრო, იგოეთში, როგორაა/ საქმე, ასეთი რამ ჯერ არ ავიშენებიათ?

ანდრომ არაფერი თქვა. სამაგიეროდ, კადილამ განაგრძო:

— ამიტები ელექტროსადგურებს წყალქვეშა დინებებზე აშენებენ. ამ რაიონში დინება დასავლეთიდან მოდის. საკმაოდ მძლავრი დინებაა. გაიხედე, ყოველ ბორცვს დასავლეთის მხარეს გვირაბი აქვს. დინება სწორედ ამ გვირაბში იჭრება და მოძრაობაში მოჰყავს ტურბინები. ჩვენი და თქვენი ელექტროსადგურები თითქმის ერთნაირი პრინციპით მუშაობენ.

— დიდი ძაბვის სადგურებს თუ აშენებთ?

— რასაკვირველია, თუ დინება ამის საშუალებას იძლევა, ყოველთვის ვცდილობთ, სადგურის სიმძლავრე გავზარდოთ. მეტ შემთხვევაში ამას ვახერხებთ. ძალიან ბევრი სადგური იმუშავებს მილიონზე მეტ კილოვატ საათს.

— მომხმარებელი ბევრი გყავთ?

— მომხმარებელიც ბლომადაა. ელექტროენერჯის საკმაოდ დიდი ნაწილი განათებას ხმარდება, მერე ქარხნები, მოსახლეობა. ასე რომ, ყოველწლიურად ახალ-ახალი ელექტროსადგურების აშენება გვიწევს.

თქვენ ამ მხრივ უკეთესად გაქვთ საქმე. დღისით მაინც არ გჭირდებათ ქუჩების განათებაზე ზრუნვა, მზე მოსულა თქვენს დასახმარებლად. ჩვენთან კი, იცით, რამდენი ენერჯია ჭირდება წყალქვეშ ქუჩების განათებას.

— მე პროფესიით ელექტრომექანიკოსი ვარ, — გაისმა ვიტალის ხმა, — ელექტროობაში, მგონი, ცოტა რამ გამეგება, ქუჩების განათებაზე ამიტები ალბათ ათჯერ უფრო მეტ ენერჯიას ხარჯავთ, ვინემ აღამიანები. მგონი, ამაში არ უნდა ვცდებოდე.

— ვიტალი სწორს ამბობს. ათჯერ უფრო მეტ ენერჯიას ვხარჯავთ მეურნეობის განათებაზე, ვინემ თქვენ. წარმოიდგინეთ, რა დღეში ვართ, მაგრამ ეს მძლავრი დინებები ძალიან გვშველის, იაფი ენერჯიის აურაცხელი მარაგი გვაქვს. არ გადავაჭარბებ, თუ ვიტყვი, ელექტროენერჯის მარაგით ჩვენ გაცილებით უფრო მდიდრები ვართ.

— გეთანხმებით, — გაისმა ისევ ვიტალის ხმა, — თქვენი



იაფი ენერჯის მარაგი თითქმის ამოუწურავია. ეს დალოცვილი დინება ყველგანაა. ზოგან წალმა მიდის და ზოგან უფელმანა აშენეთ ელექტროსადგურები და იაფი ენერჯიაც ყოველთვის თავზესაყრელად გექნებათ.

კადილამ გაიცინა.

— ვაშენებთ, მაგრამ ელექტროსადგურის გამართვა არც ისე ადვილია, წყლის ქვეშ პატარა შენობის დადგამაც კი დიდ შრომასთანაა დაკავშირებული. ამიტები რომ ცოტა ზარმაცნი ყოფილიყვნენ, მტრისას, აქამდე მოგვსპობდა სტიქია, ჩვენ თითოეული ლუკმა თაკარა ცეცხლიდან გამოგვაქვს.

როგორც თქვენთან, ჩვენთანაც ყოველ ეპოქას თავისი ხელწერა აქვს. ახლა, ამ წუთში კი ამიტები ხმელეთური ცხოვრებისაკენ ისწრაფვიან.

— როგორ გავიგოთ ეს? — ჰკითხა ნუგზარმა.

კადილა ისევ კაბინების გამყოფი მინისაკენ შებრუნდა.

— უბრალოდ, დოქტორმა კილამ რომ ფილტვების ფუნქციონება დაიწყო, უამრავი მსურველი გამოჩნდა, იცხოვროს ადამიანურად — სუფთა ჰაერით. მათ გაიკეთეს ოპერაცია, მაგრამ გამოირკვა, რომ ჩვენ ჯერ კიდევ არ ვიყავით მზად, ცხოვრების ხმელეთური პირობები შეგვექმნა ასიათასობით იმ ამიტისათვის, რომელთაც გაადამიანება ისურვეს.

დაიწყო ჟანგბადიანი ქალაქების მშენებლობა. რამდენიმე ასეთი ქალაქი უკვე აშენდა. ზოგსაც ახლა ვაშენებთ, მაგრამ ასევე სწრაფად იზრდება გაადამიანებულთა რიცხვიც. ერთი სიტყვით, წყალში ცხოვრებისაგან გაქცევამ ძალიან დიდი პრობლემები წარმოშვა, აქედან ზოგი გადავჭერთ; ზოგსაც ახლა ვჭრით. ასეა ცხოვრება — სიცოცხლე ბრძოლაა.

— რატომ აიღეთ ამიტების „გახმელეთების“ კურსი. განა ცუდი იყო, გეცხოვრათ ისე, როგორც თქვენი წინაპრები ცხოვრობდნენ? — თქვა ვალერიმ.

— როგორც ვიცი, თქვენი წინაპრები ცხენების ეტლითა და ხარის ურმით დადიოდნენ.

— სწორია, — მაშინვე დაეთანხმა ვალერი.

— ჩვენი წინაპრები კი ეტლში დელფინებს აბამდნენ და ისე დაცურავდნენ. ახლა კიბანი გვაქვს, გვაქვს მატარებელი და კიდევ ტრანსპორტის სხვა მრავალი საშუალება. განა ვინ-

მეს დაებადება აზრი, კვლავ დაუბრუნდეს დელფინების ეტლს.

ხომ ვთქვი, ყოველ ეპოქას თავისი ხელწერა აქვს-მეთქი. პროგრესი სულ სხვადასხვა სახისაა. რასაკვირველია, სჯობია იარო უანგბადიან სივრცეში, დაიძინო მშრალ ლოგინში, ტან-საცმელიც მშრალი გეცვას, ვინემ ყოველთვის წყალში ცურავდე, როგორც თევზი. სწორედ ამიტომ, რაც დრო გადის, სულ მეტი ამიტი იკეთებს ფილტვების ფუნქციონებას და ოპერაციის შემდეგ ცვლის ცხოვრების წესს. ჩვენ ვცდილობთ, შეძლებისდაგვარად ერთმანეთს შევუხამოთ წყლისა და ხმელეთის ცხოვრება. ამის სინთეზი სწორედ ამიხოტია.

ამ დროს ნუგზარმა იკითხა: არ შეიძლება დოქტორ კილას კლინიკა ვინახულოთ?

— რა თქმა უნდა, შეიძლება. მხოლოდ საჭიროა, ამის თაობაზე წინასწარ დავუბრუნო კილას. ის ყოველდღიურად ძალიან ბევრ ოპერაციას აკეთებს და ჩვენთვის დრო საგანგებოდ უნდა გამოძებნოს.

თუ კილას კლინიკაში მოვხვდით, შეგიძლიათ ნახოთ დოქტორის პაციენტებიც.

— ვინ არის ეს ხალხი? — იკითხა ვიტალიმ.

— ძირითადად ახალგაზრდობაა, თხუთმეტი წლის ასაკიდან ოცდახუთამდე. თითქმის ოთხმოცდაათი პროცენტი ეს თაობაა.

— ახალგაზრდობა ყველგან ერთნაირია. ჩქარობენ, მთელი გულით უტყვენ, ცეცხლს ანთებენ, რას იზამთ, ძალა ერჩით. მერე წლებს თავისი მიაქვს და ეს გავარვარებული ვულკანი ნელდება.

— თავის დროზე ჩვენც ასეთი ვიყავით, ალბათ, კადილა! კადილა შემობრუნდა და ნუგზარს თვალი გაუსწორა.

— ალბათ, ასეა.

— თუმცა თქვენ შედარებით ჯერ კიდევ ნორჩი გეთქმით, მთელი ცხოვრება წინ გაქვთ.

— არა მგონია, წლებში დიდი სხვაობა იყოს.

— ქალებს ასაკს არ ეკითხებიან.

ნუგზარმა გაიცინა და შუბლი გამყოფ მინაზე მიადო.

კადილა შებრუნდა და ყელზე შემოხვეული თმის კულულები გაისწორა.

ქვევით წყალქვეშა გვირაბის კიდევ რამდენიმე ხაზი გაშლი-
ნდა. ზოგან ეს ხაზები ერთმანეთს კვეთდნენ, ზოგან კიდევ
გვერდი-გვერდ მიუყვებოდნენ. შემდეგ წინ ერთბაშად გოგან-
ტური შენობები აღიმართა. შენობების ფართო სარკმლები-
დან ისეთი მკვეთრი წითელი შუქი იღვრებოდა, გეგონებო-
დათ, იქაურობას ცეცხლი უკიდიაო.

კადილა ისევ შემობრუნდა, ორივე ხელით წყალში აცუ-
რებული თმები დაილაგა და მერე მისი ხმაც გაისმა;

— აქ მეტალურგიული ქარხანაა, თუჯსა და ფოლადს ვად-
ნობთ.

— რკინა და ქვანახშირი ბლომად გაქვთ? — იკითხა ანდრომ.

— სპეციალისტები ვარაუდობენ, ასჯერ მეტი მაინც გვექ-
ნება, ვინემ თქვენ.

— ჩვენი მეცნიერებიც დაახლოებით ასევე თვლიან, —
თქვა ნუგზარმა.

— არა, ნედლეული არ გვიჭირს.

ნუგზარი კაბინების გამყოფი მინისაკენ გადაიხარა.

— თუ შენობების მოცულობით ვივარაუდებთ, მეტალურ-
გიული ქარხნებიც საკმაოდ დიდი გქონიათ.

ამ დროს ვალერი ჩაერთო.

— რახანია მოვდივართ და გზაზე ერთი მანქანაც არ შეგვ-
ხვედრია. რას უნდა მივაწეროთ ეს?

— ჯერ ერთი, დიდ ტრასაზე ამიტები უფრო მატარებელს
ეტანებიათ. მეორეც კიდევ ისა, რომ, როგორც გითხარი, ჩვენ
ოფიციალურ გზას კი არა, ბილიკებს მოვყვებით.

— ძალიან ეგზოტიკური ბილიკებია, — ჩაილაპარაკა
ვალერიმ.

კადილას აღარაფერი უთქვამს.

რაც უფრო წინ მიდიოდნენ, მით უფრო მეტი და მეტი
შენობები ხვდებოდათ. ყველა შენობას წინ მომცრო სკვერი
ჰქონდა. მალე ფართო ქუჩებიც გამოჩნდა. ქუჩებში ხანდახან
მანქანებიც გაიქროლებდნენ ხოლმე.

— ეს უკვე ამიხოტის გარეუბანია, — სამრეწველო რაიონი,
— თქვა კადილამ, — ამ შენობებში ძირითადად ფაბრიკა-
ქარხნებია განლაგებული. ახლა სამუშაო საათია და ქუჩებიც
ამიტომაც დაცარიელებული. შესვენებაზე კი, მტრისას, მანქა-
ნას გვერდს ვერ აუვლი.

— ისევე როგორც ჩვენთან, — ჩაიბუბუნა ანდრომ.

შემდეგ ტყის დიდი ზოლი დაიწყო. მანქანა მაღალი, ლამაზად აწვართული ხეების თავზე მიცურავდა. ხეთა მწვანე, ქოჩორა კენწეროები ტალღებივით ხან აღიმართებოდნენ, ხან კიდევ გაწვებოდნენ.

ამ ლამაზ ხეივანში საკმაოდ დიდხანს მიდიოდნენ. ვალერი ისე გაერთო, კიბანს პირდაპირ მცენარეთა მონარნარე ტალღებში მიაქროლებდა. კადილას გაეღიმა და უთხრა: ასე პოეტურად არასოდეს მივლიაო.

ვალერის ნათქვამი მოეწონა და თქვა, მაშინ ამ რეისს პოეტური რეისი დავარქვათო. კადილამ, თქვენი ნება იყოსო.

ტყე ისევე ანაზღად შეწყდა, როგორც გამოჩნდა. ახლა წინ გაჩახჩახებულმა ქუჩამ გაშალა მხრები. ქუჩას ორსავე მხარეს ტანკენარ მწვანე ხეთა გრძელი რიგი გასდევდა. ამ ლამაზი ხეივნის იქით ლარივით გაჭიმულ სწორ რიგში იდგნენ მომხიბვლელი შენობები. ათი თერთმეტსართულიანი სახლები პროექტორებს ისე გაეჩახჩახებინათ, იფიქრებდით, ოკეანის ფსკერზე კი არა, რომელიმე ქვეყნის დედაქალაქში ვიმყოფებითო.

ტყვეებს ძალიან გაუკვირდათ, რომ ამიხოტის ამ შენობებს განიერი ფანჯრები ჰქონდათ. ანდრომ კიდევაც უჩუროხულა ვიტალის: ნახე, როგორც იყო ფანჯრები დავინახეო.

ეს ჩუროხული კადილამაც გაიგონა. მაშინვე გაისმა მისი ხმა:

— ყველა საცხოვრებელ სახლს ჩვენთან ფანჯარა აქვს. ფანჯრები უკეთდება აგრეთვე ზოგიერთი დაწესებულების შენობასაც. სახლი, სადაც თქვენ ცხოვრობთ, საცხოვრებელი შენობა არ არის. იგი უფრო სხვა მიზნით აშენდა. ამიტომ არა აქვს ღია ფანჯრები, სამაგიეროდ აღჭურვილია რამდენიმე მინის კედლით. ერთი ასეთი კედელი თქვენს გასართობ ოთახშიცაა.

მერე კადილა ვალერის მიუბრუნდა.

— ვალერი, რასაკვირველია, საჭეს განდობთ, მაგრამ ნუ დაგავიწყდებათ, ავტონისპექტორები ამიხოტშიც არიან. რომ გამოგვიჭირონ, სერიოზულ სკანდალს ვერ გადავრჩებით. ახლა აჯობებს, საჭეს მე მივხედო.



— კი მაგრამ, ისინი როგორ გაიგებენ, რომ მე ვმართავ კიბანს ხომ სამართავი პულტი ორსავე მხარესა აქვს?

— გაიგებენ, თავად კიბანი ეტყვის. ეს ჭკვიანური მანქანა აჩვენებს, რომელი პულტი აძლევდა განკარგულებებს, მარცხენა თუ მარჯვენა.

— ახლა ყველაფერი გასაგებია, მანქანა უკვე თქვენს განკარგულებაშია, შეგიძლიათ მართოთ.

ვალერიმ საჭეს ხელი უშვა და მაშინვე ზევით აღმართა: მე ხელი დამიბანიაო, როგორც გინდოდეს, ისე ატარე ამიხოტის ქუჩებშიო.

ანდრომ ჩაილაპარაკა: ეს ალბათ ნამდვილად ამიხოტიაო.

— დიახ, ნამდვილად ამიხოტია, — გაისმა კადილას ხმა, — ხედავთ? პირდაპირ თექვსმეტსართულიანი შენობა დგას. ამ სახლში ჩვენი მეცნიერებათა აკადემიაა მოთავსებული. შენობას უკან სამეცნიერო-საკვლევო ინსტიტუტების მთელი კომპლექსია განლაგებული. აკადემიის შენობა თქვენებური გემის ყაიდაზეა აგებული.

— მართლაც გემსა ჰგავს, რატომ გადაწყვიტეს ასე არქიტექტორებმა? — იკითხა ვალერიმ.

— იმიტომ, რომ წყალი განუწყვეტელ მოძრაობაშია. აქ, ამ ადგილებში, დინება დასავლეთიდან მოდის. დროთა განმავლობაში მას შეუძლია შეასუსტოს კედლის წინააღმდეგობა და ბოლოს დააქციოს კიდეც. ეს რომ არ მოხდეს, მაღალ შენობებს მახვილი ქიმიტ ვაპროექტებთ. შენობა ქიმიტ დგას დინებაში და არც ერთი კედელი არ გრძნობს წყლის დაწოლას. რაც არ უნდა ძლიერი იყოს დინება, ასეთ შენობას ვერასოდეს წააქცევს.

— ჭკვიანური ჩანაფიქრია, — გაიცინა ვალერიმ.

— ჭკუა იმიტომ გვაქვს, სტიქიას უნდა ვაჯობოთ. სხვათა შორის, ბევრ ასეთ დიდ შენობას საკუთარი ელექტროსადგური აქვს. დინება შედის შენობის ქვედა სართულში მოთავსებულ წყალსადენებში და მოძრაობაში მოჰყავს ტურბინები. ზოგი შენობა იმდენ ენერგიას იმუშავებს, მარტო თავის მოთხოვნილებებს კი არა, მეზობლებსაც არ წყვეტენ გულს, მასაც აძლევს ელექტროენერგიას.

— ჩინებულია, ჩინებული, — ვალერი აღტაცებას ვეღარაღვდა.

ამასობაში კიბანი სულ ქვევით და ქვევით დაეშვა. ანდრომ იკითხა: მიწაზე ხომ არ ვჯდებითო?

კადილამ იმ წუთში არ უპასუხა. მთელი ყურადღება საჭეზე ჰქონდა გადატანილი, როცა მანქანების მოზრდილ ჯგუფს გაცდნენ მხოლოდ მაშინ გაისმა კადილას ხმა.

— ახლა ჩვენ გვიარბისაკენ ვეშვებით, ჩვენი მეტროც ვნახოთ.

— თქვენ ისე ლაპარაკობთ, თითქოს ჩვენებურ მეტროზე უკვე გქონდეთ წარმოდგენა, — უთხრა ვალერიმ.

— დიახ, რადიონფორმაციისა და სატელევიზიო გადაცემების წყალობით ზოგადი წარმოდგენა მაქვს თქვენებურ მეტროზე. ვფიქრობ, პრინციპულად ჩვენი მეტროები ერთმანეთისაგან არ განსხვავდებიან. ოღონდ ჩვენ მეტროს ზედაპირზე ვაგებთ. ასე უფრო იაფი ჯდება, ვინემ ღრმა გვირაბების გაყვანისას. ასეთ მეტროზე ზევით შენობებს ვაგებთ. ამ მეთოდით შეიქმნა ამიხოტის მშრალი უბნები, ანუ ჟანგბადიანი ქალაქი. ვაშენებთ უფრო იაფად და მოხერხებულად.

მანქანა ახლა პატარა თვლებით პირდაპირ ქუჩაში მიგორავდა. შეიცვალა ვერტიკალური მოძრაობის პრინციპი, პრიორიტეტი პორიზონტალურმა მოძრაობამ აღიდგინა.

ქუჩა საკმაოდ ფართო იყო, მაგრამ ტრანსპორტი უფრო მეტი აღმოჩნდა და მანქანების მწკრივი ველის ზანტ მდინარესავით უზარმაზარი გვირაბისაკენ მიიზმორებოდა, რომელსაც ხახა სულ ასიოდე მეტრის დაშორებით გაეხსნა და ყოველ წამს მანქანათა რვა რიგს ნთქავდა.

ვალერიმ ერთბაშად რაღაც უცნაური აღტაცება იგრძნო. ეს ფართო ქუჩა, მანქანათა გაშლილი რიგი, მაღალი შენობები მის სულში შეიჭრა, როგორც ხმელეთისეული სამყარო, საკუთარი და თბილი, ასე ახლობელი...

თავი კაბინების გამყოფი მინისაკენ შეაბრუნა და ზევით აღმართული ცერა თითი ზედ მინაზე მიაჭყლიტა.

— ბიჭებო, კარგი ქალაქია, არა, ამიხოტი?

ვალერის შეიძლება უფრო სხვა რამის თქმა სურდა, მაგრამ ეს სიტყვები მისდაუნებლიედ გაუფრინდა.

„ბიჭებმა“ ხმამაღლა გაიცინეს.

— კარგია, მაგრამ თბილისი მაინც ვერ მიედრება, — ჩაი-
როხროხა გაბოშვილმა.

— ახლა როგორ მომინდა თბილისის ქუჩებში გასეირნე-
ბა, — ვალერი გამყოფ მინას მიაწვა, — მთელ დარჩენილ სი-
ცოცხლეს დავთმობდი, ოღონდ ერთხელ გამასეირნა ჩემს
რუსთაველზე. ეტყობა, არც ამიხოტია დასაწუნი ქალაქი, მაგ-
რამ საკუთარი პერანგი ყოველთვის უფრო ახლოა სხეულთან.

ნუგზარს თავი ჩაერგო, მზერა კიბანის გამჭვირვალე იატა-
კისათვის მიეპყრო, ყველაფრიდან ჩანდა, ამ ნაღვლიან საუ-
ბარში მონაწილეობის მიღებას რომ არ აპირებდა. მანქანა
რომ გვირაბის ხახაში შთაინთქა, თავი არც მაშინ აუწვევია.
ისევ ისე, წინანდებურად იატაკს ჩაჰყურებდა. მერე ერთბაშად
უშველებელ დარბაზში აღმოჩნდნენ და მხოლოდ მაშინ შეიშ-
მუშნა, თავი ისე გააქნია, თითქოსდა მოზღვავებული ფიქრე-
ბის გაფანტვა სურსო.

— მოვედით? — იკითხა ამ სამყაროში შემობრუნებულმა.

— სადღაც კი მოვედით და... — ანდრო გაბოშვილი შეიშ-
მუშნა, — მგონი, სახლში შემოვედით. კარგი საქმეა, ღმერთ-
მანი, მანქანები შედიან შენობებში. უკეთესს ვერც ინატრებს
კაცი.

— სახლი კი არა, მგონი მოედანია, — ჩაილაპარაკა შლია-
ხოვმა და დაბუჩებული ფეხები გაშალა.

კიბანი ახლა ძალიან ნელა მიდიოდა, კი არ მიდიოდა, მი-
ლოლავდა. წინ მოედანი ჩანდა, წყლის სამყაროში შექმნილი
საკმაოდ სრული მოედანი. მოედანზე შუქი ზემოდანაც და
ქვემოდანაც იღვრებოდა, გაჩახახახებული გახლდათ. მარჯვნივ
და მარცხნივ მანქანების ჭედვა იყო. ყველა მანქანა მხოლოდ
ერთი მიმართულებით, პირდაპირ მიდიოდა. პირდაპირ კი
უზარმაზარი მრგვალი კედელი ჩანდა. კედელი მოედნისაკენ
იყო გამობურცული. ამ გამობურცულ ნაწილში გვირაბების
მთელ კომპლექსს დაედო ხახა.

მანქანების უშველებელი მდინარე სწორედ ამ გვირაბები-
საკენ მიიკლავნებოდა და მერე თვალსა და ხელს შუა ქრებოდა.

არც მათი კიბანი ყოფილა გამონაკლისი, ნელა შეცურდა

ერთ-ერთ გვირაბში და პატარა ოთახში თუ გარაჟში ჩნდნენ.

კადილამ ძრავა გამორთო და ვალერის მიუბრუნდა.

— რამდენიმე წუთში წყალი გაისრუტება. ჩვენ ჟანგბადის სამყაროში დავრჩებით. შეგიძლიათ, მაგ საფრთხობელას შეელოთ.

ვალერიმ გაიცინა.

— ძალიან მიჭირს ამის დათმობა.

— წელან ისეთი გატაცებით იგონებდით თქვენი ქვეყნის დედაქალაქს, რომ არა მგონია, გაგიჭირდეთ მაგ ნიღბის დათმობა. თქვენმა სიტყვებმა კიდევ ერთხელ დამარწმუნეს, ძნელია, შეელოო იმას, რაც დაბადებიდან შენ გეკუთვნის, შენს სულში ზის და გონებაშიც შენად ჩაკინძულა.

— სრული ჭეშმარიტებაა. დავინახე თუ არა ამიხოტი, რაღაც ძალამ თბილად დამიარა მთელს სხეულში, ამიტაცა. მეგონა; აქ კი არა, მშობლიური ქალაქის ქუჩებში მივდიოდით. ეჰ, ღმერთო... ნიღაბი აქ დავტოვო?

— ჰო, აქ დატოვე.

ვალერიმ მძლავრად ჩაისუნთქა სუფთა ჰაერი და კაბინის კარი გამოაღო.

წყალი ჯერ მთლიანად არ იყო გასრუტული, კაბინის პატარა თვლები კვლავ კრიალა წყალში იდგნენ. მძლავრი გამტარები ხმაურობდნენ, ჩხრიალით ისრუტავდნენ ზამბარასავით დახვეულ ჭავლებს.

ვალერი დაელოდა და როცა უკანასკნელმა ნაკადმაც ჩაირაკრაკა შპიგატში, მხოლოდ მაშინ დადგა ფეხი მოლობულ იატაკზე.

— ეჰეი, ძმებო, გამოდით! ჟანგბადი ბლომადაა. შესძახა და გაიარა.

ის „ძმებიც“ რომ გამოვიდნენ კაბინიდან, მაშინ მოიკითხა კადილა. კადილა კი არ ჩანდა. სამართავი კაბინის კარი გამოიღო და ამიტი ქალიშვილი ისევ იქ იხილა, თავის სკამზე მჯდომი.

— აქ რას აკეთებთ, არ გადმოდიხართ?

— ვაპირებ, მაგრამ ეს ოხერი აპარატი კარგად ვერ მოვირგე.

— მოგეხმარებით.

— მართლაცდა დახმარება მჭირდება.

კადილა შებრუნდა. ვალერის ზურგი მიუშვირა.

— აბა, ვალერი, სცადეთ. თქვენ ტექნიკაში საკმაოდ გათვითცნობიერებული პიროვნება ბრძანდებით. სცადეთ, მარჯვენა მხარეს ჭრილია. ამ ჭრილში უნდა ჩაჯდეს ელასტიკური ენა, რომელიც აპარატის მარცხენა მხარის ნაწილზეა დამაგრებული. იპოვეთ?

— ვიპოვე, მოითმინეთ, რალაც ენას უჭირს ჭრილში შესვლა. ახლავე ყველაფერს მოვაგვარებ.

ვალერი უცებ შეცბა, კადილას თავზე ახალი ნაჭრილობევი აჩნდა.

როგორც იყო, სამაგრის ენა ჭრილში შეაცურა და ბუდეში ჩასვა.

კადილამ აპარატი მოირგო და შემობრუნდა, ვალერის არეულ თვალებს რომ წააწყდა, ხმადაბლა ჰკითხა:

— თქვენ ალბათ ჩემი ჭრილობა ნახეთ? ესეც იმათი დამსახურებაა.

ვალერი, რასაკვირველია, მიხვდა, ქალიშვილი ვისზედაც ლაპარაკობდა, მაგრამ მაინც ჩათვალა, მეტი დაკონკრეტება საჭიროო.

— ვინ იმათი?

— ტერორისტების. ჩვენს სახლსაც დაესხნენ...

— ააა, გასაგებია.

ვალერიმ თავი დაიქნია და კაბინიდან ჩამოვიდა.

კადილა მეორე მხრიდან გადმოვიდა, როცა ტყვეების ჯგუფს შეუერთდა, ნუგზარს უთხრა:

— ჩვენ როლებს ვცვლით, ხან თქვენ ხმარობთ სასუნთქ აპარატს, ხან კიდევ მე. ხედავთ, მაინც დიდი განსხვავებაა ჩვენს შორის.

— მიუხედავად ამისა, ერთმანეთს მაინც ვუგებთ, ეს კი მთავარია.

— იმიტომ, რომ ორთავენი ადამიანთა მოდგმისანი ვართ. ალბათ, ერთი საერთო წინაპარი გვყავდა, ორი განუყრელი დიდან, ერთმა ხმელეთი აიარჩია საცხოვრებლად, მეორემ —

ოკეანე. გავიდა უამრავი საუკუნე და აი, მათი ნაშვირნი ერთ-
მანეთს ვხვდებით.

— ხარკს ვუხდით ორივე დას, ხან ხმელეთურად ვცხოვ-
რობთ, ხანაც თევზივით. ასე არ არის?

— სწორედ ასეა, — გაიცინა კადილამ, — ყველაზე უფრო
მომაბეზრებლად ის პროცესი მიმაჩნია, როცა წყლის სამყა-
როში გადადიხარ, ანდა პირუკუ. ერთიც და მეორეც მდლის,
ცოტას ვნერვიულობ კიდევ, ალბათ ამიტომ იყო ახლაც, აპა-
რატი რომ ვერ მოვირგე. ვალერი რომ არა, ვინ იცის, რამ-
დენს ვიწვალებდი.

კადილამ თმებზე ჩამოისვა ხელი.

— მაპატიეთ ნუგზარ, მაგრამ ჩვენთან ერთი სამყაროდან
მეორეში რომ შედიხარ, ქალის ტუალეტი თმის ჩამოწურვით
იწყება. რაც არ უნდა ზრდილობიანი იყო, ამ პროცესს ვერ-
სად გაექცევი.

— რასა ბრძანებთ, გაიმშრალეთ. აქ, სხვათა შორის, ცივა
კიდევ.

ნუგზარმა კადილას მკლავზე აშლილ ბუსუსებს შეავლო
თვალი.

— აქ მართლაც ცივა, მაგრამ არა უშავს, მალე თბილ გა-
რემოში ამოვყოფთ თავს. თქვენ მარჯვენა კარიდან გახვალთ.
იქ მოხუცი კელნერი დგას. მას უთხარით, რა ზომის ტანსაც-
მელი გჭირდებათ და შეგიჩვენებ. სანამ კელნერი ამ საქმეს
მოაგვარებდეს, იბანავეთ. მართალია, შინ კარგი აბაზანა
გაქვთ, მაგრამ ახალ სამყაროში მოგზაურობა კარგი შხაპის
შემდეგ უფრო სასიამოვნოა.

ერთი სიტყვით, როცა ყველაფერს მორჩებით, კელნერი
გამოგიყვანთ იმ ოთახში, სადაც მე უნდა შეგხვდეთ. ნუ იჩქა-
რებთ, ყველაფერს მოვასწრებთ, მით უმეტეს, ამაღამ ამიხოტ-
ში მოგვიწვეს ღამის გათევა.

— აქ უნდა გავათიოთ? სასიამოვნოა, — ჩაილაპარაკა ვა-
ლერიმ.

ნუგზარმა კი იკითხა: კელნერმა ქართული თუ იცისო?

— მთლად კარგი ქართულით არ ლაპარაკობს, მაგრამ
თქვენ რომ გაგაგებინოთ, იმდენს მოახერხებს.

— ყველაფერი გარკვეულია, ჩვენ წავედით.



ნუგზარი წინ გაუძღვა ოთხეულს. წინკარში შევიდნენ თუ არა, მაშინვე მოესმათ ქართულად ნათქვამი „გამაჯობათ“ ერთი გალეული მოხუცი იდგა. ნღვლიანი, დაღლილი სახე. ჰქონდა, კოხტა, ბებრული ცხვირის კეხზე ოქროს სათვალე ჰქონდა დამაგრებული, ისე იყურებოდა, გეგონებოდათ, საცა უნდა აფლუკუნდესო. საოცარი ის იყო მხოლოდ, ორ ჩხირადქცეულ ფეხზე ყანჩასავით იდგა და ცრემლები კი არ სდიოდა.

შეხედეს და... მოხუცმა ჩაიჩიფჩიფა, რა ფერის კოსტიუმს ისურვებდითო. ხელი დაბალ მაგიდაზე მოაფათურა, რაღაც ლურჯი, ჯერ კიდევ გაუქეცავი ქაღალდი იპოვა. ცახცახით აიღო და წინ მდგომ ვალერის მიაწოდა.

ვალერის ქაღალდზე არც კი დაუხედავს, ისე გადააწოდა ნუგზარს.

ნუგზარმა კი ჩაიკითხა.

„მეგობრებო, აირჩიეთ ფერი და იქვე ზომაც მიაწერეთ“, შემდეგ ფერები იყო ჩამოთვლილი:

„წითელი, ლურჯი, შავი, ყვითელი, ყავისფერი, თეთრი, ნაცრისფერი“.

— აირჩიეთ და მიაწერეთ თქვენი ზომა, — თქვა ნუგზარმა და ეს უცნაური „მენიუ“ ისევ ვალერის დაუბრუნა.

ამ დროს ვალერის იმ ბერიკაცმა თეთრი ფანქარიც მიაწოდა.

ვალერი ნაცრისფერზე შეჩერდა და იქვე 48/3 ზომაც მიუწერა. ფარატინა, ლურჯი ქაღალდი ახლა ვიტალის ხელში აღმოჩნდა და მან შავი ფერი აირჩია. ანდრო და ნუგზარი კი ყავისფერზე შეჩერდნენ.

მოხუცმა ის ლურჯი ქაღალდი გამოართვა, დიდი მადლობა გადაიხადა და სასიამოვნო ბანაობა უსურვა ოთხივეს.

— საით წავიდეთ? — ჰკითხა ვალერიმ.

მოხუცმა აცახცახებული ხელი პირდაპირ კარისაკენ გაიშვირა.

ეს კარიც განვლეს და წინ პირველად შეხვედრილი მოხუცივით გალეული პაპა შემოხვდათ. ეს ბერიკაცი უფრო რიხიანად გამოიყურებოდა. ჯარისკაცივით გაჭიმულიყო. არც სასუნთქი აპარატი ეკეთა და არც ფეხთ ეცვა ჰრელჰრულა

ფლოსტები, ისეთი სასაცილო იყო, ვალერიმ ღიმილი შეიკავა.

— აი, ჩვენც მოვედით, საყვარელო პაპავ.

მოხუცმა კიდევ უფრო გახსნა სახე და ხელები ისე გაიქნია, თითქოსდა ვალერის უთხრა: რა გიყო, ძმობილო, შენი ენა არ ვიცო.

— აქ რა უნდა გავაკეთოთ, კეთილო პაპავ, ქადას მოგვართმევენ?

სწორედ ამ დროს იმ კაფანდარამ შემოიჭვრიტა, პირველად რომ მიეგებათ და ჩლიფინით უთხრა, რაც უნდა გაეკეთებინათ.

რაც ეცვათ, ისიც გაიძრეს, პატარა ყუთებში ჩაალაგეს და დედიშობილა ამიხოტის სამოქალაქო აბანოში შევიდნენ.

საბანაო ოთახს სულ ქათქათი გაუდიოდა. საკმაოდ მოზრდილი იყო. თავისუფლად იტევდა ოქროს ორ დიდ აბაზანას, შხაპს და კიდევ ორ კარადას, რომელთა უჯრებშიც ბასილიამ კბილის ფხვნილი, ჯაგრისები და ოთხი წყვილი თეთრეული აღმოაჩინა. ამას გარდა, შესასვლელთან სკამზე ოთხი მოთელილი განიერი პირსახოციც იდო.

პირველად ვერ მიხვდნენ, თუ რა ნობათი ეწყო იმ გვაჯასკამზე. ვალერის აქაც წასძლია სულმა და ტკბილი კვერებივით შეკეცილი პირსახოცები მაშინვე აბურდა. სანამ ის კარადების უჯრებს ამოწმებდა, ანდრომ ოქროს აბაზანის გვერდით ოქროსავე თეფშებზე დაწყობილი სამნაირი საპონი აღმოაჩინა.

ესეც ასეო, ჩაილაპარაკა და მაშინვე აბაზანაში ჩაკოტრიალდა. ცხელ წყალში კარგა ხანს ბურღლუნებდა იელისთაფლისაგან დამთვრალი დათვივით. როდის როდის ამოლოლდა და გასაპვნას შეუდგა.

მერე ვალერიმ თქვა: ღმერთის უსამართლობას აქაც ვხედავო, ხალხი თევზებად გაუჩენია და ოქროს აბაზანაც მისთვის მიუციაო. აქაოდა, პური შენა გაქვს და ქერიც შენაო. აბა, ეს რა სამართალიაო?

კიდევ ვინ რა თქვა, და ვინ რა... დროც გავიდა და ბანაობითაც გული იჯერეს. ერთი ხორხოცი მაშინ იყო, ვალერიმ რომ განიერ ქვედა საცვალში გაუჩინარდა.

— კაცი დავკარგეთო, — იყვირა ანდრომ.

მერე ეს დაკარგული კაცი საცვლის მარჯვენა ტრუზიდან უმორებით გამოძვრა და თქვა: ზეწრადაც გამომადგება და საბნადაცო.

ისევ იმ კაფანდარამ შემოიჭვრიტა. მორჩითო? ნუგზარმა ყველაფერი აუხსნა და ააშენოს ღმერთმა, ხუთი წუთის შემდეგ ვალერის სარგო ლურჯი ტრუსი სააბაზანოში შემოაპორწიალა.

ეს საქმე რომ დამთავრებულად დაიგულეს, წინკარში გამოვიდნენ. აქ ორივე მოხუცი ერთად იდგა და ქვეყნის ჭირზე ძალზე სიამტკბილურად საუბრობდნენ.

— აა, ბატონო, ინებეთ თქვენი კოსტიუმები, — თქვა იმ პირველმა, საიქიოს კართან რომ იყო უკვე მიჩანჩალებული. კობტა, ლამაზად შეკერილი ჩვეულებრივი ჩვენებური კოსტიუმები იყო. გულუხვ მასპინძლებს არც თეთრი პერანგი დავიწყებიათ და არც პალსტუხები. ყველაფერი წესისა და რიგის მიხედვით ელაგა დაბალ სკამებზე.

ვალერიმ ჩაიცვა თუ არა, გაიარ-გამოიარა. ასე კობტად შეკერილი, იქაც არ მცმიაო, — ჩაილაპარაკა.

ის გალუული მოხუცი დიდი შებერტყილი ვინმე გახლდათ, ეს ასე ირაოდ ნასროლი სიტყვებიც კი გაიგონა. გაიგონა და არც პასუხი დაუგვიანებია.

— ბატონებო, ჩვენთან, ამიხოტში, თერძების აუგი ჯერ არავის უთქვამს.

მერე იმ მეორეს გადახედა და ამიტურად რაღაც უთხრა. მეორეს არც ქართულად და არც ამიტურად არაფერი უთქვამს, მაგრამ ჭალარა თავი კი დაიქნია, რაც კინეტიკურ ენაზე თანხმობას ნიშნავს. თერძების შესახებ დავა ამით დამთავრდა. კაფანდარა წინ წალოლიალდა და ტყვეებს ანიშნა, გამომყევითო.

ისინიც მიჰყვნენ. ძალზე ვიწრო დერეფანი გაიარეს და ფართო დარბაზში შევიდნენ. აქ კადილა თავის კიბანთან იდგა. ტყვეებს რომ შეხედა, შეკრთა.

— როგორ ცვლის ტანსაცმელი ადამიანს, უცბად რომ შემოგხედეთ, ვერც კი გიცანით, ვიფიქრე, ეს ხმელეთის ხალხი აქ საიდან გაჩნდა-მეთქი.

კადილას ახლა წითელი განიერი შარვალი ეცვა. ფეხები ისევ რბილ ფლოსტებში გაეყარა. მხრებზე ხასხასა ლურჯი ჟაკეტი მოესხა. თმის გამრობა უკვე მოესწრო, შავად უბნინავდა. სასუნთქი აპარატის მინის იქით, სიმინდის მარცვლებით ჩაწიკწიკებული მისი თეთრი კბილები ჩანდა.

— ახლა თქვენც ხმელეთის მცხოვრებს ჰგავხართ, — უთხრა ნუგზარმა.

— ვითომ?

— დიახ, ნამდვილად, — ნუგზარის ნათქვამს კვერი დაუკრა ვალერიმ. მერე მანქანას შეხედა.

— კვლავ კიბანი უნდა მოგვემსახუროს?

— როგორც გნებავთ; გინდათ, ფეხით გავიაროთ, გინდათ მანქანით, კიბანი ერთნაირად ეწევა, როგორც წყალში, ასევე ზმელეთზე.

— ეს ღირსება ამ მანქანას კიდევ უფრო ამაღლებს ჩვენს თვალში. — თქვა ნუგზარმა.

— მაგრამ ახლა, მგონი, აჯობებს, უარი ვთქვათ მანქანაზე და ისე გავიაროთ ფეხით ამ ქუჩაზე, როგორც ოდესღაც რუსთაველზე გავგივლია.

ანდრო გაბოშვილმა ღიმილით გადახედა ნუგზარს.

— ასე არ არის, კაპიტანო?

— სწორედ რომ ასეა. ანდრო მართალს ამბობს, ფეხით გავიაროთ.

კადილა წინ წავიდა, შუა გადაჭრა ეს ფართო დარბაზი და საკმაოდ ვიწრო გასასვლელში შევიდნენ. ამ გასასვლელს მწვანე კედლები ჰქონდა. განათება კი ჭერში იყო მოწყობილი.

გათავდა თუ არა ეს დერეფანი, განიერ ქუჩაში გამოვიდნენ. ქუჩას ორივე მხარეს ორი სამსართულიანი სახლების გრძელი რიგი გასდევდა. შენობები ერთმანეთზე უკეთესი, კოპწია და ლამაზი იყო. ვიტალი შლიახოვმა თავი ველარ შეიკავა.

— კადილა, პირდაპირ მოხიბლული ვარ თქვენი არქიტექტორების გემოვნებით. ყოველ შენობაში ამიტის დიდი ნიჭი და სიფაქიზე იგრძნობა. ჯადოსნური სახლები გაქვთ.

— არქიტექტორებს არ ვემდურით. გადავცემ თქვენს აღფრთოვანებას, მათ ეს ძალიან გაუხარდებათ.

— დიდად დამავალებთ.

შენობებს ზემოთ ლურჯი, ხასხასა ცა ჩანდა. ციდან ვიღვრებოდა მზის სხივები.

ნუგზარი შეჩერდა, ყურადღებით შეათვალიერა ქუჩის ორივე მხარე. დიდხანს, დიდხანს ათვალიერებდა. მისი გაოცებული თვალების მოძრაობას კადილა ქურდულად ზვერავდა. მერე გულმა აღარ მოუთმინა, ახლოს მივიდა.

— რაო, ნუგზარ, არ მოგწონს?

ნუგზარმა ქალიშვილს თვალი გაუსწორა.

— მითხარით, ვეთაყვა, ეს ნამდვილი ცაა? ანდა როგორ მოახერხეთ სინამდვილესთან ასე ახლოს მისვლა.

კადილას კისკისი გაისმა.

— გშურთ ჩვენი? ძლივს რაღაც იმიტაცია შევქმენით. თქვენს ქვეყანას ასიათასჯერ უკეთესი ცა ხურავს. თანაც ნამდვილი, მზის სხივების ბარაქით სავსე.

ნუგზარი მას არ უსმენდა, გაოცებული ჭერში იყურებოდა.

— არა. ეს მართლაც დაუჯერებელია. ასე მგონია, რომელიმე კოხტა ქალაქის ქუჩებში დავეხეტები. ასე არაა, ბიჭებო?

— სწორედ რომ ასეა, — თქვა გამოშვილმა, — ბიჭი ხარ და სხვანაირად იფიქრე. ქალაქია, არა?

ვალერის იდაყვი წაკრა. ვალერიმ გახედა და, ჰოო, უთხრა.

— ახლა ამაზე ვფიქრობ, რაოდენ დიდი შრომაა დახარჯული ამ ქალაქის აღორძინებაში. ბარაქალა თქვენ, თქვენს შრომას, ამიტებო!

ისე ხმამაღლა შესძახა ნუგზარმა, რომ ქუჩაში მიმავალი ორი გოგონა შედგა. თვალი შეავლეს ხმელეთურად გამოწყობილ ყმაწვილებს. კადილამ რაღაც უთხრა და კიდევ უფრო მეტი ცნობისმოყვარეობა გამოავლინეს. ბოლოს კი ორთავემ ერთად დაიხედა საათზე და თითქმის სირბილით წავიდნენ.

ქუჩაში ბევრი ამიტი იყო. უმრავლესობას სასუნთქი აპარატი არ ეკეთა. ყველა სადღაც გარბოდა. ერთად შექუჩებული ამიტები თვალითაც არავის დაუნახავს.

მოფუსფუსე ქიანჭველებივით დაქროდნენ, შედიოდნენ შენობებში, გამოდიოდნენ, სწრაფად კვეთავდნენ ხალხით სავსე ქუჩებს. უმრავლესობას მსუბუქად ეცვა, ჩვეულებრივი ამიტური რეითუზი, მაგრამ ზოგჯერ ხმელეთურად გამოწყო-



ბილებიც გამოჩნდებოდნენ, მაშინ ნუგზარს დიდი სურვილი უჩნდებოდა, მისალმებოდა მათ: გამარჯობათ, დებო და მამებო, ალბათ, ახლახანს გვეწვიეთ ამიხოტში. რა ამბებია იქ, ზემოთ, ჩვენთან? თუ არ გეჩქარებათ, ჩამოჯექით და ყველაფერი ჩაგვიკაკლეთ. არ გეჩქარებათ, მაშ, დაბრძანდით...

მაგრამ ეს მხოლოდ ილუზია იყო. კოსტიუმებიანები ზედაც არ უყურებდნენ ამიხოტის ქუჩებში მოხეტიალე ადამიანებს. მოახლოვდებოდნენ, ერთს გაკვირვებით შეავლებდნენ თვალს. თუ კარგად დააკვირდებოდით, მათ გაოცებულ გამოხედვაში მხოლოდ ამას ამოიკითხავდით: ერთი ამათ შეხედეთ, როგორ უსაქმურად დაყიალებენ, ნუთუ საქმე არა აქვთო...

გაივლიდნენ, ისევ მოუხედავდნენ ამ უსაქმურთა ლაშქარს, თავს გადააქნევდნენ და გარბოდნენ.

სულ მალე ეს ტემპი ინსტინქტურად მათაც გადაედოთ. ვალერიმ რომ გაიწია და ათიოდე მეტრით დაწინაურდა, ყველა აპყვა მისი ფეხის ხმას. ვალერი ძალიან ჩქარობდა და კადილა იძულებული გახდა, დაეძახა, მანდ დაგველოდე, პარლამენტის შენობა დავათვალიეროთო.

ვალერიმ ჯერ უკან მოიხედა, მერე შეჩერდა და ხუთიოდე ამიტი იმ წუთში სახეში შეასკდა. ხუთივე აბუზლუნდა, ცხვირ-სახოცები ააფრიალეს და სახის მოწმენდას შეუდგნენ. ვალერი განზე გადგა, ბოდიშით. მისი ნათქვამი რომ ვერ გაიგეს, კიდევ რაღაც ჩაიბუზლუნეს.

— დიდი ბოდიშით, — ისევ უთხრა ვალერიმ. ამ დროს კადილაც მოვიდა და ვალერის ნათქვამი ხელმისაწვდომი გახადა. დაზარალებულთათვის. იმათ გაიღიმეს, თავიც კეთილად დაიქნის და ისევ მოცოცხეს.

ვალერიმ კი ჩაილაპარაკა: — კიდევ კარგი, რომ ამ სიმპათიურ ძიებში არც ერთი ტერორისტი არ აღმოჩნდა, თორემ ამ საგიჟეთში სიამოვნებით გამიბტყელებდა თავსაო.

კადილამ, რასაკვირველია, ყველაფერი გაიგონა და გაიცინა.

— ნუ გეშინია, ვალერი, ტერორისტები არც ასე თავისუფლად დადიან ამიხოტის ქუჩებში.

ვალერიმ კი თქვა: მადლობა ღმერთსაო.

ერთი სიტყვით, ამ პატარა ინციდენტის შემდეგ ზედ ნიაღვრენ პარლამენტს.



ეს იყო სამსართულიანი, ძალზე მომხიბლავი შენობა და მესამე სართული ზღაპრული ბროლის სასახლესავით ბრწყინავდა ლურჯად, მწვანედ და თეთრად.

გაოცებული იდგნენ. შეჰყურებდნენ ამ ულამაზეს ქმნილებას და უკვირდნენ, ნუთუ ამიტოა გამრჯე ხელს შეეძლო ასეთი ჯადოსნური სასახლის წამომართვა.

კადილამ თქვა: ხომ არ წავიდეთო? ნუგზარი შეკრთა.

— განა შეიძლება გულცივად ჩაუაროთ გვერდით ამ სასწაულს? არ ვიცი, ამაზე უკეთეს ადგილას სად უნდა წავიდეთ!

— მოგწონთ?

— მოგწონს! ეს ძალიან ცოტაა, მისხალიც არაა იმისა, რაც შეიძლება ამ სასახლეზე ითქვას. მე არქიტექტურაში ავტორიტეტი არა ვარ, მაგრამ იმდენს კი ვგრძნობ, რა მოხიბლავს ადამიანის თვალს. გულწრფელად უნდა გითხრათ, ასეთი სილამაზე ჯერ არსად მინახავს. ნუთუ აღმოჩნდნენ ისეთი ამიტები, რომლებმაც ამ მშვენიერებას ცეცხლი წაუკიდეს! ეს ბარბაროსობაა.

— დიახ, აღმოჩნდნენ, მაგრამ იღბლად მაშინვე შეიტყვეს ხანძრის შესახებ. დაიწვა მხოლოდ სხდომათა დარბაზის იატაკი და სკამები. შენობა კი ხელუხლებელი დარჩა. ძალიან კარგად იმუშავა სახანძრო დაცვამაც.

ანდრო სულ ახლოს მივიდა კადილასთან. ქალიშვილი მორჩა თუ არა ნუგზართან საუბარს, ანდრომ ხელი პარლამენტის შენობისაკენ გაიშვირა.

— ქალბატონო კადილა...

— დიახ, გისმენთ, ანდრო.

— ერთი ეს მიბრძანეთ, რა მასალისაგანაა აშენებული ეს ბრწყინვალე სასახლე?

— ბროლი გახლავთ, ანდრო. თეთრი და ფერადი ბროლი.

— ბროლი!? — გაიკვირვა გაბოშვილმა.

— დიახ, ბროლი. თქვენთან არ იყენებენ ბროლს, როგორც საშენ მასალას?

ანდრომ მეგობრებს გადახედა.

— ასე გულუხვად ჯერ არა, ისე კი, ვაპირებთ რაღაც-რაღაცების აშენებას. ასე არაა, ამხანაგო ნუგზარ?

ნუგზარმა გაოგნებული მზერა ახლა ანდროს მიაპყრო.

— რა თქვი?

— ჩვენც ვაპირებთ ბროლისაგან რალაცების აშენებას.
ბროლის რამდენიმე შენობა დგას.

— ვიცი, — თქვა კადილამ, — ტელევიზორში მინახავს ეს სასახლე, სიმართლე რომ ვთქვა, ჩვენც ძალიან მოგვწონს. არქიტექტორებმა ჩინებულად გადაწყვიტეს ადგილისა და სივრცის, შენობის განლაგების პრობლემა.

— ბევრი გაქვთ ბროლის სასახლე?

— არა, თქვენი არ იყოს, ამ საქმეშიც ჩვენც ახლა ვიდგამთ ფეხს. ისე კი, ძალიან ლამაზი გამოდის ფერადი ბროლის შენობა.

— უდავოდ, — თქვა ნუგზარმა, ისე რომ, მზერა სასახლისათვის არ მოუშორებია.

ცოტა კიდევ რომ გაიარეს, ანდრომ თქვა: დავიღალეო.
კადილამ ეჭვით გადახედა.

— ასე უცბად?

— მართლაც დავიღალე, ქალბატონო კადილა. ჩვენ, მეზღვაურები, ნაოსნობის დროს საერთოდ ცოტას დავდივართ. გაიჭიმე, გამოიჭიმე, სულ ასი მეტრის სიგრძის გემზე ხარ. აბა, რამდენი უნდა გაიარო? არაფერი... ჰოდა, სიარულსაც გადაჩვევა სცოდნია. რეისის ბოლოს ძლივს დავაბოტებთ. ანდრომ ჰალსტუხი ცოტათი მოუშვა.

ერთხელ რვათვიანი რეისიდან დავბრუნდი. პორტში ღამით შემოვედი. ცოლშვილი შესახვედრად ჩამოსულყო, მაგრამ უთხრეს, ღამით პორტში არ შემოვლენო და დასასვენებლად სასტუმროში წასულიყვნენ.

ღამით მართლაც არ გვეღებოდა პორტი. აქაოდა კარგი ბიჭები ხართო, კარგადაც გიმრომიათო და სისხამზე ჯივრიან შეხვედრასაც მოგიწყობთო.

გავიქაჩეთ, რის შეხვედრა, რა შეხვედრა, ცოლ-შვილის ნახვა გვენატრება-თქო. ჩვენიც გავიტანეთ, ღამით შემოვედი პორტში. გავიგე თუ არა, ჯალაბობა სასტუმროში რომ მელოდებოდა, მაშინვე იქით მოვუსვი. სასტუმრომდე ბარე ორი კილომეტრი იყო. გზის ნახევარიც ვერ გავიარე, ისეთი ქოშინი ამიტყდა, მეგონა, გული ამომივარდებოდა. შემოვბრუნდი და გემამდე ძლივს მივლოდი. ასე დამემართა ახლაც...

ანდრომ ჩაახველა. კადილამ თანაგრძნობით შეხედდა.

— მართლა ასე ხდება?

— ანდრომ ყველას სათქმელი თქვა, მართალი გითხრათ, მეც მსურდა მეთქვა, ცოტა დავიღალე-მეთქი, მაგრამ ვერ გაგიბედე. — თქვა ნუგზარმა.

— კიბანი შორსაა, საქალაქო ტრანსპორტში ჩავსხდეთ, რა განსხვავებაა?

— ჩავსხდეთ, ოღონდ დასაჯდომი ადგილი იყოს და... — დაიქნავლა ვალერიმ.

— მაშ, მომყევით, ჩემო ჯარისკაცებო! წინ, გაჩერებისაკენ!

კადილა ნელა გაშორდა ბროლის სასახლეს და ტყვეებიც გაიყოლა. სწორედ სასახლის ბოლოში შავთეთრი ბოძი რომ იდგა, იქ შეჩერდა. ამ ლამაზ ბოძთან მხოლოდ ისინი აღმოჩნდნენ, მეტი არავინ. ქუჩა კი სავსე იყო ამიტებით. გარბოდნენ, რალაცაზე ჩურჩულებდნენ და მაინც გარბოდნენ, ბროლის სასახლის კიბეებზე აღიოდნენ და მაინც გარბოდნენ... თითქოსდა ამ მიღეთის ხალხს დავიწყებოდა, რომ ასეთ მშვენიერ ქუჩაში შეიძლება გაიარო უფრო წყნარად, გულდამშვიდებით, პატარა, მსუბუქი, მოკლე ნაბიჯებით...

სულ სამიოდე წუთში უზარმაზარი ლურჯი კიბანი მორახრახდა. გაჩერდა თუ არა, კადილამ ნუგზარსა და ვალერის ხელი ჩაავლო.

— აბა, ვიჩქაროთ, — დაიძახა და ქალიშვილისათვის სრულიად შეუფერებელი ძალით სტუმრები მანქანისაკენ გაიტაცა. მანქანა კი ერთი უშნოდ გაწოწიალებული ავტობუსი იყო: ქვემოთ სქელი თუნუქი და ზემოთ მინა. ისე უღიმღამო შთაბეჭდილებას ტოვებდა, იტყოდით, ამიტებს ასეთი რამ როგორ დაემართათ, ამ საცოდაობას ქუჩაში რომ უშვებენო.

ასე ჩანდა გარედან.

შიგ კი კოხტა სავარძლები იდგა. ამ სავარძლებში ყველა ასაკის ამიტი დასკუბებულები და ყოველი მათგანი, დაწყებული სულ პატარა ღლაპიდან თმადათოვლილ პაპამდე, რალაცას ჩალიჩობდა. ზოგი გაზეთს ჩაჰკირკიტებდა, სხვას წიგნი გაეშალა მუხლისთავეებზე, სათვალეს წმენდნენ, საათს ასწორებდნენ, ანდა ძალზე ხმადაბლა, თითქმის ჩურჩულით ერთმანეთს საინტერესო ამბავს უყვებოდნენ.

სულ თავში კი, სადაც ცალკე კაბინაში წამოსკუბებულ მძღოლის ბრგე ბეჭები ჩანდა, სპეციალურად დამზადებულ კათედრალზე მაკაოს ჯიშის დიდი თუთიყუში იჯდა. თუთიყუშს საკმაოდ სევდიანი სახე ჰქონდა და ყველაფერზე ეტყობოდა ვერაფრით ეგუებოდა ცხოვრების იმ ტემპს, ამიტებს რომ დაეწესებინათ. ზანტად გადასწევდა ხოლმე თავს, გვერდულად გახედავდა რომელიმე მგზავრს, ცოტას კიდევ გაივლიდა ხოლმე საპატიო კათედრალის ვიწრო ბაქანზე და შემდეგ ისევ საწყის პოზიციაზე ბრუნდებოდა.

ვალერის ეს ფრიად სერიოზული საზოგადოება მაინცდამაინც დიდ სიამეს ვერ გვრიდა და იმ აჭრელებულ ფრინველთან მაშინვე იპოვა საერთო ენა. ჯერ თვალი ჩაუკრა და ახლოს მიჩოჩდა. მერე თუთიყუშის წინ რომ ცარიელი სავარძელი იყო, იქ გადაბრძანდა და მაშინვე საჩვენებელი თითი გაუწოდა მაკაოს.

მაკაო ჯერ გაიფხორა, თავი გადააბრუნა და ისე შეხედა უცხო კაცს, აქაოდა ეს რა ჩიტი მოფრენილაო. ბოლოს დარწმუნდა, ვალერი ჩიტი რომ არ იყო და ერთი ისეთი დაიჩხავლა, ავტობუსის ბოლოში პუტკუნა ბერიკაცი რომ იჯდა და გაშლილ გაზეთში თვლემდა, შეხტა და გაზეთიც ხელიდან გაუვარდა. თუთიყუში კი ამასობაში ვალერის თითზე დიდის ამბით გადმობრძანდა და სამყაროს ახლა ამ კათედრალიდან გადახედა.

ის ბერიკაცი უკვე აღარ თვლემდა. გაზეთი მუხლისთავეებზე დაედო, თვალები სასაცილოდ დაეკუსა და რაღაც უცნაური ღიმილით შეჰყურებდა ვალერისაც და ნოხივით აჭრელებულ იმ ფრინველსაც.

ნუგზარი კადილას გვერდით იჯდა და ახლა მკლავზე შეეხო.

— გამაგებინეთ, ვეთაყვა, საიდან მოხვდა ამ გარემოში ეს საცოდავი თუთიყუში. მისი სტიქია ხომ მარადმწვანე მშრალი ტყეებია.

— მოხვდა. განა მარტო თქვენ გაქვთ უფლება დატკბეთ ხმელეთის მადლითა და ბარაქით. ჩვენც ვახერხებთ ხოლმე, ცოტა რამ წაგტაცოთ. დროდადრო ადამიანები ხომ იჭრებით ოკეანის სამყაროში, ამიტებიც აწყობენ ხოლმე ხმელეთის შეგრძნობის ცდებს.

— მითხარით უფრო გარკვევით, პირდაპირ. ქირს ამ ქარაგმებიდან ნათელი აზრის გამოტანა. კადილამ გაიცინა.

— ნუთუ გაუგებრად ვლაპარაკობ? ზოგჯერ ამიტი ბიჭებიც შეიპარებიან ხოლმე ხმელეთის სავანეებში. ისინი აგროვებენ მცენარეთა ნიმუშებს, იჭერენ ფრინველებსა და ცხოველებს, მოჰყავთ აქ. აქ კი მათ შეძლებისდაგვარად ცხოვრების პირობებსაც ვუქმნით. ასე გაჩნდა ამ ავტობუსში ეს თუთიყუშიც. მძღოლებს რატომღაც უყვართ ფრინველები. იშვიათია ავტობუსი, რაიმე ჩიტი არ ნახოთ.

ჩვენს მძღოლს კარგი თუთიყუში შეუტრჩევია.

— რაც მოგწონს, ის რომ აირჩიო, ჯერ აქამდე არ მივსულვართ. ფრინველი ისე ცოტა გვეყავს, მძღოლი რასაც წააწყდება, იმას იტაცებს, ხომ ხედავთ! თევზის სამყაროში ვცხოვრობთ!

ამასობაში ვალერის მოესწრო, მოწყენილ მგზავრთა ყურადღების ცენტრში რომ მოხვედრილიყო, გაფხორილ მაკაოს ისეთ ტრიუკებს აკეთებინებდა, ხან თავი ჰქონდა ზევით და ხან კიდევ ფაფუკი ბუმბულის ბოლო. თუთიყუშს მოსწონდა ახალი გარემო და ვალერის ყველა სურვილს სიამოვნებით ასრულებდა. ამიტებმა ერთმანეთზე მიყოლებით გვერდზე გადადეს გაზეთები და წიგნები. ზოგმა სათვალის ზემოდან, ზოგმა კიდევ ისე, უსათვალოდ გამოიჭყიტა.

ის ბერიკაცი, სულ ბოლოში რომ იჯდა, სავარძლიდან ძლივს წამოდგა. გაზეთი აღარც კი მოუძებნია, რაღაც ჩაილაპარაკა და კიბე ყოჩაღად ჩაირბინა.

როგორც ჩანს, თუთიყუშს არ მოეწონა ეკიპაჟის ერთი კაცით შემცირება. ჯერ ვალერის შეხედა და რაღაც ჩასჩხავლა, მერე სავარძლის საზურგეზე გადასკუბდა, გრძელი ჩამოგრეხილი ნისკარტი კარისაკენ გაიშვირა და ისეთი ჩხავილი ატეხა, ნურას უჟაცრავად, ბაყაყების სასულე ორკესტრიც კი უკეთეს საქმეს ვერ იზამდა.

ადამიანთა ცხვირწინ მგზავრთა განწყობა ერთბაშად შეიცვალა. ერთმა ამიტმა საკმაოდ ხმამაღლა რაღაც თქვა, უფრო გვიან დადგინდა, რომ სხვებსაც სცოდნოდათ ლაპარაკი და მათაც საჭიროდ ჩათვალეს, რაღაც ეთქვათ. ბოლოს ამ ავტობუს-

სის იწილო-ბიწილოში კადილაც ჩაერია და ორიოდ სიტყვა
თქვა.

მაშინვე ყველა გაისუდრა. მთელი ყურადღება ახლა ვალე-
რიდან დანარჩენ ტყვეებზე გადავიდა. ვალერიმ ისარგებლა
ამ შესანიშნავი მომენტით და გაფოფრილი თუთიყუში ისევ
თავის კათედრაზე შემოსვა. მაკაოს მაინცდამაინც დიდი აღ-
ფრთოვანება არ გამოუხატავს მდგომარეობის ასე შემობრუ-
ნებით, ის კი არა, სცადა, ისევ ვალერის საჩვენებელ თითზე
გადაბრძანებულიყო, მაგრამ ბასილაია უფრო სხვა რამეს ფიქ-
რობდა და მაკაოც შეეგუა თავის მდგომარეობას.

ავტობუსი ახლა იმ დარბაზს დაემგვანა, სადაც ჟურნალის-
ტები ჩვეულებრივ პრეს-კონფერენციას ატარებენ. გაჩნდა
შრიალა ბლოკნოტები, წითელი, შავი, თეთრი და ლურჯი ფან-
ქრები. წამოვიდა კითხვების ნიაღვარი.

კადილა მშვიდად უპასუხებდა ყველას. ამიტები მაინც არ
ცხრებოდნენ, ახალ-ახალ კითხვებს იძლეოდნენ.

ნუგზარს უკვირდა, ეს დროს გამოკიდებული ხალხი რო-
გორ შეიცვალა თვალის დახამხამებაში. ეს ხალხი ახლა სრუ-
ლებითაც არ ჰგავდა წელანდელ მოფუსფუსე ამიტებს.

კადილა ნუგზარს მიუბრუნდა.

— ისინი თხოულობენ, თქვით რამდენიმე სიტყვა თქვენს
ენაზე. ძალიან აინტერესებთ, როგორ ლაპარაკობთ, რას ჭამთ და
საერთოდ თუ იძინებთ?

ნუგზარმა გაიცინა.

— გადაეცით ჩვენს ახალ მეგობრებს, იქ, ჩემს სამშობლო-
ში, კარგი მადა გვაქვს და სიამოვნებით შევექცევით ხბოს
მწვადებსა და შემწვარ წიწილებს. გვძინავს ისევე, როგორც
მათ, თბილ საწოლში.

კადილამ უთარგმნა და შეკითხვების ახალი ნიაღვარი წა-
მოვიდა. ვალერიმ თქვა: თავს ვუშველოთ, თორემ ამ მიღების
ხალხს რა მოუვლისო.

კადილაც დაეთანხმა და როგორც კი ავტობუსი განიერ
ქუჩაში დადგა, მაშინვე გასასვლელს მიაწყდნენ. ჩავიდნენ თუ
არა, ის მანქანა ისევ დაიძრა და ფანჯარაზე მოწებებული ზეე-
რი ცნობისმოყვარის გამოხედვა გაიყოლა.

ამ ფართო ქუჩაში რომ ჩამოვიდნენ და ცოტა სულიც

მოითქვეს, კადილამ თქვა: დოქტორ კილას კლინიკაში
ვართო.



ნუგზარმა გაიხედა, გამოიხედა, მაგრამ ისეთი შენობა ვერ-
სად შენიშნა, რომ კლინიკა გეწოდებინათ. კადილა კი იდგა და
მათგან სულ ასიოდე მეტრის დაშორებით მდგარ ერთ დაბალ
შენობას მისჩერებოდა.

შენობა მომწვანო გრანიტისა იყო. მძიმედ, ტლანქად
იდგა პატარა სკვერს უკან. თუმცა მკვეთრად გამოკვეთილი
სართულები არ ჰქონდა, მაგრამ სულ ორსართულიანი თუ იქ-
ნებოდა. თავისი არქიტექტურული გადაწყვეტით ისეთ ვან-
წყობილებას ქმნიდა, თითქოსდა ეს სახლი ამ კოხტა სკვერის
წინ ძველთაძველი ციხე-კოშკის იმიტაციისათვის წამოეჭიმოთ.
ამიტომ, როცა კადილა ამ შენობისაკენ წავიდა, ნუგზარს
ძლიერ გაუკვირდა და იკითხა: სად მივდივართო?

— რადგანაც ბედმა აქ მოგვაგდო, მივიდეთ კილას კლი-
ნიკაში, ვნახოთ, იქნებ ჩვენთვის ცოტაოდენი დროც გამოძებ-
ნოს, თავაზიანი კაცია დოქტორი.

— ეს კლინიკაა?

კადილამ გაოცებით გადახედა.

— დიახ, კლინიკა გახლავთ.

— ამიტ არქიტექტორებს არ ეპატიებათ, ეს შენობა უფრო
ისტორიული მუზეუმისათვისაა აშენებული და არა კლინიკი-
სათვის. კლინიკას უფრო მეტად ნათელი ოთახები მოუხდებოდა.

კადილამ ისე გულიანად გაიცინა, სასუნთქმა აპარატმა
ცახცახი დაიწყო.

— თქვენ ჯერ კიდევ იქა ხართ, ნუგზარ. იქ, ზემოთ, მზის
სამყაროში. განა ჩვენთვის მნიშვნელობა აქვს იმას, ფართო
ფანჯრები ჰქონდეს შენობას. მთავარია, კარგად მოეწყოს
ოთახის განათება. გარედან უუქი შევა თუ არა, ეს თითქმის
არაფერს ნიშნავს. აი, შევალთ კლინიკაში და თავად ნახავთ,
საჭიროა თუ არა ეს მძიმე კედლები.

— ალბათ თქვენ მართალი ბრძანდებით, როგორც ჩანს,
ამიტი არქიტექტორები ამ შენობის დაპროექტებისას უფრო
პრაქტიკოსები იყვნენ, ვინემ რომანტიკოსები.

— შესაძლოა. არის ხოლმე მომენტი, როცა მთავარი ხდე-
ბა მშრალი პრაქტიკა და არა ჰარმონია. თუმცა ამ შენობის

შემოქმედთ მთლად ცივი გონებით მუშაობას ვერ დავწამებთ.
ცოტა პოეტურობაც უნდა იყოს ჩაქსოვილი.

შენობის აქეთა მხარე წყლის ამიტებისთვისაა დაპროექტებული, იქითა კიდეც — გახმელეთებულთათვის.

ახლა კი მოვსინჯოთ, დოქტორ კილას შეუძლია თუ არა გვიმასპინძლოს. დოქტორ კილას არ ეცალა და თითქმის მთელ თხუთმეტი წუთი ელოდნენ დიდ დარბაზში.

მერე ვილაც შუახნის კაცი მოვიდა. გახმელეთებულის ამიტი იყო. ძალიან შავი ხალათი ეცვა და თავზეც შავი ჩაჩი ეხურა. დოქტორი კილა ეგონათ, მაგრამ მისი ასისტენტი აღმოჩნდა. დოქტორი დაკავებულაო, თქვა მან და მასპინძლობა ითავა.

იმ განიერი დარბაზიდან დერეფანში გავიდნენ. არც ეს დერეფანი გახლდათ მაინცდამაინც ვიწრო, ოთხი კაცი თავისუფლად მიაბიჯებდა მინის კედლებიან დერეფანში. მინის იქით კი უზარმაზარი აკვარიუმები ჩანდა. ნუგზარი მიხვდა, რომ ეს აკვარიუმები წყლის ამიტებისათვის განკუთვნილი პალატები იყო.

— შეიძლება, შიგ შევიხედოთ? — ჰკითხა მან კადილას.

— ვერაფერს დაინახავთ. მინა იმ პრინციპზეა ჩამოსხმული, ავადმყოფს საშუალება აქვს გამოიხედოს დერეფანში, დერეფნიდან კი არაფერი ჩანს.

შიგნიდან შენობა ორ სართულად იყო გაყოფილი. დერეფნის ბოლოდან მეორე სართულისაკენ ყვითელი მარმარილოს საფეხურები ადიოდა. ამ კიბეებს რომ აუყვნენ, ის ასისტენტი და კადილა ერთხანს რაღაცაზე ლაპარაკობდნენ. მერე კადილა ნუგზარს მიუბრუნდა:

- დოქტორი კილა ერთ საათში მოიცლის.
- ხომ არსად გვაგვიანდება? — ჰკითხა ნუგზარმა.
- არა, სად უნდა დაგვაგვიანდეს?
- ჰოდა, მაშ მოვიცადოთ. მანამდე, თუ შეიძლება რომელიმე საოპერაციო და ერთი პალატაც ვნახოთ.

კადილამ ნუგზარის სურვილები ასისტენტს გადასცა. იმან კიდეც რაღაც თქვა და თავიც ღირსეულად დაიქნია.

ვალერი ამ დროს იატაკს აკვირდებოდა. იატაკი წითელი მარმარილოსი გახლდათ. წითელ ფონს ზოგან ბაცი მოყვითა-

ლო ხაზებიც გასდევდა. ამ ხაზების პარალელურად კვდიდებოდა და შავი წერტილები ჩანდა.

— ზღაპრული სილამაზის მარმარილოა, — ჩაილაპარაკა ვალერიმ.

ასისტენტი მიხვდა, რომ ვალერის ქათინაური კლინიკის იატაკს შეეხებოდა და კადილას რაღაც უთხრა, კადილა ვალერის მოუბრუნდა:

— ეს მარმარილო ხელოვნურია. ბუნებრივიც ბევრი გვაქვს, თავზესაყრელად, მაგრამ ზოგჯერ ხელოვნურად შექმნილი ნაყშები უფრო ეხამება შენობის ანსამბლს, ასეთ შემთხვევაში ხელოვნურს ვიყენებთ.

— დიდი გემოვნებითაა დამზადებული.

— შეიძლება, — სანახევროდ დაეთანხმა კადილა.

ისინი შუა დერეფანში შეჩერდნენ. ასისტენტმა მარჯვენა კარი შეაღო და გრძელ დერეფანში შეაბიჯეს.

კადილა აღარ დაელოდა მასპინძლის ახსნა-განმარტებას, თვითონვე ითავა ექსკურსიამძღოლობა.

— ჩვენს ქვემოთ წყლის ამიტების პალატებია, — დაიწყო მან, — ყოველ პალატას თავისი ლიფტი აქვს. აი, მარჯვნივ რომ შესასვლელებია, სწორედ აქედან შედიან ლიფტში. ლიფტი საკმაოდ განიერია, თავისუფლად შედის ჩვეულებრივი ჯალამბარი. ასე რომ, გათვალისწინებულია მძიმე ავადმყოფებიც.

სამწუხაროდ, თქვენ საცურაო კოსტიუმები არ გაცვიათ, თორემ შეგვეძლო წყლის ამიტთა პალატაშიც შეგვეხედა. თუ ისურვებთ, შეგვიძლია კოსტიუმებიც ვიშოვოთ.

— არა, საჭირო არაა, — თქვა ნუგზარმა და იმ წუთში ვალერის გაოცებული მხერაც დაიჭირა.

— თითოეულ პალატას თავისი საკუთარი წყლის საკევი აქვს. ეს იმიტომ, რომ წყლის საშუალებით ინფექციამ არ იმოგზაუროს ავადმყოფთა შორის.

ამ დროს საუბარში ასისტენტიც ჩაერია. როცა მან თავისი მოკლე სიტყვა დაამთავრა, კადილამ კვლავ განაგრძო: ექიმი ამბობს, რომ კლინიკას აქვს მკურნალობის თავისი მეთოდი. კერძოდ, პალატაში შესულ წყალს ისეთ პრეპარატებს ურევინებოლმე, რომლებიც აუცილებელია ავადმყოფისათვის.



ეს მეთოდი კარგად დაამუშავა დოქტორმა კილამ და იყენებენ აგრეთვე ხმელეთის ამიტებზეც. ამ შემთხვევაში, კვირველია, მეკავშირე მკურნალსა და პაციენტს შორის წყლის ნაცვლად ჰაერია.

კილა ჰაერში უშვებს სამკურნალო ნივთიერებებს, ავადმყოფი იკურნება დამუშავებული ჰაერით.

— წამლების მიწოდება სუნთქვის ორგანოებით შესანიშნავი მიღწევაა, — თქვა ნუგზარმა.

— დიახ, მკურნალობა მიმდინარეობს შერეულად — წამლებითაც და ჰაერითაც. ეს მეთოდი შესანიშნავ შედეგს იძლევა.

— სამკურნალო წამლების ქანგბადში შეშვების მეთოდი დოქტორმა კილამ დაამუშავა? — იკითხა ვალერიმ.

— არა, ამ მეთოდს სწავლობდნენ ადრეც, თუმცა წარმატებას ვერ მიაღწიეს.

— საიდან გაჩნდა ეს იდეა?

— ამიტები დიდი ხანია წყალს იყენებენ ავადმყოფისათვის წამლების მიწოდების საშუალებად. ალბათ, ამან მისცა საფუძველი ექიმებს, ჰაერისათვისაც დაეკისრებინათ ასეთი უცნაური კატალიზატორის ფუნქცია. ჰაერმა კარგად შეასრულა ეს ფუნქცია. კიდევ გაქვთ შეკითხვა?

— მეტი არა, ყველაფერი ნათელია.

— მაშინ ხმელეთის ამიტთა პალატას ვესტუმროთ.

ისევ დერეფანში დაბრუნდნენ და აქედან იმავე დერეფნით შენობის უკანა ნაწილში მოხვდნენ.

აქ სამკურნალო ოთახები უფრო სხვანაირად იყო განლაგებული. დერეფნის ორივე მხარეს, მარჯვნივ და მარცხნივ, ჩანდა ვიწრო შესასვლელები, რომლებიც ალბათ დერეფანს პალატებთან აკავშირებდა. ჰერიდან ეცემოდა იისფერი დამამშვიდებელი შუქი და იდგა განსაკუთრებული სიჩუმე.

ერთ-ერთ შესასვლელს რომ მიუახლოვდნენ, ასისტენტმა კადილას რაღაც ანიშნა.

კადილამ განმარტა:

— იქ მომაკვდავი წევს, ჰირსუფლები ეთხოვებიან.

— ასე ჩუმად, უხმაუროდ? — იკითხა ვალერიმ.

— ამიტები მიცვალებულს არ სტირიან. ყველა ამიტა

კარგად იცის, წუთისოფლის სტუმარი რომ არის. ადრე გვიან, გარდაიცვლება.

— მერე შეეგუენ ამას?

— რა თქმა უნდა. ნუ გაიკვირვებთ და, ჩვენ მიცვალე-ბულს არ ვასაფლავებთ, სასაფლაოები საერთოდ არა გვაქვს ეს მხოლოდ სენტიმენტალობაა და მეტი არაფერი. რა საჭიროა ზარი და ტირილი, უზარმაზარი ძეგლები. მოკვდა კაცი. ღმერთმა შეუნდოს... დაფერფლე და ფერფლი წყალს გაატანე. მორჩა და გათავდა. ესაა ამიტური წესი და, მგონი, მეტად პრაქტიკულიც.

მეორე პალატასთან რომ მივიდნენ, ასისტენტი ვიწრო შესასვლელში შევიდა, კადილაც მიჰყვა და სხვებიც.

ვიწრო შესასვლელის მარცხნივ და მარჯვნივ, ორივე მხარეს, კარი ჩანდა. მასპინძელმა მარცხენა კარი შეაღო და მოზრდილ ოთახში აღმოჩნდნენ.

— ოთახში ოთხი საწოლი იდგა და ოთხივეზე თხუთმეტ-თექვსმეტი წლის გოგონები იწვნენ. მათ გულმკერდის არე და ყელი ბანდებით ჰქონდათ შეხვეული. თავი რაღაც უცნაურ კალაპოტზე ედოთ და მშვიდი მზერა ჰქერისათვის მიეპყროთ.

სტუმრები რომ შევიდნენ, გოგონებმა ერთი გამოხედეს და თითქოსდა არც არავინ დაენახოთ, მზერა ისევ ჰქერს მიაპყრეს.

ასისტენტმა ყველას ჩამოუარა, რაღაც ჰკითხა. გოგონებო ხმას არ იღებდნენ, მხოლოდ თავის დაქნევით უპასუხებდნენ. მერე მასპინძელი კედელში ჩადგმულ თეთრ ონკანთან მივიდა. ხელი შეახო. ხელი კი შეახო, მაგრამ მოუშვა თუ დაკეტა. ეს კი ვერ გაიგეს სტუმრებმა.

ასისტენტი ონკანს მოშორდა, ოთახიდან გავიდა და სხვებიც გაიყოლა.

— იგრძენი, როგორი სასიამოვნო სუნია იდგა? — ჰკითხა ვალერის ვიტალიმ.

— ვიგრძენი, რასაკვირველია, ცოტა კიდევ რომ შეეყოვნებულეყავით, ალბათ დამეძინებოდა კიდევ, ისეთი მათრობელა ჰაერი იდგა.

— ჰაერი სამკურნალო წამლებით იყო გაჟღენთილი. ჩვენ უფლებაც კი არ გვქონდა სპეციალური კარანტინის გარეშე იქ

შევსულიყავით. ერთხელ დაარღვიეს წესი ამ კლინიკაში, ისიც თქვენს გამო.

ნუგზარმა ასისტენტს ღიმილით გადახედა.

— უღრმესი მადლობა გადაეცით, ასეთი დიდი პატივით რომ დაგვდეს.

— ერთი ეს მიბრძანეთ, ის გოგონები, გუგულებივით რომ იწვნენ პალატაში, გახმელეთების მოსურნენი ხომ არ იყვნენ? — ჰკითხა ვალერიმ კადილას.

— დიახ, მათ გუშინ დოქტორმა კილამ გაუკეთა ფილტვების ფუნქციონირება.

— და დღეს ასე კარგად არიან?

— არც ისე კარგად, როგორც თქვენ გგონიათ. დრო და დრო ნარკოზსაც აძლევენ. ექიმმა რომ ონკანი მოუშვა, ჰაერში ისეთი ნივთიერებანი შეიყვანა, რაც ანელებს ტკივილების შეგრძნებას. საერთოდ, ასეთი ოპერაციის შემდეგ პაციენტს სამი დღე აუტანელი ტკივილები აწუხებს. ტკივილებს ნარკოზით უყუჩებენ.

— და მიუხედავად ასეთი მტკივნეული ოპერაციისა, მსურველები მაინც არიან.

— მსურველები ძალიან ბევრია, განსაკუთრებით ახალგაზრდობა. დადგინდა ისიც, რომ ამიტი 16-17 წლის ასაკამდე უფრო კარგად იტანს ამ ოპერაციას. ამიტომ პაციენტებიც ძირითადად ბავშვები და ახალგაზრდობაა.

ცოტა კიდევ გაიარეს. მასპინძელი ერთ ფართო და გაჩახახახებულ ოთახში შეუძღვათ. ოთახის შუაგულში, ზუსტად ცენტრალური ჭალის ქვეშ, დიდი, ჩუქურთმებიანი მაგიდა იდგა. ზედ არაფერი იდო. დარბაზის ერთი კედლის გასწვრივ რბილი სავარძლები ჯარისკაცებივით ჩაერიგებინათ. დარბაზში შევიდნენ თუ არა, ასისტენტი იმ კედელთან მივიდა და სავარძლები ერთი ხელის წამოკვრით პირდაპირ მაგიდისაკენ წამოაფრინა. თანაც ისე ოსტატურად აკეთებდა, ეს რბილი საჯდომები ზედ მაგიდასთან კარგავდნენ სიჩქარეს და კოხტად ლაგდებოდნენ.

სანამ მასპინძელი რაღაც ახსნა-განმარტებას აძლევდა კადილას, ვალერიმ ერთი სავარძელი აირჩია, შიგ ჩაჯდა და ორნამენტების საგულდაგულოდ თვალიერებას შეუდგა. რამდენ-



ნიმე წუთის შედეგ კადილაც რომ მის გვერდით მოთავსდეს
ჰკითხა, რატომ აირჩია ამ ორნამენტების ავტორმა თქმად ხე-
ლეთის სამყარო?

კადილა ჯერ მასიურ მაგიდას დააკვირდა, მერე ვალერის
გადახედა და უთხრა: მართალი გითხრათ, დღეს პირველად ვამჩ-
ნევ ამ ორნამენტებს, თუმცა კვირაში ერთხელ მაინც მიწევს
აქ მოსვლა.

— როგორ კვირაში ერთხელ! აქაც ხომ არ მსახურობთ?

— არა, მაგრამ მეორე პროფესიას ვიძენ. ამიტებს აქვთ
ასეთი გატაცება. ზოგს სამი და ოთხი პროფესიაც კი აქვს.

ვალერიმ გაიცინა.

ამ დროს დარბაზში მალალი, გამხდარი, საკმაოდ მოხდე-
ნილი მამაკაცი შემოვიდა.

გრძელი თმა უკვე შევერცხლოდა. კოხტად შეკერილი ყა-
ვისფერი კოსტიუმი ეცვა. ხმელეთლებს ძალზე გაუკვირდათ,
კილას პირზე სასუნთქი აპარატი რომ ჰქონდა დამაგრებული.
აპარატი ძალზე პატარა იყო, სათვალისოდენა. ამ თავისებურ
„სათვალეს“ იქით ამ ცოტა მოწყენილ დოქტორს თეთრი, ქათ-
ქათა კბილები მოუჩანდა.

კილამ ორივე ხელი გაშალა და ხმადბლა რაღაც თქვა. ეს
ხმა ძალზე ნალვლიანად და მელანქოლიურად გაისმა უზარმაზარ
დარბაზში.

— იგი გესალმებათ და ბედნიერად თვლის თავს, რომ თა-
ვის კლინიკაში გხედავთ, დაბრძანდით! — თარგმნა კილას სიტ-
ყვები კადილამ.

სტუმრები დასხდნენ. კილაც ჩამოჯდა და სტუმრებს მომ-
წვანო, ძალზე მეტყველი თვალები მიაპყრო.

— შეიძლება თუ არა ბატონ კილას ვკითხოთ, რატომ დარ-
ჩა თვითონ ამიტად, როცა მისმა დანამ ბევრი ამიტი ხმელე-
თის ადამიანად აქცია? — მორიდებით იკითხა ნუგზარმა.

კილამ გაიღიმა. ლაპარაკი დაიწყო და კადილამაც თარგმნა.

— მე ამ მხრივ კონსერვატორი გახლავართ. მინდა მოწა-
ვალ თაობას ჰქონდეს ხმელეთური ცხოვრების საშუალება, მე
კი გადავწყვიტე, ისევე ვიცხოვრო, როგორც მამა-პაპანი
ცხოვრობდნენ. ჩვენ ახლა ვაუმჯობესებთ სასუნთქ აპარატს
და ალბათ მივალწევთ კიდევ, რომ აპარატი მინიატურული

გავხადოთ. ამის ნიმუში ჩემი სასუნთქი აპარატია. სულ ალთახალია, პატივი დამდეს, პირველი ნიმუში მაჩუქეს.

ვალერიმ დაკვირვებით შეხედა აპარატს.

— ჩვენ მაგ აპარატის დიდი არაფერი გავვეგება, მაგრამ თუ იმ დიდი დანიშნულების მიხედვით ვიმსჯელებთ, რისთვისაც ის კონსტრუქტორებმა შექმნეს, მართლაც ჩინებული ჩანს.

ალბათ ძალზე გამსუბუქებთ იმ დიდ შრომას, რასაც ამ დიდებული კლინიკის ხელმძღვანელობა მოითხოვს.

ესეც რომ უთარგმნა კადილამ, კილას თვალები აუციმციმდა, თავი დაიქნია და მორცხვად რაღაც თქვა. თუ რა თქვა. ეს აღარ უთარგმნია კადილას. ალბათ საჭიროდ აღარ ჩათვალა. აღარც ხმელეთელები ჩასციებიან.

ნუგზარმა ახალი შეკითხვა მისცა: ბევრი პაციენტი თუ ჰყავსო კლინიკას.

დოქტორი კილა საცოდავად მოიბუზა, თვალები მოწყურა და ძალზე სევდიანი, დაღლილი ხმით რაღაც თქვა.

კადილამ თარგმნა:

— კლინიკას საკმაოდ ბევრი პაციენტი ჰყავს. ისეთები კი, რომელთაც ფილტვების ფუნქციონირება სურთ, ამჟამად ორასამდეა.

— შეგვიძლია თუ არა ვიფიქროთ, რომ ამიტებს ბოლოს და ბოლოს „გახმელეთება“ სურთ?

— დიახ, ამის მსურველი ბევრია, რადგანაც ახლა ჩვენთან კარგი პირობებია ხმელეთურ-ოკეანური ცხოვრებისა. ესე იგი, ისეთი ცხოვრებისა, ხმელეთის სიამესაც რომ იგრძნობ და ოკეანის დიდებასაც. ჩვენ ვისწრაფით თქვენკენ, თქვენ კი— ჩვენკენ. შეხვედრის ადგილი ალბათ ოკეანის თხელი სიღრმეები იქნება.

— ვინ იცის, იქნებ ხმელეთზე შევხვდეთ ერთმანეთს. ახლა ალბათ საშუალება გაქვთ, ხმელეთზე შექმნათ ამიტების დიდი კოლონია?

— არა, ამიტები ჯერჯერობით არ არიან აკლიმატიზებული ხმელეთური ცხოვრებისათვის. ამ საქმეს ფიზიკური მომზადების გრძელი პროცესი სჭირდება. გაცილებით ადვილია, შეეგუო დიდ წნევას, ვინემ დიდი წნევისაგან განთავისუფლდე.



ამის გარდა, დარწმუნებული ვართ, მზის სხივები ამიტომ უკვე ძლიერ იმოქმედებს. ჯერჯერობით ოკეანის ფსკერზეც კი გვიჭირს ხმელეთური ცხოვრება.

— ალბათ, ძალზე ძნელია ფილტვების ფუნქციონირება.

— ეს დაკავშირებულია მძიმე ქირურგიულ ოპერაციასთან. ვიტყვოდი, რომ ეს ოპერაცია ჩვენ ახლა კარგად ავითვისეთ. ადრე ოპერაციის დროს იყო მსხვერპლი. ახლა არაფერ კვდება.

— ესე იგი, ოპერაცია გაიოლებულია;

— დიახ, ეს ასეა, მაგრამ ოპერაციისათვის ვარჩევთ ფიზიკურად ძლიერ ადამიანებს, სუსტები ოპერაციის დროს, ან აკლიმატიზაციის პერიოდში იღუპებიან.

ნუგზარმა კადილას შეხედა, კადილამ მისი მზერა დაიჭირა, გაიღიმა და თქვა:

— მე, დოქტორ კილასი არ იყოს, გამოუსწორებელი კონსერვატორი გახლავართ.

კილამ ერთხელ კიდევ ჩაათვალიერა სტუმრები და მერე ნაღვლიანი მზერა თავის ასისტენტს მიაპყრო.

კადილა წამოდგა, აუდიენცია დამთავრებულიაო.

— დოქტორი კმაყოფილია ამ სასიამოვნო შეხვედრით. თუ საშუალება გვექნება, შემდეგაც შეგვიძლია ვისარგებლოთ მისი კლინიკის გულითადი მასპინძლობით.

— დიდ მადლობას ვუხდით ასეთი გულთბილი მიღებისათვის. სამწუხაროა, რომ ასე მოულოდნელად შემოგვეჭერთ და ამდენი დრო დავაკარგვინეთ, — თქვა ნუგზარმა.

— არა უშავს, თქვენთან საუბარი მასაც აინტერესებდა.

დოქტორი კილა დარბაზში დარჩა. ასისტენტმა კი გასასვლელამდე გამოაცილა სტუმრები და უკან მხოლოდ ცენტრალურ კართან შებრუნდა.

გამოვიდნენ თუ არა ქუჩაში, კადილამ ნუგზარს ჰკითხა: ისევ ის აზრი თუ დაგრჩა ამ შენობაზეო?

ნუგზარი თვითონ აპირებდა ამ თემაზე საუბრის განახლებას.

— ჩემი აზრი ნაადრევი იყო დოქტორ კილას კლინიკაზე. ამიტომ არქიტექტორები ამ შენობის გადაწყვეტაშიც დიდი შემოქმედნი არიან. დიდებულად ახერხებენ პრაქტიკის შერწყმას სინამდვილესთან.



— მსიამოვნებს თქვენი ეს აღფრთოვანება. მით როცა კლინიკის არქიტექტორი ჩემი ძმა მადინი გახლავთ.

— მადინი?

— დიახ, მადინი.

— კი მაგრამ, როგორც ვიცი, ის სხვა პროფესიის კაცია?

— დიახ, მაგრამ... ხომ გითხარით, ჩვენთან განათლებულ ამიტს რამდენიმე პროფესია აქვს-მეთქი.

მერე კადილამ თქვა, რესტორანში შევიდეთო, გაიკვირვეს. ვალერიმ კი იფიქრა, ამ ოხერმა ყურმა ხომ არ მომატყუაო.

— მართლა რესტორანში ვისადილებთ?

— რასაკვირველია, რატომ გაიოცეთ?

— როცა წარმოვიდგენ, თუ სად ვიმყოფებით, ვეღარ ვეგუები ნაღდ ხმელეთურ გამოთქმებს.

— ძვირფასო, რესტორნის აშენებას რა უნდა! თანაც ეს ისეთი დაწესებულებაა, რომელიც ერთნაირად სჭირდება ადამიანსაც და ამიტსაც. კუჭი ყველას გვაქვს.

ვალერიმ გაიცინა.

— მესმის, ქალბატონო კადილა, მაგრამ სიტყვა რესტორანი ყურს ეხამუშება.

— არა უშავს, შეეგუებით. აბა, წავიდეთ.

ქუჩა გადაჭრეს.

არც რესტორანი ყოფილა შორს. ერთი მხიარული შენობა გახლდათ. სრულებითაც არ ჰგავდა მოწყენილსა და დამძიმებულ კილას კლინიკას.

შესასვლელსა და კედლებზე მუქრეკლამების ნამდვილი ნიაღვარი იყო. მწვანე, ყვითელი, ლურჯი, თეთრი შუქის ნიაღვარში კედლებზე დაცოცავდნენ ათობით ლანგუსტი და კრევეტი, ომარი და წყლის კუ, ბარაკუდა და ზვიგენი, ვეშაბი და კიდევ ათიათასი სხვა ფრიად საპატივცემულო ჯენტლმენი, რომელთა ხილვა მხოლოდ და მხოლოდ ოკეანეში შეიძლება.

ფერებისა და ცხოველების ეს უწყვეტი ჭიდილი საამო განწყობას ქმნიდა, სულს ამშვიდებდა და იმ დაწესებულებისაკენ გეძახდა, სადაც თავს უფლებას აძლევ, წუთით დაივიწყო ყველა ტკივილი.

რესტორანში ისეთი სიჩუმე იდგა, იფიქრებდით, შეცდომით ისევ დოქტორ კილას სტუმარი ვართო. უშველებელ დარ-



ბაზში მაგიდები ფერადი მინის კედლებთან და შუა დარბაზში იდგა. გასასვლელებთან და ვიწრო ბილიკების გასწვრივ

ხალხიც ბლომად ისხდა, რამდენიმე მაგიდა ელოდა ახალ მუშტარს.

შევიდნენ თუ არა, ოფიციალტი ზედ კარიდან ფინიასავით აეკიდათ. მაგიდაც თვითონ შეარჩია და მერე ხუთი სკამი რიგ-რიგობით გამოალაგა, საჯდომზე ჭრელი ნაჭერი გადაუსვა და მერე რაღაც თქვა ამიტურად. მიხვდნენ, რომ დაჯდომას თხოვდა.

ჩამოსხდნენ თუ არა, იმ მოხერხებულმა კაცმა მაგიდაზე მენიუს უშველებელი ერთტომეული დადო. ეს სქელი წიგნი, რომელიც, ალბათ, ამიტთა მთელ კულინარიას შეიცავდა, ყველა საკმაოდ ცნობილი ბიბლიოთეკის თაროს დაამშვენებდა. ამ დარბაზში კი ისე გამოიყურებოდა, როგორც დიდყურა კათოლიკური ეკლესიის ორდანოსთან.

— დრო თუ გვაქვს, ეს რომანი თავიდან ბოლომდე ჩავიკითხოთ? — იკითხა ვალერიმ და წამწამები ჟონგლიორივით აახამხამა.

— ამის წაკითხვა შორს წაგვიყვანს, თქვით, რას ინებებთ? ნუგზარი აიწურა.

— მანამდე ერთი შეკითხვა მაქვს, კადილა. ამჯერად ჩვენ პირადად თქვენი სტუმარი ვართ თუ ამიტთა საზოგადოებისა?

ნუგზარს სურდა ბოლო ფრაზა უფრო სხვანაირად ეთქვა, მაგრამ გადაიფიქრა.

კადილამ ქვემოდან ახედა ნუგზარს.

— ახლა, ამ წუთში პირადად ჩემი სტუმრები ხართ. ჩათვალეთ, რომ თქვენ გამასპინძლობთ საკმაოდ მდიდარი ქალი. ნუ მომერიდებით. მორცხვობით დიდად მაწყენინებთ.

— არა, ეს კითხვა იმიტომ არ დამისვამს, თქვენს ჯიბეს ვუფრთხილდებოდეთ. დარწმუნებული ვართ, ისეთ საჭირო ამიტს, როგორც თქვენ ბრძანდებით, ამიხოტში კარგ გასამრჯელოსაც აძლევენ. ამაში ეჭვიც არ გვეპარება.

— საქონლის სუკები თუ შეიძლება შევუკვეთოთ? — იკითხა ვალერიმ.

— სუკები, რასაკვირველია, ექნებათ. ვეშაპის, ზვიგენის,

ხმაღლევზას სუკი არა მგონია ნაკლებ გემრიელი იყოს, ვინემ
თქვენი საქონლისა.

— თანახმა ვართ, სუკებზე შევეთანხმდეთ, — თქვა ნუგ-
ზარმა, — მინერალური წყალიც ხომ არ შეიძლება?

— რასაკვირველია, რამდენიც გნებავთ. მხოლოდ დავაზუს-
ტოთ, ვის რა სახის მინერალური წყალი სურს.

— მინერალური წყლის ასეთი დიდი ასორტიმენტი
გაქვთ? — იკითხა ვალერიმ.

— ამ მხრივ საკმაოდ მდიდრები ვართ, მინერალური წყლე-
ბით უხვად გვაპარაგებს ოკეანის ფსკერი. ჩვენი სასმელი
წყალი არ მოგწონთ?

— მოგვწონს და რამდენჯერმე მსურდა მეკითხა, ეს წყა-
როს წყალია თუ?... — თქვა ნუგზარმა.

— თუ, გადამუშავებული, არა?

— დიახ.

— არა, სუფთა წყაროს წყალია. ჩვენ ისეთი ძლიერი ნაკა-
დები გვაქვს, ჯერჯერობით დამატებითი რესურსების შექმნის
პრობლემა არ წარმოშობილა. კამკამა წყალს მივირთმევთ ყო-
ველთვის. თქვენც გაამოთ.

ვალერიმ თქვა: მე სიმკავე მაქვს მომატებული და ბორჯო-
მის მაგვარი მინერალური წყალი მომიხდებათ.

კადილა ოფიციანტს მიუბრუნდა. ეს ყურადღებიანი კაცი
მთელი ათი წუთი უკვე იდგა მათ უკან და ყურებდაცქვეტი-
ლი მისჩერებოდა უცხო ენაზე მოლაპარაკე სტუმრებს. როცა
კადილამ ამიტურად რაღაც უთხრა, მაშინვე გამოერკვა, ბლოკ-
ნოტი გაშალა და ჩანიშვნას შეუდგა.

ვიტალიმ არაფერიც არ მტკივა, გულს რომ ესიამოვნება,
ისეთი წყალი დამალევინეთო. ვიტალის კვერი ანდრომაც და-
უკრა და ნუგზარმაც. „ბორჯომის“ მუშტარი მხოლოდ ვალე-
რი დარჩა.

ოფიციანტმა ზედ კადილას მარჯვენა ყურთან რაღაც თქვა.
კადილა მისკენ არც კი მიბრუნებულა, ხელი უხეშად გაიჭნია:
გაჩუმდი, დავგაცადეო. ოფიციანტი სწრაფად გასწორდა წელ-
ში და მანამ არ გაუმხელია თავისი არსებობა, სანამ კადილამ
ხელი ისევ არ დაიჭნია და თავისთან არ მოუხმო.

შეკვეთას სწრაფად აძლევდა და ყოჩალი ძიაც ასევე ენერ-



გიულად იწერდა. მერე, ის იყო, ოფიციალტმა წასვლა დააპირა, რომ კადილამ ანიშნა: მანდ იდექი, ფეხიც არ მოიკვლიო.

— ბიჭებო, ვეშაპის რძეს ხომ არ მიირთმევდით.

— სიამოვნებით, და, მგონი არც ვეშაპის რძის ყველი იქნება ურიგო, — დაიძახა ვალერიმ.

— მართალი ბრძანდებით, ერთიც და მეორეც სუფრას დაგვიშვენებს.

კადილამ ჯარისკაცებით გაჭიმულ ოფიციალტს რაღაც უთხრა. მერე სუფრას მიუბრუნდა:

— საერთოდ, თუ დაგიღევიათ ოდესმე ვეშაპის რძე?

— იშვიათად, მაგრამ ჩვენც გვაქვს ხოლმე კარგი დღე, როცა სადილს ვეშაპის ნოყიერ რძეს ვაყოლებთ. — უპასუხა ნუგზარმა.

— მართლა? — გაიკვირვა კადილამ.

— რაც მოგახსენეთ, სრული ჭეშმარიტებაა.

— მე კი ასე არ ვფიქრობდი. ჩვენ გვაქვს სპეციალური ვეშაპსაშენი.

— ვეშაპსაშენი?

— დიახ, ერთ გარკვეულ რაიონში ვეშაპებს ვაწვდით საკვებს, ვუვლით, ხელს ვუწყობთ, რომ გამრავლდნენ და იარსებონ. მაგრამ თქვენ არღვევთ ბუნების ჰარმონიას და ანადგურებთ ოკეანის ამ დიდებულ შვილებს.

— ახლა ვეშაპებზე ნადირობა აკრძალულია.

— გვიან აიკრძალა, ეს კანონი ცოტა ადრე რომ შესულიყო ძალაში, გაცილებით აჯობებდა.

— თქვენ არ ხოცავთ ვეშაპებს? მგონი, ჩვენი კვების რაციონში ვეშაპის თირკმელებიც შედიოდა.

— ჩვენც ვხოცავთ, მაგრამ მხოლოდ მათ, რომლებიც სიკვდილის პირად მისულან და არავითარი სიკეთის მოტანა აღარ შეუძლიათ. რძეს კი ბლომად ვიღებთ. ვეშაპებს მუცელზე ვუმაგრებთ სპეციალურ აპარატს, რომელიც ცურიდან რძეს ისრუტავს. ამ შემთხვევაში ხარბად არ ვიქცევით, გამოგვაქვს რძის მხოლოდ ნახევარი, ნახევარს კი შვილიკოს გამოსაკვებად ვუტოვებთ. გაივსება რა რძით აპარატი, მუცელს შორდება და ნელ-ნელა ეშვება ფსკერისაკენ. სულ ესაა.

— თითქოსდა მარტივი სქემაა.



— სწორედ ასეა.

იმ ყოჩაღმა ოფიციალტმა სუფრა რომ გააწყო, ადგა.

— იცით რა, მეგობრებო, მეც მომშივდა. წავალ, ვისა-
დილებ.

— რატომ ჩვენთან არა? — ჰკითხა ვალერიმ.

კადილას ტუჩებზე ნაღვლიანი ღიმილი გამოესახა.

— მე ხომ თევზი ვარ.

წამოდგა და წავიდა. დარჩა ხორაგით დატვირთული მაგი-
და და ოთხი მოწყენილი კაცი.

კადილა რომ წავიდა, ერთხანს კიდევ ვერ დააკარეს პირი
სადილს. მერე ვალერიმ თქვა: უსადილოდ დავრჩებითო და
ლუკმაც გატეხეს. ლუკმა გატეხეს, მაგრამ ის ნაღვლიანი გან-
წყობა, კადილამ რომ დატოვა, დიდხანს არ გაფანტულა.

ანდრო ჯერ შუა ჭამაშიაც არ იყო, ვალერიმ რომ ხელსა-
ზოცზე თითები შეიხოცა, მერე ვეშაპის რძით სავსე ქილას
თავი მოხადა და მოიყუდა.

— მოგწონს? — ჰკითხა ანდრომ.

— დიდებულია, სულ რაკრაკით გადადის... ყველიც მომე-
წონა, მსუყეა და გემრიელი.

ცარიელი ქილა მაგიდაზე დადგა.

— ამ რესტორანში ალბათ ხელის დასაბანი ადგილიც იქ-
ნება. ერთს გავივლი და ახლავე მოვალ. მაპატიეთ, თქვა ვალე-
რიმ, წამოდგა, ყურიც არ გაუპარტყუნებია იმაზე, რომ ანდ-
რომ უკმაყოფილოდ წაიბუზღუნა:

— თვითონ ერთს წაციცქნის, ჩვენ კი საფუძვლიან სადი-
დილობას არ გვაცლის.

ვალერიმ ეს სიტყვები გაიგონა, მაგრამ ისეთი სახე მიიღო,
აქაოდა არაფერიც არ გამიგიაო. მაგიდებს შორის ფრთხილად
გაიარა, ახლა თითქმის ყველა მაგიდასთან ისხდნენ ამიტები.
თავი ჩაერგოთ და ისე გულმოდგინედ სადილობდნენ, თითქოს-
და საქმე შებრაწულ თირკმელებს კი არ ეხებოდა, იმას არჩევ-
დნენ, თუ რა მოხდა გუშინ პარლამენტში.

მაგიდების რიგი რომ განვლო, ვალერი უზარმაზარი აკვა-
რიუმის წინ აღმოჩნდა. აკვარიუმი, როგორც გლობუსი, ისე
იღო მის წინ. გლობუსის შუაგულში განიერი დერეფანი ჩან-



და. ისე განიერი, რომ ერთმანეთთან ჩაკრული სამი თავისუფლად გაივლიდა. ეს დერეფანი, ორადორ თანაწილად ყოფდა აკვარიუმს. ერთ ნაწილში ჩანდა კოხტა სკვერი მარადმწვანე ხეებითა და ყვავილების ბუჩქებით. თითოეულ ბუჩქთან მრგვალი მაგიდა იდგა. მაგიდას ამიტები უსხდნენ. ფეხები ოქროს უზანგებში ჰქონდათ გაყრილი და ისე ისხდნენ წითელ სკამებზე.

ახალგაზრდა ოფიციანტები თევზებივით დაცურავდნენ მაგიდებს შორის და დახურულ სინებს დაატარებდნენ.

ვალერი ზედ აეკრა მიწას. ყველა მაგიდას შემოუარა ცნობისმოყვარე თვალებით, მაგრამ კადილა ვერ აღმოაჩინა. ახლა აკვარიუმის მეორე მხრისაკენ გაიხედა, მაგრამ იქ მაგიდები საერთოდ არ იდგა, მხოლოდ ლამაზი სკვერი ჩანდა და მეტი არაფერი. მაგიდებს შორის მეორედ დაიწყო „დაუსწრებელი მოგზაურობა“, მაგრამ ამჯერადაც ამაოდ.

დერეფანში შეაბიჯა და ძალიან ნელა გაჰყვა გასასვლელი-საკენ. მარცხენა მხარეს ისევ და ისევ მხოლოდ სკვერი ჩანდა, მარჯვნივ კი მაგიდების გრძელი რიგი გრძელდებოდა. სწორედ ამ რიგს აკვირდებოდა ვალერი. შუა დერეფანამდ რომ მიადგინა, შედგა. მის წინ მრგვალ მაგიდასთან კადილა იჯდა.

კადილას, რასაკვირველია, სასუნთქი აპარატი არ ეკეთა. არც ის ხალვათი ფეხსაცმელი ეცვა. ფეხების გრძელი თითები მასაც ოქროს უზანგებში შეეწყო და სადილს ნელა შეექცეოდა.

კადილამ თავი რომ ასწია, ვალერის შეეშინდა, არ დამინახოსო და უკან შემობრუნდა. კადილას არ შეუნიშნავს, გვერდზედაც კი არ გაუხედავს.

ვალერის ტანში უსამოვნოდ გასცრა. მინას ცხვირი მიაჭყლიტა და ქალიშვილის ყოველ მოძრაობას ხარბად აკვირდებოდა.

კადილამ ერთი თეფში გვერდზე გადადო და ახლა წინ მეორე დაიდო. ამ დროს გვერდით მჯდომმა ქალმა რაღაც ჰკითხა, კადილა შემობრუნდა და ვალერის კვლავ გასცრა ტანში. საბედნიეროდ, ამიტმა ქალიშვილმა ახლაც ვერ შენიშნა. მეზობელს ღიმილით უპასუხა და მერე ისევ გასწორდა.

ვალერიმ სული მოითქვა. გამობრუნდა და თავის მეგობარებს მოაშურა.

მეგობრები სადილს უკვე ამთავრებდნენ. ვალერი ისეთ მოუხამულ ხასიათზე იყო, ანდრომ შიშით შეხედა.

— რას ჩამოგტირის სახე, ბიჭო, რა, ცუდი რადიოგრამა ხომ არ მიგიღია ნაპირიდან?

ვალერიმ სკამი გამოსწია, დაჯდა და ნაღვლიანი მზერა ნუგზარს გაუსწორა.

— კადილა აკვარიუმში სადილობდა, გული მეტკინა. რა უცნაურია ბუნება, რატომ არ უნდა შეეძლოს, ჩვენს გვერდით დაჯდეს და დანაყრდეს. ახლა ნათლად ვიგრძენი ჩვენს შორის აღმართული ყრუ კედელი. ადამიანებო, ჩვენ თევზებს შორის ვცხოვრობთ!

— მარტო სადილობდა? — იკითხა ანდრომ.

— განა ამას მნიშვნელობა აქვს, ბევრნი ისხდნენ. მათთვის ცალკე რესტორანია მოწყობილი. სხედან მაგიდასთან და წონასწორობა რომ დაიცვან, ფეხები უზანგებში აქვთ გაყრილი. საოცარია ბუნება...

ნუგზარმა ცარიელი თეფში გვერდზე გააცოცა.

— დიახ, დიახ, ასეა და რას იზამ!

ვალერის თანაგრძნობით ხელი ბეჭებზე დაჰკრა.

— იგი წყალში გაჩნდა, წყლის ქალიშვილია. შენ მიწის შვილი ხარ, სუფთა ჰაერზე დაიბადე. მთავარია, რომ ჩვენ ვუგებთ ერთმანეთს.

კიდევ რალაცის თქმას აპირებდა ნუგზარი, მაგრამ გაბოშვილმა ჩაიჩურჩულა, მოდისო და რონდელიც მაშინვე გაჩუმდა.

კადილა მოვიდა და იკითხა, როგორ დანაყრდითო?

— შესანიშნავად, ქალბატონო კადილა, — თქვა ვიტალი შლიახოვმა.

— აღმოვაჩინეთ, რომ რესტორანს გაცილებით უკეთესი კულინარები ჰყავს, ვინემ ჩვენს სამზარეულოს.

— ვითომ?

— ნამდვილად ასეა, — დაეთანხმა ვიტალის ანდროც.

— ვალერი და ნუგზარი რას იტყვიან?

კულინარიაში მაინცდამაინც ვერ ვერკვევი. მანქანა იყოს,



სხვა საქმეა. აბა, რა სალაპარაკოა, მწვადს შეწვა აკლია თუ ცვრიანია. მე კარგად შემწვარსაც და ცვრიანსაც თანხმობი სიამოვნებით შევექცევი. ასეთ საქმეებში დიდი ავტორიტეტი ანდრომ მოიხვეჭა. მისი სიტყვა კანონია.

— თქვენც ამ აზრისა ხართ, ნუგზარ?

— არა, მე მხოლოდ იმას ვიტყვოდი, ჩვენიც და აქაური კულინარებიც თავისი საქმის დიდი ოსტატები არიან. ანდროსა და ვიტალის აქაური საქმელი თუ უფრო გემრიელი ეჩვენათ, ეს იმის ბრალია, რომ ამ მაგიდასთან თავი ისე ვიგრძენით, როგორც შინ, ხმელეთისეულ რესტორანში. თანაც უფრო დაღლილებიც გახლდით და ამან განსაზღვრა მადაც და გემოვნებაც.

— შეიძლება მართლაც ასე იყოს, მაშინ უკან მიმაქვს ჩემი წინანდელი მოსაზრება, — გაიღმა ვიტალი შლიახოვმა.

— შევთანხმდეთ, არც თქვენი მზარეულია ურიგო ამიტი.

— ასე დავადგინოთ, თანახმა ვართ. თუ შეიძლება, ახლა ის გვიბრძანეთ, როგორია ჩვენი შემდგომი მარშრუტი?—თქვა ნუგზარმა.

— ახლა ალბათ აჯობებს, ცოტა დავისვენოთ.

— სწორი გადაწყვეტილებაა, — მაშინვე დაეთანხმა ანდრო.

— წავიდეთ სასტუმროში. სულ ახლოსაა, ასე რომ, მსუყე სადილის შემდეგ ცოტა გასეირნებაც კარგია.

— გეთანხმებით, — ჩაილაპარაკა ვიტალიმ და წამოდგა. სხვებიც ადგნენ.

— ახლა მეორე გასასვლელიდან გავალთ. მოვხვდებით სულ სხვა ქუჩაზე.

კადილა სწორედ გიგანტური აკვარიუმისაკენ წავიდა. იმ დერეფანთან რომ მივიდა, შეჩერდა.

— ის რესტორნის მეორე განყოფილებაა? — იკითხა ვალერიმ.

— დიახ, მეორე განყოფილება გახლავთ. აქ წყლის ამიტები სადილობენ. ცოტა განსხვავებულია, არა?

— რასაკვირველია, ცოტა სხვაობა არის, მაგრამ რესტორანი მაინც რესტორანია.

კადილას აღარ უპასუხია, დერეფანი ჩქარა განვლეს და ზედ გასასვლელთან შეჩერდნენ. გასასვლელი ორი იყო. ერთი—დერეფნიდან პირდაპირ ფართო ქუჩაში გადიოდა, მეორე—



ზედ ეკვროდა აკვარიუმს. ამ ორ გასასვლელს მხოლოდ და მხოლოდ გამჭვირვალე მინა ყოფდა. მინის იქით კი ჩანდა ოკეანის ფსკერი, ლამაზი ხეივანი. ხეივანი რესტორნისაკენ მოემართებოდა და შესასვლელთან თავდებოდა. აქედან მოყოლებული, ხეივნის მიერ გავლებულ სწორ ხაზს ფართო დერეფანი აგრძელებდა, რომელიც რესტორნის წყლიან ნაწილში შედიოდა.

ამიტები ცურვით მოჰყვებოდნენ ხეივანს და მერე ასევე ცურვით მიდიოდნენ მათთვის განკუთვნილ მაგიდებთან.

— აი, შუაზე გაყოფილი კაცობრიობა, იქით—წყლის გონიერი არსებანი, აქეთ—კიდევ—ხმელეთისა, შუაში მხოლოდ მინის კედელი, ძალზე სიმბოლურია, — შესახა ვალერიმ.

ნუგზარი თავის მატროსს მიუბრუნდა:

— ვალერი, ოდესმე ლექსებს ხომ არ წერდი?

— ვწერდი, ამხანაგო კაპიტანო. ვწერდი და მგონი არცთუ ისე ცუდად. მამას სურდა, ინჟინერი გამოვსულიყავი და ლექსების ორი საერთო რვეული დამიხია.

— მაშინვე მივხვდი, ლექსებს რომ წერდი, პოეტური ხედვა გაქვს.

— ძალიან მსიამოვნებს ეს ქათინაური.

კადილა უკვე პატარა სკვერში იდგა, რომელიც ამიტებს სწორედ რესტორნის წინ გაეშენებინათ. განიერი ქუჩაც სწორედ ამ სკვერიდან იწყებოდა. ირგვლივ ნაირფერი ყვავილები ბიბინებდნენ. კადილა ყვავილის ბუჩქებთან იხრებოდა და თითოეულ ყვავილს ნაზად ეფერებოდა. ეს სკვერი ყველაზე უფრო მიყვარს ამიხოტში. ხომ ძალიან ლამაზია?

კადილას სახეზე უსაზღვრო კმაყოფილება აღბეჭდოდა.

— მართლაც დიდებული სკვერია.

— როცა ამიხოტში ვარ, არ შემიძლია ეს კოპწია ყვავილები არ მოვინახულო და გულში არ ჩავიკრა. როგორ ხართ, ლამაზებო?

იცით რა ორიგინალური სკვერია. ჰიბრიდია წყლისა და ხმელეთისა.

— ეს როგორ? — იკითხა ანდრომ და ყვავილებთან დაინახა.

— აი, ნახეთ, ფეხები ოკეანის ფსკერზე აქვთ, ტანი სპე-



ციალური მილით შემოდის ხმელეთის სამყაროში და ჩვენ გვატყობს. ნახეთ წყლისა და ხმელეთის ჰარმონიის ნაკეთობა

— კარგად შეეგუა ასეთ სიცოცხლეს? — იკითხა ნუგზარმა.

— შეეგუა, მშვენივრად შეეგუა. ამიხოტში ამ პრინციპზე რამდენიმე სკვერია გაშენებული.

— საინტერესოა! — ჩაილაპარაკა ვალერიმ.

— დიახ, ახლა კი დიდ ბაღს აპროექტებენ. წავიდეთ, ძმებო! აი, სასტუმროს შენობაც ჩანს.

კადილამ ხელი სკვერს მიღმა გაიშვირა, სადაც კოხტა სამსამსართულიანი შენობა ჩანდა.

— ახლოს ყოფილა, — ჩაილაპარაკა ვალერიმ.

— ახლოსაა. დღეს პარლამენტის სხდომა მიმდინარეობს და სასტუმროს წინ ბევრი მანქანა დგას.

— ხშირად იკრიბება ხოლმე თქვენი პარლამენტი? — იკითხა ვალერიმ.

— ხშირად, ეს იმის შედეგია, რომ უკანასკნელ დროს ძალზე ბევრი პრობლემა წარმოიშვა, რომლის გადაჭრა მხოლოდ პარლამენტს შეუძლია. დეპუტატებიც ოფლს ღვრიან, რა ქნან?

— ეს კოხტა მანქანები დეპუტატებისაა?

— დიახ, მათია. სასტუმრო განსაკუთრებით მოსწონთ ჩვენი პარლამენტის წევრებს. სასტუმროს მეპატრონე დინაკი გახლავთ.

— დინაკი? — გაიკვირვა ნუგზარმა.

— დიახ, დინაკი. მას ამიხოტში სასტუმროს გარდა კიდევ რამდენიმე პატარა საწარმოც აქვს.

— რით ამარაგებს სახელმწიფო მინისტრი ამიტებს? — იკითხა ვალერიმ.

— ნელსაცხებლებით.

— შესანიშნავია, ეტყობა, სახელმწიფო მინისტრი მშვიდობიანი კაცია.

— განა თქვენ არ იგრძენით ეს?

— დიდი ხანია ვიგრძენით, აკი მოგახსენეთ კიდევ ჩვენი აზრი დინაკზე.

ეს უკვე ნუგზარმა თქვა. ვალერი კი, ამ დროს სასტუმროს

ვარდისფერი მარმარილოს კიბეზე ჩამომავალ ერთ დაგვიჯულ კაცს აკვირდებოდა. იმ კაცს შავი ხმელეთური კოსტიუმი ეცვა, ძლივს ჩამოდიოდა კიბეზე. როცა ფეხს ქვედა საფეხურზე ჩამოდგამდა, შავი კოსტიუმიდან ბალიშივით ამოხნიქილი კუზიცი მოუჩანდა. მან ერთი გამოიხედა და მაშინვე ვალერის მშერა დაიჭირა. შებრუნდა, კიბანის კარი სწრაფად გამოაღო, ჩაჯდა და კარი მიიჯახუნა.

— მეკატი, მეკატი იყო... მინდოდა მივსალმებოდი, მაგრამ ზურგი შეგვაქცია.

— შეიძლება მართლაც მეკატი იყო, ან სხვა ვინმე. ამიტომ ამიტს ჰგავს, როგორც ადამიანი ადამიანს.

— არა, მეკატი არც ერთ ამიტს არ ჰგავს. იგი სულ სხვაა, ყველასაგან განსხვავებული, ნამდვილად მეკატი იყო.

— შეიძლება, — დამარცვლა კადილამ, — რა მოხდა მერე! მეკატი დეპუტატია, ალბათ სხდომაზე მიეჩქარება.

— ამიხოტში ცხოვრობს? — არ ისვენებდა ვალერი.

— არა, მან საცხოვრებლად თავისი ლაბორატორიების ტერიტორია აირჩია.

— შორს არის აქედან?

— რაზე მეკითხებით, ვალერი, რა არის აქედან შორს? — კადილას ხმაში ცოტა გაბრაზებაც იგრძნობოდა.

— აი, მეკატის ლაბორატორიები.

კადილამ ნაძალადევად გაიცინა.

— შორს გახლავთ. აქედან შორს, მაგრამ იმ სახლიდან, სადაც თქვენ ცხოვრობთ, ახლოს. გაქვთ კიდევ შეკითხვა?

— არა, მაგრამ... მგონი, გაგაბრაზეთ, მაპატიეთ.

— მე უკვე შევეგუე თქვენს დიდ ცნობისმოყვარეობას.

— მაშ, მაპატიეთ?

— ისეთი არაფერი ჩაგიდენიათ, პატიებას რომ საჭიროებდეს. წავიდეთ, დროს უქმად ვკარგავთ.

კიბეს რომ აჰყვნენ, ვალერი არც აქ მოშორებია კადილას, მის გვერდით მიაბიჯებდა, მერე სულ ახლოს მივიდა და ხელკავიცი გაუკეთა.

— კადილა, მითხარით გულახდილად, მეკატი თქვენზე ნაწყენია?

— უცნაური კაცი ხართ, ვალერი, ეს კიდევ საიდან მოიტანე ნეთ? მეკატი ჩინებული პროფესორია. ჩვენ ყველანი დიდ-დიდები ვართ. ტივს ვცემთ მას. ჩემზე ნაწყენი რად უნდა იყოს?

— არა, ისეთი ზიზღით გამოიხედა, რომ...

— უბრალოდ ფიზიონომია აქვს ასეთი. მან ბავშვობისას დიდი ფიზიკური ტრამვა მიიღო და დამახინჯდა. მის ასეთ ამიტად ჩამოყალიბებაში დიდი როლი ადამიანებმა ითამაშეს.

— საინტერესოა.

— მეკატის მამა ცნობილი პიროვნება იყო, სამხედრო მოღვაწე. ერთხელ თავისი მანქანით, რომელშიც ვაჟიშვილიც ეჯდა....

— კიბანით, — შეუსწორა ვალერიმ.

— უფრო სწორად თანამედროვე კიბანის წინამორბედით, ოკეანის ზედაპირზე ნავარდობდა. ისინი სანაპირო დაცვის კატარღებს წააწყდნენ. კატარღებმა რაღაც ნიშანი მისცეს და მერე ნიშანს ცეცხლიც მოაყოლეს. კიბანი დაზიანდა. მეკატი ხერხემალში დაიჭრა. მთავარი ისაა, ამიტოა სხვა ორი კიბანი რომ არ მიშველებოდა, მამა-შვილს ოკეანის ფსკერზე დაბრუნება აღარ ეწერათ.

გრძნობადაკარგულ მეკატს რთული ოპერაცია გაუკეთეს. იგი გადარჩა, მაგრამ სამუდამოდ დამახინჯდა.

— და მის შემდეგ ვერ იტანს ადამიანებს, რომლებმაც მახინჯ კუთად აქციეს.

სასტუმროს კარი ვალერიმ შეაღო. დიდ ვესტიბულში აღმოჩნდნენ.

— აქ დამელოდეთ, ახლავე დავბრუნდები, გავიგებ, რომელი ნომრები მოგვცეს.

ამ დროს ნუგზარიც მოვიდა და კადილა ერთ წუთს შეყოვნდა.

— თქვენ რაღაც საეჭვოდ თათბირობთ. შეთქმულებას ხომ არ გვიწყობთ?

— ჰო, ტერორისტებმა გადაგვიბირეს.

კადილამ ვალერის მწყრალად გადახედა.

— გთხოვთ, მათ ნუ ახსენებთ.

ვალერიმ ენაზე იკბინა. კადილა კი ნელა გაუყვა დერეფანს. მალე დაბრუნდა.

— ცალ-ცალკე ნომრები შევუკვეთე, ხომ სწორად მოვიქეცი? — კადილა ამას ნუგზარს ეუბნებოდა.

— მგონი, აქ საჭირო არ არის ასეთი ფუფუნება, გვერჩია ოთხივენი ერთად მოვთავსებულიყავით, თუ ამის საშუალება იქნება. ასე აჯობებს.

— კარგით, შევეცდები, ნომრები შევაცვლევი. დაბრძანდით, ახლავე მოვალ.

ვესტიბიულში სავარძლები და გრძელი მაგიდა იდგა. მაგიდაზე არაფერი არ ეწყო. დასხდნენ თუ არა, მაშინვე ორმა მარჯვე ბიჭმა, რომლებიც თითქოს ჭერიდან ჩამოეშვნენ, გრძელ მაგიდაზე გაზეთები მიმოფანტეს. კიდევ რალაც თქვეს, მაგრამ სტუმრებმა ღიმილით უპასუხეს. იმ ბიჭებმა კი თავი დაიქნიეს და როგორც უჩემრად გამოცხადდნენ, ასევე გაქრნენ.

ვალერიმ გაზეთი აიღო და ანდროს მიაჩეჩა.

— შენი ჭირიმე, ხმამაღლა წამიკითხე, სათვალე დამრჩა.

ანდრომ გაზეთი დინჯად ჩამოართვა. მერე ასევე დინჯად ჯიბეები მოიჭეჭა.

— ჰაუ, ბიჭო, რა გიყო, მეც დამრჩენია, ი ვერანა.

— რა მოგივიდათ? მე წაგიკითხავთო, — თქვა ვიტალი შლიახოვმა და ჯერ არარსებულ ენაზე მთელი პირველი გვერდი ჩააბულბულა.

კადილა რომ დაბრუნდა, ვიტალის ცხვირი ისევ გაზეთში ჰქონდა ჩარგული, რალაცას ბუტბუტებდა. ვალერის ყური თითქმის მისი ტუჩებისათვის მიედო და გულმოდგინედ უსმენდა.

კადილა მივიდა და გაოცებული მისჩერებოდა ამ სცენას. რალაცის თქმა დააპირა, მაგრამ ვალერიმ შეაჩერა, ხომ ხედავთ, ვიტალი გაზეთს გვიკითხავსო.

კადილამ გაიცინა.

— ეს სპექტაკლიც შენი დადგმულია, ვალერი, ხელწერას კარგად ვცნობ.

ნუგზარმა სკამი გამოაჩოჩა და კადილაც დაჯდა. ვიტალიმ გაზეთი გვერდზე გადადო.

— ახლა.... — დაიწყო კადილამ, — თქვენი სურვილი შესრულებულია, ზუსტად ჩემი ნომრის წინ შეარჩიეს თქვენთვის ოთახი.

— სასიამოვნოა, ოთხივენი ერთ ოთახში მოვთავსდებით.
არა? — იკითხა ნუგზარმა.

— არა, ვალერის მიღებაზე უარს ამბობენ. — გაიცინა კადილამ.

— სრულებითაც არ მჭირდება თქვენი ამიხოტი. შინ დავბრუნდები.

— აი, მეც გადამედო თქვენი ხუმრობანია... შეგვიძლია ნომრები ახლავე დავიკავოთ.

— მაშ, წავიდეთ! — ნუგზარი წამოდგა.

ვესტიბულის ნელა გაიარეს და გრძელ დერეფანში გავიდნენ.

— პირველი სართული ავირჩიე. თქვენ ხომ არა ხართ წინააღმდეგი?

— არა, შესანიშნავია, კიბეზე ასვლა-ჩასვლა ძალიან შეზარება, — თქვა ანდრო გაბოშვილმა.

— ჰოდა, აგისრულდა ნატვრა. გემზე კაიუტა პირველ სართულზე გქონდა. აქაც პირველ სართულზე იცხოვრებ. მეტი რაღა გინდა? — უთხრა ბასილაიამ.

კადილა შუა დერეფანში შეჩერდა.

— მარჯვნივ თქვენი ნომერია, მარცხნივ—ჩემი. შებრძანდით.

— თქვენ არ შემოხვალთ?

— თუ გსურთ, ცოტა ხნით შემოვალ, დავათვალიერებ.

ოთახში შევიდნენ თუ არა, ნუგზარი გაოცებული შედგა.

— საოცარი მშვენიერებაა, — ჩაილაპარაკა მან და ღინჯად შეუდგა ახალი გარემოს გაცნობას.

ეს იყო დიდი მრგვალი ოთახი, რომელსაც ხუთი მხრიდან ქიშკილები ებმოდა. ოთახის ცენტრში ლურჯი ჭალი ჩანდა. თითოეული ქიშკის გასასვლელს თეთრი გამჭვირვალე ქსოვილის ფარდა ფარავდა. ეს ქსოვილი იმდენად გამჭვირვალე იყო, რომ მის მიღმა ჩანდა წითელი ხის კოხტა საწოლი თავისი ტუმბათი. მხოლოდ ერთი ქიშკის შესასვლელთან არ ეკიდა გამჭვირვალე ფარდა. მრგვალი ოთახიდან ამ ქიშკიში ვიწრო დერეფანი გადიოდა. კედლებსა და ჭერზე მოლურჯო მოთეთრო ტყავი იყო აკრული. ვალერიმ შესვლისთანავე თქვა: კედლები ლურჯი ზვიგენის ტყავითაა დაფარულიო. კადილამ დაუდასტურა.

— ზვიგენის ტყავით ოთახის გაფორმება ამიტებისათვის

კარგ ტონად ითვლება. დინაკს არ აკლია გემოვნება, ეს აქაც ნათლად ჩანს.

— ზვიგენი ზვიგენია, მაგრამ ლურჯი ზვიგენი ხომ ულამაზესი ზღვის ცხოველია, — თქვა ვალერიმ.

— მართალი ბრძანდებით. ლურჯი ზვიგენი სილამაზის განსახიერებაა. — დაენტახმა კადილა.

— როგორ მოხდენია ეს ლამაზი ტყავი ოთახს, არა, ქალბატონო კადილა? აქედან არსად აღარ წავალ. რატომ მოგვიყვანეთ ამ მშვენიერებაში, რომ არ წავიდეთ, ჩვენი ბრალი იქნება? — თქვა ვალერიმ.

— თქვენ იმდენი მშვენიერება გინახავთ, აქ დარჩენას აღარ ისურვებდით. ისე, მართალი ვითხრათ, მეც მომწონს აქაურობა.

— რა ჰქვია სასტუმროს? — იკითხა ისევ ვალერიმ.

— „ლურჯი ზვიგენი“.

— აა, როგორც კი ფეხი შემოვდგი ამ ოთახში, მაშინვე გავიფიქრე, რომ სასტუმროს სწორედ ეგ სახელი მოუხდებოდა. ბატონმა დინაკმა იცის თავისი საქმე.

— ტუალეტი იმ ქიშკია, თუმცა ზედმეტია ჩემი ახსნა, ვალერი ხომ აქაა, ყველაფერში გაერკვევა. ხანდახან ის უბრალოდ ტექნიკით გატაცებული კაცი კი არა, დეტექტივი მგონია.

— ბავშვობაში მქონდა ეგ სურვილები, როცა ლექსების საქმეში ჩავფლავდი, სწორედ მაშინ გამიჩნდა სურვილი, გამომძიებელი გავმხდარიყავი.

— ტყუილად არ დამორჩილებიხარ ამ ცდუნებას, — თქვა კადილამ, — მერე ნუგზარს მიუბრუნდა, — ახლა დაგტოვებთ, კარგ დასვენებას გისურვებთ.

გაბრუნდა და, ის იყო, ნომრიდან უნდა გასულიყო, რომ ვალერის ხმა მოესმა:

— თქვენი ნომრის დათვალიერება თუ შეიძლება?

კადილა შემობრუნდა.

— ძალიან გაინტერესებთ?

— რასაკვირველია, საინტერესოა შეიტყო, თუ როგორ სძინავთ წყლის ამიტებს.

— დათვალიერება შეიძლება, მაგრამ ახლა არა, ეს საქმე გადავდოთ. აი, კარგა რომ დავისვენებთ, მერე მოგიპატიებთ.

თქვენს განკარგულებაში სრული საათნახევაარია. შემდეგ ქაჩა
ლაქში გავიდეთ და კორიდას დავესწროთ.

— კორიდას?!

— დიახ, კორიდას. ამის თაობაზე ცოტა უფრო გვიან ვი-
საუბროთ, ახლა დროს ნუ დავკარგავთ. ვიცი, ვალერის ბევ-
რი შეკითხვა ექნება.

კადილამ კარი გაიხურა.

— ეს კორიდა რაღაა, ღმერთო, ნუთუ აქ არენაზე მოჯი-
რითე ხარებიცა ჰყავთ, — თქვა ვალერიმ და წრიული ოთახის
დათვალიერებას შეუდგა. ნაბიჯ-ნაბიჯ მიჰყვებოდა, ყოველ პა-
ტარა საექვო ადგილს უდიდესი გულმოდგინებით სინჯავდა.
ნუგზარი სავარძელში იჯდა და ირონიული ღიმილით მისჩე-
რებოდა ამ ყოჩაღ დეტექტივს, ერთგან რომ შეჩერდა და მთე-
ლი ხუთი წუთი დაკვირვებით სინჯავდა სულ ციციქნა ადგილს,
ჰკითხა, იპოვე რამეო?

ვალერიმ არ უპასუხა, მაგრამ იმ წუთში ოთახში გაისმა
ქალის ხმა. ეს ხმა სწორედ იმ ადგილიდან მოდიოდა, სადაც
ახლა ვალერი ჩხირკედელაობდა.

— რადიოს მივაგენი, — ამოღერდა მან.

რეპროდუქტორში კი ქალი ლაპარაკობდა მკაცრი, ცივი
ტონით. მერე ერთბაშად კაცმა იქუხა.

ვალერი შემობრუნდა.

— უსმენთ?

— ვუსმენთ და სიტყვა-სიტყვით ვიმახსოვრებთ ყველა-
ფერს. აბა, რაა მოსასმენი? — ჩაილაპარაკა ანდრომ.

— შე სულელო, ეს დინაკი ლაპარაკობს.

— რაო? — იკითხა ნუგზარმა.

— დინაკის ხმაა, გინდათ, ნაძლევს ჩამოვალ.

— მგონი, მართლაც დინაკია, — კბილებიდან გამოსცრა
ნუგზარმა.

ვალერი ამ დროს ისევ კედელს მიჰყვებოდა. იქვე, სულ
ახლოს, რაღაც იპოვა და ისევ შეჩერდა. დიდხანს სინჯავდა საექ-
ვო ადგილს. მერე თითი გაჰკრა პატარა ღილაკს და...

ორიოდე კვადრატული მეტრის მანძილზე კედელი გაიხსნა.
გამოჩნდა ეკრანი და ღილაკებით დაფარული პატარა დაფა.

ვალერიმ გაიღიმა. გაოგნებულ ანდროს ცხვირწინ აართვა



სავარძელი, კედელთან მიაჩოჩა და ჩამოჯდა. ის ახლა აკვირდებოდა გულმოდგინედ, მორიგეობით სინჯავდა კებს. ეკრანი რომ გაჩახჩახდა, ნუგზარს გამოხედა. ნუგზარი წამომდგარიყო, მაგიდას გადმომხობოდა და ახლა მის სახეზე ირონიული ღიმილის ნაცვლად გაოცება აღბეჭდილიყო.

ეკრანზე დინაკი გამოჩნდა. იგი ტრიბუნასთან იდგა და უზარმაზარ დარბაზში მთელი მგზნებარებით ლაპარაკობდა.

საათნახევრის შემდეგ კადილამ დარეკა. ვალერიმ უპასუხა. კადილამ ჰკითხა, თუ ადექითო. ვალერიმ უპასუხა: ჯერ არ დავეწოლილვართო. არც ამიტოა ქალიშვილი დარჩენილა ვალში: — აბა, ნუღარ დაწვებით, მოვდივარო. სულ ორ წუთში მართლაცდა წრიულ ოთახში კადილა გაჩნდა.

სტუმრები მაგიდასთან ისხდნენ თითქმის იმავე პოზაში, საათნახევრის წინ რომ ეკავათ.

— დინაკს მოვუსმინეთ, პარლამენტში წარმოთქვა სიტყვა. — თქვა ნუგზარმა.

— სად, როგორ? — ყასიდად გაიკვირვა კადილამ.

— ტელევიზორში ვნახეთ...

— ტელევიზორში?

— დიახ, ტელევიზიითაც ვიხილეთ და რადიოშიც მოვუსმინეთ. — ეს უკვე ვალერიმ განაცხადა და ფეხი ფეხზე გადაიდო.

კადილამ გაიცინა.

— განგებ არა ვთქვი, რომ თქვენს ნომერს ტელევიზორი ჰქონდა. მაინტერესებდა, ვალერი იპოვიდა თუ არა. არ მითხრათ, თითქოსდა მას სხვამ მიაგნო. მაინც არ დაგიჯერებთ. ესეც ვალერის ხელწერაა.

— ჩვენ გვეგონა, ტელევიზორს გვიმალავდით, — თქვა ნუგზარმა.

კადილამ კოპები შეიკრა.

— ეს რამ გაფიქრებინათ?

— არა, გეხუმრეთ, კადილა. მართლა გეხუმრეთ, თქვენ ასე უცბად აენტეთ. მაგას როგორ გავიფიქრებდით. ისე მაგარი ბიჭი ყოფილა ვალერი, სულ თხუთმეტ წუთში რადიოც იპოვა და ტელევიზორიც.



— ვალერი ნამდვილი დეტექტივია. დინას მოუსმინეთ არა?

— დიახ, მაგრამ მიუხედავად მისი დიდებული მჭევრმეტყველებისა, მაინც ვერ გავიგეთ, თუ რაზე დაობდა სახელმწიფო მინისტრი. ისე კარგი მაგარი დაკადაკა გაჩაღდა თქვენს პარლამენტში. მეკატიც ჩინებულად ლაპარაკობდა. მასაც მოვუსმინეთ. ამიტები გაცილებით უფრო ტემპერამენტიათბიყოფილან, ვინემ ეს გარეგნულად ჩანს. თქვენი პარლამენტი ამის ნათელი დადასტურებაა.

— ხშირად, როცა სადაო საკითხებს იხილავს პარლამენტი, მართლაც ცხარე კამათი ჩაღდება.

— ახლა რა საკითხს იხილავს? — იკითხა ვალერიმ ისე, რომ თავი ზევით არც კი აუწევია, იატაკს აკვირდებოდა.

— საფინანსო გეგმას იხილავენ.

— მხოლოდ ერთი საკითხისათვის შეიკრიბნენ?

— არა, ტერორისტებზედაცაა მსჯელობა.

კადილა წამოდგა.

— წავიდეთ, თორემ დაგვაგვიანდება.

— მართლა კორიდაზე მივდივართ?

— რასაკვირველია.

— ხარების კორიდაზე?

— არა, სამწუხაროდ, ჩვენ ხარები არა გვყავს, მაგრამ ვფიქრობ, არც ზვიგენებთან ბრძოლაა ნაკლებ საინტერესო.

— ზვიგენებთან?

— დიახ, ზვიგენებთან.

— და ყველაფერი ეს ჰგავს ჩვენებურ კორიდას? — ეს უკვე ნუგზარმა იკითხა.

— კორიდა ამიტებმა ადამიანებს მოგპარეთ. პირველი კორიდა მაშინ გაიმართა, როცა სატელევიზიო გადაცემა მივიღეთ ბუენოს-აირესიდან და დეტკებით ხართან ვაქცატური ბრძოლის მშვენიერებით. იმავე დღეს დაიბადა იდეა ამიტური კორიდასა და აი... დანარჩენი იქ, არენაზე...

— კი მაგრამ, ჩვენ ხომ შევთანხმდით, საღამოთი გწვევლით თქვენს ნომერში, — თქვა ვალერიმ.

— კორიდა მალე დამთავრდება, ჩემთან ვიზიტი მერეც შეიძლება. ვიჩქაროთ, ვიჩქაროთ, მეგობრებო.

ისევ იმავე ღერეფნით გამოვიდნენ ფართო ქუჩაში და მან
შინვე სასტუმროს მოპირდაპირე მხარეს მდგარ წრიულ შენობაში
ბას მიაშურეს.

კობტა შენობა იყო და შესასვლელიც ბლომად ჰქონდა. ამ
შესასვლელებისაკენ უწყვეტ ნაკადად მიდიოდნენ ამიტები.
ზოგს სასუნთქი აპარატი ეკეთა, ზოგიც ხმელეთის ამიტი გახ-
ლდათ. ისინიც ნაკადს მიჰყვნენ და დიდ, უშველებელ დარბაზ-
ში აღმოჩნდნენ.

ცენტრში უზარმაზარი აკვარიუმი იდგა. აკვარიუმში შუქი
არ ენთო და მხოლოდ მოლურჯო კრიალა წყალი ჩანდა. აკვა-
რიუმის გვერდით უშველებელი ეკრანი იდგა. დასხდნენ თუ
არა, ეკრანიც აინთო. კადრში ლამაზი ქალიშვილი გამოჩნდა.
მაყურებლებს ესპანურ ენაზე მიესალმა და შემდეგ განაცხა-
და, რომ გადაცემა მიჰყავდა მონტევიდეოს ტელევიზიას:

— ნუთუ მართლა მონტევიდეოა?

— მონტევიდეო აჩვენებს. ახლა ჩვენ ხართან ბრძოლას
ვნახავთ. ჩვენ ვუყურებთ სამხრეთ ამერიკის, მეხიკოს, მოსკო-
ვის, იაპონიის და თბილისის გადაცემებსაც. მსოფლიოს ყველა
კუთხის გადაცემებს ვიჭერთ, მაგრამ ზვიგენებთან ბრძოლის
წინ ყოველთვის ხარებთან ბრძოლას აჩვენებენ. ჩვენი კორიდა
თქვენი კორიდას გავლენით დამკვიდრდა.

— კარგი იქნებოდა, ტელევიზორი ჩვენც გვქონოდა, —
თქვა ვალერიმ.

— ეს ჩემი უყურადღებობის ბრალია, ხვალვე გექნებათ
ტელევიზორი, — თქვა ძალზე ხმადაბლა კადილამ.

ტელევიზორში კი ამ დროს ლამაზი ქალიშვილი აცხადებ-
და, მონტევიდეოში სტუმრად იმყოფება ცნობილი ტორეადო-
რი ხუან ფარიასი.

მერე კადრი პირდაპირ კორიდას გვიჩვენებდა. არენაზე
იდგა ის ვიღაც ფარია, მაღალი და მოხდენილი ჭაბუკი. მაყუ-
რებელთა ლოყები გრიალებდა, ხუანი თავს იქნევდა და ყვე-
ლას თავაზიანად ესალმებოდა. ხანდახან თითები ტუჩებთან
მიჰქონდა და ჰაეროვან კოცნას უგზავნიდა მონტევიდეოელ
სენიორიტებს.

ფიცხი ურუგვაელები აკიჟინდნენ.

ბოლოს არენაზე გამოიჭრა უზარმაზარი ხარი.

— ჩვენი დიდებული ხმელეთი, — ნაღვლიანად დრომ.

კადილამ ანდროს გადახედა. ისე გადახედა, თორემ სიტყვაც არ დაუძრავს.

ტორეადორმა ორი მახვილი აღმართა. როცა მისკენ გამოქანებულ ხარს თითქოსდა ბასრ რქებზე უნდა წამოეგო, იგი სწრაფად აღიმართა ფეხის თითებზე, მახვილები ხარს კისერში ოსტატურად გაურჭო და ზედ რქების წინ გვერდზე გახტა. ხარმა სწრაფად გადაირბინა არენა, ზღუდესთან შემობრუნდა და ქშენით გაქანდა წითელქსოვილშემოხვეულ ტორეადორისაკენ.

ხუანი მშვიდად იდგა. მერე წითელი ქსოვილი ხარს თვალებთან აუფრიალა და სანამ ლოშქრმორეული ხარი არენას გადაირბენდა, ტორეადორს მატადორმა კიდევ ორი მახვილი მიაწოდა. ერთი წუთის შემდეგ ახალი მახვილებიც ჩასცა ტორეადორმა ხარს და ლოშქრმორეული ცხოველი მის წინ ჩაიკეცა.

ამიტები ტაშით მიესალმნენ ადამიანის გამარჯვებას. ტაში სწრაფად შეწყდა და ეკრანიც ჩაქრა. ორმა ამიტმა ეკრანი გაიტანა. არენაზე ვილაც მოხდენილი ჭაბუკი გამოჩნდა. მან აკვარიუმში გადმოსერა, მინასთან მოვიდა და მაცურებლებს მიესალმა. ცისფერი, მოკლე შარვალი ეცვა. ქამარზე გრძელი დანა თუ მეზღვაურის დაშნისმაგვარი რაღაც ეკიდა.

ლამაზი ყმაწვილი იყო, სულ ერთთავად ილიმებოდა. უეცრად არენაზე უზარმაზარი ზვიგენი შემოვარდა. ეს მტაცებელი ჩაქუჩა ზვიგენების ოჯახს ეკუთვნოდა. გვერდზე გაშვებული ჩაქუჩებიდან დიდრონი თვალები ფოსფორს აშუქებდნენ. ზვიგენმა კარგად დაინახა ამიტი და შედგა, შემდეგ ლამაზი, ძლიერი კული გაიქნია და წრის შემოვლა იწყო.

— ნადირობას იწყებს, მშვიერი ზვიგენია, — თქვა კადილამ.

— ვიცი, — უთხრა ნუგზარმა, — ზვიგენი საერთოდ მხდალი ცხოველია, გარშემო უვლის მსხვერპლს და მერე ესხმის თავს.

ზვიგენმა უკვე ხუთჯერ შემოუარა ამიტს. რამდენჯერმე სცადა წრის შევიწროება, მაგრამ ამიტმა ხელები დაიქნია და

დამფრთხალი ზვიგენი მაშინვე გახტა, ისევ გრძელ ორბიტაზე
გავიდა.



ამიტმა შარვლის ჯიბეში ჩაიყო ხელი. იქიდან რაღაც ბურ-
თისმაგვარი ამოიღო, ხელი მოუჭირა. ბურთიდან წითელი სი-
თხე გადმოიღვარა და წყალიც წითლად შეღება.

— ხედავთ, ზვიგენი ვერ ბედავს თავდასხმას. ყმაწვილი კი
სისხლით აგიჟებს ზვიგენს, — თქვა კადილამ.

ნუგზარმა თავი დაუქნია.

— ვიცი ზვიგენის ეგ თვისება.

ზვიგენი ერთ წამს შედგა. მერე ზურგზე დიდი, ბასრი ეკა-
ლი საბრძოლველად აღმართა და ადგილს სწრაფად მოსწყდა.
ცდილობდა ქვევიდან გაეჭროლა ამიტისათვის და ეკლით გაე-
ფატრა.

ამიტი ელოდა ამ ვერაგობას, როგორც კი ზვიგენის ჩაქუ-
ჩები გაუსწორდა, ტანი მძლავრად აიქნია და თითქმის თავდა-
ყირა დადგა.

იმავე დროს მის ხელში დანამაც იელვა, ზვიგენს ზურგში
ჩასცა და თითქმის მკერდამდე გაფატრა.

ხმა არავის გაუღია, მხოლოდ ანდრომ დაუკრა ტაში, მაგრამ
არავინ აპყვა და თვითონაც გაჩუმდა.

— კარგად მოატყუა, — თქვა ანდრომ.

— დიდებულად, — დაადასტურა ვალერიმ.

ჭრილობა არ იყო სასიკვდილო. ზვიგენი მაინც შესანიშნავ
საბრძოლო განწყობაზე იყო. მან აკვარიუმის მინას გვერდი
უქცია და სადღაც გაქრა. არა, იგი გაქრა, მაგრამ თავისივე
სისხლით შეღებილ აკვარიუმში ზვიგენი მკრთალად ჩანდა.
მერე სისხლიანი წყალი ქვევით დაილექა და მინასთან გარინ-
დული უზარმაზარი ცხოველი ნათლად გამოიკვეთა. ღრმა
ჭრილობიდან ბამბასავით თეთრი ხორცი მოუჩანდა. ამიტი
ისევ აკვარიუმის შუაგულში ნავარდობდა. იგი ხანდახან ზვი-
გენს ზურგს აქცევდა, ხან ზევით აიჭრებოდა, ზვიგენი მის ყო-
ველ მოძრაობას აკვირდებოდა. ახლა უკვე ფრთხილობდა: პირ-
ველ შეტაკებას მისთვის ჭკუა ესწავლებინა.

ამიტმა კვლავ სისხლით გაახელა და ზვიგენიც მოსწყდა
ადგილს. იგი თავის ეკლიან ზურგს ისევ ამიტის მუცელს უმი-
ზნებდა.



ამიტმა რაღაც საოცარი სისწრაფით ჩაყვინთა, ზვიგენს/ თვითონ მოექცა ქვევიდან, მუცელი მთელ სიგრძეზე გული ფატრა. გაფატრული მუცლიდან ნაწლავები გადმოცვივდა და მთელ აკვარიუმში გაიფანტა. ამიტი დანით ჭრიდა ნაწლავებს, ზვიგენი კი უკან მისდევდა. ერთ წუთს ნაწლავები ამიტს ფეხებზე შემოეხვია, ახლა კი აღელდნენ თავშეკავებული ამიტები, მაგრამ ყველაფერი კარგად დამთავრდა. ამიტი ელვასავით აიჭრა ზევით, შემობრუნდა და დადევნებულ ზვიგენს დანა ლაყუჩქვემოთ ჩასცა. სისხლმა მძლავრად გამოასხა.

ზვიგენი მინას დაეჯახა. მოდუნდა და ფარფატით ფსკერი-საკენ დაეშვა.

— მოკვდა, — თქვა ვალერიმ.

— არა, ჯერ არ მომკვდარა. ზვიგენს გული ასე ადვილად არ უჩერდება, მაგრამ მას უკვე აღარ აქვს ძალა, ზვიგენი დამარცხდა, — უპასუხა კადილამ.

გამარჯვებული ამიტი მინასთან გამოჩნდა. ელვარე დანას აქეთ-იქით იქნევდა და ბედნიერი ილიმებოდა.

კადილამ ნუგზარს შეხედა.

— მოგეწონათ?

— საინტერესო ბრძოლა იყო. ხანდახან მაინც თუ მარცხდება ამიტი?

— იშვიათად, მაგრამ მაინც ხდება ხოლმე, გაავებული ზვიგენი ისე სწრაფად დაფლეთს ამიტს, მიშველებასაც ვერ ასწრებენ.

— ცუდია.

— რას იზამთ, ბრძოლა ბრძოლაა.

— კიდევ ხომ არ ისურვებთ კორიდის ნახვას?

— არა, მგონი საკმარისია, თქვენ რას იტყვით, ბიჭებო? — ნუგზარი მეგობრებისაკენ შებრუნდა.

„ბიჭებმაც“ თქვეს: საკმარისიაო და კადილა ადგა.

შენობიდან რომ გამოვიდნენ, კადილამ იკითხა: სად ვივახ-შმოთო, რესტორანში თუ ნომერშიო?

ვალერიმ თქვა: ნომერშიო. ანდრომ: ჩემთვის სულერთიაო, ვიტალიმაც ისა თქვა, რაც ანდრომ და ბოლოს ვახშობა ნომერში გადაწყვიტეს, მაგრამ სასტუმროში შემოვიდნენ თუ არა, ვალერიმ აიტეხა, გინდათ თუ არა, კადილას ნომერი უნდა



დავათვალეერთო, აღარც კადილა წასულა წინააღმდეგედ, დერეფნიდან პირდაპირ კადილას ნომრისაკენ შეუხვეცს. მობრდილ ოთახში შევიდნენ. სუფთა, კრიალა ოთახი იყო. ერთი დივანი და სამიოდე სავარძელი იდგა. კუთხეში კი დიდი იატაკჭრილი ჩანდა. ამ უცნაური ლიუკიდან ოკეანის წყლის ნელი დგაფუნი მოისმოდა.

კადილა ლიუკთან შეჩერდა.

— ძმებო, აი ჩემი ნომერიც. თუ უფრო მეტ ცნობისმოყვარეობას გამოიჩინებ, საყვინთო კოსტიუმსაც მოგართმევთ.

— თუ ნებას დაგვრთავთ, გესტუმრებით.

— მობრძანდით, სიამოვნებით მიგიღებთ.

— მართლა ჩავიდეთ? — იკითხა ანდრომ.

— ჩავიდეთ, მაშ... — უპასუხა ნუგზარმა.

— მაინცდამაინც დიდი სიამოვნების მომგვრელი არ უნდა იყოს დაწოლის წინ ცივი, მარილიანი წყლის შხაპი.

— პირიქით, — უთხრა ანდროს ვიტალიმ, — დაწოლის წინ ცივი შხაპი დიდებული რამაა. მხოლოდ უნდა მიეჩვიო.

— ჰო!.. — გაიკვირვა ანდრომ.

კადილამ თქვა: ახლავე მოვალო, გავიდა და ათ წუთში დაბრუნდა. ოთხი საყვინთო კოსტიუმიც მოიტანა.

— მე ჩავალ ნომერში, იქ დაგელოდებით. ნომერში კიბეც ჩამოდის, შეგიძლიათ პირდაპირ ყვინთოთ და თავს მისაღებში ამოყოფთ. ვის როგორ მოგესურვებათ. ტანსაცმელი აქვე გამოიცვალეთ.

კადილამ სასუნთქი აპარატი მოიხსნა. მაშინვე მზესავით გამოანათა უზადო სილამაზემ. მერე ლიუკთან მივიდა, ისკუპა და იატაკჭრილში გაუჩინარდა.

ამიხოტში შეძენილი კოსტიუმები გაიძვრეს და საცურაო ჩაიცვეს. მსუბუქი, ელასტიური კოსტიუმები იყო. ბილონებიც ძალზე მოხერხებული და მსუბუქი გახლდათ.

ოქროსფრად მოელვარე კიბეს არც ერთი არ ჩაჰყოლია. ისევე ისკუპეს, როგორც კადილამ. ფართო ოთახში აღმოჩნდნენ. ოთახი კარგად იყო განათებული, დიდი დივანი, ექვსი სავარძელი და შუაში გრძელი მაგიდა იდგა. მაგიდის ერთ კუთხეში ტელეფონის აპარატი ჩანდა. ქვევით, იატაკთან ცოტა ახლოს მაგიდას ოქროსფერი მილი უვლიდა. როცა მასპინძელმა

სტუმრები მაგიდასთან მიიპატიჟა, ამ ოქროსფერი მიღწევის მნიშვნელობას მაშინვე მიხვდნენ. სტუმრებმა სკამზე დაჯდომის დღეს, მაგრამ ეს არც თუ ისე ადვილი აღმოჩნდა. რაღაც ძალაზევით ეწეოდით. კადილამ გაიცინა.

— ფეხები საბჯენში გაუყარეთ.

— რომელ საბჯენში? — იკითხა ვალერიმ.

— იატაკთან რომ საბჯენია, აი, იქ.

ეს საბჯენიც ადვილად იპოვეს და ახლა სკამზე თავისუფლად მოთავსდნენ.

— მარტო ერთი ოთახი გიკავიათ? — იკითხა ვალერიმ.

— ერთი რატომ, ორი ოთახი მაქვს. იქით კიდევ საძინებელია.

— მაპატიეთ, კადილა, ასე წვრილმანებს რომ ვეხები, მაგრამ საინტერესოა, როგორ სძინავთ წყლის ამიტებს.

— საბოლოო არაფერია... ახლავე აგისხნით. ჩვენ გვძინავს თქვის საძილე ტომარაში. ეს ტომარა კარგად ინარჩუნებს საჭირო ტემპერატურას. ამას გარდა შეგიძლია სითბოს მოუმატო ან შეამცირო. იმისდა მიხედვით, თუ როგორი ტემპერატურა უფრო გსიამოვნებს.

— შეიძლება ეს საძილე ტომრები ვნახოთ?

ნუგზარი უხერხულად შეიშმუშნა. მაგრამ კადილამ ხალისიანად თქვა: შეიძლებაო და ნუგზარსაც მოეშვა.

ამ დროს ტელეფონმა დარეკა. კადილამ ყურმილი აიღო, რაღაც ჩასძახა. მაშინვე მამაკაცის ხმა გაისმა. ის ვიღაც ისე ხმამაღლა ლაპარაკობდა, რომ ყრუ, დაგუბებული ბგერები სტუმრებამდეც აღწევდა.

კადილას სახე ნელ-ნელა მოეღრუბლა, შუბლი შეეკრა. ყველანი მიხვდნენ, რომ რაღაც მოხდა.

ბოლოს კადილამ ყურმილი დადო, სტუმრებს გადახედა, რაღაცის თქმას აპირებდა, მაგრამ, ალბათ, უჭირდა. კიდევ გადახედა სტუმრებს და წამოდგა.

— ჩვენ სასწრაფოდ უნდა დავბრუნდეთ უკან. ნურაფერს მკითხავთ, აბა, ვიჩქაროთ.

სტუმრები მაშინვე აიშალნენ.

კიბანში ჩასხდნენ თუ არა, კადილა ვალერისაკენ შებრაუნდა.

— ვალერი, ერთი სერიოზული საქმის თაობაზე უნდა მოგელაპარაკოთ. იმას, რის თქმასაც ახლა ვაპირებ, დიდი მნიშვნელობა აქვს თქვენთვის... და, ჩემთვისაც...

ვალერი დაიძაბა.

— ამ საუბარს მარტო მე ვისმენ თუ სხვებიც უგდებენ ყურს?

— არა, ახლა ჩვენ არავინ გვისმენს, კავშირი გამორთულია.

ვალერის აღარაფერი უთქვამს, დარწმუნდა, რომ კადილას რაღაც დიდი ამბავი უნდა შეეტყობინებინა.

— პარლამენტმა განიხილა თქვენი საკითხი.

— მერე?

კადილამ ძრავა ჩართო და კიბანი ნელა დაძრა. პასუხს აგვიანებდა და ვალერის სისხლი სახეში მოაწვა.

— რა გადაწყვიტეს?

— ცუდი მახარობელი ვარ, პარლამენტმა აკრძალა თქვენი დაბრუნება ხმელეთზე.

— ეს გუშინ მოხდა, არა?

— დიახ, თქვენ მაშინ უსმენდით პარლამენტის სხდომას, საბედნიეროდ, არც ერთმა თქვენთაგანმა ამიტური არ იცოდა და საქმის კურსში არ იყავით, რას ამბობდნენ დეპუტატები. დინაკი სამჯერ გამოვიდა, მაგრამ მოწინააღმდეგენი უფრო ძლიერნი აღმოჩნდნენ.

— მეკატი რომელ ბანაკში იყო?

— მეკატი მოწინააღმდეგეთა ლიდერია. სწორედ მისი დამსახურებაა, რომ დინაკის წინადადება არ გავიდა.

ვალერის თითქოსდა სადღაც შორიდან ესმოდა კადილას ნაღვლიანი ხმა. თვალები ქუჩის გრძელი ნაცრისფერი ზოლისათვის მიეპყრო და ფიქრობდა. კი არ ფიქრობდა, უნდოდა ნათლად წარმოედგინა, რა მოხდებოდა შემდეგ, მაგრამ როგორც კი გონებაში ეს აზრი გაუელვებდა, მაშინვე ტანში ქრუანტელი უვლიდა და ნააზრევ-ნაფიქრალს ველარ ალაგებდა.

— ჩვენ ისევ იმ გზით ვბრუნდებით?

— არა, სხვა გზით.

— რატომ?

— ეს გზა უფრო დაცულია. პარლამენტის ასეთი გადაწყვეტილების შემდეგ, მეშინია, ტერორისტებმა ისევ არ გამოვლონ ცხვირი, შეიძლება ყველაფერი მოხდეს.

— მართალი ბრძანდებით.

— მე არ მითქვამს მთავარი. აზრიანი კაცი ბრძანდებით და უნდა გამიგოთ. ამის შემდეგ თქვენი ყოფნა ამიტოა ქვეყანაში საშიშია. რას იტყობით, გაქცევა რომ მოგიწყობთ... ამ იდეას ახლა ნაჩქარევად გთავაზობთ, მაგრამ სანამ დრო გვაქვს, ყველაფერი უნდა დავაზუსტოთ, ავწონ-დავწონოთ.

— სერიოზულად ამბობთ ამას?

— რასაკვირველია, გულახდილად რომ გითხრათ, ამაზე პირველად მაშინ გავიფიქრე, როცა თქვენ კიბანი მშვენივრად წაიყვანეთ. გახსოვთ ის დღე?

— როგორ არ მახსოვს, სკოლაში რომ მივდიოდით.

— დიახ, სწორდ მაშინ გავიფიქრე, რა იქნება ამ უბედურ ხალხს გაქცევაში ხელი შეგუწყობ-მეთქი. შენ შეგიძლია ამ საქმეს მშვენივრად დაადგა თავი. ხომ არ გეეჭვება?

— არა, ამ მანქანით უნდა გავიქცეთ?

— უდავოდ. მას შეუძლია იქროლოს ვერტიკალურად. აი, ამ ბერკეტს გადაართავ და...

კადილამ გაიხედ-გამოიხედა. მერე ერთ ბერკეტს შეეხო და კიბანი სწრაფად გადავიდა ვერტიკალურ მდგომარეობაში.

ეს ისე სწრაფად მოხდა, რომ ვალერიმ თავი ვეღარ შეიკავა და ბეჭებით უკანა მინას მიენარცხა. იმავე დროს მეორე კაბინიდანაც ატეხეს კაი გვარიანი ბრახუნი.

კადილამ კავშირი ჩართო.

ნუგზარმა იკითხა: რა ხდებაო?

კადილამ უპასუხა: არაფერიც არ ხდებაო და კავშირი ისევ გამორთო.

— დაიხსომე, ბერკეტს დააყენებ ამ გრადუსზე, იგი თქვენებურად 0,01 ნიშნავს. ეს დახრილობა. საკმარისია, რომ შვიდ წუთში თქვენს გემებადღე მიაღწიოთ. მე ვერ გეტყვით, რას მოიმოქმედებენ ამიტები, როცა გაქცევას შეიტყობენ. შეიძლება მოსპონ მეთევზეთა მთელი ფლოტი. შეიძლება ხელთ იგდონ. შეიძლება არაფერიც არ ჩაიდინონ, მაგრამ ერთი რამ კი კარგად ვიცი, სულ ცოტა ორი საათი მაინც გავა, სანამ ისი-



ნი რაიმე გადაწყვეტილებას მიიღებდნენ. ამიტებს არ უყვაროთ
 ნაჩქარევად რაიმე გააკეთონ. ეს დრო—ორი საათი საქმარისი
 იქნება მთელი-თქვენი ფლოტი ნაპირთან რომ მივიდეს. იქ
 ამიტები ნაკლებ საშიში იქნებიან.

— ყველაფერი გავიგე. კარგად მესმის, რაც უნდა გავაკეთო.

— კიბანი დაგხვდება წითელ ოთახში. დღეს თქვენს ბინას უშიშროება არ იცავს. მათ იციან, რომ ამიხობში იმყოფებით.

მანქანას დავაყენებთ თუ არა, მე წავალ. ნახევარი საათის შემდეგ შეგიძლიათ ოპერაცია დაიწყოთ.

— ყველაფერი კარგად გავიგე, მაგრამ მაღარდებს თქვენი ბედი, ხომ შეიძლება ამიტებმა თქვენზე იძიონ შური.

— ნახევარი საათი საქმარისია, რომ თავი შევავარო ისეთ ორგანოებს, რომლებიც შემდეგ ალიბად გამომადგებიან.

— თქვენ ფიქრობთ, დავიჯერებენ?

— მეტი რა გზაა, უნდა დამიჯერონ.

ვალერიმ საეჭვოდ გადააქნია თავი.

— ეჭვობთ ამაში?

— ვერ დავიჯერებ, ამიტები ასეთი გულუბრყვილონი იყვნენ.

— ნუ დარდობთ, მე ჯერ კიდევ მაქვს იმდენი ნდობა, რომ გაქცევის ორგანიზაცია არ დამაბრალონ, ამას როგორმე მოვაგვარებ. მთავარია, თქვენ გააღწიოთ. დაქოქავ კაბინას, მერე თეთრ წრეს დაუმიზნებ, ნელა შეეხები, კედელი გაიხსნება და როცა შენობიდან გამოხვალ, მერე გადართე ვერტიკალურზე. მიეცი მთელი სიჩქარე და მხოლოდ შვიდი წუთის შემდეგ ჩართე მუხრუჭები, გადადი ჰორიზონტალურ მართვანზე. გასაგებია?

— გავიგე, ძვირფასო კადილა. ყველაფერი ძალიან კარგად გავიგე.

როგორც კი კიბანი წითელ დარბაზში შესრიალდა, კადილა სწრაფად გადმოვიდა მანქანიდან და უკანა კაბინას მიაშურა. ბიჭები ზოზინებდნენ და ქალიშვილმა ღია კარში თავი შეეყო.

— ჩქარა გადმოდი, ჩქარა.

როცა ყველანი გადმოლაგდნენ, კადილამ უხერხულად გაიღიმა.

— აბა, ნახვამდის, ძალიან მეჩქარება.

რატომღაც ყველას ხელი ჩამოართვა, დაემშვიდობა და ჩქარი ნაბიჯებით წავიდა.

— კეთილი მგზავრობა, ქალბატონო კადილა! — მიაძახა ვალერიმ. იგი კიბანის კიჩოსთან იდგა და ნაღვლიანად მისჩერებოდა ამიტ ქალიშვილს.

კადილა შემობრუნდა. რაღაც თქვა, მაგრამ, რა თქვა, ეს კი ველარ გაიგო ვალერიმ. ხელი რომ მსუბუქად აიქნია, ნათლად დაინახა და თვითონაც ჰაერში აღმართა მაგრად შეკრული მუჭი.

გასართობ ოთახში შევიდნენ თუ არა, ვალერიმ ბლოკნოტში ერთი ფურცელი ამოხია, მეგობრებს თვალით ანიშნა: ყურადღება იყოსო და ფურცელზე ბატიფეხურით დაწერა.

„პარლამენტმა აკრძალა ჩვენი განთავისუფლება, მოსალოდნელია უარესი ამბები. ნახევარ საათში ჩვენ გავიქცევით კადილას მანქანით“.

ნუგზარი სავარძელში ჩაჯდა და ფურცელი მაგრად დაჭმუჭნა.

არავინ არ ელოდა საქმის ასე ერთბაშად შემობრუნებას. პირმოკუმული მისჩერებოდნენ მეთაურს.

მეთაურმა ჩაახველა და წყნარად თქვა:

— ამიხოტმა ძალიან კარგი შთაბეჭდილება დატოვა. დიდებული ქალაქია, მაგრამ ძლიერ დავიღალეთ, ახლა, მგონი, ყველაფერს აჯობებს დასაძინებლად მოვემზადოთ. გაიღიმა და ვალერის თვალი ჩაუკრა.

მერე მთელი ოცი წუთი თავის ოთახში წრიალებდა, რაღაცებს ალაგებდა, მაგრამ ბოლოს ხელში „დიოსკურიას“ სურათებიღა შერჩა.

ვალერი ფეხაკრეფით შემოვიდა და კართან დადგა. ხელით ანიშნა, უკვე დროაო.

ნუგზარმა თავი დაუქნია, მეც მზადა ვარო.

დერეფანში ანდრო და ვიტალი იცდიდნენ.

ვალერიმ ადვილად იპოვა ის ღილაკი, რომელიც დერეფნისა და წითელი დარბაზის გამყოფ კედელს მაგიურ ძალას ანიჭებდა. კედელი გაიხსნა თუ არა, ერთმანეთის მიყოლებით წითელ დარბაზში გავიდნენ.



მკრთალი შუქი ენთო. ამ შუქის ქვეშ აჩრდილებივით მოძრაობდნენ. იქით, ცენტრში, კადილას კიბანი იდგა. ვალენტინა მანუჩაძე
ქანისაკენ წავიდა და სხვებიც გაიყოლა.

ჯერ უკანა კაბინის კარი გამოაღო და ბიჭებს ანიშნა: კეთილი ინებეთ და შებრძანდითო. ანდრო და ვიტალი გაატარა, ნუგზარი კი შეაჩერა. კაბინის კარი უხმაუროდ მიხურა და კაპიტანი წინა კაბინისაკენ წაიყვანა.

მთელი ეს მოძრაობა აბსოლუტურ სიჩუმეში მიმდინარეობდა.

ნუგზარი ერთ წუთს შეყოვნდა. ფეხი რაღაც რბილს წამოჰკრა. დაიხარა, საცურაო კოსტიუმი იყო და მეტი არაფერი. თავი ასწია თუ არა, იგრძნო, რომ დარბაზი წამსვე გაჩახჩახდა და მაშინვე კიბანის გვერდით ის მახინჯი ორფეხიც შენიშნა, ამიტები მეკატის სახელით რომ იცნობდნენ.

მეკატს შავი კოსტიუმი ეცვა. კოხტად შეკერილი კოსტიუმი მაინც ვერ უფარავდა კუხს. ხელები ძირს დაეშვა და თითქმის იატაკს უწევდნენ, თავი გვერდზე გადაეხარა და მარჯვენა თვალით ტყვეებს ზეჟრავდა.

— წაგასწართ. ახლა მაინც მოკვტებით, მე დავისვენებ. მოკვტებით, მოკვტებით, მოკვტებით... — ნერვიულადა და გაბრაზებით ღრიალებდა.

— მოკვტით! — კიდევ ერთხელ დაიღრიალა და შარვლის ჯიბეში ხელი იტაცა. ის ფარანივით იარაღი ამოიღო.

ნუგზარმა იგრძნო, რომ ყველაფერი დამთავრდა და თვალი გაუსწორა ჯოჯოხეთიდან მოვლენილ იმ შავ არსებას.

ერთბაშად დარბაზის ერთი კუთხიდან რაღაც ცეცხლოვანი შუქი წამოვიდა. ეს შუქი მეკატის მახინჯ თავს დაეცა და თვალის დახამხამებაში ეს დიდი ბურთი ფაფუკი თოვლივით გააღწო.

შავ კოსტიუმში გამოკრული ტანი დაიგრიხა, დაიმანჭა, ბრაგვანით დაეცა იატაკზე და მომაკვდავი გველივით მანამ ილაკნებოდა, სანამ შუქის ახალმა ნაკადმა არ გადაუარა.

— დაბრუნდით თქვენს ბინაში, ყველაფერი დაიდუბა. ამიხოტში გადატრიალებათ, დინაკი მოკლეს, მოკლეს მადინიც. გარეთ ყველგან პატრულია, როგორც კი ვახვალთ, დაგწვავენ, ჩაიკეტეთ. არ ვიცი, რა გეშველებათ. მაპატიეთ, მე უნდა წა-

ვიდე. შევეცდები, კიდევ რაიმე გავაკეთო თქვენთვის. ნახვამ
დის. — კადილა გაქრა.

ნუგზარმა ზიზლით დახედა კუბრივით შავი სითხის პატარა
გუბებს, რომელიც სწორედ იქ იდგა, სადაც წუთის წინ მეკატი
დაეცა და მეგობრებს ანიშნა, წავიდეთო.

დერფთანში რომ შემობრუნდნენ, ვალერიმ ნაღვლიანად
ჩაილაპარაკა, ყველაფერი დამთავრდაო.

— რა თქვი? ამხანაგო ბასილიაი, — კბილებში გამოცრა
მან, — არაფერიც არ დამთავრებულა, ყველაფერი ახლა იწ-
ყება, ამ წუთიდან იწყება, არავითარი წუწუნი. ყველა მეზღ-
ვაურმა კარგად იცის, რა უჯდება კაცობრიობას ოკეანის სტი-
ქიასთან ჭიდილი. ეს არის ყოველწლიურად ბობოქარ ზვირ-
თებში გამჭრალი სამასი ათასი ადამიანის სიცოცხლე. ყველა
მეზღვაურმა იცის, მიდის რა ზღვაში, გარკვეული შანსი არსე-
ბობს, უკან რომ ვეღარ დაბრუნდეს.

ვალერი ოთხად იყო მოკუზული. ნელ-ნელა გაიმართა.

— ჩავთვალთ ისე, რომ ახლაც მორიგი ზვარაკი მიიღო
ოკეანემ.

— ნუ ჩქარობ, ვალერი, ზვარაკი ნაადრევია. ჩვენ ჯერ კი-
დევ არ დაგვიყრია იარაღი. მთავარია ახლა, ამ წუთებში ჯა-
ბანი კაცის სული არ შემოძვრეს სხეულში. მხნედ იყავით,
ბიჭებო!

ანდრო გაბოშვილმა გაიცინა.

— ახლა ყველაზე უფრო მჯერა, რომ ჩემს იგოეთში კიდევ
გავივლი ცვრიან ბალახზე.

გასართობ ოთახში შემოვიდნენ.

ნუგზარი პირველი დაჯდა და თითებს შორის ბანქოს ქა-
ლალდი გაატკაცუნა.

— ამალამ დაძინება არ გვიწერია, დაჯექით, ვითამაშოთ.

მეთერთმეტედ რომ დაარიგეს ბანქოს ქალალდი, რაღაც
ყრუ გუგუნე გაისმა და მაშინვე შენობაც შეინძრა. ისე მაგ-
რად შეინძრა, რომ პრიალა კედლებმა ჭრიალი დაიწყეს.

ნუგზარმა სამი ტუზი ნელა დადო მაგიდაზე და მეგობრებს
გადახედა.

— ალბათ, მეკატის ლაბორატორია ააფეთქეს. ის სადღაც
ახლოსაა.

— რაო? — იკითხა ნუგზარმა.

— შესაძლებელია, მართლაც ლაბორატორია ააფეთქეს, ახლა ტერორისტები და ძველი რეჟიმის მომხრენი ერთმანეთთან ანგარიშის გასწორებას შეუდგებიან. — გაიმეორა ვალერიმ.

ნუგზარს არ უპასუხია, გასუდრული იჯდა. ცოტა უფრო გვიან ის სამი ტუზი აიღო და ჩაილაპარაკა, თამაში განვაგრძოთო.

ეს პარტია დაამთავრეს და ახალიც დაიწყეს. ვალერის ჩამოსვლა იყო, მაგრამ ბანქოს ქალაღდს აღარ ჩამოსულა, რადგან მეორედ გაისმა ყრუ გრგვინვა. ახლა უფრო მძლავრი, უფრო ძლიერი და კედლებმაც კვლავ დაიწრიბინეს საცოდავად.

ვალერიმ თქვა: ჩვენი ეკრანი ხომ არ გაგვეხსნაო.

ნუგზარიც მაშინვე დაეთანხმა, გავიხედოთ ერთი გარეთ, რა ხდებაო.

ვალერიმ ბანქოს ქალაღდი მაგიდაზე დააწყო, მეგობრებს გადახედა და წამოდგა. სამივენი დაძაბულად მისჩერებოდნენ ვალერის. ვალერი კი მშვიდად მივიდა კედელთან და ის ჯადოსნური ღილაკიც მაშინვე იპოვა.

გაისმა ჩუმი შრიალი და კედელმა გახსნა იწყო. როგორც კი ფარი ბუდეში ჩაჯდა, ანდრო წამოდგა. მაგიდაზე გადმოემხო და ხელები ნიკაპს შეუბჯინა. ნუგზარმა ბეჭზე დაჰკრა.

— ახლა საჭირო არაა შენი გიგანტური სხეული გამოაჩინო. ისევ ისე დაჯექი, როგორც აქამდე. გაცილებით აჯობებს. ანდრომ რაღაც ჩაილაპარაკა და დაჯდა.

— შენც დაჯექი, ვალერი, — თქვა ნუგზარმა.

ვალერი სანამ მაგიდის კუთხემდე მიაღწევდა, სკამს გამოედო და კარგა გვარიანად გაახმაურა.

ყველანი შეკრთნენ. აბსოლუტურ სიჩუმეში ეს ხმაური რაღაც ავისმაუწყებელ ტონად შემოიჭრა.

— იქნებ ხმაურის გარეშე შეძლო, — თქვა კაპიტანმა.

ვალერიმ კაპიტანის ხმაში თავშეკავებული სიბრაზე იგრძნო. ბოდიში მოიხადა და უხმაუროდ დაეშვა. ხელში ბანქოს ქალაღდი აიღო. გადმოაბრუნა, დახედა და ისევ მაგიდაზე დააწყო.

ფართო მინის მიღმა ისევ ის ნაცნობი პეიზაჟი ჩანდა. გა-



ნიერი, ნათელი ხეივანი, ქვემოდან წამოსული შუქის სვეტები, გრძელი სამსართულიანი შენობა და ლამაზი ყვავილნარები. ყველაფერი ისევ ძველებურად იდგა. დაძაბულ სიტუაციას არაფერიც არ შეეცვალა.

ხეივანში რომ მარტოხელა ამიტი გამოჩნდა, ყველას გაუკვირდა: ეს გზააბნეული საიდან მოსულაო, ქვეყანა იქცევა, ეს კი ხეივანში სეირნობსო.

იმ მარტოხელას ალბათ ცა ქუდად არ მიაჩნდა და დედამიწა ქალამნად. ნელა გამოლია მთელი ხეივანი და როცა ყვავილნართან მოვიდა, მხოლოდ მაშინ შებრუნდა, იმ სამსართულიანი შენობისაკენ გაცურა.

ეს თავზეხელაღებული არსება წყლის ამიტი გახლდათ. ლურჯი რეითუხი ეცვა მხოლოდ და მეტი არაფერი. სანამ სამსართულიან სახლამდე მიაღწევდა, გზაში ერთი მასავით გზააბნეული ტიპი შემოხვდა და ქვეყნის დაქცევის წინა წუთებში შუა ხეივანში მშვიდობიანი მასლაათი წამოიწყეს.

სანამ ისინი ჯალაბობას მიიკითხ-მოიკითხავდნენ და ენასაც ჯაფას არ მოაკლებდნენ, ხეივნის ბოლოში კარგა მოზრდილი წერტილი გამოისახა. წერტილი სწრაფად იზრდებოდა და ყველა მიხვდა, რომ კიბანი მოდიოდა. სულ რაღაც წამებში კიბანი ყვავილნართან გაჩნდა. მძლოლმა მოტვლებილი ადგილი შეარჩია და მანქანაც იქ დასვა. იქიდან ოთხი ამიტი გადმოვიდა. ჯერ ბუჩქნარები გაჩხრიკეს, მერე მინას მოადგნენ და...

ნუგზარმა ხმადაბლა თქვა: ფეხი არ მოიცვალოთო. ოთხივენი დაძაბული ისხდნენ მაგიდასთან და მინის იქით გახედვასაც ვერ ბედავდნენ. ნუგზარმა მხოლოდ მაშინ გაიხედა, როცა ოთახში გარედან შუქის მძლავრი ნაკადი შემოიჭრა. კაპიტანი მიხვდა, რომ ეს კიბანის პროექტორი იყო. შუქმა მხედველობა დაუქვეითა, ახლა ამიტებს ველარ ხედავდა. ამიტები მხოლოდ მაშინ შენიშნა, როცა პროექტორი ჩაქრა. ისინი კიბანის გვერდით იდგნენ. მალე მათ კიდევ ის ორიც შემოემატა, ხეივანში რომ მასლაათობდნენ. ექვსთა თათბირი სწრაფად დამთავრდა, ოთხი ამიტი ისევ კიბანში ჩაჯდა. ორი კვლავ სამსართულიანი შენობისაკენ გაცურდა. კიბანიც დაიძრა და საიდანაც მოცურდა, ისევ იქით გაუტია.

— ჩვენ დიდებული დაცვა გვაქვს, — თქვა ვალერიმ.

კაპიტანმა ქვემოდან ახედა.

— ალბათ, ასეა საჭირო.

— ვგრძნობ მათ დიდ ყურადღებას, — ჩაიქილიკა ვალერიმ და ბანქოს ქალღმერთს მისწვდა.

— ხომ არ განვაგრძობთ თამაში?

ნუგზარმა ის იყო პირი დაალო და რაღაცის თქმა დააპირა, რომ გარეთ საშინელი გრიალი გაისმა. შორს თვალსაწიერი სულ წითლად შეიღებდა.

ოთხივენი მინასთან აღმოჩნდნენ.

ის წითელი ფერი სულ დიდდებოდა და დიდდებოდა, მალე მთელი ჰორიზონტი მოიცვა.

— ნეტავ რა ხდება? — გაისმა ანდროს შემკრთალი ხმა. ვალერიმ ჩაახველა.

— მეკატის ლაბორატორია იწვის.

— რაო? — იკითხა ნუგზარმა.

ვალერის წარბიცი არ შეუხრია, ისევ ისე მტკიცედ გაიმეორა:

— მეკატის ლაბორატორია იწვის.

— საიდან იცი ყოველივე ეს?

ვალერი შეიშმუშნა, გაიხედა-გამოიხედა და მერე ძალზე ხმადაბლა თქვა:

— კადილამ მითხრა: მეკატის ლაბორატორიები თქვენგან ჩრდილო-დასავლეთით მდებარეობენ. მათ უზარმაზარი ტერიტორია უკავიათ. ახლა სწორედ ეს ლაბორატორიები ააფეთქეს, როგორც ჩანს, ტერორისტებს არც ისე კარგად აქვთ საქმე, მათაც მაგრად უტევენ.

— ეს საიდანღა იცი? — ჰკითხა გაბოშვილმა.

— არც ერთი ტერორისტი მეკატის ლაბორატორიას ხელს არ აწლებდა. ეს მთავრობის ჯარების საქმეა.

— ღმერთმა ხელი მოუშაროთ, იქნებ როგორმე წესრიგად აღადგინონ, — თქვა ვიტალი შლიახოვმა.

— როგორც ჩანს, არც ისე უჭირთ, ჩვენი დაცვისათვის ხელიც არ უხლიათ. ძალიან რომ გასჭირვებოდათ, ამ დაცვასაც გაიძახებდნენ.

ვალერი თავის სავარძელში ჩაჯდა, თავი საზურგეზე გადააგდო და თვალები დახუჭა.



ამის შემდეგ მთელი საათნახევარი გავიდა აბსოლუტურ მყუდროებაში. საათნახევრის შემდეგ კი, ისე შეინძრა შენობა, რომ არავის არ ეგონა, თუ ოკეანე არ გადალეკავდა. სინათლე ჩაქრა და წყველიაღში ვიტალის შემკრთალი ხმაც გაისმა.

— რა მოხდა? — იკითხა მან.

ვიტალის ხმას ტელეფონის ზარიც მოჰყვა, ნუგზარის ოთახში რეკავდნენ. ნუგზარი სიბნელეში გავარდა, როგორც იყო ოთახის შესასვლელიც იბოვა და მერე ყურმილსაც მიაგნო.

— მე ნატეს დედა ვარ, კადილას და. ამიხოტში დიდი მიწისძვრაა, დედაქალაქი დაიქცა... დაიქცა ამიხოტი. კადილა იქ წავიდა, ყველანი წავიდნენ... ახლავე კიბანით მოვალ, მოემზადეთ, მგონი, თქვენი გადარჩენა შეეძლო.

ნუგზარმა ყურმილი დადო თუ არა, შემობრუნდა. ვერავის ვერ ხედავდა, მაგრამ გრძნობდა, რომ ყველანი იქვე იყვნენ, ორ ნაბიჯზე და კაპიტნის განკარგულებას ელოდნენ.

— ამიხოტი დაიქცა, — თქვა მან ნაღვლიანად, — დაიქცა მსოფლიოს უნიკალური ქალაქი....

მოემზადეთ, მგონი, ჩვენ მივალწიოთ ნამიბიამდე.

— ვერაფერს ვხედავ! — თქვა ანდრომ.

— ახლა მთავარია სმენა! — თქვა კაპიტანმა და ფეხებში გამობლანდული სკამი გვერდზე გააჩოჩა.

ცოტა ხნის შემდეგ დერეფანში მკრთალი, შუქი გამოჩნდა. ოთახში ვიღაც ლამაზი ქალი შემოვიდა, მას ხელში ფარანი ეჭირა.

— მე ვარ, ნატეს დედა, — თქვა მან.

ეს ხმა ძალზე ნაცნობი იყო, ნუგზარი მიხვდა, რომ სწორედ ეს ქალი აერთებდა ტელეფონით კადილასთან.

— ამიხოტი ინგრევა, თქვენც დაილუპებით, თუ ახლავე არ უშველეთ თავს. მე არა მაქვს განკარგულება თქვენი გაშვებისა, მაგრამ ახლა აქ არავინაა, ყველა გაიქცა, მარტო მე და ნატე დავრჩით. გადავწყვიტეთ, გაგიშვათ. ახლავე ჩასხედით მანქანაში.

ქალს უჭირდა ქართულად ლაპარაკი. იგი სწრაფად შემობრუნდა და დერეფანში გავიდა, მას მეზღვაურებიც გაჰყვნენ. კადილას და ჩქარა მიდიოდა, ნერვიულად ხსნიდა კარებს. ბოლოს ლიუციც გახსნა და ქალმა ფარანი მანქანაში შეანათა.

— იჩქარეთ.

ნუგზარი მანქანაში შევიდა თუ არა, წინ ჩადგმულ მანქანაში გაიხედა. საჭესთან ნატე იჯდა. მის სახეზე ნუგზარმა დიდი შიშის და მღელვარება ამოიკითხა.

— სად მივდივართ? — ამოიჩურჩულა ვალერიმ.

— გაჩუმდით! — გაისმა ნუგზარის ხმა.

ქალი ნატეს გვერდით გამოჩნდა თუ არა, მანქანა შენობას მოსწყდა და სწრაფად აიჭრა ზევით. იგი თითქმის ვერტიკალურად აღიოდა და ნუგზარი და მისი მეგობრები მაგრად მიეჯაჭვნენ სკამებს.

სუნთქვა უჭირდათ, თითქოსდა მკერდზე რაღაც მძიმე, უხეში საგანი ედოთ და მოძრაობის საშუალებას არ იძლეოდა.

უკან, შორს, ძალზე შორს რჩებოდა დანგრეული ამიხოტი, ოკეანის ლიანებით დაფარული ტყეები, გიგანტური კალმარები, კიბორჩხალები, ომარები და კიდევ ათასი რამ, რაც ამიტებს მოაგონებდათ.

ნუგზარმა ერთ წუთს თვალი შეავლო ქანდაკებებივით დაღუმებულ თავის მეგობრებს. გაიფიქრა, რომ ეს ბიჭები, რაღაც დიდის მოლოდინში, დაძაბული ითვისდნენ ცხოვრების მძიმე წუთებს.

ადიოდნენ და ადიოდნენ. გზა არ თავდებოდა და როცა ოკეანის ფხელ შრეებში მზის შუქის პირველი სხივები იგრძნეს, სული მოითქვეს.

— ჩვენ არ დავღუბულვართ, — სიხარულით თქვა ნუგზარმა და მაშინვე მარად უკვდავი, დიდებული მზეც გამოჩნდა. მზის თბილი, სიცოცხლისმომცემი სხივები აკიაფდნენ ამიტთა მანქანაზე. მანქანა ახლა ოკეანის ზედაპირზე მიქროდა იქით, საიდანაც მეთევზეთა გემებისაგან გაჭვარტლული ცა ჩანდა.

Чачи-нидзе Родам Илларионович

ПАДЕНИЕ АМИХОТА

(На грузинском языке)

Детгюниздат Грузинской ССР

«Накадули», Тбилиси, 1976

რედაქტორი ნიმა ანთელავა

მხატვარი დ. გრიგოლია

მხატვრული რედაქტორი გ. ლლონტი

ტექნიკური რედაქტორი ლ. ქვარცხავა

კონტროლიორ-კორექტორი ლ. სულთანისვილი

კორექტორი თ. ენდელაძე

გამომშვები ვ. ვახტანგაძე

გადაეცა ასაწყობად 5/1-76 წ.

ხელმოწერილია დასაბეჭდად 20/IX-76 წ.

ანაწყობის ზომა 5,5×9

ქაღალდის ზომა 84×108¹/₃₂

ნაბეჭდი თაბახი 17,64

საადრიცხვო-სავაგომცემლო თაბახი 16,16

ტირაჟი 10.000. შეკვ. № 406

ფასი 63 კაპ.

გამომცემლობა „ნაკადული“, თბილისი,

მარჯანიშვილის ქ. № 5

Издательство «Накадули»

Тбилиси, ул. Марджанишвили № 5

საქართველოს სსრ მანისტრთა საბჭოს გამომცემლობათა, პოლიგრაფიისა და წიგნის ვაჭრობის

საქმეთა სახელმწიფო კომიტეტის სტამბა № 1,

თბილისი, ორჯონიკიძის ქ. № 50.

Типография № 1, Государственного комитета Совета Министров Грузинской ССР по делам издательств, полиграфии и книжной торговли, Тбилиси, Орджоникидзе № 50.

262.701
3
ՀԱՅԿԱՅԱՆ
ՆԱԽԱՐԱԾՅՑ

